


ИВАН ИЗЪЮРОВ

САМДАТЛӨН ТУЙ






КОМИ КНИЖНОЙ ИЗДАТЕЛЬСТВО

Сыктывкар 1980

ИВАН ИЗЪЮРОВ

САМДАТЛОН ТУЙ



ПОВЕСТЬ
ВИСЬТЪЯС
ОЧЕРКЪЯС

1930 — 1931
М. 33 — 34

С (Коми)
И 39

Изьюров И. В.

И 39 Салдатлӧн туй. Повесть, висътъяс, очеркъяс. —
Сыктывкар: Коми книжнӧй издательство, 1980.
192 л. б.

Нималысь коми писатель-фронтовиклӧн Иван Васильевич Изъюровлӧн книгаӧ пырисны Великой Отечественной война йылысь гижӧдъяс, кӧнӧ петкӧдлӧма вӧвлӧмторъяс, кодъясысь упалаын ачыс авторыс участвуйтис. Уна-уна восайсяыс сувтӧ лыддъысьысь син водзӧ ловъя, кыпыд, ясыд серпасӧн, кодӧ бӧйбӧдӧ сьблӧмсӧ и авторыслысь, и ветеранъяслысь, и гижӧдъяснас тӧдмасьысь том йӧзлысь.

С (Коми)

И $\frac{70303 - 026}{M 128 (03) - 80}$ 22 — 80 м

© Коми книжнӧй издательство, 1980.



1. ИВАН ТИШИНЛОН МЕДАЛЬ

еськыда шуа: Тишинсянь тайӧс некод эз виччысь. Косӧдіник, зэв рам, арлыда, сійӧ пыр вӧлі сайын. Землянкаын надзӧник йӧжгылясьӧ кӧнкӧ пельӧсын, оз и тыдав. И сёрни сылӧн оз кыв. Быттьӧ взводын абу сэтшӧм мортыс.

Лейтенант Гордеев унаысь шуліс Тишинлы:

— Мый тэкӧд мӧда вӧчны? Кыдзи ме тэкӧд бояс пета?

Лейтенант том на, и сы водзын Тишин быттьӧкӧ бать. Тишин дзик на неважӧн воис миян взводӧ, бойын эз на вӧв.

И кор кутісны чукӧртны йӧзӧс санитарнӧй взводӧ, Гордеев кокниа торйӧдчис арлыда салдаткӧд. Тишинӧс эз ёна жалитны и взводын: нинӧмӧн на эз и петкӧдлы, мед сійӧс радейтны. Тӧдім сӧмын: Тишин нэмсӧ вӧвъяс дінын уджавлӧма, гашкӧ, сы вӧсна и кыв-ворыс бырӧма.

* Тайӧ дженъидик висътъяссӧ гижӧма 1943—1945 воясын Карельской фронт вылын. Кодсюрӧсӧ сэки жӧ печатайтӧма фронтӧвӧй газетъясын роч кыв вылын да лыддьӧма Сыктывкарын радио пыр. Оригиналъясыс менам эз кольны, ӧткымынъяс кындзи. Висътъяссӧ восстановитӧма память серти. Автор.

Мичман Криничный весиг шмонитыштіс:

— Мед бара вѳвьяс дінын матынджык лоѳ, ездѳ-
вѳйѳн...

И друг кывсис: Иван Тишинлы медаль сетѳмаѳсь!
Кызкѳ паныдаси тѳзкакѳд, юалі медаль йывсьыс.
Кызди, мися, мыйьсь.

— Чуктѳма тай и менам пай вылѳ,— серѳктыш-
тіс Тишин. Сѳрнитіс сійѳ сідзи, быттьѳ шмонитіс ас
вылас.— Юалан, мыйьсь? Тѳ тѳдан, ме морт сѳ-
тшѳм: оз кѳ чукѳстны, нырѳс некытчѳ ог сюй. Мися,
аддзасны небось, кутшѳм ме морт. Шулывлѳны тай:
бурджык сѳрѳн пырны, мед оз ковмы кадысь водз
да ещѳ бѳрѳн петны. Некодлы йикиѳн синмас эг
сатш, и лежнѳг йылѳн паськѳмас эг пысась. Пыр
гѳгѳр дзорьялѳмѳн олі, йѳзысь омѳльджыкѳн эг жѳ
кѳсйы лоны. Воас, мися, кад, тыдовтчас. Кыв вылад
унаѳн збойѳсь, а видзѳдан да, аслас юрыс медся
дона.

Тѳ ачyd тѳдан, наступайтны ми петім асывво-
дзын, муртса лѳзьюгыд тѳдчыштіс. Миянлы старши-
на шуис: отсавны ранитчѳмьяслы, петкѳдны найѳс,
асьныс кѳ оз вермыны. Пуляясыд уна лѳбалѳны,
кодлыкѳ да инмас. Сытѳг война вылад оз овлы. Ми
ѳрткѳд кыкѳн. Кодар сетчыны? Гѳгѳр грымакылѳ,
ѳта-мѳдлысь сѳрни он велав. Дерт, полан. Кодлы
окота кувны? Кыла, чуньясѳй тіралыштѳны, но кут-
чыся.

— Мунам водзѳ,— шуа ме ѳртлы.

— Кытчѳ?— юалѳ сійѳ.

— Сѳтчѳ,— кинам инда водзѳ, кодарланьѳ йѳзыс
саялісны.

И мѳдім. Кыті бауѳн кыссим, кыті котѳртыштім.

Думайтны уна некѳр, колѳ виччысьны пуляясь.
Кианым карабиньяс, но кытчѳ лыйлыны? Меным
лун-мѳд водзджык письмѳ воис воксянь. Сійѳ лун-
вылын, фронт вылын жѳ. Гижѳ: ас синмѳн пѳ аддзы-
лі, мый вѳчѳ фашистыд.

Аддзим өти раненёйёс. Қыссыё надзёник. Кёрталім, водзё мёдөдім. Киис ранитчёма, мунны вермё.

Ещё кыссим водзё, сетчим веськыдыв. Қазялім: бура ылын мянсянь, ляпкыдик кустьяс сайсянь, сідзи и резёны автоматьясыс. Тыдалё, кыкён. Пуляяс мян гөгөр шутьлялёны. Кыс татчё фашистьясыс веськалёмаёсь? Сэсся казялім: неылын куйлё мян салдат да автоматыс жё воча лыйлё кустьяс саяд куйлысыс кузя. Қазяліс мянёс, горөдіс:

— Колё мыш выланис петны да сэсянь... Ме ог вермы — кокёй ранитчёма...

Колё шуны, менам тасма ылын өшаліс кык граната. Пу воропа тай коді. И запальясыс зептын матын. Петігён босьті, гашкё, мися, ковмас...

Помнита: ылын югьяліс нин шонді, асылыс мича. Сувтны эськё кок ылө, мунны ас осьласён шор дорё да мыссыны кодзыд ваён, чышкыны чужём ыввсыд нылөмтө. Но он тай вөч тайёс.

Ранитчём салдатыд видзөдліс ме ылө, сылөн синьясыс ёсь пуртөн быттьө вундісны менө, тшөктісны.

Вель дыр меным ковмис кытшовтны, кыссыны, му бердас ляскысьөмөн. А муыс кодзыд, небыд, лысваа. Шынельёй дзыкөдз вазис. Ылысянь аддзи фашистьясыдлыс гырыс югыд көрт тувьяса көмкөт пыдөснысө. Некоднаныс бөрвыв оз видзөдлыны.

Сибөдчи, кыски зептыс запальястө, суйи гранатаад, шыбиті. Виччысьышти здук, мөдсө шыбиті. Ачым ещё думышти: ог кө ме ви найёс, найё менө виасны.

Кылісны взрывьяс. Өти дай мөд. Син водзті лэбисны му комокьяс, нитш ёкмыльяс...

— Со и ставыс,— ышловзис Тишин.— Бөр кысси ранитчём боец дінад. Эг весиг видзөдлы гатшён червидзыс фашистьяс ылад. Ёртёй көрталёма нин ранитчөмыдлыс коксө.

— Молодеч, санитар!— ошкыштіс сійö менö.— Тадзи и колö... Öнi вай отсыштöй неуна. Эсiйö вөр діас кык бедь вöчöй. На отсөгөн кызкө ме ачым. А ті водзö мунöй, ме кодьяссö корсялöй...

— Тадзи и артмис менам,— шуис Тишин.— Быдөн эськө тадзи, ме местаын кө... Мыйла меным медальсö... Абу и лөсьыд салдатьяс водзын...



2. КЫК ДРУГ

одкө быттьökө нуөдіс көдзыд киөн Мосинлы чужөм кузяыс. Восьтіс синсö. Еджыд бобувьясөн син водзас бергалісны лым чирьяс, чужөм вылас веськалөм бöрын сылісны. Тыдалö, найö и садьмөдісны.

«Мый мекөд?»— пыр жö воис юрас.

Казьтыштіс: найö Мезенцевкөд вöліны кыкөн, мунісны гөрәті, корсисны телефоннöй кабельлысь орөмин. Мезенцев — водзын, сiйö — Мосин — сы бөрвылын. Неыджыд гөп бокті мунігөн Мосинлы син улас уси ыджыд руд из, налөн туй шöрын дзик. И мыйөнкө тайö изйыс Мосинлы эз во сьөлөм вылас. Быттьökө сiйöс кодкө татчö нарошнö быгыльтөма. Но та ыжда изтö быгыльтны эз вермыны, ковмис эськө некымын морт.

«Юрий!— көсiйс горөдны Мосин.— Виччысь!» Эз удит: из сайысь сувтісны кыкөн, уськөдчисны воча. Мосин удитіс казьявны уськөдчысьяс вылысь рудвиж дженьыдик курткаяссö сöмын. Да ещö кыкнанныслысь шармунөм паськыд синьяс.

Мый вöлі водзö — оз төд.

И со, өтнас... Чукөртіс вынсö, кыпөдчыштіс гырдазла вылас. Веськыд боксьяс кыліс терпитны позь-

тѳм дой, муртса эз горѳд. «Сідзкѳ, телефоннѳй линия кыткѳ орѳдѳма таті, и найѳ Мезенцевкѳд веськалісны засада вылѳ,— воис вежѳрас.— А боевѳй охранениеын найѳс виччысьѳны».

Мосин выныштчис став эбѳснас, пуксис. «Эк, подводитім ѳртъясѳс, и Мезенцевѳс тшѳтш, эг казав водзджык,— Мосин чышкыштіс чужѳм вывсьыс лым чиръяссѳ. Автоматыс, кылѳ, куйліс улас.— Мый водзѳ вѳчны?»

Сувтіс кок вылас, кяс босьтіс кок дінтіыс кыссьыс телефоннѳй кабельсѳ. Орѳминыс тані и вѳлѳма, дзик орччѳн. Проводсѳ вундѳма, помъяссѳ шыбитѳма бокѳ.

Кыис дрѳжжитіс, но Мосин вермис йитны кабелі помъяссѳ. Телефон аппаратыс Юрий ордын, сѳрнитны ѳртъясыскѳд эз вермы. «Сідзкѳ, рудвиж курткаясыс век жѳ вуджѳмаѳсь кыткѳ, и миян некод эз казавлы»,— думайтіс водзѳ Мосин. Та йылысь оз тѳдны и батальонса штабын. Код тѳдас, гашкѳ кымынѳн пырѳдчисны да ещѳ водзѳ мунісны. И мый на оз вермыны вѳчны найѳ?

Мосин бѳр локтіс из дінѳ, код сайсянь сы вылѳ уськѳдчисны фашистъяс. Видзѳдѳ да, кыкнан рудвиж курткаясаыд куйлѳны из саяс, нырнаныс нитшкас сутшкысьѳмѳн кымынѳн. Лѳзѳдѳм кияснаныс найѳ топѳдѳны автоматъяснысѳ. Тыдалѳ, Юрий удитѳма век жѳ лѳдзны ѳчередь аслас автоматысь, кыкнансѳ водтѳдѳма. Но кѳні сійѳ ачыс?

Мосин уськѳдчис Юрий дінѳ. «Кын? Кулѳма?»— повзис ачыс. Разис Мезенцевлысь ватник кизьяссѳ, суйис кисѳ морѳс бердас. Чуньясыс кылісны, кызди надзѳник-надзѳник тіпкис другыслѳн сьѳлѳмыс. Муртса кывмѳнъя. «Ловъя!»— радлыштіс ас кежсьыс, и сьѳлѳм вылас лон кокниджык.

Сѳки Мезенцев восьтіс синъяссѳ.

— Тѳ?.. Ловъя?— шѳпнитісны паръясыс.

Мосин босьтіс другыслысь сьѳктаммѳм тушасѳ

мыш саяс, мөдөдчис сійө туй кузя, кыті неважөн на локтісны.

Абу нин сэтшөм ылын боевөй охранениеныс асланыс. Вөлисти казяліс Мезенцевлөн бокас бовъялысь телефон аппаратсө. «Йөй ме дзик,— думыштіс.— Колө жө йитчывны ёртъясыскөд». Пуктіс Мезенцевлысь тушасө нитш вылө, и сэки аддзис Юрий ки вылысь часісө. Видзөдліс сы вылө. Кадыс — өкмыс час. Найө туйө петлісны квайт часын. Сідзкө, кадыс кольөма куим час.

— Алло!.. Алло!— недыр мысти горзіс нин телефон трубкаө Мосин.— Тайө — ме... Төдід гөлөсөс?.. Вєськалім засада вылө. Кыкнанным ранитчим. Виччысыам отсөг, локтөй кабель пөлөн...

— Кылам... гөгөрвоим...— вочавидзисны воча.— Йөз петісны, виччысьөй.

Көть Мосинлөн веськыд бокыс ёна доймис, сійө терпитіс. Ёртъяс вот-вот аддзасны найөс, отсаласны водзө мунны.

Виччысьны Мосин эз мөд: бара босьтіс Мезенцевөс мыш вылас, мөдөдчис другъясыслы воча.

Гөгөр вөлі лөнь. Пуяс мездөдчөмаөсь нин гожся веж паськөмысь, сулалісны вөрзъывтөг, быттьөкө мыйөнкө көсийсны жө отсавны кык салдатлы.



3. МАМ

фрейтор Тынбай оз, вөлөм, лөсьөдлы ассяныс. Миян син водзын бура ыджыд эрд вылын сьөдөдісны керкаяслөн пемыд вуджөръяс, кажитчисны гажтөмөн, весиг шуштөмөн. Оз вермы лоны гажаөн тыртөм керка, кодөс олысьясыс энөвтөмаөсь. Ми сулалім

нѣльѳн ляпкыдик сопка бокин пѳрысь коз улын. Еджыд халатъяс ѳткодялісны миянлысь мыгѳръяс лым эжыскѳд. Вылын, кажитчѳ коз йылын дзик, дзирдаліс тѳлысьлѳн кытш джын, сѳдз енэжын пѳртмасисны-ворсісны кодзувъяс.

Нинѳм эз торк лѳньлунсѳ.

— Некод абу,— не то юалис, не то висъталіс Тынбай сержант Каневлы, бура дыр видзѳдѳм бѳрын.— А тѳрыт на ѳти керкаысь, эсіѳѳ медся дорсасъяс, петіс тшын...

— Гашкѳ, эз и вѳвны?— серѳктыштіс Канев.

Тынбай — эвенк, быдмѳма кѳнкѳ мусюр йылас, сибирса войвылын, кѳні и вѳрыс прамѳя абу. Тѳлын пасъталаын еджыд лым эшкын, а гожѳмын — нитшка да васѳд тундра. Косѳдіник, челядьлѳн кодъ том чужѳма, сьѳд синъяса, Тынбай вѳлі мича челядьлѳн кодъ чужѳмнас, и арлыдаджык салдатъяслы сіѳѳ казътыліс гортсѳ, сэтчѳ кольѳм пьянсѳ. И гашкѳ сы вѳсна, мый Тынбай — эвенк, и сэтшѳмыс сѳсся мѳд эз вѳв, Тынбайѳс взводын радейтісны быдѳн рѳднѳй пиѳс моз. «Ачым ме вѳзйыси фронт вылас, ѳна кори мѳдѳдны», — висъталіс Тынбай, кодлысь и овсѳ ми эг тѳдѳй. Ичѳтдырсянь вѳралысь, сіѳѳ велалѳма аслас ружье дінѳ, и ѳні быд прѳст здукин весалѳ ли прѳстѳ малалѳ ассыс автоматсѳ. А то ещѳ корас кодлыськѳ да радпырысь весалас.

— Весиг бѳрдъысь кагаыс кытчѳкѳ пышйис?— Водзѳ нюмъялѳ Канев.

Тынбай чѳв оліс. Оз кѳ эскыны сылы — мед и оз, нинѳмла ѳтиторсѳ витысь дольны.

Делѳыс сыын, мый тайѳ керкаяс дорас волѳмаѳсь разведчикъяс, а накѳд тшѳтш и Тынбай, тѳдмалѳмаѳсь: тайѳ энѳвтѳм керкаясас олѳны сѳмын ѳтиын — меддорсаас. Сѳні лун и вой ломтысис пач, ѳшинь улас дом йылын котраліс ыджыд да лѳк рыжѳй пон, а асывводзьясын керкаысь петалисны мыссыны улич вылѳ куим немеч. Найѳ киськалісны

өта-мөд выланыс көшысь ва, горзігтыр зырасисны
лымйөн да өдйө бөр пырлісны, тойласигмоз. Кер-
каысь ещө кывлывліс ичөт кагалөн бөрдөм, и киль-
чө вылас петавлывліс нывбаба. Шалльөн гартчөма,
ылысяньыд он төд — пөрысь ли том. Восьлас-вөрас
сертиыс кө, абу на зэв пөрысь. Öнi мян водзын су-
лаліс мог — кватитны тайө керкасыыс ловйөн көть
өти немечөс, мед төдмавны, мый найө тані вөчөны.
Тыдалө, тані фашистьяслөн кутшөмкө пост. А та-
лун меддорса керкаысь некутшөм тшын эз пет.

— Мед и абу некод, а пыравны колө. Гашкө, ку-
тшөмкө кок туй колисны,— кыв көрталіс Канев.

Гырысь козьяслөн вуджөрьяс отсалісны мянлы
матыстчыны керка дінөдз. Кыкөн сувтісны кильчө
улө, лөсьөдісны гранатаяс да автоматьяс. Канев да
Тынбай кайисны кильчө вылө.

Кылө, дзуркнитіс керка өдзөс. Пемыдсө поткөдіс
электрической фонариклөн югөр.

— Хенде хох!— горөдіс Канев, кыпөдіс юр весь-
тас сьөд гранаталысь ёкмыльсө.

Сап пемыд керкаын некутшөм шы эз кыв.

Видзөдлісны кывтө, кайлісны паччөрө, и сэтысь
аддзисны мортлысь руд мыгөр: кын каля изьясөн
разведчикьяс вылө видзөдісны синьяс!

— Хенде хох!— выльысь горөдіс Канев.

Руд вуджөрыд эз вөрзъыв. Пыр өтмоза дзоргис-
ны-видзөдісны төдтөм йөз вылө көдзыд синьяс.

— Тайө — көзьяйкаыс!— шуис Тынбай.

Вуджөрыд сувтіс. Сы вылын рот ёкмыльөн өша-
ліс важ паськөм.

— Коді ещө эм тані?— нывбабалысь юаліс Ка-
нев.

Нывбаба веськодя видзөдліс юалысь вылө, сэссия
кызкө тешкодя, нюжйөдлөмөн, шыасис сибдөм гө-
лөсөн:

— Вөліны — мунісны, менам Володя бөрся вөт-
чисны...

«Абу ас вежора ли мый?»— думыштіс Канев.

— Шонтысьыштны тані позяс?— юалис Канев.— Шойччыштны...

— Оні та йылысь оз юасыны,— важ мозыс жө нюжйөдлөмөн вочавидзис нывбабаыд.— Со тай: мый дыра шонтысисны-шойччисны...

Канев тшөктіс Тынбайлы петавны кильчө вылө, корны ывлаө колысьясөс керкаас. И кор найө пырисны, разисны кизьяс да пуксялісны пызан гөгөр, Канев бара шыасис көзьяйка дінө:

— Эн лёкав миян вылө, бабушка. Ми ас йөз, абу фашистьяс...

— Бабушка, шуан?— друг быттьөкө кыткө ори нывбабалөн, и гөлөсыс ёсьмис.

Нывбаба сувтіс, вештіс юр вывсьыс кышөдсө. Юрсиясыс еджыд дзорөсь: көть синъясыс дзирдалисны томлөн моз. Эз чусавны, эз вөвны кодзыдөсь, өнтая моз, а өзйисны, и заводитіс висьтавлыны:

— Локтісны найө татчө дас куимөн... Дас куим чөрт, кызди асьнысө нимтісны. Томөсь, вынаөсь... Кианыс өружие. Öти на пиысь, дерт, көнкө медся ыджыдыс, заводитіс горзыны миян вылө. А мый горзіс — бура ог төдөй. Гөгөрвоим сөмын: юасис мужикъясным йылысь, нимтіс партизанъясөн, грөзитчис лыйлыны ставнымөс. Сьөкыд висьтавны, мый сэсся вөлі. Қоймөд луннас ме коли өтнам аслам Володякөд. Мукөдьяссө кодөс нуисны кытчөкө, кодөс виисны. Менө гашкө сійөн и колисны — көзьяйка пыдди. Овмөдчисны миянын куимөн, радио сувтөдісны... Вой-вой сы дінын пукалөны, мыйкө кывзөны...

Нывбаба пыдісянь ышловзис.

— Бабушка, шуад! А тайө бабушкаыслы нелямын абу. Сьөкыд висьтавны, мый вөчисны зверьясыд... Қызди сэсся найөс мөд ног шуан? Володя менам бура дыр висьөдчис. Қынмыштіс, тыдалө, коркө. Кагалөн бөрдөмыс дөзмөдіс найөс. И вот, ко-

льом войо на пиысь оти вирскөбтис узянинсьыс да лёкысь нетшыштис морос бердысь кагаос. Сэссия сой пөлдөдыс кутөмөн швачкис-кучкис ичотик юрсө пач пельөсө... Мортъясөн өмөй татшөмъяссө позьө шуны? Зверьяс тадзи поснияскөд оз вөчны...

Нывбаба пуксис пызан пельөсө, сыркъялөмөн бөрдис.

— Кутчысь, мам!— сьөлөмсяныс шуис Канев.— Синванад шогтө он чинты. Ставсьыс водзөс босьтам! А куимыс талун мунисны? Эк, эг удайтчөй!..

Нывбаба сувтис, веськөдчис, индис көтшас пельөсө.

— Эз, найо эз муны!— кызкө пөдөм гөлөсөн, муртса кывмөнъя вашкөдис нывбабаыд.— И некор оз муны. Менам ки помысь жө туйнысө асьыныс помалисны, мынтысисны ас олөмнаныс менам пиысь...

Канев матыстчис көтшаслань, вештис пельөссьыс джодж вольөс чукөр.

— Аттьө, мам!— шуис сэссия сержант.— Мунам миянкөд! Кутам тышкасьны звермөм фашистьяскөд, миян челядь вөсна!

— А тайөясөс?— индис нывбаба куим шой вылө.

— Вөчам ставсө сидз, кызди колө!.. А питө тэнсьыд гуалам джуджыд пожөм улө. Мам морос пыди сийөс мөдас шонтыны аслас рөднөй муыс. И паськыд тугана пожөм мөдас сьывны сөстөм вир йылысь, кодөс юисны вир сөйысьяс...

Недыр мысти вөрө пырисны витөн. Бөраныс налөн яр биөн тшыналис меддорса өтка керкаыс. Нывбаба моздорас нуис асьыс писө...



4. ДОЗМОР

вося тулыс заводитчигөн мян взвод — кызь куим салдат, старшина да куим сержант — сійё войсё колляліс шоньд землянкаын. Миян батальон сулаліс оборонаын Карелияса сотём да жугөдём Кестеньга дорын, а мянөс кык вежон кежлө вуджө-дісны видзны артиллерийскөй батарея. Вежон кык сайын тайё батарея вылас уськөдчылөмаось финскөй лахтарьяс лызьяс вылын. Бур ещө, ыджыд лёк вөчны абу вермөмаось: асьныс артиллеристьяс вөт-лөмаось лахтарьясөс. Артиллеристьясыд корөмаось салдатьясөс. Пай уси мян взвод вылө. Кык вежон мысти мянөс вежас мөд взвод. Пась пинджакьяс вылө еджыд маскхалатьяс кышалөмөн ми куимөн-нөльөн лызьяс вылын кытшлалім батарея гөгөр, сюся видзөдім, мед эськө лызь туйнымөс эз вомөнавны врагьяслөн лызь туйяс.

Артиллеристьясыд мянлы сетісны өти землянка. Өдйөпырысь весалім-идралім пытшкөссө, нарьяс вылө вольсалім уль лыс лапьяс. Оланін лои дась.

Землянкаыс керөс бокын, сук вөр пөвстын. Көрт пач позис ломтыны повтөг — вылысянь и бокиясянь тшынсө казавны сьөкыд. Көрт пачлөн бокасы пыр дон гөрд, оналө шоньд. Пыран көдзыд вывсьыд, и мыйөн нөровтчан небыд лыс лапьяс вылад, да ещө кор кок пыдөсад өвтыштас шоныдыс, он и төдлы — вугуртан. Ставыс вунө — лунся мудзыд, горт йылысь да семья йылысь думьясыд.

Быд лун чизыр төв нөбөдіс лым, ёсь төв швичкис чужөмад, но ми окотапырысь петлім патрулируютны лызь туй вылө, кодөс пөшти быд кытшын коліс таявны вылысь. Сөйим ми артиллеристьяс ордын, некытчө нарядьясө эз котрөдлыны. Позис шуны —

ми шойччим тані да суткинас кыкысь петалім землянкаысь ывлаас ыркөдчыштны. Кольём кадсө узим.

Отнаслы Миша Михнолы эз во сьөлөм вылас татшөм олөмыс. Миша — цыган. Быдмөма детдомын, важөн вунөдөма таборса олөмсө. Смоль сьөд синьяса, мугөм чужөма, кузь ныра, ачыс косөдіник, неыджыд тушаа, збой да тэрыб вөраса, сійө пыр гажа. Руыс кө босьтас — зэв асныра. Фронт вылө веськалөма дас сизим арөсөн.

— Веськалі полкөвөй школаө,— висьталіс ачыс унаысь.— Командирө менө көсйисны велөдны. А кушөм меысь командир? Дай дисциплинаыс школад стрөг. Вот и пышйи ме сэтысь. И веськалі со татчө. А тані мый? Тані и медаль он аддзыв. Дай ог радейт ме лызь вылад... Вот вөв вылын кө эськө!..

Дөзмөдіс миянөс батареяса командир. Лун кост мысьт велөдө гранатаяс шыблавны.

— Автоматьясыдлы ме ог эскы,— висьталіс миянлы артиллеристыд.— Сійө друг вермас и өткажитны — оз лый. А вот гранатаыд некор оз өткажит. Шыбитін — и ставыс, сөмын запалсө эн вунөд пуктыны. Төндзинад ми лахтарьястө гранатаөн жө вөтлім...

Кызкө өти войө менө индісны дневалитны. Войын — дневалитны! Колө жө тадзи! Пукалі ме землянка помын, кадысь-кадө сюялі көрт пачө пес да ещө видзөді артиллерийскөй снаряд патронысь вөчөм дзузган би бөрся. Фитиль пыддиыс сотчис вата, тшыналіс. Дзузганыд югыдсө сетіс этша, ёнджыка чадитіс, и век жө вөлі би.

Салдатьяс кодсюрө гораа шкоркнитлісны нырнаныс.

Меным жаль торкны узысыяслысь чөскыд вөтьяссө. Көнкө, быдөн гортнысө вөталөны, гөтырьяссө, челядсө, кодлөн эм. Ме ачым пыр жө найөс вөтала, пиянөс да ичөтик Идочка нылөс. Сійө тапка-

сьо-ветлөдлө джоджын, матыстчө ме динө, мыйкө косьо, тыдалө, корны ли висьтавыны.

— Па... па...— артмө сылөн. Сэссия содтө:— На... Тадзи сийө тшөктө асьсө босьтны киө...

Землянкаын шызылис: патрулируютны петис выль смена. Недыр мысти пырисны вежсьысьяс: гегдөмаось, уськөдчөны пач динө, нюжөдөны кияс-нысө.

— Ак, кутшөм лөсьыд!— шуө Царенко, украина-са зон.

Карельскөй фронт вылын чорыд тышьяс эз мунны, «разведчикьяслөн корсьысьөмьяс» кындзи. Тадзи юөртлисны радио пыр. Шочиника лыйсисны артиллеристьяс, а ми, салдатьяс, олим муө пыдө дзесьомөн, изйысь да керьясысь накатьяс улын. Миян лыжнөй батальон му пытшкын жө олис. Мукөд фронтьяс вылын мунисны чорыд бойяс, помасис Сталинград дорын ыджыд тыш, советскөй войска наступайтисны, а ми виччым, кор и миянөс петкөдасны. «Кад воас да петам и ми,— шулисны миянлы командирьяс.— Лоөй дасьсөсь быд здукин».

Салдатьяслы гортеяныс воалисны гажтөминик гижөдьяс. Гөтырьяс гижисны, мый овсьө сьөкыда. Тшөктисны өдйөджык вермыны врагөс, вөтлыны сийөс миян му вылысь да видзны... асьнымөс.

Содти пачө пес. Дырөн унмовсис и старшина, ачыс мөдис гораа шкоргыны. Ывлаын заводитис надзөник лөзөдны. Стеклө өшинь землянкаын эз вөв, но мясянь мөдар помас век жө вөлі мыйкө өшинь кодь. Стеклө пыддиыс сэни консерв банкаяс. Ывласа лөз югыдыс на пыр муртса төдчыштитис. И вот сэки ме друг аддзи: өшинь сайын мыйкө шур-шармуні. «Кутшөм чөрт сэни?— думышти ме.— Постөвөй дурө, коді сулалө землянкаө пыран өдзөс дорын? Пон? Но кытысь татчө понйыс? Лэбач кутшөмкө? Татчөсса вөрьясын непөштө зверь, но и лэбачьяс абуөсь».

Кок чуньнам инмөдчывлі паныдөн узысь старшиналы.

— Мый лои?— вирскөбтіс-пуксис сійө. Унмыс, тыдалө, пыр и палялі. Ме инді өшиньлань.

— Вот лешакыд! Гөсть локтөма!— и өдйө квати-тіс юр весьтас өшалысь автоматсө, веськөдліс өшиньлань.— Ме сійөс...

— Верман кодөскө ранитны, друг вирскөбтасны да,— шөпниті ме, кутчыси старшиналы автоматас.

Өшиньсайса сьод вуджөрыд быттьөкө швучшвач вөчис, сьөкыда кыпөдчис. Дзик жө сідзи, кыдзи вөлі аддзывлан гортса вөрын вужля улысь кыпөдчысь дозмөрөс, кор сійөс повзьөдан.

Нарьяс вылын узысьяс садьмисны, кыпөдісны юрьяснысө.

— Тихо!— гораа шуис старшина.— Водөй бөр! Дозмөр, тыдалө, воліс өшинь водзаным. Лыа вылын окота лоөма пуртікасыштны. Дневальной! Петав да видзөдлы постөвөй вылө, мый сійө сәні видзөдө...

Кытысь татчө дозмөрыс веськалі? Казьтышти, кыдзи кольөм арын, лым усьөм бөрын нин, өти войө мян траншеяяс водзті вуджөртісны кык йөра. Дерт көнкө эня-пия вөліны. Салдатьяслөн киныс эз кыпав найөс лыйны, сэтшөм вөліны найө мичаөсь. «Быдөнлы тай аслас чужан-быдман вөр-ваыс дона»,— думыштім ми сәки. Быттьөкө мый налы татысь корсьны, гөгөр сотөма-жугөдөма, гөгөр колючөй проволока, а вот локтөмаөсь. Гашкө, йөра-мамыс пиыслы гортсө петкөдлыны көсийс.

Петі землянкаысь видзөдлыны Васька Кынев вылө — сійө сулаліс землянка водзын.

— Кодөс тэ сибөдлін өшинь дорас?— юалі ме.— Старшина тшөктіс төдмавны. Гашкө пө и Кыневөс кодкө гусяліс.

— Сьод чукчи воліс... Сэтшөм мича, төдан кө!.. Первойсө ме повзи, мися ме вылө уськөдчас. А чук-

чийд өшинь водзö, лыа вылас... Но регыд олыштис, кутшöмкö шы кылис землянкасыс... Со, эсчаньö лэбзис.

— Лыйны колис,— шуи ме.— Кутшöм эськö дозмөр шыд артмис артиллеристьяслы.

— Кийй эз кыпав!— Сэтшöм мича вöли чукчыис... Гортö быттöкö волі...

— Ме чайті, аист локтіс мян дінö,— шыасис Миша Михно.

— Аистьясыд войвылад абуось,— вомалис кодкö.— Кытысь найö татчö?

— Тян со дозмөр, а мян — аист,— водзö сёрнитис Миша, нар вылас кокъяссö кресталöмөн пукаліг.— Пöрысьяс таборын шулісны — аист волас — шуд ваяс кодлыкö. Коді медся водз казялас сійöс... Öні ме буретш вöталі аистöс... Аддзи сійöс — радла. Восьті синмös — некутшöм аист абу, а өшинь саяным съод лэбач... Ме медся водз сійöс аддзи!

— Лöсьöдлан!.. Дневальной казялöма. Тэ, гашкö, вöтнас аисттö аддзин.

— Ми сідзкö кыкнаным медся водз аддзим. Кыкнанымлы и выль юөр вайис.

— Кодсянь тэныд юöрыс? Таборад оз тöдны, кöні тэ...

— Гашкö и тöдöны на...

Бвлаын заводитис югдыны. Бара пуксис турöбальмъя лун. Быд лун тадзи. Мичаджык лунъяс оз и овлыны тані тайö кадас. Рытладорыс турöбыс ещö вынсяліс. Лёк тöv кояліс лымсö китыръясөн. Масхалатъяс мян вылын вазисны, сэсся кынмисны да чорзисны, шуракылісны выланым.

Старшина лызь туй вылö петкөдіс содтöд йöзöс.

— Блөдіс тэнö аист-дозмөрыд,— сералисны Михно вылын.— Некутшöм выль юөр тэныд эз во.

— Луныс эз на помась!— шуис Михно.

Ставыс лои сёрөнджык, кор ми лöсьöдчим нин пырны шоныд землянкаö, доналöм гөррд пач дінö.

Сержант Кошелев бõрся мунисны куимõн — Васька Кынев, Царенко да Миша Михно. Турõб пырыс водзысь нинõм эз тыдав. Тõвлõн шыалõм сорыс ку-тшõмкõ мõд шы эз жõ позь торийõдны. Но Кыневлõн сюсь пельыс век жõ кылис. Бõрынджык висьталис: неылысь сийõ кылис кокныдыка клёнмуныштõм, и ещõ лым кузя лызьяслысь чарскõм. Гашкõ, лызь вы-лын мунысьлõн беддыс инмис кытчõкõ. А тани не-код эз вермы лоны.

— Сержант! — Кынев бедь помнас тувкис водзын мунысь Кошелевлы мышкас. Мõдыс бергõдчис, юалана видзõдлис Кынев вылõ. Васька юрнас док-нитõмõн индис боклань. Тайõ вõли тырымõн, мед сержант гõгõрвоис ставсõ, ачыс заводитис дасьты-ны гранатаяс.

Кортõм гõстьясõс медся водз казялис Михно. Лызь вылынõсь жõ, еджыд масхалатаõсь, найõ бедьяснаныс йõtкасиг гõрбыльтчыштõмõн пискõд-чисны турõб пырыс водзõ да, кажитчõ, нинõм на эз казявны. Татшõм здукъясад уна пõв вына сийõ, кодi водзджык казялас противникõс.

— Водõй! — горõдис Михно да первойõн шыбитис гранатасõ, сәсся ачыс уськõдчис лым вылõ бокõ-джык.

Гранаталõн шыыс эз и вõв вына, бытьтõкõ трач-муни сõмын. Кынев кылис, кыдзи сылõн юр весьтти шутёвтисны осколокъяс, лэдзис муртса тõдчысь еджыд мыгõръяслань кузь очередь. Найõ, тыдалõ, эз виччысьны нинõм, думсьыныс надейтчисны ту-рõб вылõ: сийõ сайõдас. Шыбитисны сылань жõ гра-натаяс Кошелев да Царенко.

Финнъяс унаысь миянладорõ мõдõдлисны негы-рысь группаяс. Карельскõй фронт нюжалõма гашкõ кык сюрс километр вылõ, сылõн эз вõв дорвыв визь. Вõлины гырысь костъяс вõръясти да нюръяс вомõн. Гырысь тыяс сiдз жõ видзисны фронтлысь визьсõ. Лызь вылын бура ветлысь да лыйсьыны бура ку-

жысь финскöй салдатъяс, лахтаръяс, кызди ми найöс шулим, пырöдчавлісны нейджд группаясөн мян тылö диверсияс вöчавны. То пос кытыскö жугöдасны, то туйсö минируйтасны, а то и уськөдчыласны öтка гарнизонъяс вылö. Ми асьным сідз жö вöчлім, пыравлім противниклөн тылö, весиг быдса батальонөн.

Кывзысисны. Водзын, буракö, некод эз вöv, но бөрвывсянь кыліс лызьяс вылын локтысьяслөн шы. Кошелев ылысянь на тöдіс старшинаös.

— Мый тіян тани?— юалис скöрысь, водзысь адзис куйлысьясös да видзöдліс Кошелев вылö.— Кымынөн вöліны?

— Кажитчö, куимөн... Коймöдыс со водзынджык куйлö.

— Молодечьяс!

Бөрвывсянь локтісны ещö некымынөн.

— Ме бөрся!— шуис аслас йöзлы старшина.— Видзöдлам налөн туй пөлөн. Гашкö, сэні ещö на эмöсь...

Та мында и вöлі, шуны кö веськыда. Оз тай ыджыд кад ков, мед салдатлы асьсö петкөдлыны. Кошелев локтіс усьöm лахтаръяс дінö. Öтиыс, тыдалö, абу нин ловъя, мöдыс повзьöm синъяснас шаръяліс гөгөр. Киясыс тіралісны, мыйкö кöсийс шуны, но кывъясыс эз артмыны. Ымзіс сöмын.

Михно муніс кымынөн куйлысь коймöд лахтарыс дінö, бергöдіс сійös вывлань чужömөн. Синъясыс сылөн вöліны восьсаös, но кодзыдöсь жö.

Лызьяс вылын локтісны артиллеристъяс. Кылöмаös гранатаяслысь шытö, автоматъясысь лыйсьöмтö, котöртöмаös отсөг вылö. Медся водзын командирныс.

— Но и молодечьяс!— шуис сійö, куйлысь лахтаръясös казяліс да.— Ме тай тіянлы шулі: гранатаыд салдатыдлы медся бур друг. Зептын новлөдлан артиллерия.

— Михно первой шыбитіс гранатасө, мыйон ка-
зяліс,— шуис Кошелев.

— Сэні видзөдласны, кодлы мый! Миян делө —
гижны рапорт.

Бөр воис аслас йөзкөд старшина.

— Куимон и вөлөмаось, тыдалө,— шуис сійө, чу-
жөм вывсьыс ньылөмсө чышкаліг.— Ми бура ылөдз
ветлім. Бедь туйыс куимлөн сөмын...

...Ставыс вөлі сідзи, кызди гижөма. Вөлі асья
сьөд дозмөр миян землянка дорын. Дерт, конкө
пуксьыліс пуртікасьыштны землянка өшинь дорө,
көні тыдаліс лыа. И куим салдатлөн — рочлөн, цы-
ганлөн да комилөн — диверсантьяскөд нейджыд
тыш. Позьө ещө содтыны: рытнас меным воис горт-
сянь письмө. Шог юөрөн: ичөтик нылөй недыр ви-
сьөм бөрын кулөма. Салдатыд өд воштө не сөмын
фронтывьса другьяссө.

— Регыд дзирдыштіс и медаль Миша Михно морөс
вылын.

— Аисттө менам абу прөстө вөтавьсөма,— рад-
ліс сійө.— Аистыд пыр вайө мортлы бурөс... Тадзи
таборын висьтавлісны.



5. МИНЁР МИША ВОКУЕВ

азведчикъяс арся пемыд войө ву-
джисны окоп бруствер вомон да во-
шины пемыдас. Налы коліс вуджны
минной поле, уськөдчыны враглөн траншеяө, ква-
титны сэтысь өтиөс ловьяон да бөр локны асладорө.

Разведчикъяслы туйсö восьтыны муніс минёр Миша Вокуев — печораса зон.

Ми пукалім асланым окопын, кывзысим, мый вöчсö сэні, кодарланьö мунісны миян ёртъяс.

Сэсся бруствер сайын кос турун мөдіс шаракывны ёнджыка, пемыдсыс вуджөръяс моз петісны разведчикъяс. Найö шытөг вуджисны бруствер вомён, лэчисны траншеясö, мунісны водзö. Быттьökö вöліны и эз вöвны.

— Но?— кодкө шөпнитөмөн юалис старшина Рыжовлысь, коді вöлі медся бöрын.

— Ставыс бур!— нюммуніс старшина.— Виччысöй: фашистъяс öдйö очмасны.

И збыльсы: здук мысти сьöd войсö югдөдісны вывлань качысь ракетаяс.

И ещö Рыжов шуис:

— Отсыштöй минёрлы. Сійö туйнымöс бөр тупкө.

Минёр Вокуевлы отсавны эз ковмы: регыд ачыс тупыльтчис миян дінö бруствер вомён. Ми весиг эг казаявлöй, кор разведчикъяс сьöрсыныс нуисны «языкöс».

...Миша Вокуевкөд ме первойысь аддзыси öти сопка вöсна бой бöрын. Ог төд, кызди вöлі сопка-ыслөн нимыс, но ми шуим сійöс Морьякъяслөн сопкаөн.

Война заводитчигөн куим морьяк сутки чöж абу лэдзöмаöсь кыпöдчыны тайö джуджыд нöрыс йылас уна дас фашистлы. Куим морьяк вылö сэсся мөдөдöмаöсь бура ыджыд десант корабляс вывсянь. Сутки чöж противниклөн батареяяс шötöмаöсь снарядьясөн тайö ки пыдöс пасьта му вылас. Нинём дзоньён сэні кольны эз вермы. Быд из дрöбитöма. Но сопка пыр сулаліс ён да вына.

Öні коліс бөр босьтны тайö сопкасö, вöтлыны сэтысь врагöс.

— Фрицъясыд дыр оз кутчысьны,— шульвліс

мичман Криничный.— Морякъясыд абу сэтшөм йөз, мед рөднөй му дыр кезлө кольны враг киө.

Криничный войнаөдз служитөма лидер «Москва» вылын, сэсянь веськалөма морскөй пехотаө, да ещө ылі войвылө, но асьсө пыр лыддис морякөн, сьор-сьыс вөдитис флотскөй бескозыркасө, и юр вылас сийөс пуктывліс бойө петігөн. Мед быдөн төдөны морякөс!

Миян окопьяссиянь сопкаөдз абу ылын. Бинокль пыр позис аддзыны гырысьджык изъяс, на кості тэ-рыба котралысь фашистьясөс.

И вот, өтчюд ми казялім: сопка весьтын кыптисны сьөд тшын сюръяяс. Муыс дрөгмуни, заводитис сыр-какывны снарядъяс потласьөмысь.

— Заводитчис!— первойөн горөдіс Криничный.— Морякъяс ассыныс сопканысө бөр босьтөны. Ок, сэтчө эськө!..

Виччысьны дыр эз ковмы, регыд и пехота мөдөд-чис.

Но сопка миянтөг босьтисны, сэтчө водзджык во-исны морякъяс. Дерт, найө кывлісны жө куим мо-ряк йывсьыд, и воөмөн тшөтш заводитисны бергөд-лыны быд из.

И найө аддзисны, мый корсисны: өти из улысь сюри салдатскөй ки чышкөдө гартыштөм тубрас. Мый сэні вөлөма, ми төдмалім бөрынджык.

— Төварышьяс!— шыөдчис пехотинецьяс дінө комиссар, кор ставнымөс чукөртисны өтлаө.— Тайө сопка вылас геройяслөн смертьөн усины куим сө-ветскөй моряк. Найө кулісны, но эз бөрынтьчыны. Онөдз ми эг төдлөй тайө куим геройыслысь нимъ-яссө, а өні сюрис налөн письмө. Со мый гижөны на-йө миянлы:

«Дона өртгяс! Ми куимнаным регыд кулам, но эскам: ті бөр воад татчө.

Кор ті кутад празднуйтны Победа, казьтылөй и

миянӧс, куйм морякӧс. Ми вӧлим томӧсь, но олӧм-нымӧс Рӧдина вӧсна эг жалитӧй. Юӧртӧй гортсаяс-лы: враг водзын ми эг бӧрыньтчӧй.

В а с и л и й К и с л и ц ы н.
И в а н М о с е е н к о.
А л е к с е й Ч у п р о в».

— Клянитчам, ёртъяс, мый ми кутам тышкасьны асланым Рӧдиналӧн врагъяскӧд тайӧ куйм морякыс моз жӧ!— водзӧ висьталіс комиссар.

— Клянитчам!— кыліс сопка пасьталаын.

Миянкӧд орччӧн сулалысь Вокуев сідз жӧ горӧдіс:

— Клянитчам!

Талун сылӧн вӧлі сьӧкыд туй. Дай овывлӧ-ӧ кокни луныс сапӧр-минӧрлӧн?

Морякъяслӧн сопка вӧсна бой бӧрын кызкӧ ӧтчыд Миша Вокуев сьӧлӧмсянныс шуис:

— Меным быд лун окота вӧчны мыйкӧ ыджыдӧс, йӧзлы бурӧс... И окота аддзывны ставсӧ, кыззи лос война бӧрын.

Вокуев эз пырӧдчы в сӧрниӧ, кывъясӧн эз шыблассылы, и тайӧ висьталӧмыс сылӧн менӧ шензьӧдыштіс. Ме тӧді: Вокуев чужлӧма Печора бокса сиктын, но мам-батыскӧд ичӧтсянь веськавлӧма Эжва йылӧ, война вылӧ мунтӧдзыс уджавлӧма вӧрын.

Сійӧ луннас ме Вокуевлы сеті Сыктывкарысь воӧм коми газетъяс. Вӧлӧмкӧ, тайӧ газетъясыс и варовмӧдӧмаӧсь минӧрӧс.

— Куим во эг аддзыв коми газетъястӧ,— висьталіс Вокуев.— Ог и тӧд вӧлі, мый миянын вӧчсьӧ. Письмӧясыд шочиника воывлӧны, но гортсаясыд унатор оз гижны. А сәні вӧлӧмкӧ миян воуйтігкості заводъяс стрӧитӧмаӧсь, кӧрт туй нюжӧдӧмаӧсь Воркутаӧдз... Сідзкӧ, гортаным ми кӧрт туй кузя воам...

Вокуевос радейтисны батальонын. Сійос тōдис быд боец и командир, кōть ачыс эз вōв тыдалана: косōдиник, рам, руд синъяса, абу сёрниа. Но бой поле вылын сылы быттёкō кыськō чукōрмō повтōмлун, и некор оз энот ёртсō — локтас отсōг вылō.

Тайō пōрйō Вокуев, проволочнōй заграждениесō ножичōн орьōдлōм бōрын, казяліс: водзын гартчō Бруно спираль. Дыр думайтны некор. Вокуев сетіс бōрвывсаяслы пас, мый туй восьса, а ачыс шыбитчис да нюжōдчис гартлōм-дзугōм проволочкаяс во мōн.

Мичман Криничный, сапōг нырнас Вокуев мышкō муртса инмōдчылōмōн, первойōн чечыштіс пласът-видзысь ёртыс вомōн. Сы бōрся, «ловья пос кузя», кыдзи шуисны бōрынджык, чеччалісны мукōдьяс.

Разведчикьяс пырисны противниклōн траншеяō, а Вокуев казяліс: сыысь шуйгавылын друг мōдис «увтчыны» ыджыд калибра пулемēt, а неылын сержант Харитонов пескылясис ыджыд рыжōй фашисткōд. Вокуев мездōдчис спиральлōн везьясысь, шыбитіс пулемētлань кык граната, а сэсся уськōдчис Харитоновлы отсōг вылō. Кыкōннад фашисттō ѓдōлитісны.

Бōрвылас нин, кор ставыс помасис да батальонса командир аттōаліс разведчикьясōс повтōмлунуысь, сійō юаліс Вокуевлысь:

— А спиральыс кō вōлі минируйтōма?

— Сэк эськō, капитан ёрт, ме пōгибниті. А разведчикьяс век жō прōйдитісны.

Тайō вōлі асывводзын. А сійō жō рытнас ми нōсилка вылын Вокуевос нуим медсанбатō.

Артмис тайō тадзи.

Рытнас ёсь тōв ки тырōн шыблаліс кōдзыд зэр войтъяс. Сэсся мōдōдчис шляка сора лым. Но разведчикьяслы татшōм поводдяыс и кивыв. Вокуев кыліс ас бōрсьыс ёртъясылысь лов шысō, налысь

уль му кузя сьёкыда кыссьёмнысö. Аслас жö чуньясыс дзикöдз турдiсны, эз мöдны кывзысьны.

Колiс мунны ещö метр дас кымын, кор кок увсьыс Вокуев кылiс тричмунöм. Минёр бура тöдiс татшöм тричмунöмыдлысь донсö: кытчöкö сийö прöступитчис, вöчис артышттöм вөрзьöдчöм, а гашкö и чуньясыс пörъялисны.

— Водöй!— муртса кывмөн вашнитiс морöс тырнас Вокуев, ачыс первойөн ляскысис уль нитш бердö. Чеччалысь мина кыпöдчис вылö, гримунi ярбиён, резыштiс анькытш гырся свинеч зэрөн.

Тöдöмысь, противник казялис найöс, ковмис бöрыньтчыны. Кор разведчикьяс аскöдныс петкöдiсны минёрöс да сийö воис садяс, Вокуев здук кежлö восьтылис син пöвсö, муртса кывмөн юалис:

— Кымынөн?

Сийö, тыдалö, кöсйис тöдны — кымын мортлы инмисны чеччалысь миналөн шарикьясыс. Висьталiсны: ранитчисны куимөн.

— Куимөн?..— ружтыштiс минёр.— Эк... Эг кужме... чуньяс турдiсны.

Вокуев ещö на мыйкö кöсйис шуны, но парьясыс эз воссьыны.

Ми босьтим Вокуевöс плащ-палатка вылö, петкöдiм санитарнöй пунктöдз.

— Öдвакö ловйөн кольö,— шуис врач, Вокуевöс гөгөр видзöдлöм бöрын.— Зэв нин уналатi... Но — заводитлам, пуктам став вын...

— Ой, пörччöй веськыд коксьым кöмкотöс...— корис Вокуев.— Дзескöдö мыйкö талун...

Пörччыны сапогсö эз нин позь: тырыс ойдöма вирөн.

Ми сэки сiдзи шуим: Михаил Вокуевлы öдвакö удайтчас аддзывны, кыдзи ставыс лöб война бöрын.

Минёр Михаил Вокуевлысь нимсö гижисны полклөн история книгаö. Ме сэтчö ачым гижичи неыджыд очерк аслам друг йылысь.

И друг, ньоти виччысьтөг, миянлы воис письмө... Миша Вокуевсянь! Гижис: вошти пö кок пöлөс дай öти синма öни.

«Ог на ёна шогсы, другьяс! — гижис сийö. — Син пöвнад да кок пöвнад унатор на позяс вöчны миян мича да гажа свет вылын».

Öни ме ог тöд, көни Вокуев. Но зэв рад көть нин сысы, мый Миша Вокуев аддзыліс ставсö, кызимый лои миян му вылын Победа бöрын.



6. МИ ПЫРАМ КИРКЕНЕСÖ

иркенесö, Норвегиялөн медся войвывса карö, ми пырим 1944 вося октябрь 25 лун асывводзö.

Асылыс мича, югид, ясид. Пуяс вылысь корьяс абу на гылалöмаöсь дзикöдз, вöрыс ворсö арся зарни серьясөн. Шоньд. Миянös кытшалісны пашкыр туганьяса пожöмьяс, кольöм корьяснаныс кышакылісны гырысь кыз кызьяс.

Киркенес — неыджыд кар-порт дзик море дорын войвылын. Карса олысьяс чери кыйлöмаöсь, гöра-ясысь руда перйöмаöсь. Унаöн — морякьяс. Вöлöмаöсь карас и каменнöй керкаяс, но унджыкыс пу.

Миша Михно вайис ичöтик съод каньпиös, морös бердас топöдöма. Каньпиыс дзорьяліс гөгөр, видзöдіс тöдтöм йöз вылö повзьöм синьясөн.

— Со öти олысь сюри! — вашьяліс Миша, радысла эз тöд, мый вöчны.

Со и первойя карса олысьяс. Найö — нельöнöсь. Дженьыдик курткаяс, юр выланыс кыём шапкаяс, ылысянь видзöдісны роч салдатьяс вылö.

— Камрад! Геноссе!— шыёдчис на дінö миян öти салдат.— Рус — гут!.. Гитлер — капут!

Салдатыд, тыдалö, шуис тöдана став кывъяссö. Öти норвежец збоймöдчис, матыстчис.

— Здравствуйте, товарищи!— шуис сійö съöкыда, нюжöдис кисö миян взводнöйлы — лейтенант Гордеевлы.— Мы рады, товарищи... Гитлер — капут. Я — моряк... Бувал ваш Архангельск, Мурманск... Я — Кнут...

— Кнут Гамсун?— юалис кодкö.

— Нет... Кнут Гамсун — помогаль немцам.

— А Григ? Ибсен?

— О, Григ!.. Ибсен!— гажмисны синъясыс норвежецыдлөн. Тыдалö, эз виччысь роч салдатъяссиян найöс тöдöмсö.— Вы зналь Григ и Ибсен? Это — корошо... Но мне надо ваш командир. Самый большой командир. Наши люди там... на гора...— индис кинас кар сайлань, гöраяс вылö, кодъяс кыпöдчисны карлөн уличаяс помын.— Они боятся...

— Боятся? Почему?— юалис лейтенант, асьö дипломатөн друг чайтöмөн. Öнöдз сылы татшöм сёрнияссö нуöдны эз на удайтчыв.— Не бойтесь... Мы ваши друзья.

— Друзья? Это — корошо...

— Кынев и Михно!— чукöстис лейтенант.— Отведете товарищей в штаб... Вон там, в палатке. Öти кокныд мед вöли сэни, а мöдныд тані. Гөгөрвоинныд?

Карса уличаяс вылын йöз пыр содисны да содисны. Миян салдатъяс дінö матыстчывлісны унаөн — томъяс и арлыдаяс. Первой полигтыр, а сэссия збойджыка пырöдчисны сёрниö, позьö кö тайöс шуны сёрниөн. Роч кывъяс öтсорасисны немецкöйяскöд, норвежскöйяскöд. Воис миян армейскöй кухня. Сы дінö матыстчисны челядь. Öдвакö вöлины тшыгöсь, но, тыдалö, быдөнлы окота видлыны кöрсö советскöй салдатъяслөн сёянлысь.

Кадыс коли, а Кынев да Михно эз локны. Лейтенант быд здукын видзөдльвліс часі вылө.

— Кытчө найө вермисны ылавны?— юаліс старшиналысь.— Мөдысь найөс некытчө ог мөдөд.

Но вот батальонлөн штабысь воис ординарец, висьталіс: патруль кутөма кыкөс налөн взводысь.

— Сідзи и төді!— скөрмис лейтенант.— Ме налы петкөдла гаж! Трофейяс бөрся көнкө вөтлысьөны!

Вөлөмкө, Михнолөн бөр локтігас пышйөма каньпыс.

Матыстчисны жугөдөм керка дінө, кодарланьө пышйис каньпыс Михнолөн. Местаыс дзевсьыны каньыдлы вөлі. Вылыс судтаыс керкаыслөн пуысь, улысыс — изйысь. Татшөм керкаясыс карын уна. Быд керка улын — пөдвал. Михно кытшовтіс керкасө. Қазяліс пөдвалас калькмунөм өдзөс. Пырис сэтчө. Кадыс коли бура дыр. И друг Кынев кыліс ёртыслысь гөлөссө — Михно чуксаліс сійөс.

Пемыд пөдвалын нинөм эз тыдав, но Кынев кималасөн корсис туй да пырис Михнолөн гөлөс шы вылө. Водзын вылысянь кутшөмкө розьөд дзузгыштіс югыд. Кынев аддзис Михноөс: чургөдөма водзө автоматсө, горзө кодкө вылө.

— Кодөс тэ?— эз гөгөрво Кынев.

— Фашистьяс тані дзевсясьөны,— вочавидзис Михно.— Кыкөнөсь... Петкөд өтисө. Сійө со сулалө. А мөдыс куйлө. Тыдалө, ранитчөма, вирөн ойдөма. Сійөс ме кыска. Сюсьджыкөн ло, фрицыд мед оз пышйы...

— Нэ фриц я... словак,— шыасис фрицыд, коді вөлі кок вылас. Морөссө сылысь тасаліс автомат.

— Фриц ли словак, а пет татысь өдйөджык. Автоматтө ме тэнсьыд босьта.— Кынев босьтіс автоматсө, өшөдіс аслыс мыш саяс.— Но, өдйөджык осьлав!

Михно мыш вылас кыскис мөдсө. Сылөн автома-

тыс вёлём куйлө жө ас дінас. Буретш сэки на дінө локтіс патруль, кутіс юасыны.

— Уліас миян каньным коли,— висьталіс Михно да корис лэдзны пыравны.

— Кутшөм ещө кань?— скөрмис найөс кутысь сержант.— Мунам миянкөд. Некутшөм каньөс ме ог төд.

— Ичөтик каньпи,— висьталіс Михно.— Съөд сэтшөм, мичаник зэв.

— Мед шыръясөс куталө. Оз кув!

— Ичөтик на сійө зэв.

Локтісны офицеръяс.

— Гөгөрвоана,— шуис капитан погоньяса офицер, кор кывзіс Кыневлысь висьталөмсө.— Сідзкө, ті каньпиөс корсьны пырид тайө пөдвалас да сэтысь аддзид тайө кык фрицсө?

— Нэ фриц я... Словак...— бара на шуис кок вылас сулалысьыд. Мөдыс куйліс му вылын, сьөкыда лолаліс.

— Гашкө, трофейяс корсьны? Кутшөм сёрни вермас лоны? Ставнысө штабө. Сэні — рөзберитчасны!

Полкса штабысь и аддзис лейтенант Гордеев асьыс салдатъяссө. Виччысис: видны мөдасны, оз видзөд салдатъяс бөрся, оз төд, көні найө шөйтөны. Артмис мөдарө. Сылөн салдатъясыс вёлём сюсьлун петкөдлөмаөсь — пленнөйясөс кутөмаөсь. Отиыс и збыльысь вёлөма словак, а мөдыс Киркенес карса гестапоын уджалысь. Лэчас пөдвалас мыйкө корсьөм ли дзэбсьөм могысь, сэтысь и аддзас сійөс словакыд. Налөн пансяс тыш, словакыд лэдзас гестаповецлы морөсас очередь. Вөлөмкө, словактө корлөма гестаповецыд допрос вылө, и со өні паськөмсө удитөма вежны.

Тайө луннас Миша Михно ветлөдліс юрсө вылын кутөмөн. Быдөнлы ошйысис, кызди сійө аддзис да кутіс гестаповецөс.

Каньписө сійө век жө корсис.

Кутшом крута вермө вежсыны салдатлөн олөмыс! Кольом войсө на ми коллялим Эльвинесскöй заливлөн фиорд сайын. Кысянькө ылысянь мян позицияс кузя лыйлис фрицьяслөн дальнобойнöй артиллерия, а ми некыз эг вермө вуджны фиорд вомоныс. Мян старшина кыскө корсьома ыджыд көрт пыж, но кыскигас на мянлысь пыжнымос розьодис осколок, залив вомөн вуджөмөн эз артмы.

И со, ми — Норвегияынöсь. Некод мянөс оз лыйлы. Гөгөр лөнъ. Кар вылө лэччис вой, шебрөдис съод эшкынөн. Карын электростанция жугөдөма, некөн некутшом би эз öйы, кар пасьтаын ыпьялисны негырысь бипурьяс. Повны вөли нинөмысь: войвылын война помасис. Сöветскöй му оккупантьясысь мездөма.

Бипурьяс дорын пукалисны тшөтш и норвежецьяс, висьталисны карын куим во ыджыдалысь фашистьяс йылысь. И көть висьталөмас уна вөли мянлы гөгөрвотөм, ми кывзим, көсйим гөгөрвоны быд кыв, висьтавын тшөтш ас йылысь, ас семьяяс йылысь.

И мянлы кажитчис: норвежецьяс мянөс гөгөрвоисны жө. Та вöсна и пукалисны мян динын, эз разөдчавны сувтөдалөм палаткаясө.

Тадзи ми коллялим медводдза вой фашистьясысь мездмөм му вылын.



7. МОРЯКЛӨН КАЛЛЯН

юрс өкмыссө нелямын нельөд вося октябрь төлысья асывводзө старшöй сержант Иван Шабурев аслас ёртьяскөд пырис войыв Норвегияса неыджыд карө — Киркенесө. Позис шуны — вөвлөм карө. Фашисть-

ясөн сотём-жугёдём карын эз вөв весиг өти дзонь керка. Кирпич чукөръяс да из гөраяс стрөйбаяс местаас. Сулаліс сөмын өти важ пу керкалөн стеныс кар помын. Қод төдас, кыдзи сійө кольөма.

Сулаліс арся кос поводдя, кор и полярнөй круг сайса ыркыд шонді дженьыд нэма лунсьөмөс чөжөн удитіс вөтлыны войся йирмөг.

Бөрө колины полуостров Рыбачий, тадзи жө сотём да жугёдём важ Печенга кар, тыртём посёлөкъяс. Олысьясыс либө дзебсясисны матыса гөраясын, либө пөдвалъясө йөршитчөмөн кывзысисны друг усьөм чөв-лөняс. Төрыт на тані көзяйничайтісны фашистъяс, пыравлісны керкаясө, повзьөдлісны шөйөвошөм йөзөс: локтасны большевикъяс, кутасны мырдөнавны нывбабаясөс, челядьөс да мужичөйясөс нуасны Сибирө. Фашистъяс бөрся мунны окотитысьяс сюрины этша.

Тайө рытнас Москваын муніс гажа салют ылі войвылын ыджыд вермөм кузя, а Иван Шабуров да сылөн ёртъясыс сулалісны вөвлөм кар шөрын да видзөдісны, кыдзи солькакыліс Варангер фиордлөн көдзыд ваыс изъя крут берег пөлөн.

Шабуров төдіс: сылөн Рөдина өні казтылө аслас армиялысь салдатъясөс! И ыджыд радлун кыліс сьөлөмас. Радлун сыысь, мый мездісны фашистъясысь тайө ылі му пельөссө да өні сулалісны Баренцовөй море дорын, и, гашкө, тайө здукас весиг өти морт эз вөв наысь веськыдвылын.

Шабуров өні казтыштіс асьыс куим вося салдатскөй туйсө, бой поляяс вылын воштөм другъясө, и сылы окота вөлі горөдны мый вынсьыс:

— Эй, ті, кодъяс миян другъяс! Иван Шабуров, неважөн на колхозник, а өні Краснөй Армияса командир, аслас ёртъяскөд мездіс асьыс дона мусө фашистъясысь, а өні со вайө свобода да олөм мукөд муясын олысьяслы!

И дум вылас Шабуровлы уси Василь Конюхов,

аслас землякыс. Ичөтысянь найö отлаын котравлісны Сыктывбокса сиктын, пукавлісны школаын öти парта сайын, уджавлісны колхозын, и отлаын мунісны служитны армияö. Другыс сылөн куим во чөжөн эз отчыдысь паныдасьлыв морös-на-морös шемöсмөм-повзьөм синма фашистъяскөд, пыр петліс вермысьөн, и со торъялісны найö — ранитчөм бөрын нуисны другсö Эльвинесскөй залив вуджөм бөрын.

Вөлі кө эськө öні орччөн Василь, дерт талунъя радлуныс лои кык мында ыджыд. Но он тай салдат-ыд төд, кор неминуचाыд суас.

Шабуров сюис кисö бушлат зептас, и ки улас сюрис мыйкө чорыдтор. Вежөрас визьнитіс: да тайö жө каллян, кодös сетіс сылы Василь торъялігас! Конюхов ошйысьліс сылы, кыдзи фашистъяслөн тылъясті ветлігөн найö паныдасисны норвежскөй патриотъяскөд. Норвежецъяслөн неыджыд чукөр пискөдчис гөраяс вомөн Сөветскөй Армиялань — вайис выль юөръяс Баренцово море пөлөн фашистъяслөн укрепленияяс йылысь. Сэки и вежсьөмаось сувениръясөн: норвежец сетөма Конюховлы ассьыс каллянсö, а Василь сетөма табак көшельсö.

— Ми көсйысим öта-мөдлы аддзысьлыны Победа бөрын, — казтьывліс Василь. — Сёрнитчим тадзи: паныдасыны Киркенес карын берегдорса причал дорын. Ме кө уся, босьт менсьым тайö каллянсö да ну сэтчö. Мортыс сійö сэтшөм — ачыс коряс. Нимыс — Курт. Курт Иогансен.

Шабуров кыкис каллянсö, матыетліс син дорас. Мичаа серөдөма, сьökыд. Шабуровлы весиг кажитчис: сьökыд калляныс видзö на ас пытшкас важъя көзяиныслысь пөсьлунсö.

Тыртіс каллянсö салдатскөй махоркаөн, öзтіс. Чорыд табак тшын пыр гудыртыштіс юрсö.

— Мөдім, старшöй сержант! — кыліс Шабуров. — Миянös öд виччысьöны.

— Извинитой...— пыр на аслас думъясысь тор-йодчытөг, шуис Шабуров.— Казытылөмъяс өдөлитисны.

Эз куж думайтны Шабуров, мый каллянлысь көзйинсө сійө аддзас регыд. Збыльысь висьтавліс другыс, мый Курт Иогансеныд сэтшөм морт, ачыс коряс.

Артмис тадзи.

Сійө рытнас Шабуровөс индісны дежуритны батальонлөн штабын. Кар вылө дежуритны петісны патрульяс. Найө и вайөдісны штабө кузь тушаа норвежецөс.

— Командир ёрт! Тайө мортыс корсьө Василь Конюховөс,— висьталісны вайөдысьяс.— Причал дорын ветлөдлө да быдөнлысь юасьө Конюховөс.

— Здравствуй, товарищ!— роч кывъяссө съёкыда бертлөдлөмөн шуис мортыд да чургөдіс кисө.— Капитан Иогансен.

— Дежурный по штабу, старший сержант Шабуров,— кузь тушаадлысь кисө воча топөдліс да шуис Шабуров. Став сертиыс төдчис: мортыд моряк. Та йылысь висьталіс паськөмыс, юр вылас картузыс.

— Ме корся Конюховөс,— водзө нуөдіс сёрнисө морякыд.— Ми көсйысьлім ськөд аддзысьны причал дорын. Со тайө сылөн,— и морякыд кыскис зепсьыс Шабуровлы сэтшөм төдса табак көшель: төдса узоръяса, кузь гөрд лентаа. Конюховлы тайө көшельыс веськавлі тылысь воысь пөдаркияс салдатьяслы юклігөн.

— А тайө — тіян, тыдалө?— Шабуров кыскис зепсьыс серөсь съёкыд каллянсө да чургөдіс моряклы, кодлөн синъясыс пыр жө шармунісны.

— Менам, менам...— гажмисны синъясыс морякылөн.— Кыдзи тайө тіян киө веськаліс? Көні Конюхов?

— Сійө талун абу миянкөд.

Ковмис висьтавны Конюхов ранитчөм йылысь.

— Но ті кө Конюховлөн друг, то и менам друг. Ветлам миян ордө.

— Тиян ордө?— эз гөгөрво Шабуров.— Кытчө сийө? Ме — дежурной, некытчө мунны оз позь. Колө юавны офицерлысь.

Буретш сэки на динө локтис дежурной офицер. Кор сийө төдмалис ставсө, шуис:

— Короны кө, колө ветлыны, старшой сержант. Сөмын өтнадөн оз позь. Ветлой сержант Ефимовкөд. Но дыр сэни эн олөй.

Морт, коді шусис Курт Иогансенөн, петкөдіс Шабуровөс да Ефимовөс кар сайө, нуөдіс гөраясө. Найө мунисны фиордлөн изийөсь берег пөлөн, воисны крут скала динө, коді сьөкыда өшаліс дзик ва весьтын. Тані морякыд, кык водз чуныяссө вомас суюөмөн, гораа шутөвтіс. Скала дорсянь кыліс воча шутөвтөм.

— Алло, Кнут!— шуис морякыд.— Ме вайөда рускөйясөс.

Скала сайысь петисны кыкөн, лэччисны на динө. Быдөн гырысь тушаа ён йөз, карабинъясаөсь, өткодь сьөд паськөмаөсь. Найө нуөдісны Шабуровөс да Ефимовөс водзө, пыртисны тоннельө. Сэни пемыд, но позис казавны уна йөзөс — мужичөйясөс и ныв-бабаясөс, челядьөс.

— Алло, ми вайөдім рускөйясөс,— шуис мөдыс, кодөс нимтісны Кнутөн.

...Кор Шабуров да Ефимов восьлалісны бөр, эз нин жалитны, мый ветлісны сэтчө. Пемыд подземельеысь, кытысь, тыдалө, коркө перйылөмаөсь руда, найө аддзисны радлан синъяс, выль другъясөс. Шабуровлы кажитчис: сэни, көні Киркенес карса олысьяс дзебясисны фашистъясысь да виччысисны рускөйясөс, сы вылө өвтыштіс Эжва бокса паськыд видзьясывса веж турун дукөн, а лөз залив сайын тыдаліс сэтшөм төдса саридз-вөр, кысянь өвтіс и пемыд пармалөн лудік турун дукөн.

Шабуров нуөдіс Иогансенөс да Кнут Тревоненөс карса комендант дінө, висьталіс сылы, мый Киркесса олысьяс көсйөны локны карө, а тоннельын найө видзөны некымын фашистөс, кодъясөс луннас кутөмаөсь гөраясын дзедьсянінысь.

— Мед локтөны быдөн,— шуис мудз синьяса комендант.— Мед локтөны да заводитөны мирной олом. Ми өд локтім татчө, кызди другьяс.

— Да, да, ми другьяс,— шыасис Иогансен.— Русскөйяс — миян другьяс. Ми тиянлы важөн нин другьяс.— Сэсся бергөдчис Шабуровлань да содтіс:— Қалляныд мед кольө тэ ордө, кутас казътывыны миянөс. А Қонюховтө ме корсьла на.

Мөд лун асывводзнас Шабуров да сылөн ёртьясыс видзөдісны, кызди гөраясысь лэччисны да мөдөдчисны карлань уна йөз. Коді тележкаа, коді тачкаа, а коді велосипед вылын, пельпомьяс сайын быдөнлөн нопьяс. Быдөн төдісны Шабуровөс, нюмьялісны сылы, кызди бур төдсалы.

Та вылын моряклөн каллян йылысь история эз на помась.

Конюхов регыд воис аслас батальонө. Ранаыс сылөн абу нин вөлөма сэтшөм сьөкыд, өдийө бурдөдөмаөсь.

— Тэныд пөсь чолөм важ төдсаянь,— вашмуніс Шабуров, кор аддзис другсө.

— Кодсянь?— юалана видзөдліс Василь.

— Мунам мекөд!

Қык друг мунісны карса самоуправлениеө, коді вөлі дзоньөн кольөм пу керкаын. Сэні жө, улыс судтаас, шыалісны челядь.

— О, Қонюков!— воча нюжөдіс кисө Иогансен.— Вот ми и аддзысим. Эг гөраясын, а миян мездмөм карын; көні ми асьным бара көзьяиньяс. И мед миян керкаяс жуглөма, ми бөр кыпөдам найөс. И миян кар лоө ещө мича. Öні со ми олам палаткаясын, но

ми регыд стрöитам и керкаяс. Важъяссыс мичаджыкъясöс.

— Да, бур аддзысьöм,— шуис Конюхов, важ тöдсалысь кисö воча топöдлiг.— Дыр кежлö другьяслөн аддзысьöм.

— Нэм кежлö другьяс!— паськыда нюммуни моряк.— Тайöс ме шуа став сьöлөмсянь. Сидз öд, Кнут?— бергöдчис Тревоненлань, кодi сулалис неылын.

— Да русскöйяс миянлы — нэм кежлö другьяс!— юрсö докнитис мöдыс.

Иогансен кыскис зепсьыс сэтшöм тöдса көшель, тыртис ассьыс каллянсö, мыччис Васильлы:

— Пöжалуйста!

Конюхов видзöдлiс Иогансенлөн каллян вылö: сэтшöм жö сера. И дерт көнкö, сэтшöм жö сьöкыд. Кыскис зепсьыс ассьыс каллянсö, босьтис моряк кийсь көшельсö, гажаа нюммуни.

— Миян тадзи шулывлöны: кодi дружбалысь мичсö оз тöд, сийö олöмлысь гажсö эз аддзыв,— шуис Конюхов.— А тэнад, дона ёртöй, виль калляныд важ кодьыс жö мича!

— Батьлөн вöчөмъяс на тайö! Мед сылөн ки туйыс мунö сэсся Россияö. Зэв рад лоö и менам бать. А öни ме ордö, другьяс! Палаткаын, но көзьяйка лоö рад...

Киркенес пасьтаын шыалисны йöз. И көть керкаяс карын вöли жуглөмаöсь да киссьöмаöсь, но кар олис виль олөмөн. Тэрмасисны көзьяйкаяс, ворсисны челядь. Причал дорын портын сулалис ыджыд судно. Сы весьтын дöлалис гöрд флаг.



8. ВОЙСЯ БИПУР

е вöлі öтнам. Гөгөр сьöd пемыд вой, синмад кöть ув пырас, он казав. Кснкö водзын гыпйöдлiсны пушкаяс, кылiсны öтка взрывьяс. Дерт, кöнкö, пышйыс фашистьяс взрывайтiсны посьяс.

Рытладорыс миян командир лейтенант Гордеев менö мöдöдiс каттыны бөрö кольöм телефонной кабельяс, кодьясöс нюжöдлiм асывводзнас противниклыс оборона вуджигөн. Найö öд вылыс на аски ковмасны водзö мунiгад. Вöчи, мый колö, катушкай бокрын сьöктаммис. Ноксигад эг казав кадсö, öдйö пемдiс, а кор локтi важ местаö — миян батальон эз вöv. Мыш сайын менам нейджыд салдатской ноп, автомат, бокрын öшалö кык запасной диск, гранатаяс, да ещö сьöктаммöм катушка. Пуд саяс лö ставыс. Салдатыдлы, ок, уна ковмылас кыскавны ас вылас.

Кадыс арьявыв. Луннас вöрыс вöли зарниөн пасьтасьöма, а öнi, пемыд войнад, нинöм оз тыдав, сьöd вуджөрьяс кындзи.

Войнас ыркöдiс. Салдатыяс öтарö-мöдарö жöдзöны уна, но миян коймöд батальон йылыс некод оз тöд.

Паныдасис миян полкыс сапёрной взводса командир — лейтенант Раков. Сийö тöдiс менö, юалис:

— Мый öтнадөн?

Висьталi, кытчö ветлi, юалi батальон йылыс.

— Мун туй кузяыс километр да кеж шуйгавыв, — висьталiс лейтенантыд. Тöвнас сийö менö корис вуджны сылөн взводö, лоны сапёрөн, ме öткажитчи. Мися, ёргьясыс ог кöсйы торьявны. Сийөн и тöдiс менö.— Пожöма вөр сэни. Ме буретш сэсянь.

Но эн ылав: лишнӧй кӧ мунан, верман фашистыяс-лы сюрны...

Ме муні муртса рудӧдан туй кузя километр кымын. Некутшӧм пожӧма вӧр эг аддзы. Ставыс ӧт-кодъ сьӧд пуяс — пожӧм и коз. Қайи кыр йылӧ да аддзи: водзын пӧртмасис гӧрд кыа. Тыдалӧ, сотчис кутшӧмкӧ сикт.

Вошті надеяӧс ассыым батальонӧс аддзӧм вылӧ, шуи вой кежлас асыя югыдӧдз здук кежлӧ ойбыртлыштны. Майбыр тай, быд пу улын позьӧ. Абу на сэтшӧм кӧдзыд. Тӧвнас лым пытшкын узьлывлім, небыд нитш вылад ӧні он на гегды.

Пырышти туй вылысь вӧрас неуна да аддзи би киньяс. Найӧ ӧткӧн-ӧткӧн шочиника кайисны вывлань кутшӧмкӧ гуранысь. Эз чукӧрӧн, кызди овлӧ бипурсянь, а ӧткӧн, кодкӧ быттьӧ найӧс ки помсыс лэдзалис. Сыладорсянь и гӧлӧсыяс кылісны. «Кодъяс сәні вермасны лоны?» — думышти ещӧ ачым.

Виччысигтыр муні сылань. Быттьӧкӧ гуӧ пыри. Полі коньясьӧмысь. Пласыткысян кӧ сьӧкыд грузнад, синтӧ верман перйыны.

Аддзанторйыс менӧ и збыльысь шензьӧдіс. Ичӧтик бипур дорын пукалісны некымын морт. Удиті казавны еджыд бинтӧн кӧрталӧм юра кык салдатӧс, юр пыдӧс вылас муртса ӧшйыштӧм пилоткаа ефрейторӧс, — дерт, кӧнкӧ, разведчик, — да ещӧ розьясӧдз чишкасьӧм паськӧма старшинаӧс. Юр вылас сылӧн танкистлӧн шлем.

— Шойччы, шонтысьышт, — веськодя шуис старшинаыд, коді первойӧн казяліс менӧ. Быттьӧкӧ менӧ виччысьӧмаӧсь. — Войыс кузь на, а мянлысь бипуртӧ вылысянь ни улысянь оз казавны...

— Би киньясыс тай кайӧны жӧ-а, — шуи ме.

Старшинаыд шеныштис кинас, серӧктіс. Вылысь видзӧдліс ме вылӧ юрсянь кок вылӧдз, юалис:

— Кодарлань? Тылӧ? — танкыстыд босьтіс юр

вывсыс шлемсö.— Миян тані ставыс тылö петысьяс. Командирьяс син улысь петім, вот и кöзяиналам.

— Ме — мöдарö, ёртьясöс корся...

— Кысь найöс татшöм пемыд войнас аддзан!.. А то ещё фрицьяслы веськалан.

Старшина бедьторйөн гудйыштіс бипурсö, кыс кык пöжалöм картупель. Пöлыштіс на вылö, мыччис ранитчöмаяслы. Сэсся пöрчис сапöгсö, заводитіс выльысь гартны нямöдсö.

— Сапöгыз тэнад бур, ме видзöда да,— шуис көр-тöда юра салдат.

— Тырмас война помöдз,— нюммуніс танкистыд, босьтіс кнас сапöгсö, чуньяснас тутш-тотш вöчис пöтшваас.— Аддзан?

— Важөн воюйтан?— гөлөссö сетіс пыр на чöv олысь ефрейтор.

— Коймöд гоз сапöг новла,— окотапырысь вись-таліс танкистыд.— Öні мый! Пыр водзö да водзö. И фашистыд пышйö. А заводитчигас öд ми ас му вылын эг кöзяиньясөн вöлöй. Öні яндзим казгыштынны сійö кадсö. Ми пышъям, а сиктьясö кольысь нывбабаяс синванысö чышкалöны... Кутшöм олөм найöс виччысис?

— Да, сьökыд вöлі,— сөгласитчис ефрейторыз.— Коді эз тöдлив сійö кадсö, шогсö эз аддзыв.

— Ме вот сідзи чайта, другьяс: тайö сапöг гозыс — медбөрья. А сэсся воа гортö, кöмала туфли, бур гач на-выпуск, босьта сой пöлöдыс гöтырöс да муна сикт кузя. Мед аддзöны: салдат воöма!

— Видзис кö гöтырыз гачтö да туфлитö!— серökтіс кодкö.

— Менам Дуня?— скöрмис танкистыд.— Сійö менам — зарни... Кык пиöс быдтö... Танкистьясөн жö лоасны!

Мыйкö дыра кежлö сёрнияс бырлісны. Тыдалö,

быдөн думайтисны ассыныс. Танкист бөр кōмасис, бара вөрзёдіс бипурсө.

— Контузия менам неыджыд,— шуис надзōник.— Танк вылын мина взорвитчис. Некодос эз дойд, и танк мян дзоньвидза, а менам пельын жуныгō өнөдз, шуйганас нинөм ог кыв. Командир и шуис: петав санбатō, шойчышт. А кутшөм шойччөг вермас лоны война вылын, кытчөдз ловъя? Аски бөр корся другьясөс...

— Со өд кызди артмō!— варовмис и ефрейтор.— Тайō тэ веськыда шуан. Шойчыны мянлы өнi некор. Но өд и рананад этша воюйтан... Менам со килутшō осколок косыштіс. Мый вōчан?.. Но ме мөдтор йылысь кōсья. Тi со, гōтыраяс, горт йылысь думайтад. А менам юрысь обер-лейтенант оз пет. Босьтнысө босьтi, а прамōй ногөн штабō вайөдны эг куж. Пежыд, туй вылас ыръянитны мөдіс... Кыз порсь кодь ачыс, вына, чуньос весиг курччис, тышō пырис. Ме и скөрми. Кызди тай сетi бан бокас! Небось өдйō ланьтис. Норасьōма, чөртыд, штабын, нөйтис пō вайөдігад. Чайтi, награда сетасны, а менō кутисны трибуналөн повзёдлыны. А кодi мыжа? Ачым! Аслам кийō. Оз вермы сийō веськодьөн лоны оберьястō аддзигөн. Висьталōй вот меным: мыйла оз позь сэтшөмьясыслысь сюрса лыяссө чегны? Найō тай, кор вынаось вōліны, мыйсө эз вōчлыны ми вокыскөд...

— Ми абу фашистьяс,— дивитана шуис танкистыд.

Сёрни костыд эг и казялōй, кызди мян дiнын друг лои нывбаба. Уси сийō кыскō виччысьтөг, киас бура ыджыд турбаса ёкмыльөн. Локтис би дорō, сувтис.

— Бур рыт, донаяс,— шуис небыдика.

Быдөн бергөдчисны нывбабалань. Гортса паськōма нывбабаястō салдатьяс важөн эз аддзывны,

гаж быри видзодлыны на вылө матысянджык. Кытысь да кызди сійө өні лои бипур дорас, код тодас.

— Бур рыт, ичмонь,— падмөмсө медся водз веніс танкист, индіс нывбабалы орччөн прөстмөдөм места вылө, нюммуніс:— Миян дінө ті усинныд ангел моз... Кутшөм кымөр вылысь?

— Гортлань писькөдча,— нывбаба нюжөдіс кияссө билань.— Гортад тай век кыскө...

— И ылын гортыд?

— Верст куим.

— Гашкө тиянлысь гортнытө и сотоны? Аддзан кыасө?

— Пөим вылас да муна, век жө горт...— пөдыштөм гөлөсөн вочавидзис нывбаба шога.— Мися, гашкө, мездід нин сиктнымөс, аскиөдз оз виччысы, сэтшөм телепит... Куим во со коли...

Нывбаба кокныдик паськөма, юр вылас важник чышъян.

— Страшнөй вөлі фашист улад?— сүйсис сёрниө ефрейтор.— Полід?

Нывбаба бергөдчыліс сылань, паръясыс муртсамуртса дрөгмуніны.

— Тэ, донай, та йылысь эн юась,— скөрысьмоз, курыда шуис нывбабаыд.— Полөм йывсыд ми вунөдлім. Тэ вот юав, кызди ми тиянөс виччысим тайө вояс чөжыс. Войсө он узь, синтө он куньлы. Пыр өти дум: кор миян бөр воасны.

— Но, а кызди сотчөм сиктад овнысө мөдан?

— Муө кодйысям да кутам овны. Век жө гортын. Керкаыд бөр артмас, мужикьяс воасны да... А сэтчөдз терпита, ми велалөмайсь...

— Вот эськө тэныд отсасысь пыдди!— синъяснас ворсыштис ефрейтор.— Тыдалө, бур көзьяка тэ... жалитыштін эськө салдатөс...

— Кыдзкө нин отсасысьястөг,— ярскөба шуис да синъяснас сотыштис нывбабаыд ефрейторөс.—

Тэ коддѡм сайѡ ме эськѡ некор эг мун... Зѡв нин лишнѡй сѡрниа. Менам аслам верѡс эм, куим во виччыся...

Ефрейторыд падмис, тыдалѡ, яндзим лои лѡсявтѡм аслас кывъясысь.

— Ладнѡ, ме муні,— шуис сѡся.— Пасибѡ бисыныд. Менѡ виччысьѡны.— Сѡся бергѡдчис нывбабалань.— Прѡстит, менѡ, ичмонь... Ме ѡд шмонитыштї сѡмын, лѡкѡс эг кѡйы...— и воши войся пемыдас.

— Виль оберѡс корсьны муні,— синъяснас ефрейторѡс колльѡдѡм бѡрын вашмуні танкист.— Радейта ме разведчикъястѡ! Збойѡсь! Кѡть и шуасны мыйкѡ думайттѡг, век жѡ шаньѡсь...

Танкистыд, тыдалѡ, мыйкѡ кѡйис на висътавны, но мыш сайсьыс кыліс воськовъяс, бергѡдчис. Ми видзѡдлім жѡ бѡрвыв, и синъяс шармуніны: войся пемыдсьыс мян вылѡ петісны ыджыд тушаа кык фашистскѡй егер. Войвылад ѡд фашистъясыдлѡн вѡліны горно-егерскѡй дивизияяс, Гитлерлысь салдатьяссѡ ми шулім егеръясѡн.

Менам киясѡй асьныс топѡдісны автоматѡс. Но егеръяс саяд вѡліны мян кык автоматчик. Ме ещѡ казялі, кыдзи вувзысисны фашистъяс вылѡ и танкистлѡн синъясыс.

Медся водз асас воис нывбабаыд.

— Воуйтсис, мисътѡм чужѡмъяс!— скѡрысь, ёсь гѡлѡсѡн горѡдіс сійѡ, чеччис да сувтіс пленнѡйяслы воча.— Гитлер капут, сідзкѡ?.. А ті, мисътѡм чужѡмъяс, тѡдад, мый вайис мянлы тїян Гитлерныд?— нывбаба нетшыштїс юр вивсьыс кокныдик чышъянсѡ. Павмуніны, разаліны пельпом пасътаыс юрсиясыс. И быдѡн адзисны: юрсиясыс дзык еджыдѡсь.

Фашистъяс повзѡм-былялѡм еджыд синъяснаныс видзѡдісны нывбаба вылѡ. Позис казявны, кыдзи льѡбзисны налѡн паръясыс.

Сэки нывбабакөд орччөн сувтис танкист. Скөр жө, синъясыс өзйисны биён.

— Вот мый, другъяс!— скөрысь шуис сийö автоматчикъяслы.— Нуөдöй тайö кык кока зверьяссö кытчö колö, а то ме ог вермы на вылö видзöдны. Энö дойдалö нывбабасö, сылы и сідзи тырмымөнъя сюрöма. Аддзанныд? Миян лөнъ бипур абу татшөм зверьяслы... Гөгөрвоид?

— Ми мый... ми...— быттьökö мыйыскö правдайтчис öти автоматчик, кодлөн пельпом вылас вöлины сержантлөн погонъяс.— Но öд тайö... мортъяс жö!..

— Мортъяс, шуан?— дзикöдз скөрмис танкистыд.— Нуөд найöс миян син водзысь, а то...— танкистыд ырыштчис кулакнас егеръяслань.

— Но, но!.. Кокниджыка!— ырыштчысьлысь кутис кисö автоматчик.— Киён вөрзёдны ог лэдз. Мед шойччыштасны здук, куритчасны... Битте!— шуис автоматчикыд пленнойяслы, индiс кинас му вылö. Тшöктiс, тыдалö, пуксыны.

Сэсся, кытчöдз автоматчикъяс эз нуөдны водзö егерьястö, бипур дорын сёрнияс эз нин вöвны. Заводитiс югдыны, петкөдчисны медся водз пу вуджөръяс.

— Пасибö тайö бипурыслы,— медся водз сувтис танкист.— Шонтiс миянöс. А öни водзö... Быдөнлөн аслас туй. Вөрөгъясыд со ловъяöсь на миян мича му вылын.— Бергөдчис нывбабалань.— А тэныд, дона кöзьяйка, салдатлөн бур гөтыр, ыджыд аттьö сысь, мый сетiн миянлы сьөлөм асланым гөтыръяс нимсянь. Аддзан гортад туйсö? Отсавны оз ков?

— Оз... Меным танi быд пу тöдса. Пасибö и тiянылы, донаяс! Мед ен видзас тiянöс семьясыдлы!

Бипур муртса чусалис, би киньяс эз нин кайны вывлань. Быдөн разöдчисны асланыс туйöд. Ме петi жö корсыны ассым батальонöс. Абу и ылын вөлöмаöсь.

— Ёсты тэно кытчоко!— стрөжитіс мено лейтенант.— Чайті, мина выло веськалін. Тэно корсьны йозос мододлі. Узыштін коть конко неуна?— тождысяна видзодліс ме выло.

Менам син водзын пыр на чусалис ичотик бипур, шонтіс сьолөмөс.

*Карельскöй фронт.
1943—1945 вояс.*

КУИМ ЛУН И ЕЩО ОТИ ВОИ

Повестъ



ПЕРВОЙ ЛУН

1

одкө матын кылө сьокыда ружтыштіс. Тайө шысыс Малыгин воис садьө, восьтіс синьяссө.

Гөгөр дзурс пемыд. Быттьө гуын. «Көні ме?»— медся водз визьнитіс вежөрас. Юрыс ёнтіс, пеляс жуньгис. Вом пышкас курыд, көсийө восөдны.

Кывзысьыштіс. Матын некод эз кыв. Но кодкө өд ружтыштіс жө. Аслас пельөн кывліс.

Кутыштіс лов шысө, выльысь кывзысьыштіс. Да, кажитчө, кодкө неылын эм: кыліс мортлөн ныр пырыс нускыштөм. Коді сійө? Позьө-ө шыасьны? Гашкө, ачыс врагьяс киын, и найө виччысьөны сылысь, Малыгинлысь, садьмөмсө. Думсьыс ещө ёнджыка йөжгыльтчис. Вермис кө, ёкмыльтчис эськө дзи-көдз.

Бура дыр куйліс ланьтөмөн. Тыдалө, весиг унмовсьыштіс мыйкө дыра кежлө. Вөтын моз кывліс: гоз-мөдысь юр вьстас шармунлі. Тадзи зэр вөйтьяс шыавлөны брезент палатка вылын. Но кутшөм зэр вермас лоны, кор воддза луннас уси лым, и ставыс гөгөр вөлі еджыд?

Вөрөдыштіс кок чуньяссө. Көмкотсө эз кыв. И паськөмыс вылас, тыдалө, эз вөв, кокньыдик

шебрас кындзи. Ки пöвнас нуöдiс чужöм кузяыс. Мый тайö? Гартöма? И синъясыс. Та вöсна и гөгөр пемыд. Да ещö лекарство да майтöг дук. Дзик жö татшöм майтöг дук öвтыштiс, кор найö чеччыштiсны фашистьяслөн траншеяö.

Син водзас сувтiс серпас. Тöрыт тайö вöли али водзджык? Мый лоны — мед лоас! Оз мöд чöv овны, виччысьны, кор гутöс моз лямöдасны чунь помөн. Вeськалi кö враг киö, пиньөн и гыжйөн водзасьны мöдас. Салдатлы медся лёкыс — фашистьяслы ловйөн веськавны. Овны оз жö сетны,— виасны, ли мучитöмысла кувсян. Сöмын не плен!

Син водзас вуджöртiс дженьыдик бой немецкöй траншеяын. Сы дыра кыссисны, и ставыс лои здукөн. Со старшина кыпöдiс граната, öдйö видзöдлiс бөрвыв, синъяснас гөгөр кыйкнитлiс, шыбитiс водзö гранатасö. Сэсся котöртыштiс водзö да кежис кутшöмкö траншеяö. Малыгин гөгөрвоис старшиналысь видзöдлассö: тшöктiс виччысьны.

Водзын, кодарланьö старшина шыбитiс гранатасö, здук кежлö ыпнитлiс яр би, гөгөр дрöгмунi. Малыгин öдöбтöмөн йöткыштчис кокъяснас, уськöдчис старшина бөрся, неуна лажыньтчыштöмөн кежис траншеяас. Водзö казтылöмыс гудыртчис.

И со, куйлö кытöнкö. Паськöмтöм, кöртöда. Кöни? Бур, ас йöз ордын кö. А врагъяс кийн кö? Кыдзи татчö веськалi? Кöни Степан другыс, кодi сэни, траншеяас, вöли неылын, эз кö весиг орччөн? Найö сетлiсны кыв: не воштыны син увсьыныс öта-мöдсö, сетны отсöг, кор ковмас. Но кыдзи сетан отсöгсö, кор войыс сэтшöм пемыд, водзын котöртысьяслөн муртса-муртса вуджöрныс тöдчыштö.

— Кодi танi матын?— мый вынсьыс, кажитчö, горöдiс Малыгин. Асьыс гөлöссö эз кыв. Артмис кутшöмкö ымöстöм, томиник куканьлөн моз. Кöсийс пуксьыны места вылас, юрсö кыпöдны юрлöс выв-

сьыс, туша пасьтаыс юковтіс. Ойöstіс да выльысь вунöдчис.

Дыр-ö вöлі садьтöгыс — оз тöд. Кор выльысь восьтіс синъяссö, лои шензьымön: чужöм көртöдыяс пырыс дзузгыштіс лун югид. Неылын лöзöдыштіс ичöтик öшиньлön муртса тöдчыштан серыс. Öшинь водзас тыртöм койка. Гөгөрвоис: куйлö брезентöвöй палаткаын. И лекарство дукөн öвтö. Сьöлём вылас кокняммыштіс: тыдалö, асланыс медсанбатын. Фашистьяс киын кө вöлі, найö эськө эз водтöдны небыд койка вылö. Но мыйла матын некод оз кыв? Эз жö татчö öтнассö эновтны? Выльысь көсийс горöдны, чукöстны ловъя мортöс, мед көть коді сійö вöлі, но шуис на виччысьыштны. Сэтшöм лöсьыд куйлынысö: вольпасын, шоньд, некыт, кажитчö, оз вись ни оз доймы.

Заводитіс водзö казьтывны тöрытьясö. Разведчикъяслөн взводлы (сы вылö и разведчикъяс!) сувтöдісны мог: гусявны фашистöс асланыс позйысь, кызди шуласны — вайöдны «языкөс». Оборонаö писькөдчыны абу кокни, да ещö кватитны мортöс. Татшöмтор вылас Малыгин эз на петавлыв, көть разведчикъяслөн взводö Степан другыс дінö воём бöрын эз нин öтчид вöвлы посныдджык делöясын. Тыдалö, мян войска лöсьöдчисны и тані, медся войвылын, наступайтны. Кывсьö, Карельскöй фронтлөн лунвылын фашистьяс бöрынтьчöны нин, сійөн и «языкыс» ковмöма.

Кык вой разведчикъяс кыйöдісны-видзöдісны противниклөн оборона бöрся. Стöча тöдмалісны, кушöм кадö да кызди вежласьöны часөвöйяс постьяс вылын, көнджык найö сулалöны. Лейтенант Гордеев, разведчикъяслөн взводын командир, ачыс петавліс ас оборона сайö.

Заводитчис ставыс лючки-бура. И войыс вöлі кывыв, позьö шуны: тöv пöльтіс противникла дорсянь, быд ичöтик шы нуис мянла дорö, эз мөдарö. Да и

тöлыс вöлі ёсь, чизыр, кöдзыд. Ывлаыс пемыд, кымöра. Разведчикьяс петісны еджыд масхалатьяс-тöг, кöть вöлі нин лымъя: траншеяд еджыд паськöмаястö фрицьясыд казяласны ылысянджык.

— Автоматьяс оз öткажитны? И лимонкаяс да-сьöсь?— операция вылö петтöдз на стрöга юасис старшина Мухин быдöнлысь. Талун сійö веськöдлö группанас, и кöсйис вöчны ставсö лейтенант моз. Мухин бөрья кадас и устор лэдзыштіс лейтенант-лөн кодьöс жö.— Ещö öтчыд ставсö выль пöв вид-лöй, видзöдлöй...

Фашистьяслөн оборона нюжöдчöма джуджыд керöс бокті, саяныс — вылö качöдчысь сопка. Тайö сопка вылас да керöс бокьясас ляпкыдик корья пуяс вöлöмаöсь жö, но снарядьяс да минаяс чирсöмаöсь дзикöдз, пöшти нинöму абу кольöма, весиг пу вужьяссö ломтас пыдди перьялöма, быттьö гөрöма гөгөр. Абу дивö: фронт тані öти местаын сулалö кык во чöж, эз öти дас мина да снаряд усь сопка пасьталаыс. Кор татчö вöрыс вылысь быдмас? Салдатьяс та йылысь эз öтчыд сёрнитлыны, кöть войналөн помыс эз на тыдав, и егерьяс со оз на кöсйыны мунны тайö кöдзыд му вывсьыс. Но быдөн тöдісны: оз кö мунны, ковмас вöтлыны.

Быд разведчик тöдö, мый сылы вöчны. Кодлы водзö мунны да корсьны часöвöйöс, а кодлы и бөрöджык кольчыны — видзны водзö мунысьясöс, ковмас кö и отсыштны биён. Быдторйис вермас лоны, казяласны кö фрицьясыд разведчикьясöс водзджык.

Но, буракö, артмис сідзи, кызди и вöлі арталöма. Сэсся öд, егерьясыд кынмысьöсь зэв, пыр гегдöмаöсь. Оз-оз дай шонтысьыштны блиндажьясö пырыштласны. Та вылö и арталіс старшина Мухин, да ещö аслас разведчикьяслөн збойлун да пельклун вылö.

Операция вылö петігас на Степан Потапов шуис Малыгинлы, мед сійö пыр лоö матынджык ас дінас.

Найö кыкөн каньяс моз кыссисны старшина бöрся, турун сi эз вöрзьев.

Разведчикьяс матыстчисны, а дзот дорын сулалысь часöвöйыд эз тыдав. Не то пырöма кытчöкö, не то вешйöма траншея кузяыс тöv сайö, кысянькö ылысяньджык кыйöдчö. Но кадыс эз виччысь. Он бöрынтьчы куш киён, мöд часöвöйöс он корсь. Код тöдас, кöни сийö?

Век жö куимнаныс лэччисны траншеяö. Ныраныс öвтыштіс уль му дук. Бытьö пеласянинö веськалісны. «Лёк фашист дук!»—удитіс думыштни ещö Малыгин.

— Со сийö!— шöпнитіс Мухинлы Потапов, индіс кинас траншея помланьö, кöни рудöдіс часöвöйлөн мыгöрыс. Тыдалö, куритчыны сайöдчыштілöма.

Малыгин аддзыліс, кызди старшина кань моз уськөдчис сылы мышкөн сулалысь постöвöй вылö, сывйыштіс сийöс, топöдіс морöс бердас, öти кинас тупкис вомсö, мед оз горöд. Мöдыс шы эз удит сетны. Сэсся старшина тойыштіс фрицтö Потаповлань.

— Босьтöй!— муртса кывмөнья эз шу весиг, а шöпнитіс Мухин.

Потапов да Малыгин кыпöдісны фрицтö траншея бруствер сайö, а сэни сийöс босьтісны мукöдьяс. Буретш сэки көнкö неылын кылö тричмуні ракетница, и вылын юр весьтын öзйис ракета, югдöдіс гөгөр. Сяркмуні неылын автоматной öчередь.

— Здукөн! Öдйö!— шуис Мухин, но первой отсаліс на Потаповлы и Малыгинлы кыпöдчыны бруствер сайö, вöлисти кайис ачыс.

Ставыс тайö лои öти здукөн. Куимён уськөдчисны асладорö.

Водзö Малыгин нинöм оз помнит. Кажитчö, взорвитчис неылын мина, и кодкö быттьökö сылы мышсяньыс ёна кучкис юрас, көрт каскаас. Син водзас сувтліс би сюръя. Кажитчö, кодкö сэсся кыскис сiöс, мыйкö шуис на, нуис кытчöкö. «Но кызди вои

санбатодзис? Коді вайодіс татчө?— думайтіс öні ас кежсыс.— Эг жө öд ачым вермы локны?»

Малыгин сэтшөма вөйтчис тайө думъясас, эз кывлы весиг, кызди сылөн юр водзө матыстчис еджыд халата нывбаба, сувтіс да кутіс видзөдны куйлысь вылө.

— Садьмин, бур пи?— кыліс сэссия мелі гөлөс.

— Көні ме?— кирган гөлөссө лэдзис Малыгин, и эз төд ассыс гөлөссө: кодлөнкө быттьө мөдлөн, абу аслас.

— Сэні, көні колө, бур пи,— шуис нывбабаыд меліа.— Горшыд оз косьмы? А то — коймөд сутки садьтөм.

— Коймөд сутки?

— А тэ кызди чайтан! Другъясыд кыскөмаось. Шой кодьөс. А кор видзөдлім, абу и ранитчөмыд. Каскаыд юртө видзөма. Эн шогсы ёна: бөр сувтө-дам кок вылө. Энлыв, ме тэныд первой юантор вая. Виччысьыштлы, бур пи.

Кылө, нывбаба здук кежлө петаліс и өдйө бөр локтіс. Сюис небыдик кисө Малыгинлы юр улас, кыпөдыштіс юрсө, көрт кружкаөн сетіс юны. Кутшөм чөскыд вөлөма ваыс! Быттьө мөс вөра йөв мамыс мыччис! Радейтіс Сима ичөт дырйиыс пөсь йөвсө юыштны.

— Көртөдсө менсьым разьны оз позь?— юаліс.— Мыйла көртөдыс, абу кө ранитчөма?

— Разям, эн тэрмась.

— Ачыд жө шуан, некутшөм рана абу. А көртөдыс мыйла?

— Доктор тшөктіс. Бурджык пө лоө синмыдлы, көть тыдалана рана абу.

— Тэ аддзылін, коді менө вайодіс?

— Кыкөн... Öтиыс уска, мөдыс неыджыд тушаа, гөгрөс еджыд чужөма. Сержант жө, буракө, ещө.

«Старшина да Степан... Сідзкө, ловьяөсь...»—

радпырысь думыштіс Малыгин. И сэтшөм телепит лои аддзөдлыны найөс кыкнаннись.

— Пасибө,— артмис Малыгинлөн.

— Меным мыйысь? Другьясыдлы пасибөсө висьтав... Эз эновтны, кыкисны.

— Мелі кисьыд... Мамөс пыдди аттьөала. Сійө менам дзик жө тэ кодь.

Нывбаба пыдісянь ышловзис.

— Уналы тай тані мам пыдди ковмас. Ылынөсь өні тиян мамъясныд, томъяслөн. И быдөн гортаныс шогсьөны да төждысьөны. Батьыд көні?

— Гортын. Пöрысь нин. Вок менам ещө воуйтө... И чой ещө гортын.

— Унаөн өні воуйтөны, унаөн... Уналысь вирсө босьтө пеж войнаыд,— бара пыдісянь ышловзис нывбаба. Малыгин эз аддзы сылысь чужөмсө, но төдіс: дзик жө көнкө мамыслөн моз төждысяна.

— Войнас кодкө орчча кровать вылын вөлі... Ме кывлі кодлыськө лов шысө.

— Вөлі тэ кодь жө том молодец. Вайисны, а водтөднысө некытчө. Тэнө өд татчө жө водтөдім, командиръяс местаө. Мукөдлаас эн жө төр. А тані — койкаыс тыртөм... Вайөны тай со, он удит меститны. Мыйөн вөрзисны, коставлытөг на вайөны да вайөны. Ок, уналысь лысьөмсө чегъяласны, калекаясө вөчасны. А гортаныс быдөнлөн мамъяс да невестаяс виччысьөны. Менам кык зять жө воуйтөны. И ачым со тшөтш жө тані. Мурманскысь ме. Нэмөс больничаясын. Тэнад өд, бур пи, невестаыд көнкө эм жө?

— Абу,— вочавидзис Малыгин, ачыс думыштіс Лена йылысь. «Көні нин сійө өні?»— думыштіс. Дерт, Лена абу невеста сылөн, но век жө унаысь усьлывлі дум вылас.

Малыгин первойсө пыдди эз пукты нывбабалысь воддза кывъяссө. Сөмын бөрынджык воис вежөрөдзис: «Коді вөрзис?.. Кытчө?»

Юалис.

— Талун асывводз заводитчис... Миянладорын омөля и лыйсисны, а неылын ёна грымакыліс,— висьталіс нывбабаыд.— Пышйö пö немечыд пасьталаын, а миян вöтлöны...

«Вот узьсьыштöма менам! Немеч пышйö, миян вöтлöны, а ме вольпась вылын куйла тані,— думайтіс Малыгин.— Степан сэні, старшина, лейтенант Гордеев. Мый дыра виччысим тайö кадсö, лосьöдчим, а заводитчис метöг...»

Нывбабаыд быттьö гөгөрвоис Малыгинлысь думь-яссö, малыштіс көртöда юрöдыс.

— Терпитышт, терпитышт, бур пи... Тэнад пай вылö кольö на. Тырмас на войнаыд быдöнлы пöттöдзыс,— шуалис нывбаба. Гөлөсыс öні сылөн лон стрөг, көть важмозья вöлі мелі.

— Оз көсьыссы ёртьясысь торьявны,— шуис Малыгин.— Öта-мөд дінö велалöма... Кутшöм öд кокниджык воюйтнысö, дінад кө ас йöз...

— Сідз эськө да, мый вöчан,— бара ышловзис нывбаба.

— Сестра!— корис Малыгин.— Разь көртöдсö чужöм вылысь... Синмөс неуна восьтышт.

— Тайöс вöчны ме ог вермы. Фёдор Гаврилович видчыны мöдас.

— Коді сэтшöмыс?

— Доктор.

— Сідзкө, докторсö кор!

— Сылы некор... Тэ куйлыны на верман, а сэні... Тöдан, сэні мый вöчсьö?

— Сідзкө, ме ачым разя... Ме сэні жö көсья лоны! Гөгөрвоан?

— Чöv ов, бур пи,— дивитана шуис нывбабаыд.— Докторыд ачыс регыд локтас. Виччысьышт. Кынöмыд оз сюмав, бур пи?

— Оз!— ордіс Малыгин, көть эськө кынöмыс

важөн нюкрөдліс. Кутшөм радпырысь эськө өні паняліс пось шыд. Но нинөм эз шу.

— Ладнө! Вая да вердышта. Көсьян кө воюйтны, ёнөн колө лоны, вынтө чукөртны. Сөйтөгьд...

Сестра эз помав, кылө петіс. Регьд мысти сестра вайис шоньд шыд. Малыгин кималаснас здукөн ректіс сійөс.

— Вот тадзи бурджык лоө!— ошкис нывбабаьд.

Малыгин бара коліс өтнас. Дум вылас бергаліс Степан другьс.

«Қоркө верма-ө бурсө вөчны?— юаліс ассьыс.— Кор на, гашкө, аддзысям ськөд... Гашкө и дзикөдз торьялам... Ог вермы ме куйлыны тані...»

2

Степан Потапов да Серафим Малыгин важся другьяс, гортсяньныс на. И салдатьяслысь туйсө кызвыннас талялісны орччөн.

Малыгин чужліс да быдмис Сыктывкарын. Батьыс коркө вөвлөма кузнечөн, но, кьдзи помнитө Сима, важөн уджаліс вөр пилитан заводуын. Карын налөн вөлі асланыс керка, батьыс лэптылөма. Налөн оланіныс шусьыліс Көкулькарөн. Важсянь пө тадзи, код төдас мыйла. Гашкө и кутшөмкө Көкуль вөсна. Быдмис Сима, позьө шуны, карын и сиктын. Көкулькарыд өд абу жө прамөй кар. Сыктыв ю вылө вуграсьны лэччигьясөн көкулькарса зонпоснияс мунлісны каршөрса уличаяс кузя. Карса зонпоснияс кыйөдісны найөс, каттысисны зычитөм вылө, көть и повзьөдлөмысь водзө нинөм жө эз артымь. Сэтшөм нин челядьдырся олөмыд.

Велөдчис Малыгин карса школаын. Бура ылөдз ковмис котравны. Некутшөм автобусьяс сэки эз на вөвны. Школаын карса зоньяс вөліны збойджыкось, ас котырнаныс ьджыдалісны переменяяс дырйи.

Сизим класс помалом бөрүн Малыгинлөн батыс тшөктіс пиыслы пырны велөдчыны ФЗО школаө, слесаритны велөдчыны.

— Слесарнөй уджыд — зэв колана,— велөдліс батыс.— Ас серти шуа. Да и заводскөй йөз дорын лоан. Мортө велөдасны сәні. Велөдчы, он мөд менө видны.

Война заводитчан воө Сима уджаліс цехын нин, батыскөд орччөн верстак сайын сулаліс. Ыджыд-джык воксө войнаөдзыс на босьтісны армияө да сәні командирө велөдчис.

— Тэныд регыд жө ковмас вок дінад мунны,— шуис бать ичөтджык пиыслы, кор локтіс ыджыдсө колльөданінысь.— Нинөм он вөч! Гач кө новлан, ковмас служитны. Ме ог эскы Гитлерыдлы. Война кежлө лөсьөдчө. Дерт жө мян вылө медся первой уськөдчас.

— Кутшөм на Симаысь салдат!— дорйыштіс пи-сө мамыс.

— Ковмас кө, и ме муна,— орөдіс батыс.— Ме төда немечьястө, воуйтлі накөд... Сьөкыд лоө.

Малыгин эськө и ачыс окотапырысь муніс фронт вылө. Кымынөс нин колльөдісны цехысь. Карын том йөзыс төдчымөн чині. Сима ветліс горвоенкоматө. Сәні ськөд и сёрнитны эз мөдны.

— Кутшөм на тэысь салдат!— шуисны.— Быд-мышт, вынъястө чөжышт.

— Гашкө, военнөй училищеө?— эз на вошты надеясө Сима.

— Ичөт, ичөт... Тушаыд эм, а арлыдыд оз тырмы... Челядьөс воуйтны ми ог мөдөдөй. Кор ковмас — корам.

Цехын котыртчис фронтөвөй бригада. Малыгин сэтчө жө вуджис. Бать радпырысь видзөдіс пиыслөн быдмөм-вынсялөм вылө. Сылы, коммунистлы, торья вөлі любө.

Малыгин казяліс: сылөн өшинь увті заводитіс

ветлөдлыны сы арлыда жө еджговат гөгрөс чужо-
ма косөдіник зон. Раминик, тыдалө. Мунас өшинь
увтід, быттьө вуджөртас. Паськөмыс абу карса-
лөн кодь: ас вурөм донтөминик пинджак, сэтшөм
жө гач. Дерт, утюг абу на аддзывлөма. Зонкаыс
тайө оліс суседъясын. Юалис мамыслысь, кутшөм
том морт олө Жеребцовъяс ордас.

— Гриша дядьдлөн племянникыс... Степанөн,
буракө, шуоны,— висьталіс мамыс.— Зэв вежөра,
ме видзөда да. Дядьыс ошкө, некор пө уджтөг оз
пукав, пыр мыйкө вөчө керка гөгөр. Төдмасин эсь-
кө сыкөд. Тэнад другъясыд, видзөда да, вывті збо-
йось.

Сэки Сима нинөм эз шу мамыслы. Зонкаыс сылы
сьбөлөм вылас мыйөнкө воис жө.

Зонкакөд төдмасьөмыс лои тадзи.

Өти рытө Малыгин да суседскөй другыс Федя
вөлі локтөны улича кузя гортланыс. Кар помөдз
кольөдісны нывъясөс. Сэтчөсса зонъяс эз өтчид
ыршасьлыны чегъявны лынысө, көкулькарсаяс эз
эновтчыны. Нарошнө на воывлісны. Повзян кө,
нывъяс водзын лоө яндзим.

Другыс — Федя Клыков — тэрыб вөраса жеби-
ник зонка, быд здукын повзьөма, каньысь полө. Та-
йө рытнас, нывъясөс кольөдөм бөрын, гортланыс
варовитігыръя восьлаліг, Сима ылысянь казяліс:
өти важ керка пельөс сайсянь налы воча петісны
куимөн. Федя аддзис жө, тувкыштіс Сималы бокас,
довкнитіс юрнас водзлань.

— Пышъям!— вашнитіс, кылө, Федя муртса кыв-
мөнъя. Синъясыс шармунөмаөсь, ачыс гөгөр дзорь-
ялө. Дерт, арталө, кодарө пышйыны.

Малыгин төдіс паньд локтысьясөс. Куимнанны-
сө. И сійө эз көсйы петкөдлыны повзьөм.

— Эн пов... Мунам водзө,— шуис Сима да ку-
тыштіс Федяөс пельпомөдыс. Но мөдыс повзьөма
видзөдліс, пескыльтчис ки увсьыс. Видзөдө да,

Клыковлөн коклябөръясыс вирдыштисны ылын. «Но и друг!— серөктіс Сима думсьыс.— Надейтчы тэнад отсөг вылө!.. А куимлы водзсасьны лоө сьөкыд».

Паныд локтысьяслөн юрнуодысьыс Митя Сорвачев — кузь тушаа, вына зон. Сійөс Малыгин төдіс бура, быд здукин дась панны тыш, зычитыштны. Унаон полисны сысы, лөсьөдчылісны «велөдыштны» йөзтөминын, но эз на удайтчыв некодлы. Пышьяс кө өні Малыгин, Сорвачевыд нырсө ещө вылө качөдас, ошйысьны кар пасьтаыс мөдас: көкулькарсаяс пө тіралөны сы водзын. «Көть мый да, ог жеж!»— шуис аслыс Малыгин. Казяліс ещө: Федя Клыков керка пельөс сайсянь нюжйөдлө кисө, корө асланьыс. Сима пыдди эз пукты, быттө эз гөгөрво Федяөс.

Куимөн локтісны надзөник, ас костаныс мыйкө сералісны, а кор дзикөдз матыстчисны, ещө водзө чургөдісны моросьяснысө.

— Но! Миян друг тай вөлөма!— пинь пырыс сөдзөдіс Сорвачев, бергөдчис Малыгинлань, чорыд кабырнас кватитіс Симаөс шошаөдыс, бергөдіс асланьыс.— Он көсий төдны другьястө?

— Мый тэныд колө, Митя?— лөня, асьсө кутөмөн, юаліс Малыгин, көсийс мездөдчыны чорыд кабыр улысь.

— О-о! Төдө жө вөлөм!— Сорвачевыд видзөдліс орччөн сулалысь другьясыс вылө, жергөдліс пиньяссө, заводитіс личкыны Малыгинлысь юрсө мулань.— Аслад другьяслы копрасьны колө! Тадзи, буракө, бур йөзыс вөчлөны?.. Али он төд? Мамбатыд эз велөдлыны?

Сорвачевлөн другьясыс вак-вакөн гораа сералісны.

Малыгин скөрмис, бертовтчис мый вынсьыс, мездөдчис Сорвачев кабырысь, конйыштіс сійөс весь-

кыд кокнас, пескыльтчис да зургис морөсас. Мөдыс тайөс эз видзчысь, шнөпкысис-уси мостки бокө.

— Ак, тэ ещө тадзи!— горөдіс лёкысь Сорвачевыд, звирк сувтіс кок вылас да кыкнан кинас шашаритчис Малыгинлы морөсас, горөдіс другьясылы:— Но-кө, сеталыштөй бур пөт! Мед вунөдас ми-ян нывъяс дінө туйсө!

Кыкөн уськөдчисны путкыльтны Малыгинөс кок вывсыс. «Куимыдкөд он водзсась»,— воис сылы вежөрас, но зілис сулавны кок вылас, не усьны, и сэк жө видзны чужөмсө том йөзлөн кулакьясысь.

Сэки кодкө уськөдчис налань, тойыштіс Сорвачевөс. Малыгин первойсө эз төд отсөг вылө воысьсө. Эз жө өд Федя другыс збоймөдчы? Видзөдліс Сорвачевкөд тішляйтчысь вылө, төдіс: Жеребцов ордын олысь том мортыд вөлөма.

Отсөг аддзөм бөрад Малыгинлөн вынъясыс содісны. Кыкөннад кокниджык лөб.

Неылын кыліс ещө гөлөс. Гашкө, та вөсна и Сорвачёвыд лигышмуні, бара сөдзөдіс пинь пырыс:

— Лэдзөй... Миянысь сійө оз на пышйы. Мунім!

Сорвачев катлігтігтыръя муніс аслас туйөд, сы бөрся котөрөн вөтчисны другьясыс.

— Ёна удитісны сетавны?— төждысяна, синмас видзөдөмөн, юаліс отсөг вылө локтысьыд.— Ылысянь казялі: куимөн өти вылө. Мися, видзөдла, а вөлөм тэнө...

— Пасибө, Стёпа.

Мөдыс видзөдліс Малыгин вылө. Тыдалө, виччысьтөм лой нимнас шуөмыс.

— Ми өд суседьяс... Мунам гортланьным,— шуис Малыгин, сэсся серөктіс, Клыковөс казьтыштөмөн.— Менам вөлі жө өти друг, но повзис да пышйис...

Та бөрын Сима Малыгин да Степан Потапов лойны другьясөн. Потапов вөлөм сэтшөм том йөз пөвстысь, кодьяс синмад нинөмөн оз шыбитчыны, а

кор төдмасын, тэ водзё сувтас морт, кодос модан пыдди пуктыны, сылысь бур сёлөмсё кылан. И кымын водзё, сымын ёнджыка кыскас татшөм мортыд ас дінас. Найё век нин нюжодасны ки колігөн, воасны отсөг вылө.

Быдмөма Степан Эжва бокса сиктын ыджыд семьяын. Ичөтсянь ковмөма уджавны, отсасыны мамыслы быдтыны посниджык чой-воксё. Батыс кадысь водз кувсылөма. Стёпа помалөма жё сиктса школа, кык во отсасёма мамыслы, а таво локтөма карё, пырөма уджавны Сыктив ю сайса мастерскөйё, денгатор нажөвитыштны мамыслы отсөг вылө.

Унатор велөдчис Малыгин выль другыслысь. Кымын водзё, сымын ёнджыка көртассис сы діно. Тайё вөлі и аслыс гөгөрвотөм: карса морт сідзи сетчис сиктын быдмысьлы, рам мортлы. И эз жалит. Вөлөмкө, унаторйын Степан сы дорысь вежөраджык. И книгатё унджык лыддылөма, унджык төдө.

Уна рыт өтлаын коллялісны кык друг. Кыдзкө и воддза другьясьсыс ылысмис Малыгин, заводитіс унджык пукавын книгаяс сайын.

Война заводитчөм бөрын Степан да Сима кутісны унджык сёрнитны война йылысь. А кор мян салдатьяс дугдісны бөрынтычыны, радлісны и найё. Радио лунысь-лун юөрталіс выль карьяс мездөм йылысь.

— Ми вот ог удитөй ветлыны, мянтөг войнаыс помасяс,— шуис өтчыд другыслы Сима.— Көть нин өдйөджык арлыдным тыри...

— Во джыннад? Оз на помась войнаыд,— шуис сэки Степан.

И век жё кык друг виччысисны ассыныс лунсё. Өти лунё мунісны карса военкомат діно нопторьясөн. Мамыс Степанлөн воліс жё писё колльөдны.

И Лена вөлі колльөдысьяс лыдын. Дерт, көнкө,

медсясö Степан ради жö. Локтöма век жö, кöть кыкнаныс эз корны.

Сима ружтыштис, мед вунöдны казтылöмторьяс-сö. Ок, томдырся луньяс! Кутшöм тi донаöсь! Кутшöм эськö рудöн кажитчис аслад олöмыд сийö луньястöгыс! Унатор нин аддзылисны Сима Малыгин да Степан Потапов сийö тöвся лунсяныыс, кыдзи подöн петисны Сыктывкарысь да Айкиноöдз мунисны кык лун чöж, сэсся пуксисны вагоньясö. И рад вöли Малыгинлы — другыскöд веськаліны öти полкö. Степан — разведчикö, Малыгин лои сапёрöн. И ещö рад вöли сыысь: Лена колльöдис найöс кар помöдз.

— Ме регыд жö тiян бöрся! — вöли нывлөн бöрья кывьясыс.

3

Кутшöм ньöжмыда муно кадыс куйлігад, дивö босьтö. Шуйсны кö эськö Малыгинлы некымын лун сайын, мый сылы ковмас туплясьны санбатын, эськö радпырысь шуис:

— Вот узышта пöттöдз!..

Пöттöдз узыны разведчикьяслы этшаысь сюрлö. Салдатьяслы дорысь этшаджык. Пöттöдзыс узыны Сималы эз сюрлы и сапёралігас — пыр котөрөн да котөрөн, то öти удж, то мöд. Колö эськö коркö артыштны, мыйта кад салдат тышкасьö врагкöд, и мыйта кольö тышьяс костас!

Дум вылас воліс, кыдзи Сима другьясыскöд öтчид воліс Мурманск карö. Эз и дыр сэни овны — кык лун, но коліс казтылантор. Мурманск кöть и ёна жугöдöма, фашистьяслөн самолётьяс эз öтчыдысь писькöдчывны сы весьтöдз да шыблавны бомбаяс, век жö мича кар: гöраяс гөгөр, матын — море. Тырыс морякьяс, уна нывьяс. Унаöн военной

паськѡмаѡсь. Сима пыр кѡсийс паныдасьны Лена-кѡд. Письмѡяс серти сійѡ тѡдїс — Лена кѡнкѡ вой-вылын жѡ. А мый ѡд, вермас и паныдасьны! Мед кѡть Лена бѡрїис Степанѡс, Сима оз вежѡгты нылѡс другыс дїнѡ. Степан быд боксянь бурджык сыысь. Мед и шудаѡсь лоѡны, мед и ловъяѡсь кольѡны война помѡдз. Но кѡть кызди эз сюсяв Малыгин, Ленаѡс казьявны эз удайтчы. Код на ѡд тѡдас сійѡс, войвывса фронтыд кузьсыс кузь, гашкѡ, тысяча жѡ километр, абу кѡ унджык: Ленинград дорсянь да Мурманск сайѡдз — ставыс Карельскѡй фронт.

Ок, думъяс, думъяс! Помтѡмѡсь найѡ, и он мынтѡдчы. Вѡлѡмкѡ и вольпась вылад куйлѡмыд абу гаж, мудзан сыысь, мустѡм лоѡ. Медся лѡсьыд век жѡ другъясыдкѡд гажсѡ и сьѡкыдсѡ юкны, и нинѡм таысь мусаыс да донаыс свѡт вылас абу. Мамыд, дерт, мам. Сы дїнѡ мелїлун, куслытѡм пѡсьлун. Фронтѡвѡй другыд сїдз жѡ аслад сьѡлѡмлѡн тор. Тѡ — сылы, фронтѡвѡй другыдлы, ставнад, а аски — сійѡ тѡныд. «Танї кѡ дырджык куйлыны — бокъясыд дубаласны ли розяласны!» — думсьыс скѡралїс Малыгин. Он тѡд, кѡнї мый вѡчсьѡ. Ѣнтай сестраыд шуис: «вѡрзисны». Кык во землянкаясын да траншеяясын олѡм бѡрад позьѡ и шуны «вѡрзисны». А кытчѡдз мунїсны? Кѡнѡсь ѡнї другъясыс? Кѡсийсыс тѡдны пыр жѡ, а вольпась вылад этша мый тѡдмалан. И ѡдвакѡ кодкѡ волас.

Кутшѡма налы Степанкѡд окота вѡлї лоны фронт вылын, и мед эськѡ орччѡн. Сѡрнїясын гора кывъяс эз радейтны шулыны. Гѡгѡрвоана вѡлї ѡтитор: налѡн местаыс фронт вылын, салдатскѡй радъясын. Эз этша фильм видзѡдлыны война йылысь. Кѡтѡртѡны да усьѡны салдатъяс. Взрывайтчѡны снарядьяс, шутьлялѡны пуляяс, осколокъяс. А салдатъяс повтѡг мунѡны водзѡ. И кор радио пыр кылан «Вставай, страна огромная» сыланкыв, сьѡлѡмыд дрѡгмунлѡ. Кык друг зїля котралїсны военнѡй заня-

тиеяс вылө, лөсьөдчисны да велөдчисны лоны сал-
датъясөн, но сійө өд абу фронт вылын.

Бара казтыштіс Ленаөс. Сулалө син водзас дай
ставыс!

Төдмасисны нылыскөд Степан да Сима өтлаын.
Өтчыд кыкөн лэччисны карса паркө. Луныс мича,
гажа. Бөрья кадас карса паркын музыка этша кыв-
ліс, не сьөдз вөлі, а сійө луннас ворсіс: пасйисны
праздник лун. Öні оз помнит кутшөмөс. Көть война,
көть карын том йөзыс этша, рыгыснад паркын чу-
көрмылө жө. Музыка шочиника ворсіс, но танцуйт-
ны окотитысьяс этша сюрліны. Қызкө быттө абу
и лөсьыд.

Степан первойөн казяліс пристаньө лэччан туй
бокын скамья вылын пукалысь нылөс. Прөстөйиник
паськөма, нинөмөн оз шыбитчы синмө. Мичаник
гөгрөс чужөм, гырысь синъяс. Потапов да Малыгин
пуксисны жө скамья вылас, панісны нывкөд сөрни.
Стөпа юалис нимсө.

— Мыйла тіянлы төдны?— серөктыштіс ныв, быт-
төкө ошйысис посныдик пиньяснас.

— Армияө регыд мунны,— вочавидзис Стөпа.— А
миянөс колльөдысь нывъяс абуөсь.

— Сідзи и абуөсь?— бара нюммуніс ныв.— Омө-
лик зонъяс, сідзкө...— ныв выльысь кытшовтіс ми-
чаник синъяснас зонъясөс.— Ылөдлад буди!

Қыв бөрся кыв. Висьтасис Лена Белыхөн. Ве-
лөдчө курсьяс вылын, уджалө тшөтш. Бөрынджык
висьталіс: радисткаө велөдчө. Зонъяс кывлісны
тайө курсьяс йывсьыс, көсйисны весиг сэтчө тшөтш
пырны, но велөдчисны снайперъясө.

Сійө лунсянныс Сималөн да Степалөн этша лун
кольлі Ленакөд аддзысьлытөг. Сима өдійө казяліс:
Лена меліджыка видзөдльвлө Степан вылө, но эз
скөрмы. Гөгөрвоис: мырдөн мусаөн да коланаөн
он ло.

Колльөдігас, кор военкомат дінын сетісны коман-

да сувтны стройö, Лена кыкнаннысö окыштіс, шуис:
— Виччысьöй и менö!.. Регыд тіян дінö жö
локта...

Малыгинлысь думъяссö торкис мужичöйлөн гө-
лөс:

— Мый, том морт? Нывъяс йылысь думыштчин?

Малыгин эз кывлы, кор палатаö пырöмаось док-
тор да сестра. Доктор босьтіс Сималысь кисö, ку-
тіс, тыдалö, кывзыны пульссö.

— Оз позь нывъяс йывсьыс?— юалис Малыгин,
кор доктор лэдзис сылысь кисö.— Мый сэсся ме-
ным тані вöчны?

— Буретш тайöс и тшöкта, том морт,— шуис док-
тор.— Кытчöдз тэ он мөд думайтны гортö кольöм
нывъяс йылысь — он бурд. Тайöс ме бура тöда...
Но, кызди делöясыс, том морт?

— Бурөсь... бурөсь сылөн делöясыс, Федор Гав-
рилович,— шыасис сестра.— Пöгиб вон, көртөдсö
корö разьны. Синмöй, шуö, оз доймы.

— Тайöс ми видзöдлам, Евдокия Павловна. Оз,
сідзкө, доймы синмыд?

— Оз...

«Кутшөм небыдикөсь докторлөн киясыс,— ду-
майтіс Малыгин.— Оз дойдны». Сапернöй взводын
Малыгинöс велөдлісны небыд киөн жö матыстчыны
минаяс дінö. Чорыд кыд пö чорыда и зургас. Тайö
думыс кызкө быттьөкө матыстіс сійöс öні доктор-
көд. Докторыд со чуњьяснас жö уджалö, кызди и
сапёр.

Эз удит Малыгин помөдз вайөдны воём думсö,
кызди син водзас воссис: сы весьтö чужөм бердö-
дзыс копыртчөма доктор. Еджыд халата, сэтшөм
жö еджыд колпак юр вылас. Съөд синъясыс видзö-
дöны веськыда.

— Но-ко, петкөдлы морөстö,— доктор вештіс

куйлысь вылысь шебрассо, виччысис, кор Малыгин кыподас дөрөмсө. Сэсса съолөм весьтас зургис көдзыд стетоскоп.

— Мый нө... Кажитчө — бур! — шуис Федор Гаврилович, веськөдчис да пыдысянь лолыштис. — Пеляд оз кыв ни? Контузия тэнад вөлөма. Поли, мися син вылад төдчас...

— Оз... — рад лои Малыгинлы. — Некутшөм шы пельын оз шувгы.

— Регыд кутан котравны, том морт, — докторлөн синъясын Малыгин аддзис радлун жө. — А вот куйлыштны ковмас на...

— Дыр? — повзис Малыгин.

Докторлөн синъясыс стрөгмисны. Сийө бергөдчис сестралань.

— Кылан, Евдокия Павловна? Дыр куйлөмысь миян салдатъяс полөны! И татшөм йөзөс көсийсны пөкөритны! Молодец, сержант! Кытысь ачыл татшөмыс?

— Комиысь ме... Сыктывкарысь.

— Төда. Кывли. Менам друг тиянын уджавлис. Оні фронт вылын жө. А ме, другө, белорус. Но вот, коми морт! Ковмас лун-мөд куйлыштны.

— Доктор! — Малыгин пуксис места вылас. — Кыдзи миян? Мунөны водзө?

— Бура мунөны миян салдатъяс, бура. Вөрзисны кө, оні мунасны. Западная Лица и Титовка вуджөмаось. Петсамо дорө матыстчөны. Тэ эн төждысь, сержант. Тэтөг ставыс артмас. Тэ — куйлышт, шойчышт. Ковман на. Мөд сөрни оз вермы лоны.

Доктор, кокниа восьлаліг, петіс. Сы бөрся петіс и сестра. Оздөс дорын бергөдчыліс да петкөдліс Малыгинлы кулаксо. Код төдас, кыз сийөс коліс гөгөрвоны.

Малыгин бара коліс өтнас. Онөдз съолөмсө йиран съөкыд думъясыс друг вошины. Мый оні сылы? Синмыс восьса, сідзкө и туйыс восьса. Отитор вөс-

на тѳждысис: кыдзи суѳдны другьяссѳ. Вуджасны кѳ Титовка, лоѳны ылынѳсь. Куйлыны кѳ ещѳ лунмѳд, водзѳ мунасны. Дерт, сылань ѳні уна машина-яс муноны, но улыс дѳрѳм-гач кежсыд ылѳдз он во. А паськѳмтѳ Федор Гавриловичтѳг некод оз сет. «Колѳ сѳрнитлыны Евдокия Павловнакѳд,— воис мѳвп.— Копыртчывны кок улѳдзыс. Оз жѳ ѳткажит? Гѳгѳрвоас салдатѳс. Зятьяссѳ казътыла. Мися, налы эськѳ ѳмѳй эн сет».

Кымын водзѳ думайтис, сымын крепаммис думыс. Окота лои пыр жѳ чукѳстны сестраѳс, панны сѳрни. Но воссис брезент палаталѳн ѳдзѳсыс и Малыгин аддзис эз кодѳскѳ мѳдѳс, а старшина Мухинѳс, сылысь сьѳд уссѳ медся водз. Старшина сайын нюмъялис тѳлысь моз Степанлѳн гѳгрѳс чужѳмыс. Пельпомьяс вывсьыныс весиг плащ-палаткаяснысѳ абу шыбитѳмаѳсь.

— Со сійѳ кѳні!..— уськѳдчис старшина Малыгинлань.— ѳдва и корсим!

Кыкнаныслысь морѳсьяссѳ тасалис автомат. Кыкнаныс мичаѳсь, ѳнѳсь, радѳсь. Малыгин муртса эз пѳд нимкодъысла.

— К-кы-тысь т-тѳ -т-тат-чѳ уси-нныд?— сѳмын и артмис сылѳн.

Кыкѳн локтисны крѳвать дѳнѳ, кыпѳдыштисны куйлысьсѳс, сывъялисны.

— Л-лѳдз-дзѳй!— мездысис Малыгин другьяс-ыслѳн сывъясысь.

— Нинѳм оз ло!— шыалис Мухин аслас взводын моз гораа.— Поздравляйтѳ! Мыйѳн полкѳ воан — морѳс вылад медаль ѳшѳдан...

— Кутшѳм медаль?— эз на во асас Малыгин.

— Бур фрицѳс миян кыскысьсѳма... варѳвѳс... Важѳн пѳ лѳсьѳдча тѳянладорѳ вуджны, тѳлкыс эз вѳв. Код тѳдас найѳс: ѳні быд фашист шуѳ «Гитлер капут». А важѳн-ѳ мѳд ног сьылисны? Но, кыдзи тѳнад? Кыкнан кокыд местаын? И юрид?

— Контузия вёлёма... Некутшом рана.

— Сідзкө, пасьтась! Мунам мянкод. Мыйон воим операция вылысь, лейтенант ачыс мөдөдис. Тэно видзөдлыны, а позяс кө — вайөдны взводө. Но, верман бөр мунны? Сэтшөм öни гажа! Лапландскöй армиялысь мороженöй запассö сөям.

— Ог төд... Доктор шуис: ковмас куйлыштны...

— Кутшөм ещö доктор?

— Федор Гавриловичөн шуöны.

— Кытысь сийöс аддзыны позьö?..

Но сэки воссис палаталон брезент öдзöсыс, и вaрыш моз локтысьяс вылө уськөдчис сестра. Синьясыс паськалөмаöсь, кывьяссö муртса вермө шуавны, весиг шенасьö кияснас:

— Тi кыдзи лысьтiд татчö пырны? Кутшөм тайö пöрадок — пырны висьысь дiнö юасьтöг?— видзөдлiс Мухин вылө.— Ачyd ещö старшина. Яндысьны колö!

— Мамаша!— заводитiс Мухин, но сестра ещö скöрысь вувзьысис сы вылө, көть чужöмсö парсалас.

— Кутшөм ме тэныд мамаша! Ме — медицинскöй службаса старшина! Ме вот тiянлы! Мунам доктор дiнö, сийö тiянлы... сувтöдас кыкнаннытö во — фронт! Капитан сийö, тiян дорысь ыджыдджык...

— Мунам, мунам, медицинскöй службаса старшина ёрт!— каблукияснас тшолкнитiс Мухин. Кужис сийö татшöмторъястö. Ачыс нюмъялö, дась вöчны ставсö, мый тшöктас сестра. Евдокия Павловна-лон, тыдалö, сьөлöмыс небзьыштiс. Дай кыдзи оз небзьы татшöм молодеच्याсöс аддзöм бöрын.

— Меным öд мый...— ныр улас нин броткис сестра.— Фёдор Гаврилович менö видас, а то — пöжалуйста!..

— Ставыс гөгөрвоана, медицинскöй службаса старшина!— выльысь тшолкнитiс каблукнас Мухин, весиг уссö лöсьöдыштiс.— Мунам тiян капитан дiнö... Медицинаын уджалысьястö ме ичötсянь ра-

дейта... Сысянь на, кор найо меным вочлісны укольяс...

— Но, но!— строгмодіс чужомсё сестра.— Вывті тай кыв-вора! Мунім...

Сестра петіс. Мухин вочліс син пөвсё кольысьяслы да вөтчис жө Евдокия Павловна бөрся.

Потапов да Малыгин колины ас кежысь, видзөдісны ота-мөд выланыс. Налы и кывъясыс эз ковны, сідз гөгөрвоисны ота-мөдсө, Степанлөн чужом вылысь Малыгин лыддис: «Бур, мый тэ дзоньвидза. Ме со кок вылын жө, а мый аски виччысьо — думайтны ог мөдөй».

— Виль операция вылө петалід?— бура дыр мысти гөлөссө лэдзис Малыгин.

— Мыйөн вөрзим, пыр на котрөдлісны.

— Ставөн ловъяөсь?

Потапов довкнитіс юрнас.

— Тайо бур. Письмөяс эз вөвны?

Малыгин казяліс: Степан падмыштліскодь.

— Ленасянь письмө воліс.

— Мый выльсө гижө?

— Тэ йылысь юасьо. Ещө пө войвылө вешйи. Матын пө тіянсянь.

Малыгинлөн горш бердас кыптыліс комок, нылыштис бөр. «Мед көть и Стёпалы гижө,— думыштис.— Ловъя кө и, меным сэсся нинөм оз ков... Матын пө миянсянь. Гашкө и паныдасьны удайтчылас».

Бөр локтіс старшина.

— Вот и морт тэнад докторыд! Сёрнитны оз көсйы... А ми тэнө сьорсыным век жө нуам. Ог ло ме старшина Мухинөн, ог кө нуө. Пасьтась!

— Шулі жө: паськөм менам абу ордын.

— Көні?

— Складын, тыдалө.

Мухин вөчис гоз-мөд воськов палата кузя.

— Тані молодеच्याс век жө... Видзөдтө, коман-

диръяслөн палатао водтөдөмабсь тэнө,— гөгөр видзөдліс да ошкана нюммунис старшина.— Пыдди пуктөны, сідзкө, разведчикъястө... Оз вермы лоны, мед ме тэныд паськөм эг судзөд! Шынельюд да пилоткаыд век нин аддзыяс.

Потапов гораа серөктіс.

— Улыс гачнас мунас? Еджыд кальсоннас? Шуан жө, старшина!

— Гач и гимнастёрка сюрас! Ас ордын выльысь пасьтөдам. Ме ог ло старшина Мухинөн, менам кө запасын абу. Абу сэтшөм крепостьыс, кодөс эськө старшина Мухин эз босьт!

Радейтліс старшина ошйысьыштны.

Старшина бара петіс. Недыр мысти пырис Евдокия Павловнакөд.

— Ог вермы ме тайөс вөчны!— пыригмозыс шуис сестра.— Некыз ог вермы.

— Он вермы? Татшөм нывбаба да он вермы! Тіянлы, көсьян кө, менам мушкетерьяс ставсө вөчасны! Из улысь судзөдасны. А тэ шуан — ог вермы!

— Мый сэтшөмсө вөчасны тэнад молодечьясыд?— эз вермы кутны серамсө нывбаба.

— Война помасьөм бөрын ки выланыс гортөдзыд нуасны! Этша тайө? Сималы талун колө лоны ас-лас взодын. Сэтшөм приказ!

— Кодлөн?

— Майор Никитинлөн. Миян полкса командирлөн,— эз джөмды Мухин.— Ми вайим татчө другимөс, ми и нуам.

— Лун-мөднад ылөдз он на вешйөй! Суөдас,— эз сетчы сестра.— Кывлін, мый шуис докторыд?

— Тіян делө — видзны, миян...— старшина эз по-мав, шеныштіс кинас.

Малыгин гөгөрвоис: старшина мыйкө думыштөма. Сійө, ышмас кө, да пырас кө мыйкө юрас, оз лөдзчысь. Абу сэтшөм морт старшина Мухин. И

көт сестра пыр на пукаліс на дінын, старшина уди-
тіс вашнитны кыв-мөд Малыгинлы.

— Гөгөрвоин?— юаліс сэсся бокөвөйтор йылысь
моз.

— Мый сэні шөпкөдчад?— казяліс сестра.— Тэ,
старшина, смотри! Доктор водзын мыжмыны ме ог
көсйы.

— Мый ті, сестра! Зарни ань! Ме да өбидита тія-
нөс! Старшина Мухин тадзи шуө. Медицинаын
уджалысьяслы лөкөс нинөм оз ло вөчөма. Но, му-
нім, Потапов. Первойысь на старшина Мухин эз
вермы вөчны сійөс, мый тшөктіс командир. А ста-
выс тіян вөсна, медицинскөй службаса старшина
өрт! Сюсь нывбаба ті. Шуа тай — зарни ань!

Бергөдчигас Мухин бара лапнитіс синнас Малы-
гинлы, шлочнитіс чуньяснас. Евдокия Павловна
кольөдіс сійөс вазьом синъясөн.

— Бурөсь тэнад другьясыд,— ышловзис сэсся
Евдокия Павловна, кор саялісны старшиналөн да
Потаповлөн мышьясыс.— Гажаөсь. Татшөмьясыс-
көд, көнкө, и воуйтнытө кокни. А синмыс сылөн
мудер, ок, мудер!

Петігас нин содтіс:

— А тэ узышт, бур пи, чукөрт вынтө. Шуа тай:
сійө ковмас на тэныд.

Узьсяс өмөй та бөрын. Сідзи и куйліс Малыгин
синсө куньөмөн. А мыйөн пемдыштіс, кодкө вось-
тыліс палата өдзөс, джоджас уси ыджыд ёкмыль.

— Сержант!.. Тэныд!— кыліс Малыгин.

Сійө жө рытнас Малыгин пасьтасис вайөм пась-
көмө, кок шысө кутөмөн петіс палатаысь. Ывлаын
сійөс виччысисны. Паськөмыс вөлі аслас.

— Öдйөджык... шытөг,— бара кыліс Малыгин.

Куимөн вошины пемыдас. Ывлаын бөр шондөдө-
ма, усълөм лым сылөма, и вөйся пемыдыс вөлі дзурс
сьөд. Надзөникөн войтасис зэр.

— Кызди тэ судзөдін паськөмсө?— юаліс Малы-

гин, кор найö бура ылö туй кузя петисны санбатысь.

Туй кузя мунисны машинаяс.

— Военной тайна, сержант!— серöктис старшина.— Ме да ог вöч, мый көсья! Сюри меным мичаник ангел, отсалис. Абу на öд быдöн медицинскöй службаса старшина кодьöсь. Шулывлöны тай: кывйыд Киевöдз вайöдас.

Быттьö нарошнö, машинаяс некод эз көсийны сувтыштлыны. Бура ылöдз сідз мунисны туй кузя.

— Мый тэкöд, сержант?— юалис сюсь старшина, кодлөн войялысь синъясыс аддзисны водзысь и бöрысь.— Видзöда да, мыйкö абу рад? Вылөджык юртö, сержант!— клопнитис паськыд лапанас Малыгинлы пельпомас Мухин.

— Федор Гавриловичöс öбидитим,— ышловзис Малыгин.— Бур сійö зэв, небыдик кияса, а ми сылы — лёкös вöчим. И Евдокия Павловнаöс тшöтш. Лёкөн мöдас казътывны тэнö и менö...

— Öбидитим, шуан?— Мухинлы ставыс веськодь. Сьöлöмыс сылөн радлис: оз куш киөн мунны. Аски сійö кутас на взводын ошйысьны.— Он тэ первой санбатсьыд пышйы. Неважөн на кино вылын петкөдлисны. Кор салдат пышйö фронтлань, а оз мöдәрö — тайö зэв бур. Сідзкö, фашистъяс ылö скöрлуныс сылөн ещö чорзьöма... Уставтö ме ачым тöда. Кор бур ылö сійöс торкан, некод оз дивит. Войнаыд, другö, миянлысь уна грек на вештас.

— Ог тöд...— нюжöдис Малыгин, видзöдлис Степан ылö. Потаповлөн чужöмыс долыд жö. «Мый лоны — мед лоас!— думыштіс Малыгин.— Бөр он жö бергöдчы. Бара на веськала аслам частьö, ог торъяв ёртъясысь».

— Ас ылö мыжсö босьта. Лейтенант гөгөрвоас да доръяс, ковмас кө. Ачыс жö шуис: мед оз нюжмась, кок вылын кө сулалö... Ладнö, топсьöдİM водзö. Со, эсійö машинаыс дзик босьтас миянös. Эй, другö!— лэптис ки пöвсö суöдысь машиналы...



МӖД ЛУН

Ӗз, орудиеяс, машинаяс, вӖвъяс. Ставыс тайӧ сетчӧ рытиввыв. Не-кымын лун сайын на ставыс тайӧ дзебясис му пытшкын, сайласис вӖрын. Ӗні ыльӧб-тис тыр вынӧн йӧрысь мездмӧм вӖв чукӧр моз, и оз тырмы некодлӧн вын сувтӧдны сийӧс. Та мында вынтӧ аддзигӧн содӧ выныс и салдатлӧн. Водзын, первой эшелонын мунысьяс, зырӧны фашистьясӧс рытиввыв да рытиввыв, а тани, армиялӧн сидз шу-сяна мӧд эшелонын, лӧнь. Сьӧд креста самолӧтьяс оз жӧ шыавны сынӧдын. Ӗтиӧс на эз казьявлыны. Прамӧя, тыдалӧ, лунвывса фронтъяс вылад дзес-кӧдӧмаӧсь фашистьястӧ, татчӧ кӧ самолӧтьяссӧ оз вермыны вичмӧдны.

Туй ӧтарын и мӧдарын негырысь сопкаяс. Арся веж кышӧдыс налӧн пӧртмасьӧ зарни рӧмъясӧн. Туй то лӧчывлӧ горув, вуджӧ изьяс костӧд сӧль-гысь сӧдз ваа шоръяс вомӧн, то сопкаяс костӧд каттысьӧ вывлань. Шоръяс вомӧн посъяс, изйысь да бетонысь. Дыр кезлӧ овмӧдчылӧмаӧсь татчӧ фашистьясыд, эз жӧ ӧд миянлы кольӧм вылӧ татшӧм ӧн посъяссӧ вӧчны?

Кок улын, зумыд туй вылын, шуракылӧны зарни коръяс. Найӧс тӧлӧдӧма туй шӧрӧдз сопкаяс вывса кызьяс да ловпуяс вылысь. Уна салдатлӧн кок та-лялис зарни коръяссӧ, и пыр на шуракылӧны.

Лун-мӧд сайын на, Западная Лица вуджигӧн, вӧ-лі лымъя ар. Кажитчӧ, муыс вевттысьсис тӧвбыд кезлӧ еджыд эшкынӧн. И ваыс юас йиа кӧдзыд. А тани и лымйыс абу. То ли абу на усълӧма, то ли бӧр удитӧма сывны.

Веськыдвылын — Баренцӧвӧй море. Сийӧ оз ты-дав. Морелӧн лов шыыс кылӧ: сынӧдыс улисмыштис,

вывтасінъясті мунігөн пуркнитлывлө небыдик төв. И улис төвруыс кажитчө солаөн.

Паныдасисны пленнөйяс — няйт-руд паськөма-
өсь, сьодось, бритчйтөмось. Сулалісны туй боқын,
синкымьяс увтіныс видзөдісны полклысь маршсө.
Қод төдас, мый йылысь думайтісны. Дерт жө эз сы
йылысь, кутшөм наградаяс найөс водзын виччысис,
кызди вөлі куим во сайын тайө жө туй кузяыс асыв-
ыв восьлаліг. Сэки вөлі гожөм шөр, весиг и тані,
войвылын, лунъяс сулалісны мичаөсь, шоныдось,
и мича ывлаыс кызкө эз лөсяв сійө лөкыскөд, мый
вайисны няйт-руд паськөмаясыс. Найө сэки вылын
нырөн восьлалісны, көйсисны «пөкөритны» больше-
викьясөс, босьтны аслыныс му, шонид лун вылысь
имениеяс, гырысь наградаяс фюрерсянь. Нинөм та-
ысь эз артмы. Öні восьлалісны сыланьө жө, но —
пленө.

— Воюйтсис!— шуис кодкө том салдатъяс пиысь,
чургөдіс автоматсө няйт-руд паськөмаяслань.

— Но, но! Тані эн збояв!— өлөдіс орччөн вось-
лалысь арлыда нин салдат, кутчысис том мортлөн
автомат стволас, вештіс бокө.

— Жалитан?— вувзьысис мөдыс, скөрлунсө ку-
тіг.— Асьныс жалитісны? Менсьым мамөс и чойөс
виисны. Мыйысь?

— Мед... А тані оз позы! Мортөн колө лоны! Абу
зверьяс ми, фашистьяс мозыд.

Пленнөйяслөн чукөр коли бөрө. Автоматчикьяс
петкөдісны найөс туй шөрө, нуөдісны водзө. Öткы-
мынъяс няйт-руд паськөмаяс пөвстысь весиг нюмъ-
ялісны: налы войнаыс помасис, гашкө надейтчисны
ловйөн кольөм вылө.

Қөнкө водзын, ылысса сопка сайын, шочиника
гымыштлывлө быттьө. Сэки муыс кокьяс улын
сыркмунлө.

Торья батальонъяс вылө юксьөмөн восьлалө и
майор Никитинлөн полк.

Колонна юрын аслас взводкӧд восьлалӧ и сержант Малыгин. Кок сертиыс вурӧм сапӧга. Абу керзӧвӧй, мукӧд взводъясын моз, абу обмотки, кыдзи унджыкыслӧн. Вылас дженьыдик бушлат. Пилоткаыс тшапа ӧшйыштӧма юр чут йылас. Пилотка увсыс петыштӧ русӧй юрси прать.

Малыгинкӧд орчӧн Степан. Другыслӧн моз жӧ пельпом вылас плавгыштӧма плащ-палатка. Сы улын нейджыд ноптор, вӧчыштӧ мыш вылас бура ыджыд мыльк. Нинӧм лишнӧйыс на вылын.

Полк восьлалӧ асывсяньыс. Салдатъяс мудзисны. Оз кыв сӧрни ни серам. Быдӧн виччысисны шойчӧм вылӧ команда. Ланьтӧ Андрюша Карабут, взводын медся варовыс да серам петкӧдлысыс. Сийӧ, гӧрбыльтчыштӧма, сӧкыда кыскӧ нопсӧ. Главстаршина Гогоберидзе, кодӧс ас дырйиыс и астӧгыс быдӧн шуӧны Яша-грузинӧн, пехотаӧ веськавлӧма флотын служитӧм бӧрын, ӧнӧдз на оз торйӧдчы аслас матроскӧй тельняшкакӧд. И матроскӧй бескозыркаыс сӧрсыйыс, видзӧ меддонатор пыдди, нопсыс кыскывлӧ бойӧ петигӧн. Гогоберидзе — повтӧм, збой, биӧ и ваӧ медся водз пырӧ, мед матрос нимсӧ не уськӧдны.

Колонна юрын восьлалӧг, Малыгин ӧти бӧрся мӧд казътывлӧ унатор. Тайӧс вӧчигӧн мудзтӧ онджык кыв, шойчӧм вылӧ командатӧ он виччысь.

Налӧн дивизияыс бӧръя кадӧдз сулалӧ тасянь лунвылын, Карелияса вӧръясын — Кестеньга кардӧнын матын, позис кӧ сийӧс шуны карӧн. Коркӧ сӧни кык судта керкаяс жӧ сулавлӧмаӧсь, но фашистыяс сотӧмаӧсь ставсӧ. Куш пач трубаяс кар местаас. И олысыс некод абу.

Сӧни Малыгин служитӧ сапернӧй взводын на, кытысь Потапов водзджык вуджлӧс разведкаӧ. Степан важӧн корис Малыгинӧс вуджны жӧ, но Сима полӧскодь. Ыджыд надеяыс аслас вын вылӧ эз вӧв, а вынтӧгыд кутшӧм разведчик. Дерт, и саперӧн ло-

ны абу кокни. А кытысь корсян кокнисö: миномётчикöн, артиллеристöн — быдлаын сьöкыд, быдлаын война.

Отчыд сапёрнöй взвод петис кутшöмсюрö уджъяс вöчны Лоухи станция дорö. Сэни колис ремонтируйтны öти пос, кодöс жугöдöма немецкöй бомбардировщик. Вит лун сэни уджалисны сапёръяс. Отчыд Малыгин неылысь салдат чукöрысь аддзис тöдса мыгöра мортöс. Ылысяньыд эз вермы стöчмöдны, матысмис. Кутшöма Малыгин падмис, кор сийö тöдис Митя Сорвачевöс. Вот кöни аддзысисны! Митя тöдис жö Малыгинöс, ачыс водзджык локтис, нюжöдис кисö.

Сорвачевлөн пельпом вылас ефрейторлөн погонъяс, морöсас «За отвагу» медаль.

— Бур лун, Сима!— жермуні Митя.— Тöдін?

Первойсö сёрни эз кодь артмы. Дырөн варовмисны. Вöлöмкö, Сорвачев разведка взводын жö, а öни петöмаöсь шойччыштны Лоухи станцияö.

— Нывъяс вылö видзöдлыны!— ошйысьыштіс Сорвачевыд. Тайö модаыс сылөн кольöма на.— Жаль, регыд бөр мунны... Тэ, Сима, вунöд, мый мян костын коркö вöвлі... Челядь вежöра на сэки вöлі. Армияд ме и комсомолö пыри, разведкаын со... Со и медаль сетисны. Мыйöн орден сетасны, партияö кута вöзйысьны...

— Ордентöгыс нö оз позь?— эскытöма на юаліс Малыгин.

— Бурджык, кор орден...

Сорвачев вöлöма накöд орчча дивизияын, но та бöрын сідзи и эз удайтчыв паныдасыны. Öтитор вöчис тайö аддзысьлöмыс — Малыгин вуджис Степан дінö, разведка взводö. «Мыйöн ме омöльджык Митяысь?— шуис аслыс.— И вынөн абу слабджык».

Öни, уна йöза туй вылас, Малыгин эськö ёна кöсийис аддзывны ещö öтчыд Сорвачевöс, сюся видзöдис мукöд частьясса салдатъяс вылö. Но аддзан

өмөй та мында йөз пөвстсьыд! Мыйта вөлөма войскаыс и войвылад. Малыгин шензис.

— Тэ мый? Пельтөммин?— бокас тувкис Степан.— Лейтенант корө!

Малыгин казяліс водзысьджык старшина Мухинлысь балябөжсө. Сійө, төдөмысь, кывліс жө водзысянь чукөстөмсө, быттьө виччысис Малыгинлысь видзөдлөмсө, бергөдчис да шеныштіс кинас, корис ас дінас.

— Тэ — смотри! Висьталан, кызди велөді... Менө эн подведит...— шөпнитіс старшина, мед мукөдьяс эз кывлыны.

Войнас, кор куимөн — старшина, Потапов да Малыгин — пөпутнөй машина вылын суөдісны полкнысө, Малыгин эз и петкөдчыв лейтенантлы.

— Нинөмла,— шуис старшина.— Ме висьтала сылы локтөм йывсьыд... Тырмас. Ставыс лоө бур.

Лейтенант Гордеев, разведка взводса командир, сямнас круткодь, но сьөлөмыс сідз жө өдйө небзьө, кызди и пузылө. Топыд тушаа, сьөд синъяса да сьөд юрсиа, сысысь полыштісны взводын: мукөд дырйиыс скөр вывсьыд вермис и лишнөй горөдны да штрафнөй батальонөн повзьөдны, көть сы вылө ыджыд помкаыс эз вөв. И сэк жө радейтісны командирнысө разведчикьяс, мөд бать туйө пунктисны: зэв нин удачаа разведкаө ветлігөн. Неважөн на воис училищеысь, тулыснас, эз зэв көсйы первойсө босьтны взводсө разведчикьяслысь, но регыд велаліс командиравны, и сэк жө кужис петкөдлыны салдатьяс дінө мелілун. Оз энөвт некодөс, медся сьөккыдінсьыс ачыс отсалас петкөдны.

Взводын төдісны: лейтенант радейтіс и содтыштавны, торъя нин ыджыдджык командирьяс йылысь сёрнитігөн. Сы ногөн кө, командирьяс сы вылө и эмөсь, мед стрөжитны салдатөс. «Бурджык, кор лишнөй видыштан,— велөдліс Мухинөс Гордеев.— А то сылі вылад өшъясны. Мый гортас бать-

ыс да мамыс эз велөдны, ми тані велөдам, мый эз
видыштны — ми тані видыштам. Гөгөрвоин?» Та
боксянь кө, лейтенант да старшина вөліны өтсыма-
ось. Та вөсна найө и өдийө велалісны өта-мөд дінас.
Лейтенантлөн вөлі өти слаблун: эз вермыв ачыс на-
кажитны мыжмөм мортөс. Тшөктас старшиналы,
либө ыджыдджык командирьяслы суд вылө сетас.
Взводын тайө лыддысис медся чорыда накажитө-
мөн.

Войнас, кор старшина висьталіс лейтенантлы Ма-
лыгинөс вайөдөм йылысь, Гордеев ёнасө эз и юась.
Шуис сөмын: «Молодеч! Эз дыр кежлө стройысь
пет. И тэныд пасибө: корсин, отсалін аслас частьө
веськавны. А то өд горшөсь бур салдат вылад».

Войнас полк сулаліс посёлокын, көні фашистьяс-
лөн вөвлөма не то лазарет, не то санбат. Та вөсна
узянін и небыд вольпасьяс быд офицерлы сюрини.
Важөн татшөм небыд вольпась вылын эз узыльв
лейтенант. Разведчикьяс кыськө весиг минераль-
нөй ва запас аддзөмаөсь да лейтенантлы кыскисны
быдса ящик. Лейтенант бура ужнайтіс, юыштіс
флягаысь спирт, да узис, позьө шуны, мамыслөн
вольпась вылын моз. Та вөсна и асылыс кажитчис
мичаөн. И друг, корисны полкса командир дінө.

— Кутшөм мортөс тэ пышйөдін санбатысь?—
юаліс майор, кор Гордеев сувтіс сы водзө. Радейт-
ліс полкса командир асьыс разведчикьяссө, и то-
рья нин Гордеевөс. Коркө ачыс сэтшөм жө томөн
заводитліс военнөй туйсө Никитин, и рад вөлі, мый
сылөн том офицерьяс служитөны бура. Гордеев
төдіс, мый майор радейтө сійөс, бур пыдди лыддө,
и видзөдіс полкса командирлы синмас. Майор ачыс
велөдліс тадзи: не вештыны синтө бокө, он нылөс
ылөдлы, а асьыд командиртө.— Сэні воштөмаөсь
сержант Малыгинөс. Көні сійө?

— Аслас взводын, майор ёрт!— ярскөба вочави-
дзис лейтенант, майор вылысь синсө вештывтөг.—

Сійӧс войнас вайӧдіс старшина Мухин, кызди и ачыд тшӧктылін, майор ёрт. Контузия неыджыд Малыгиныслӧн вӧлӧма, сэсся нинӧм...

— Санбатас тэнад старшинаыд эсійӧ... вывтіджык, тыдалӧ... Докторыс норасис... Сійӧ лишнӧй оз висьтав. Меным абу лӧсьыд сы водзын: гожӧмнас менсьым апендицит вундіс... Ыстыв ме дінӧ Малыгинсӧ. Сёрнитыштны кӧсья. Верман мунны.

Лейтенант бергӧдчис нин, кызди колӧ, но майор содтіс:

— Эсійӧ ещӧ... Йӧзасид кӧ нин, то кызкӧ асьныд... метӧг кызкӧ-мыйкӧ... Гӧгӧрвоид?

— Қызза, майор ёрт! И зэв бура гӧгӧрвои!— сӧмын и вермис вочавидзны лейтенант. Сылӧн майор вылӧ ӧбида эз вӧв. Ачыс Гордеев радейтіс жӧ майор Никитинӧс, и сылӧн эськӧ эз тырмы вын ни мукӧдтор ӧбида вылас. И Малыгин дінӧ старшинаӧс да Потаповӧс мӧдӧдігӧн майор шуис сӧмын: «Тӧдмалӧй, кызди мый сылӧн делӧясыс... И мед оз нюжмась, кор вермыны кутас...»

Дерт жӧ, старшина санбатад тэрмасьыштіс, вывті уна босьтіс ас вылас. Но мыжыс абу нин сэтшӧм ыджыд, мед майорлысь отсӧг ӧні корны. «Век жӧ молодец миян полкса командирным!»— радпырысь думыштіс лейтенант Гордеев да гырсьӧдіс воськовсӧ.

2

Лейтенант Гордеев дерт эз тӧд, мый полкса командир майор Никитин сійӧ луннас скӧраліс асьвьяньыс. Та вылӧ помкаыс вӧлі уна. Мӧд лун сетіс тӧдны воддза вося ранаыс. Ёнтӧ дай ставыс! Сійӧн и батальонъясӧ тӧрыт эз вермыв ветлыны. Сэсся тылӧ ковмис мӧдӧдны Лихачев батальонысь радисткаӧс медся колана кадас, а дивизияысь некодӧс эз ыстыны. Кӧсийысьны — кӧсийысьӧны, а делӧ вылас

нинӧм. А сылы кутшӧм делӧ? Радисттӧг оз позь. Сытӧг батальон оз вермы петны рейдӧ. А мӧдӧдны коліс буретш мӧдӧд батальон Лихачевлысь. И полкын бурджык радистыс, код вылӧ позис надейтчыны, абу. Эмӧсь лыд вылас, но либӧ томӧсь, либӧ нывъяс. Ныв-радистӧс майор некутшӧм ногӧн оз мӧдӧд. Артмис нин со, дивизияын сералӧны.

Майор важӧн казяліс: вывті нин матыссаӧсь лоины мӧдӧд батальонса радистка да полкса штабын начальник капитан Фомин. Тайӧ Никитинлы первойсянныс эз во сьӧлӧм вылас. Дай шуны кӧ, кутшӧм тӧлк вермас лоны нывкаысь! Гӧгӧрын сы мында офицер да салдатъяс, быдторсӧ позис виччысьны. Бур ещӧ, капитан Фоминкӧд нылыс гартчӧ, гӧтыртӧм офицеркӧд, а то ӧд вермис лоны лӧкджык: гӧтыракӧд. Сэки эськӧ аслыс майорлы ковмис кык костӧ нырсӧ суйны. А тайӧс Никитин эз радейт. Капитан Фоминкӧд крут сёрни бӧрын тӧрыт и скӧрмис майор Никитин, и пыр на скӧралӧ. Тайӧс позис аддзыны и сы серти, кызди сійӧ асывсьяныыс котрӧдліс штабса офицеръясӧс. Не сӧмын Фоминӧс, кодӧ гӧгӧрвоис асьыс мыжсӧ да лыддис майор водзын асьсӧ мыжаӧн, та вӧсна зілис кывны сылысь быд кыв.

Сэсся Никитин тшӧктіс чукӧртны батальонса командиръясӧс, кывзыны налысь подразделенияслӧн водзӧ мунны дасьлун йылысь. Командиръясӧс майор кывзіс скӧралӧмӧн. Налӧн кывъяс серти, батальонъяс дасьсӧсь пӧртны олӧмӧ любӧй боевӧй мог. Быд командир тадзи. Быттӧкӧ полкса командир ордӧ локтігӧн сёрнитчӧмаӧсь.

— Дасьсӧсь, шуад?— майор сёрнитіс помладорыс, кӧрталіс, позьӧ шуны, комбатъяслысь висьталӧмсӧ. Сёрнитіс скӧрысь, тайӧс казялісны кывзысьяс, и первойсӧ эзкодъ весиг гӧгӧрвоны, мый вылӧ скӧралӧ майор.— Ті и вежон сайын висьталід, мый дасьсӧсь наступайтны. А кызди вуджим Западная Лица ю?

Юыс — чеччыштны вомёныс кузь кокалы; а кык салдат вёйсны. Ю вомён вуджны нинёмён вёлі — абу дасьтёма. Салдатыяслы ковмис кевны йиа ваё. А водзё? Петсамоё пыригён? Бур ещё, морякъяс отсалісны. Противник повзис кытшё босьтёмысь да бёрыньтчис. Пыр на унаёс воштам минаяс вылын. Сідзкё, омёля велёдім... А ті ставныд — дасьось! — майор мыйкё дыра чёв олыштис, видзёдіс комбатыяс вылё, кажитчё, корсис выль кывъяс. — Ми ёні мёд эшелоньнёсь. Мукёдъяс востёны миянлы туй. Но тадзи дыр оз ло. Колё вёчны сідз, мед прётвник пышйис садътёг. Туйыс сылён, веськыда кё шуны, ёти. Дерт, кутшёмкё юкён вермасны мунны и море пыр, но сэні авиациялён делё, абу миян. А медым ордны противниклысь бёрыньтчан туйсё, ковмас мунны гёраясті, сопкаяс вомён. Сідзкё, ыджыд техникаён он мун. Та вылё колё дасьтыны салдатыясёс. Выланыс мед нинём лишнёй эз вёв, а унджык минаяс да снарядъяс.

— Став полкён мунам? — юалис кодкё.

Майор видзёдліс юалысь вылё, топёдліс пельпомъяссё.

— Лёсьёдчыны колё ставлы ётмоза... Дивизиясянь приказ вот-вот воас.

Кор комбатыяс кутісны петны, майор шуис:

— Капитан Лихачевёс кора кольччывны.

Лихачев бергёдчис.

— Кывзы, капитан. Тыдалё, рейдас ковмас петны тэныд. Сідзи ме чайта. Кызди ачыл? Сёмын веськыда.

— Зэв радёсь лоам, майор ёрт... Зэв ыджыд честь.

— Дасьтысьёй. Мыйён приказ воас, вола ачым.

— Батальонын надёжнёй радист абу, майор ёрт...

— Тёда... Кёсийысисны ыстыны. Зэв пё опытнёй радист. Партизаньяскёд противниклён тылын не-

кымынысь вёлёма. Ещö вот мый... Та вöсна и бергöдi. Тыдалö, капитан, академияд мунöмьд недьрнюжалас. Тайö операция бöрас. Медся бур рекомендаця лоö. Кутан на велöдчыны академияын, капитан!

— Атьö, майор ёрт!..

Капитан Лихачев мунöм бöрын майор думыштчис. Быдмöны том офицеръяс. Война вылад быдмöны öдйöджык. Эм, кöни петкöдлыны, кодi мый дон сулалö. Ачыс сийö на моз жö заводитiс, и со полкөн командуйтö. Дерт, и сылы колö думыштыны водзö велöдчöм йылысь. Гашкö и сылы на удайтчас помавны академия. Но первой колö вермыны врагöс. Дивизияса генерал сетiс тöдны, полкыслы пö гашкö и кольöм кык батальоннас на ковмас ещö рейдö петны. Мед уналатiджык орöдны прöтивниклы бöрынътчан туйсö. Мед татчöсса дивизияяс враг эз вермы вуджöдны рытиввылö. Танi, ыли войвылын, фашистъяслөн вына опорной базаяс этша. Петсамо да Киркенес, пöжалуй, медся вынаясыс. «Воддзаыс мян кын. Киркенессö бомбитö мян авиация. Регьд, тыдалö, сэтчö пырам жö»,— думайтiс майор.

Ординарец вайис завтрак, пуктiс пызан вылö. Сэсся сувтiс, юалана видзöдлiс майор вылö.

— Мый тэныд, Кошелев?— казялiс сийö.— Мыйкö кöсьян юавны? Бара көнкö важсö? Разведчикъяс взводö вуджöдöм йылысь?

— Майор ёрт!..

— Ладнö, Кошелев... Тэ местаö мортыд сюрас, а разведкаад быдөнöс он босьт. Тэкöд разведкаö позьö мунны. Висьтав Фоминлы, мед корсяс тэ местаö мöд мортöс. Висьтав — майор тшöктiс.

Кошелевлөн синъясыс гажмисны.

— Майор ёрт!.. Пасибö ыджыд... Мый танi, ординарецад... А то войнаыдлөн помьс матысмö.

— Удитан на, Кошелев.

— Эн шуöй, майор ёрт! Миян войска пö Юго-

славияö пырöмаöсь. Тöрыт радио пыр висьталісны. И ещö Румынияö, Болгарияö.

— Молодеч, Кошелев, тöдан... Дерт, войналöн помыс матысмö, но сьöкыд на лоö Гитлерыдлысь сьылідзирсö чегны. Берлинтö фашистьясуд кокниа оз сетны.

— Позяс öтитор юавны, майор ёрт?— öти местаын жöдзыштіс да смелмöдчис Кошелев.

— Но, юав!— нюммуніс майор, пуксис пызан дінас. И друг кыліс ас пытшсьыс: асывбыд чусалысь скöрлуныс заводитіс кусны. Весиг аслыс лои шензьымöн. Эз жö öд Кошелевлöн кывъяс вöсна. Видзöдтö, кызди салдатъяс сёрнитöны!

— Салдатъяс чайтöны: ми пö Норвегия кузя мунам Ослоöдз, Норвегиялöн столицаöдз. А сэсянь карабъяс вылын Ленинградö. Збыль тайö?

Майорлы окота вöлі серöктыны, но муртса кутіс асьсö, сöмын нюммуніс, сэтшöм виччесьтöмöсь лоины сылы Кошелевлöн кывъясыс. Öнöдз ординарецыс пырджык чöv оліс, вöчис мый колö ланьтöмöн. Юасьöмъясö эз пырлыв. Öтчыд майор весиг юалис Кошелевлысь, кызди сійö видзöдö аслас служба вылö. «Быдлаын служба,— веськодя вочавидзис Кошелев.— Татчö мортыс колö жö. Онö ті кутö асьныд джодж чышкыны да котёлокöн кухняö котравны. Абу и лöсьыд кызкö». Сöмын бөръя кадас кутіс вöйысьны разведчикъяс дінö.

— Ог тöд, Кошелев,— вочавидзис майор.— Та йылысь меным эз на удитны висьтавны. Но чайта: öдвакö ми кутам Норвегия кузя мунны. Зэв нин сійö кузь. А вот öтитор тöда: фашистьясöс войвылысь колö вöтлыны.

— Ме öд мый, майор ёрт... Менам другъясöй тайтшöктісны юавны...

— Гөгөрвоысьсöсь тэнад другъясуд, тадзи кö думайтöны... А тэныд сна став бурсö. Бур разведчикöн ло, повтöмöн.

— Полөмөн воюйтны оз позь, майор ёрт! Позямунны?

Кошелевлөн петём бёрын палаткаё пырис штабса начальник Фомин.

— Мый тэныд, капитан?— радисткаёс мөдөдөмысь медся мыжаён, дерт, вөлі штабса начальни-кыс ачыс, та вөсна сыкөд Никитин сёрнитіс коса, көдзыда. Өлөдліс водзджык, шуліс, мый нывсө ни-нөмла йөйтөдлыны. Мөдыс эз кывзысь. Өтчыд весиг серөктіс: «Ме абу манак, майор... И гөтыр абу... Гашкө, ме көсья гөтрасьны сы вылө?»

— Дивизиясянь приказ!— Фомин чургөдіс бура ыджыд пакет.

— Төдмасин?

Фомин довкнитіс юрнас.

— Кыдзи сёрнитчылім, приказсө гижны Лихачевлы?

«Төлка и эм менам штабса начальникөй,— статья да вына туша вылас видзөдлөм бёрын думыштіс майор.— Но вот тайө радисткаыскөд. Эк, том йөз! Виччысьыштны он вермө, тэрмасыд ставсө босьтны өдйөджык». Мөдарө кө, и дивитны ёна оз позь: томөсь, ёнөсь, мичаөсь. А воясыд кольёны. И код на ещө төдө, ловйөн колян али он. Сэсся өд, кытысь ещө нывъяслы татшөм жөникъяссө корсьны. Тэр-масыёны жө овнысө. Вермис кө эськө майор, полкъясө нывъясөс сійө матө эз сибөд. Но мый вөчан! Татшөм война дырйиыд и нывъясыд вель ёна отсалөны — снайперьяс, медикьяс, радисткаяс.

Кодкө тотшнитыштіс өдзөсө.

— Пырөй.

— Майор ёрт! Сержант Малыгин тиян тшөктөм серти локтіс!

Дерт, өнтайджык кө, Никитин гашкө и чорыд-джыка стрөжитіс сержантөс. Но асья скөрлуныс воши.

— Сержант! Ме көсья төдны: коді тэнө лэдзис

медсанбатысь?— и видзёдліс Малыгин вылө да ачыс нюммуніс. Но, мыйысь стрөжитны тайө мичаник чужөма сержантсө? Сыысь, мый оз көсйы куйлыны санбатын, писькөдчө фронт вылө?

— Пышйи, майор ёрт!— синсө эз лапнитлы сержант.

— Сідзи и пышйин?— серөктыштіс майор.— Кодкө өд отсаліс жө?

«Ставсө төдө,— визьнитіс юрас Малыгинлөн, но эз повзъы, эз вешты синъяссө майор вылысь.— Висьтавны?»

— Паськөмөс судзөді и пышйи... Мед суөдны другьясөс...

— Востер тэ, сержант!— эз жө скөрысь шу майор, и тайөс, дерт, Малыгин казяліс.— А вот кызди судзөдін паськөмтө?

— Кодкө шыбитіс палатаө. Ог төд — коді. Пемыд вөлі...

— Сі-ідз!— майорлөн синъясыс гажмисны.— Сідзкө, делөыс вөлі тадзи: тэ куйлан палатаын, думайтан другьяс йывсьыд. И сэки ангелъяс вайисны тэнсьыд паськөмтө да шуисны: «Мун, сержант, аслад другьяс дінө. Тэныд тані нинөм куйлыны. А сэні тэнө виччысьөны». Тадзи вөлі?

— Пөшти тадзи, майор ёрт!

— Вот тайө «пөштиыс» тэнө и вузаліс! Тэ сэтысь старшина Мухинкөд өтлаын локтін?

— Öтлаын, майор ёрт,— эз вермы соссыны Малыгин.

— Вот сійө и эм! А тиянлысь Мухинтө ме төда! Ок, төда, сержант! Сыөдз ме коркө сибөдчыла на... Көсйи ме тэнө, сержант, крепыда накажитны. Асныралөмысь. Докторлысь кывзысьтөмысь. И көть көсйин старшина Мухинөс сайөдны, век жө киөй талун оз кыпав. Медсанбатө ме висьтала: мися, миян салдатъяс сідзи велөдөмаөсь.

Майор матыстчис Малыгин дінө.

— Верман, сідзкө, котравны?

— Верма, майор ёрт! Важсьыс өдйөджык. Шойчышти.

— Молодеч, сержант. Татшөмөн и колө лоны. Верман мунны... Да, сержант. Другьясыд, төдөмысь, висьталісны нин, мый эм приказ тэнө «За отвагу» медальөн наградитөм йылысь. Бөртиджык ме сета медальсө, кор мөд батальонө воа. А өні мун да лөсьөдчы... Миян полк водзө сувтөдөны зэв гырысь боевой могьяс. И ті, разведчикьяс, миянлы ковманнды.

Сержант Малыгин код төдас мый виччысис полкса командирсянь, весиг губа вылө пуксьөдөм, а майор ачыс колльөдіс Малыгинөс өдзөс дорөдз. Мун дай сэсса гөгөрво!

3

Неважөн на туй вөлі тыр йөзөн, машинаясөн, и сэтшөм өдйө кушмис. Сөмын тэрмасьысь связистьяс да связнойяс тыдовтчыласны сочиника. Орудиеяслөн лыйсьөм шы ылысмис. Муртса-муртса водзысь кылыштіс муралөм, кыдзи көнкө ылын кусысь гым шы. Полк кежис туй вылысь, воши сопкаяс пөлөн, сайөдчис арся рөмьясөн ворсөдчысь ляпкыдик кустьяс пөвстө. Өткөн-өткөн сулалісны гырысь пожөмьяс, но на дінөдз вөлі ылын, и разөдчөмаөсь найө медсясө сопкалөн гривкаяс йывланын.

Луныс мичаммис. Салдатьяс войвывлань мунісны, а кымын водзө, сымын шоньд. Шынельяс ковмис гартыштны. Содтөд груз пельпом вылас салдатлы. Ёкмыльтчисны и плащ-палаткаяс, меститчисны мышсайса нопьясө.

Сопка горулө, көні меститчис полклөн мөдөд батальон, майор Никитин чукөртис батальонса офицерьясөс. На пөвстын синмө шыбитчис Лихачевлөн

мыгöрыс. Тушаыс неыджыд, но ставыс сы вылын мича да ладнöй. Тыдалö, радейтö ас бöрсяыс видзöдны, оз дышöдчы. Юрыс куш, дженъыдик съöd юрсиясыс югъялöны, съöd синъясыс зыркъялö гöгөр, быдтор аддзö да казялö водзджык. Синнас жö тшöктö и ротаса командиръяслы видзöдлыны сылань. Оз кöсйы, тыдалö, комбат асьсö уськöдны майор водзын.

Полкса командир висьталіс батальон водзын сулалан могсö: колö пырны сопкаяс сайö, ылыстчыны шуйгавыв, вöчны марш-бросок да комын километр сайын петны немецъяслөн бöрынътчан туй вылö, орöдны сійöс да кутчысьны отсöг вотöдз.

— Қолана отсöг лоö сетöма,— висьталіс полкса командир.— Мыйöн матыстчад индöм местаö, рация пыр йитчад командованиекöд. Тіянлы отсалас авиация, артиллерия. Батальонкöд тшöтш мунас миномётнöй рота да полкөвöй разведка. Лунвывладорсянь сэтчö жö пырöдчö бригада. Сійö туйын нин. Кутад действуйтны öтвылысь. Батальонлысь маршрутсö индöма приказын. Став бурсö тіянлы!

Буретш бөръя кывъяссö майорлысь кылöм бöрын офицеръяс аддзисны: налань матыстчысь Фоминкöд орччөн восьлалö томиник нывка. Дженъыдик бушлатсö топыда тасмаалöма, кокас öкуратнöй сапöгъяс, бушлат увсьыс муртса тыдыштö съöd юбка, а пашкыр русöй юрсияссö муртса топöдыштö пилотка. Офицеръяс быдөн бергöдiсны нывлань юрнысö.

Майор стрöгысь видзöдліс Фомин вылö: кодöс нин бара аддзис, кодöс вайöдiс?

Нылыд видзöдліс капитан Фомин вылö, казяліс офицеръяс чукöрысь майорлөн погонъяса Никитинöс, повтöг веськöдчис сы дiнö.

— Майор ёрт!— неылö сувтіс да веськыд кисö вайöдліс пилотка дорас.— Старшина Белых воис служитны тіян полкын.

Майор гөгөрвотөг видзöдліс ныв вылö, сэсся кы-

тшовтіс синъяснас чөв сулалысь офицеръясөс.
«Мыйла тайö нылыс? Кутшөм служба? Öти вöли
нин, муртса мездым»,— визьнитіс юрас.

Нывкаыд казяліс полкса командирлысь падмөм-
сö, содтіс:

— Старшина Белых, радистка...

«Радист? Лихачевлы?— Никитин думайтіс, кызди
öни сылы кутны асьсö офицеръяс водзын. Найö öд
казялісны жö сылысь падмөмсö, и дерт жö кутасны
бөрвылас öти ног и мөд ног висътавлыны öта-мөд-
лы.— Ыстыны бөр? Меным, мися, юбкаа радистъ-
ясыд оз ковны. Оз позь. Дивизиясянь ыстісны».

— Тіян, старшина, эм кутшөмкө предписание?—
юалис.

— Ме ордын, майор,— водзö петіс Фомин.— Ста-
выс, кызди колö.

— Кызди колö...— кадсö пыр на нюжөдіс Ники-
тин. Сэсся видзөдліс комбат вылö:— Мый нö, капи-
тан ёрт... Вот тэныд и радист... гм... радистка, колö
шуны...

«И бара первойсяньыс тайö нылыс аддзысис Фо-
минкөд!»— думсьыс шензыштіс Никитин.

— Зэв рад...— шысис комбат, көть гөлөсас эз
кыв радлуныс.

Тайö кадас разведчикъяс пукалісны öтчукөрөн,
кывзісны полкса командир дінö ветлөм йылысь
Малыгинлысь висъталөмсö.

— Сідзи и шуис: тіян тэрыб кокъяс ковмасны?—
юалис Андрей Карабут.— Сідзкө, ыджыд удж се-
тасны.

— Не öтнамлы миянлы,— шуис Женя Лазарев,
коді пыр зілис вензыны Карабуткөд, ордйыны сі-
йөс аслас төдөмөн, көть збыль вылас некор нинөм
эз төд.— Чукөртісны тай со öтчукөрö... Эз, дерт,
весьшөрö!

— Абу тай кӧдзид*, поэяс и восьлалыштны,— сетіс гӧлӧссӧ Яша-грузин.

— А тайӧ ӧд миянӧс Гольфштрим шонтӧ, другъяс!— вашмуні Лазарев, пукалысьяс вылӧ нюмъя-лӧмӧн видзӧдіг.

Быдмӧма Женя Волга бокин. Қызди ачыс ош-йысьліс, гулюясӧс гӧняйтӧм кындзи гортас нинӧм на абу вӧчлӧма. Қор воисны Мурманск сайӧ да сув-тісны оборонаӧ, регыд уси лым. Сылы тайӧ эз во сьӧлӧм вылас: бара лым, бара лызьяс. Карелияса вӧръясын эз нин этша воюйт лызнад, но радейтны лызьсӧ эз велав. И кор государственнӧй граница вуджӧм бӧрын бара воис лымтӧм му, радліс медся ёна. Сійӧн и балагуритіс окотапырысь. Гажъяліс, мый вермис.

— Помнита, школаын велӧдлім Гольфштрим йывсьыд,— гораа гажъяліс Лазарев.— Ӗтчыд эг куж висътавны сы йылысь география урок вылын да меным двойка швачкисны дневникӧ. Эг куж ме сәки и думыштны, мый сійӧ коркӧ менӧ мӧдас шонтыны. Нарошнӧ быттьӧкӧ сідзсӧ артмӧ: Атлантичeskӧй океанса шоньд ва воӧ татчӧдз. Сы вӧсна пӧ и Мурманск дорад мореыс оз кынмыв. Со ӧд кутшӧм делӧяс свет вылад вермӧны лоны!

— Эн на радлы!— вомалис Карабут.— И Гольфштрим другыд оз видз. Пуксьылас на тӧв и тані. Қовмылас на лызьяс вылад... Аддзан, гӧраясыс гӧгӧр!

— Тӧв пуксьытӧдз ми тан ог олӧй!— эз сетчы Лазарев.— Вӧтлам фашистӧс да мунам шоныдінъясӧ. Берлинӧ кутам писькӧдчыны!

Локтіс старшина, горӧдіс:

— Кодлӧн мый эм лишнӧй, кольӧй татчӧ! Нинӧм оз вош, эн полӧй. И письмӧяс, коді гижис, сетӧй ездӧвӧйлы.

— Яша!— водзӧ гажъяліс Лазарев.— Тельняш-

катö да бескозыркатö татчö коль. Воштан ещö гö-
раястыд ветлігөн!

— Юрöс пельпом вылысь водздзык вошта!—
сьод синъяснас югнитіс главстаршина.— Наысь до-
наыс менам нинöм абу. Моряк, көть сійö и матуш-
ка-пехотаын, пыр кольö морякөн!

Изъяс вывті gryмакылігтырйи локтіс кухня-по-
возка.

— Матыстчылöй!— кузь воропа дарнас шенасис
еджыд колпака пöвар.— Заправитчöй, кодлөн кынö-
мыд сюмалö!

Мешöкъясын куйліс куим лун кежлö НЗ — кон-
серв банкаяс, сукар, порсь тшöг да сакар, но пöсь
салдатскöй шыдыд медся на чöскыд. Гольсмуныны
салдатьяслөн алюминий пöртъяс.

Локтіс лейтенант Гордеев. Туй вылö нин пасьята-
сьöма: бушлат вылас тасма, лимонкаяс öшалöны.
Водзас — автомат. Гöгрöс чужöмыс гөрдöдöма да
ещö томөн кажитчö.

— Ставөн дасьöсь?— стрöгысь юалис да видзöд-
ліс сулалысь разведчикъяс вылö.— Нуöd мөдөд ба-
тальонö, старшина. Накөд мунам. Пырам Лихачев
командование улö. Час мысти выступайтам.

— Кытчö?— юалис старшина.

— Кытчö нуödасны!— стрöга шуис лейтенант.—
Абу быть быдөнлы тöдны.

Разведчикъяс сувтісны стройö.

Кык сопка горувті вуджисны ичөтик шор. Изъяс
костын ваыс сөдз. Старшина тшөктіс тыртны фляж-
каяс. Малыгинлы дум вылас уси сөдз ваа татшөм
жö ичөтик Дырнөс ю, Сыктывкарсянь матын. Кы-
мынысь сэтчö челядь дырйиыс котравлісны тшөтшъя
зонпоснияс. Ва гуранъясын купайтчасны, көвтасны
ёс пиянөс. Гөгөр сьод вөр. Кажитчö, медся страш-
нöйинас воисны да вот-вот вөрсьыс петас ош, усь-
көдчас на вылö. Көть ошкөд некор эз паныдасьлы-
ны, полöмыс вöлі пыр. А мыйөн петасны вөрсьыс,

ылын тыдовтчасны карсаяслөн керкаяс, а матыстчан матоджык да позяс нин аддзыны кар шөрысь каланчалысь кёлөкөльничасө. Медся джуджыд стрөйба карын.

Челядьдырсясө казътылөмыс думъяссө бергөдисны горт вылас. Төдны эськө, мый вөчөны мамыс да батыс, чойыс. Мый гижө гортас вокыс. Сысянь Сималы письмөяс важөн эз вөвны. Пöжалуй, гожөмсяныс. Сэки гижліс госпитальсянь.

«Сыктывкарын öнi, төдөмысь, прамöй төв, лымъя,— думайтiс Малыгин.— Мам удж вылын, чой котöртiс школаö. Бать йылысь и сёрнитны нинöм — заводсьыс көнкө омöля волювлö. Парторгалö цехас, нывбабаяскöд воуйтö, кызди ачыс гижліс». Кутшөм ылын öнi ставыс тайö! Важъяыс быттьö вöтын. Быттьökö эз и овлы сійö олөмас, быттьö вöт казътывсьö.

Но, волас на и гортас. Бөр сувтас воддза олөмыс. И аслас Көкулькарыс, и Дырнөс юыс. И öшинь улас льөм пуыс. Батыс ачыс садитлөма керка дiнас, первой пиыс чужөм кузя. Мый ыжда нин удитiс паськавны. Мамыслы кык вок быд ар мыйта льөм чукöртлісны сы вылысь. И кутшөм чөскыд льөмъя ляз кужліс мамыс вөчны. Льөм пуыс керка лунла банын, дзоридзьясыс сэнi тулыснад некор эз кынмывны, льөм воліс быд во. Льөмйыскöд орччөн ещö пелысь быдмö. Батыс жö садитлөма. Мед пö льөм пуыслы оз ло гажтөм. Кутшөм чөскыд арся кынмыштлөмъяс бöрын пелысьыс! Казътыштiс Сима да вом пытшсьыс кыліс пелысьылысь юмов-шома көрсö. Танi со пелысьясыс быдмöны жö. И гөрд розьяс öшалöны. Видліс налысь көрсö Сима, зэв на шомаöсь. И сійö, мый танi быдмöны гортас моз жö пелысьяс, и воттөдзныс найö öткодь шомаöсь, кызкö бурмөдiс сьөлөмсö.

Гортсö казътылөмсьыс Сима нормис. Кор нин аддзылас мамсö да батысö? А локтас гортас да первой

аслас цехö мунас, аслас верстак дінын сулыштас, важья другьяскöд сёрнитас бур пöт. Вöлисти сы бöрын кутас думайтны водзö олöм йылысь. Абу на комын арöс, позьö и велöдчöм йылысь думыштны.

Разведчикьяслөн взвод матыстчис мöдöд батальон дінö. Салдатыяс куйлісны да пукалісны чукөрөн-чукөрөн. Кодсюрö удитöмаöсь весиг нюжöдчыны плащ-палатка вылö, унмовсьны. Код на öд ещö тöдас, кор удайтчас нюжöдчыштлыны вöляысь, а салдатыдлөн унмыс матын: пуктіс юрсö ки вылас, и сургö нин.

— Взвод, стой!— горöдіс старшина.— Вольно!

Ачыс муніс висьтавны комбатлы локтöм йывсьыс. Муніс чукөрөн сулалысь офицерьяслань, көні вöлі и майор Никитин. Офицерьяс бергöдісны юрьяснысö матыстчысь старшина вылö. Старшина кужис командирьяс дінад матыстчыны: восьласыс стрöг, чужöмыс быттьö кынмöма, киясыс бокас оз вөрзьяны. Эз вежсьы старшиналөн чужöмыс и полкса командир водзын, көть тöдіс, мый майорлөн öні эм помка шуны старшиналы стрöг кывьяс. Та вылö и арталіс старшина: петкөдлас класс, и небзяс сьölöмыс майорлөн. Мöд ног оз вермы лоны.

Потапов эз нин видзöд асланыс старшина вылö, эз нимкодьясь сьлөн выправкаөн, статьяөн. Офицерьяслөн чукөрсянь неылысь Потаповлөн сюсь синмыс казяліс сьöд юбкаа нылöс. Сьölöмыс дрөгмуні. «Оз вермы лоны!»— окота вöлі шуны гораа, висьтавны тшöтш Малыгинлы. Кызди Ленаыс татчö уси?

Ещö сюсьджыка видзöдліс. Да, тайö вöлі Лена: мыгöрыс сьлөн, юрсиясыс, чужöмыс, став модаыс. Потапов сорсьыны эз вермы. Сійö эськö Ленаöс тöдіс сюрс ныв пöвстысь.

— Сима! Видзöдлы!— индіс кинас сылань.

— Мый сэні видзöдланаыс?

Нылыд сулаліс налань мышкөн. Но Потапов тöдіс эськö нылöс и вуджөр сертиыс.

— Он аддзы? Эсійö нылыс со... неылын майор дорын...

— Но и мый?

— Да Лена жö сійö!

— Лена? Эн сör!.. Небесасыс татчö уси али мый?

— А ме шуа — Лена! Менсым синъясöс он ылöд.

— Горöдлы, Степан...

— Абу лöсьыд... Командиръяс сэнöсь.

— Но и мый?

— Гашкö, Лена миянкöд жö мунö? Вот эськö бур вöли...

— Мый тани бурьыс? Сійö — сэни, тэ — тани...

— Аддзысьлыны удайтчас.

Локтис лейтенант, торкис налысь сёрнисö.

— Кутам мунны водзын, головнöй застава пыди,— висьталіс старшиналы, но сідзи, мед кыліс и стройын сулалысь взвод.— Миян бөрся — нельöд рота, сэсса мукöд. Потаповлөн отделение лоö медся водзын. Кык километр мунам туй кузя, сэсса сетчам шуйгавыв.— Бергöдчис взводлань, паськыда нюммунис.— Ок, и радистка миянкöд лоö! Муртса на воис. Старшина Белых... Синъясыс, юрсиыс!.. Ачыс ставнас...

Потапов да Малыгин видзöдлісны öта-мöд выланыс. Татшöмторсö командирсянь эз на кывлыны: нывъяс йылысь некор оз сёрнит, та кузя эз вöв ошйысьысь мукöдъяс моз.

— Лихачевлы, дерт, абу зэв любö. Виччысис ён зонмös, а бара локтис нывка... Воддзасыс на комбатös дрöж босьтö... А капитан Фомин нюмъялö: сылы мый, кöть и оз мун миянкöд, виччыяс...— висьтавліс водзö лейтенант. Тыдалö, мичаник нывтö аддзылöмыд варовмöдіс и сійös.— Абу йöй миян начштабаыд! Сідзи и гартчö ныв гөгöрыс. Öтиös мөдöдісны, öни выль локтис...

«Нинöм абусö висьтавлан, командир!— окота

вөлі шуны Потаповлы, но стройын сулалігөн оз позь.— Лена абу сэтшөм... Оз ышты сійө погоньяс вылад».

Первойя привал дырйи жө Малыгин ошйысьыш-тис лейтенантлы:

— Миянлы, лейтенант, старшина Белыхыд, код йылысь тай өнтай висьталід, бур төдса.

— Кызди төдса?— эз эскы Гордеев.

— Миян Сыктывкарысь сійө... Өтлаын паркын гуляйтлывлім.

— И өнөдз чөв олад!— кажитчө, лейтенантлы ас-лас сержантъяслөн висьталөмыс збыльысь лои выльторйөн.— Вөзйисид кө водздзык — лэдзлі эскө... Сэсса и ачыс вермис волены миян взводө...— лейтенант видзөдліс первой Потапов вылө, сэсса Малыгин вылө, да бытьө друг тшөкмуні, лань-тис.— Лена, шуад, нимыс?.. Но өні, другьяс, нинөм оз артмы... Бөрындзык. Өні — сёр нин. Вот-вот вөрзям, мөдөдчам водзө...

Бөрсянь кыліс команда.



КОЙМОД ЛУН

1

ена Белых, а тайө вөлі и збыльысь сійө, миян кык друглөн төдса ныв, эз жө куж чайтны, мый Малыгин да Потапов сэтшөм матынөсь. Волөм письмөяссыс Лена гөгөрволіс: көнкө войвылынөсь жө. Зэв нин өдийө воисны письмөясыс. Сэсса бөръя письмөас Степан гижліс Лысөй гөра йылысь.

Лена төдіс тайө гөрасө — Кандалакша кар сайын. Вөртөм, джуджыдкодь куш гөра. Сійөн и Лысөй

нимыс. Волевліс сэтчө Лена, кыскывліс ассыс рациясö сы вомөн.

Гожом пуксигас сэні дасьтысис операция, вайө-дісны содтөд дивизияяс. Тыдалө, операцияыс эз артмы, и дивизияяссö вуджөдісны ещö войвылө, Мурманск сайө. Бöрынджык кывсис: Лысöй гөра сайсянь көсйөмаөсь кытшовтны фашистьяслысь бура ыджыд группа, но миян танкъяс абу вермө-маөсь пискөдчыны паськыд нюръяс вомөн. А танкъястөгьд кутшөм наступайтөм!

Леналөн полевöй почтаыс вежласис жö, гортас юөртавны эз удитлы. Нинөм он вöч — служба сэтшөм.

Сыктывкарын радистъяслысь курсъяс помалөм бöрын Лена веськалі Войвылө — Беломорскö. Первойсö штабын рацияяс дінын дежуритіс. Велөдіс кутавны и ыставны радиограммаяс. Командиръяс казялісны радисткалысь зільөмсö. Отчыд сійөс корисны Особöй отделө, юасисны гортаяс йывсьыс, ас йывсьыс.

— Мыйла тадзи менсьым юасянный? — повзискөдь нывка.

— Тэ, Лена, дас класс помавлін? И комсомолкаөн школаад вöлін? — Леналысь юалөмсö быттьö эз кывлы, водзö нуөдіс сёрнисö капитан.

Бура дыр на та бöрын юасис.

— Вот мый, Лена, — сёрни помас шуис капитаныд. — Миянкөд сёрни йылысь тэ некодлы эн вистав. Кыв ни джын. Мед ставыс кольö ас костын. Делöыс вот мыйын. Миянлы колöны радистъяс партизанскöй отрядъяслы. Уджавны немецкöй тылын. Но делö тайö — дзык добровольнöй. Ачыд кө көсьян. Он кө көсйы — та вылын сёрнинымөс и помалам. Ми ог тэрмөдлөй. Думышт прамөйджыка. Төдөмысь, гортаяслысь юавны оз ков. Ачыд решит. Недыр мысти бара шыөдчылам тэ дінө. Сэки и висталан. Ладнө?

Партизанско́й отрядъяс да накод ветлысь радистъяс йылысь Лена кывліс. Тодіс: радистъяс пөвстас эмось и нывъяс. Но мед аслыс сэтчө мунны? Та йылысь эз думыштчывлыв. Чайтіс, сәні торъя вына да сюсь йөз, кодъяс нинөмысь оз повны. А Лена асьсө лыддис полысьөн. Сійө и вир вылө веськодя эз вермыв видзөдны, юрыс заводитліс бергөдчыны. «Одва кө ме сәні верма,— думайтіс Лена.— Öні жө колө висътавны. Мый ог вермы». Мыйкө кутіс жө сэтшөм кывъяссө шуны. «А мыйөн ме, шуны кө веськыда, омөль мукөдысь? Велөдасны, сідзи оз мөдөдны». И век жө отарө ни мөдарө эз на шу, мед кокни вежөраөн эз лыддыны.

— Ещө отчyd шуа: удж сәні өпаснөй, сьөкыд. Думыштлы бурджыка, и решайт ачyd, мед бөртинас некод вылө не ыстысьны,— выльысь на төдчөдіс капитан.

— А кодкө ме кындзи ещө лоас?— смелмөдчис да юалис Лена.— Нывъяс.

— Он ло отнадөн, Лена. Сразу тылө ог мөдөдөй. Первой курсъяс вылө ыстылам. Велөдчад өружие киад кутны, вөдитчыны сійөн, лызь вылын котравны? Радио делөөн бурджыка төдмасынныд, гуся гижөдөн...

Некымын вой та бөрын эз узь Лена. Виччысис — регыд корасны, кыдзи шуис капитаныд... И пыр на аслыс эз вермы шуны: мунны али не мунны. И юавны некодлысь. Омөльчыштіс быдсөн. Тайөс казялісны отлаын уджалысьяс, заводитісны шмонитны: лишнөй пө думайтан зонъяс йылысь. Торъя нин ёсь кывъя вөлі Толя Смирнов. Абу вывтiасьысь сідзсө, быттьөкө рам, а Лена вылө веськодя эз вермы видзөдны. Леналы зонмыс воис жө сьөлөм вылас. Лена өнөдз на казътывлө Толяөс, кодкөд и курсъяс вылын лоины отлаын. Бөрынджык эз лок оти рейдысь. Сәки отрядсьыс унаөн эз локны бөрсө, тшөтш и Толя Смирнов.

Капитан корис Ленаос вежон мысти.

— Ньюжалім... Қызди? Думыштлін?— өні капитанлөн синъясыс вөліны стрөгөсь, быттьө бытшйөдлісны шылаөн.— Тэнад зэв бур бать-мам... И ас кодыс жө бур нылөс быдтөмаөсь...

«Мам-бать йылысь весиг төдөны,— вежөрас воис Леналы.— Дерт көнкө юасисны кодлысь колө».

— Ещө өтчюд шуа, Лена: делөыс тайө аслад көсйөм серти. Мырдөн ми некодөс ог тшөктө... Ачуд решайт.

— Шогма кө...— полыштөмөн на, пыдісянь лолыштөм бөрын, шуис Лена. И ачыс кыліс, кызди здук кежлө дугдыліс тіпкыны сьөлөмыс. Кутшөм вөлөм сьөкыд өтисө кывсө шуны.

Курсъяс вылын велөдісны шытөг ветлыны вөръясті, кодзувъяс да пу вожъяс серти аддзыны туй. Унаторйө велөдісны, мукөдтор йывсьыс первойысь на кыліс.

Войвывса партизанъяс противниккөд тышсө нуөдісны эз лунвылын моз. Фронт тані сулаліс коставлөмъясөн. Мукөдлаас костыс сө километръясөдз — гөраяс, вөръяс, нюръяс. Ичөтджык вынъясөн противниклөн тылө пыравны абу сьөкыд. Дерт, костьяс бөрсаяс сюся видзөдісны. Төлын — лыжнөй патрульяс, гожөмын — разведчикъяс. Войвывса партизанъяс вөчавлісны гырысь рейдъяс, противниклөн тылө пыравлісны уна дас километръяс. Куим рейд вөчис Лена Белых — и куим награда: кык медаль, «Гөрд Звезда» орден. Курсъяс бөрын сетісны сержантлысь звание, коймөд рейд бөрас — старшиналысь.

Абу кокни радистлы рейдъясад. Воддза кык рейдыс вөліны кокниджыкөсь: эз зэв кузь кад кежлө пыравны тылө. Леналы ковмис лоны радисткаөн и санитаркаөн, сетны отсөг раненөйяслы. Вот көні ковмисны курс вылад босьтөм төдөмлунъясыд.

Коймод рейдыс вöлі медся кузь: матö кык төлысь.

Отчуд партизанъяс асланыс вөрса базасянь мунисны вöчны диверсия. Базаö колисны этшаникөн. И буретш сэки база вылö зурасисны фашистьяс. Код тöдас, гашкö и корсьöны вöлі базасö. Ковмис примитны бой. Ранитчис пулемётчик. Уськөдчысьяс казялісны тайöс, збоймисны. Кокни пулемётнад вöдитчыны Ленаöс велөдлісны жö. Сійö водіс пулемёт дорö, заводитіс лэдзавны дженъыдик öчередьяс.

Лёк эськö делöыс вермис артмыны, эз кö асланыс ёртъясыс бөр воны регыд. Локтöны нин вөлөм базаö, ылысянь кыласны лыйсьöмтö, уськөдчасны карательяс вылö мышсянныс. Бура уна фашист колисны куйлыны база гөгöрын, этшаджыкыс пышйисны.

Ковмис вежны базалысь местасö, вешйыны мөдлаö. Вот тайö бойсьыс, повтöмлун петкөдлöмысь, и сетісны Леналы орденсö.

Гожöмнас Финляндия дугдіс воютны Сöветскöй Союзлы паныд, немецкöй войска заводитісны бöрынътчыны. Партизанъяс вуджисны Сöветскöй армия радъясö. Лена веськалі Мурманскö — Заполярнöй армиялөн штабö. Бара рацияяс дорын дежуритны. Быттö садöкын лэбач. Ленаöс кыкис воютысьяс дінö. Кажитчис, сылөн местаыс сэні. Медсьöкыд, мед пуляяс, зато сьөлöмыд радлö: мукөдьяс моз жö тышкасян, он пукав тылын, кытчөдз и лыйсьöм шыыс оз кыв. И кор радистъяслысь кутісны юасыны, коді дась мунны частьясö, старшина Белых лои воддзаяс лыдын.

И со, Лена бара стройын. Кутшöмкö полөм сьөлөмас эз кыв. Велаліс пöдтыны полөмсö.

Кор Лена локтіс индөм полкö да штабса начальник нуöдіс сійöс майор Никитин дінö, Лена пыр жö гөгөрвоис: полкса командирлы эз во сьөлөм вылас.

«Мыйла менам чужсьылöма нылөн!»— думыштис сэки. Тадзи эз öтчид вöвлы: аддзасны ныв паськöмтö, и чужöм выланис командиръяслөн кыптöнюм, а то и кутан серам. Быдөн дасьöсь öткажитчыны радисткаысь. И сы вöсна, мый татшöмысь вöли эз первойсысь, Белых öни ачысь петкöдлис веськодълун. Тöдис: бөр оз ыстыны, дивизиясянь локтис.

Комбатлы Лена эз жö во сьöлöм вылас. Тайöс Лихачев петкöдлис веськыда. Синъясысь быттöкö юалисны: «Кытысь сöмын тэ усин менам юр вылö? Мый ме мöда вöчны тэкöд?» И бара жö, капитан эз лысьт öткажитчыны радисткаысь. Кадысь эз вöв, мөдöс некысь он босьт.

— Кымын морт тэныд отсөг вылö ковмас, старшина?— ныв вылö сюся видзöдöмөн юались капитан.

— Мыйла отсөгысь?— гөгөрвотöм улö лэдзчысис Белых.

— Рациятö кыскавны...

— Партизанъяскöд ветлигөн ме ачым кыскавли, капитан ёрт...

Буретш тайö здукас капитанлы висьталисны: локтöны полкöвöй разведчикъясь.

— Корöй ме динö лейтенант Гордеевöс!— тшöктис комбат.

Орчөн сулалысь офицер кыпöдлис кисö, видзöдлис часи вылö. Комбат видзöдлис жö часи вылас.

— Да, пöра...— шуис комбат.— Лöсьöдчöй. Регыд вöрзям.

Лена бергöдчыштлись, видзöдлис матыти мунысь разведчикъясь вылö. Дерт, сийö эз вермы тöдны Потаповöс да Малыгинöс, эз виччысь найöс татысь. Сэсся и öткодь паськöмыд öткодялö чужöмъястö.

— Нуöd старшинаöс рация динась,— тшöктис комбат орчөн сулалысь старшöй адъютантлы.— Мед видлалас бура, прöверитас. Меным кажитчö, рация уджалö, и батареяяс выльöсь. Ме аддзöдла на тиянöс вöрзьöдчытöдз...

Комбат бергөдчис, муніс аслас делөясөн.

Лена эз жө өтчыд казтывлы Степанос да Симас. Эз вунөд налы шуом кывьяссө ассыс: «Виччысьой и менө... Регыд тиян динө жө локта». Война вылын вөвлытөм морт вермас чайтны: фронтөвөй туйас вылад абу сьокыд и паныдасыны. Тайө вөлөм абу сэтшөм прөстө, кор фронтыд нуюдчөма Баренцөвөй моресянь да Чёрной мореөдз. Кымын тысяча километр!

Лена тайө воясас гөгөрвоис: Сыктывкарса олөмыс сылөн вөлі челядь дыр, и некор оз бергөдчы важыс. Сылөн Стёпакөд ни Симакөд нинөм эз вөв сэтшөмыс, мед ёна казтывны. И век жө казтывсис, өд кыкнаныс шаньось, бурось. А бур йөзсьыд, кызди велөдліс сійөс мамыс, некор оз ков өтдортчыны.

Война бөрад, Лена чайтөм серти, быдөнлөн олөмыс заводитчас выль ногөн. Оз вермы лоны важъяыс! Мед сьөлөмыд важыс, важ ногыс тпкө, но и сійө пыдысджык кылө. И аслад му вылө видзөдлөмыд вежсьө. Сійө му вылө, кодөс дорйөм вылө лои кисьтөма уна вир, сетөма сы мында том олөм.

Лена унаысь думайтлывлө: оз жө вермы лоны, мед тадзи вир кисьтөм бөрын му вылын колясны няйт йөз? Оз өмөй войнаыс весав мусө сэтшөмьяссьыс? Лена мөд ног эз көсийи и гөгөрвоны. Сэки и радейтөмыд лоө мөд — сөстөм, мича. Кызди мича лоө и мортыс.

Бөрья вояснас Лена син водзти мунісны уна том йөз. На лыдын и Толя Смирнов. И кувны кө Лена-лы шуөма, мед эськө Толя моз жө, мичаа. И гу нөрыс вылас мед пуктисны эськө мича дзоридз. И мед кодкө гу вылас шуис: куліс, кызди комсомолка...

«Быдсяма думьяс жө юрад воласны!»— ас вылас шензис Лена.

Рация и збыльысь вөлөм уджалө. Лена киподтуй сертныс гөгөрвоис воддза көзаяйкаыслысь сямсө:

кужөмөн вөдитчөма, некыт абу тырөма бусөн, гөгөр дзирдаліс, көть некымын лун нин некод абу матыст-чылөма рация дінас.

Кык час мысти батальон пырис ляпкыдик вөрө.
— Эн шыалөй!— кыліс водзысянь команда. Көть шуөма тайөс вөлі гөлөс кутыштөмөн, мортысь мортө вуджис өдйө. Быдөн гөгөрвоисны: колө видзчысьны.

Арся войыд войвылад өдйө пуксьө. Батальонлы паныдасис бура ыджыд гөгрөс ты, кодөс карта вылө абу пасйөма. Ковмис сійөс кытшовтны. Кор лон дзурс пемыд да водзысь нинөм эз мөд тыдавыны, сопкаяслөн съөд вуджөръяс кындзи, узьмөдчисны. Бияс эз позь пестыны, көть войнас лои ыркыджык. Отсалісны плащ-палаткаяс. Салдатъяс гартыштчисны, өдйө ойбыртісны, постөвөйяс кындзи.

Веськыдладорын съөд енэжас ыпнитлывліс гөрдкыа. Тыдалө, сыланьын мыйкө сотчис. Керкаяс тани кокныдикөсь. Өзъясны кө, кос сартас моз шыөн сотчөны.

Лена лөсьөдчис жө ойбыртны. Рация абу кокни. Комбат кыкысь матыстчыліс, вөзйис отсөг, но Белых эськө өні нинөм вылө отсөгтө эз босьт. Кыдзкө эз вөв и лөсьыд: луннас сэтшөм ярскөба өткажитчис.

Белых водіс, гартыштчис жө плащ-палаткаө, и друг кыліс:

— Старшина Белых!

«Кодлы друг ковми?»— дөзмис Лена.— Эз вермы водзджык». Лена ачыс вөзйыліс комбатлы йитчывны дивизиякөд, но мөдыс өткажитчис. Нинөмла пө асьнымөс эрдөдны. Фашистъяс, төдөмысь, кывзөны радио пыр сёрнияссө. Дай приказын абу вөлі индөма талуныя йитчөмыс.

Лена чеччис, кутчысис рация бердас, и бара кыліс:

— Старшина Белых? Көні тэ?

— Тані,— шыасис Лена.

Матыстчисны куимөн. Пемыдас некодос эз позь тодны.

— Со, тані сійө,— шуис локтысьяс пиысь өти.

— Лена! Эн повзый! Тайө — ми!— шыасис мөд. Лена эскис и эз эскы. Кыдзи тані пемыд войнас лоины Стёпа да Сима!

— Донаяс!— радлунсө эз вермы кутны Лена.— Кытысь ті усинныд?

Лена уськөдчис первой өти дінас, сэсся мөд дінас, кутліс өтисө и мөдсө. Сылөн став тушаыс сырмис, ачыс кайтіс өтитор:

— Донаяс! Зарнияс!..

И сы мында мелілун кыліс тайө кык кывъяс, Потаповлөн сьолөмыс дрөгмуні, синваыс доршасыны мөдіс.

— Но, но... Лена... эн бөрд... Оз ков бөрдны,— сөмын жө вермис шуавны Степан.— Ловъяөсь тай со талун... Мый сэсся миянлы, салдатъяслы, колө? Ловъяөсь, и тэнө аддзам...

Лена бушлат сос помнас чышкыштіс чужөмсө, гажаа нюммуніс.

— Но, вот... Тайө — бурджык!— рада жө шуис Степан, выльысь сывйыштіс Ленаөс, топөдліс ас бердас. Кыкнанныс ланьтлісны здук кежлө.

Сима сулаліс орччөн да дась жө вөлі чышкыны синьяссө. Лена ачыс гөгөрвоис, окыштіс первой өтисө, сэсся мөдсө.

— Но, ме муна!— кыліс коймөд локтысьлөн гөлөсыс.— Узыштны час-мөд колө жө...

— Пасибө вайөдөмыд вылө!

— Ёна тай... Нинөмысь...— пемыдсьыс кыліс мунысьлөн гөлөсыс.

— А ми тэнө луннас на аддзылім, кор батальонө воин,— недыр мысти висьтавліс Потапов, кор коліны куимөн да пуксисны паськөдөм плащ-палатка

вылө.— Стройынсь вөлім, петны эз позь. Сөмын өні лейтенантлысь юалім да локтім здук кежлө.

— Кутшөма вежсьөмныд!— шуис Лена, ещө выльысь кыкнан вылас матысянджык видзөдліс.— Висьталөй, кызди мый... Сы дыра эг аддзысьлөй.

— А тэ вежсьөмыд жө,— эз вермы кутчысьны Степан.— Мича лоөмыд важ дорсьыс на... Мый мян висьталанаыс... Ловьяөсь тай со... Воюйтам. Ачыл висьтав, бурджык лоө.

— Гортсянныд письмөясыс воливлөны?— юасис Лена.— Мый выльыс мян Сыктывкарын?

Но висьталан өмөй ставсө кыв-мөдөн да өти здукөн! Малыгин казяліс: Лена кыкысь нин видзөдліс часі вылас.

— Эн төждысь, Лена, мян вөсна,— казяліс часі вылө видзөдлөмсө Степан.— Разведчик кө час джын кежлө унмовсьлас, тырмымөн лоө. Мян унаысь тадзи овлө.

— Век жө шойчыштны колө... Öні өтлаынсь, кутам аддзысьлыны,— сьөлөмсянныс шуис Лена.— Но, бура узьөй! Туйсө аддзад? Қолльөдысьөс ог кор?

— Ми ог аддзөй туй? Ми өд войся каньяс өні!— серөктіс Потапов.— Сідзкө, аскиөдз, Лена! Быть аддзөдлам...

2

Изьяс, изьяс!.. Вөр пасьталаын гырысь и посни руд ёкмыльяс. Мукөдыс пывсян гырсяөсь. Гырысь изьясыс сетөны вөрыслы аслыссикас мичлун. Гырысь и посни коръя пуяс вужьясьөмаөсь изьяс костас. Коктө пуктивны некытчө, осьлавны сьөкыд, пыр лоө кок улад видзөдны. Шуливлөны: салдатыд и осьлалігас шойччө. Тані тайө оз артмы. Сійө и видзөд — коньясян, изсө люкалан.

Кок улын вотоса коръяс, косъмөмаось. Вотось-яссө некод абу чукөртөма. Юр весьтын өшалөны пелысь розъяс. Вөрзьөдлытөмөсь жө. Ещө кутшөмкө төдтөм вотос. Сюян вомад да вом пыштө курдөдө, лоө сьөлыштны. И дукуы мича да вотоса арся вөрыдлөн чөскыд.

Муртса мөдис төдчыштны лөз югыдыс, батальон вөрзьөдчис. Разведчикъяс юрынөсь — кокниджык туй корсьөны, и видзөны туйсө быд виччысьтөмторъясысь. Бөраныс колялөны пасъяс — чегөм ув, кос палич. Тайө пасъяс кузяыс локтисны бөрынджык ротаяс.

Бура дыр мунөм бөрын көнкө ылын заводитис шыавны самолёт.

— Воздух! — шөпнитис старшина виччысьөмөн, көть эськө вылысянныд вөрөд мунысьяслысь шы дерт жө эз вермыны кывны. Дай лётчикыд өдвакө казялас пуяс костсыд йөзөс.

— Казялас кө — бергөдчас, выльысь миян весьтти лэбас, — шуис кодкө старшиналы. Сийө весиг эз бергөдчыв.

Старшина бөрын кокниа восьлалөны и Потапов да Малыгин. Ленаос адззылісны да быттө гортаныс волісны, кутшөм ун та бөрын вермас лоны. И сьөлөм выланыс долыд, асья мича вөрыс, сьлөн чөскыд сынөдыс унзілсө дзикөдз пальөдісны.

«Кык медаль дай орден! — думсьыс казьтывліс Сима. — Кутшөм ещө миян Ленаыд вөлөма!» Салдатыдлы медальясыд прөстө оз на шедны. Тайөс Малыгин төдіс бура. Öні сьлөн «За отвагу» медаль шонтис жө морөссө. Гашкө, абу на и медбөръя.

Самолөтлөн шы выльысь матысмыліс, недыр мысти ачыс быйкнитліс-петіс сопка гривка сайысь, шутөвтис юр весьттиныс, муртса пу йывъясас эз инмы. Лётчикыс, тыдалө, збой. Быдөн нин гөгөрвоисны — самолөтыс разведчик.

— Вельмис тай дзикөдз... Юр выланым дась пук-

сьыны... Дерт жö отсöг корас. Налөн век сідзи,— старшиналы шуис Потапов.

Тайö здуксянныс батальонлөн муномыс эз ло сідзи, кызди шуома вöлі приказын. Бытьöкө нинөмөн эз петкөдчыны противниклы, казьявнысö вермисны ылөсас, сопкаяс вывті патрулируютигөн, но самолётлөн мөд пөв на весьтті лэбзьöмыс абу бурводзö. Мый төдмаліс лётчикыс? Ротаяслы тшөктісны паськөдчыштны, мунан өд эз позь надзмөдны. Коліс виччысьны восьсаинө петöмысь.

Комбат чукөртіс ротаясса командирьясöс.

— Командованиелы ме юөрти, мый колö,— висьталіс комбат.— Уна сёрнитны радио пыр оз позь: вермасны пеленгуйтны. Лёкджык лоö. Миян мог — аски асыв кежлө воөдчыны индөм местаөдз. Мунан өд надзмөдны оз позь, вермам сёрмыны. Ме кора отитор: муны виччысьөмөнджык, маскируйтчыны бурджыка.

Котөрөн локтіс старшина Мухин, сувтіс комбат водзö.

— Капитан ёрт! Лейтенант Гордеев тшөктіс висьтаваны: километр сайын машинаяс... Став сертиыс — сэні аэродром. Лейтенант муніс водзö стөчмөдны.

— Тайö ещö эз тырмы миянлы!— шуис комбат.— Кутшөм ещö аэродром вöрас вермас лоны?— Комбат кыскис полевöй сумкасыс карта, паськөдіс, заводитіс видзөдны.— Эк, колöма, тыдалö, шуйгавывджык босьтны миянлы... И самолётьяс эмöсь?— юаліс старшиналысь.

— Машинаяс кылöны... Öти ли кык...

Капитан думыштчис, видзөдліс сы дінын сулалысь офицерьяс вылө.

— Кывлінныд? Самолётьяс кө абуөсь, кутшөм аэродром? Мый серти аэродром?

— Самолётьясö эг адзылө, а пуксян полосаыс

налы эм,— висьталіс Мухин.— Лейтенант тѳдмѳдас...

— Тѳдмѳдас! Важѳн коліс стѳчмѳдны. Ыджыдѳ охрана? Кутшѳм машинаяс сулалѳны? Унаѳ ѳѳз? Ставсѳ колѳ тѳдны. Капитан Харин! Нѳльѳд ротаѳс петкѳдан водзѳ. Мунас тшѳтш миномѳтнѳй рота. Матыстчѳй шытѳг. Шыч ни рач мед эз вѳв. Мукѳд ротаяс кутасны мунны водзѳ шуйгавыв сетчыштѳмѳн. Стѳча тѳдмалам, и охрана кѳ абу ыджыд, кутам атакуйтны. Вермас лоны — полевѳй аэродром, кысянь посни самолѳтъяс кыпѳдчывлісны да разведка нуѳдісны.

Кѳть кыдзи тѳрмасисны командирѳяс, кадыс муніс. Кор на нѳльѳд рота петіс позиция вылѳ, а миномѳтчикѳяс сопка бокѳ сувтѳдісны миномѳтъяс, шонді заводитіс кыпѳдчыны лун шѳрлань. Локтіс и ачыс лейтенант Гордеев. Висьталіс: водзын и збыльсыс вѳвлѳм полевѳй аэродром. Эм кык неыджыд самолѳт, тыдалѳ — жугалѳмаѳсь, оз шыавны. Ляпкыдик пу барак водзын шыалѳны кык автомашина, котралѳны фрицѳяс. Став сертиыс, аэродромнѳй прислугаыс лѳсьѳдчѳ мунны, энѳвтны аэродромсѳ.

«Оз кѳ локны противниклѳн бомбардировщикѳяс, ставыс бур лоѳ»,— думайтіс Лихачев. Сійѳ казтыштіс, кыдзи кольѳм тѳлын налѳн артмис Кестеньга дорын Топ ты вылын. Сѳки Лихачев вѳлі ротаса командир на. Батальѳн налѳн пырѳдчис противниклѳн тылѳ, паськыд да кузь Топ-ты вывсыань заводитіс наступайтны ты кыр йылын фашистѳяслѳн ѳна крепитѳм опорнѳй пункт вылѳ. Но кадыс водз воисны фашистѳяслѳн кокни бомбардировщикѳяс, жугѳдісны йисѳ батальѳн водзын. Ковмис бѳрыньтчыны. «ѳні абу паськыд ты вылынѳсь, а вѳрынѳсь,— думайтіс капитан.— Эм кытчѳ сайѳдчыны». И век жѳ полѳмыс вѳлі. Зѳв нин кѳсйыссис стѳчмѳдны, мый тѳдѳ противник сылѳн батальѳн йылысь. Та вылѳ коліс пленнѳй. Кѳть ѳти

да пленнõй, мед кõtь раненõй. Сэссия õд, эз позь ас бõрõ кольны и кõtь нейджд да гарнизон. Паныдасисны кõ туй вылын, коліс бырõдны, мый дон кõtь сійõ оз сувт. «Тшõкта Гордеевлы,— шуис аслыс комбат.— Мися, тэ сайын ставыс, тэнад разведчикъяслõн тэрыб кокъяс сайын». Сьõлõмыс бурмыштіс. Кызди и быд тыш водзын, комбатлõн чукõрмис вын, асьсõ ачыс босьтіс киас, тшõктіс кывзысьны вежõрыслы, ачыс кызди зёлõдõм струна. Õні капитан Лихачев вõлі дась босьтны киас бойõн веськõдлõм.

Лихачев кытшовтіс посадочнõй полоса пõлõн сулалысь щитõвõй казармаяс. Тõдчис: противник пышійõма тэрмасьõмõн, ставыс гõгõр шыблалõма лёк ногõн, туплясис джоджын, ёг чукõрын.

Капитан кытшовтіс гõгõр. Татчõ гырысь самолётъяс õдвакõ вермисны пуксьывны. Тасянь дõзмõдчисны негырысь разведчикъяс, кодъяс быд лун лэбавлісны фронт весьтын, а õткымынъяс пыравлісны и тылõ. «Õні он мõдõй тайõс вõчны!— радліс Лихачев. Сэссия думыштіс: радлыны нинõмысь. Абу нин зэв ыджыд вермõм: босьтісны õд энõвтõм аэродром.

Разведчикъяс эз воны куш киõн. На водзын восьлаліс кузь кокъяса косõдіник фриц, дженьыд няйтвиж курткаа, дженьыд гõльõня сапõга. Гачыс зэвтõма лядвейяссõ, та вõсна кокыс кажитчис торъя кузьõн. Юр вылас кузь кокаыдлõн кутшõмкõ кышõд, не то чышъян, не то няйт пилоткалõн шой.

«Кутшõм полокалõõс ещõ вайõдõны?»— думыштіс комбат кузь кокатõ аддзõм бõрын. Дзикõдз вунõдліс, мый Гордеевлы тшõктіс аддзыны кõtь кутшõмкõ да пленнõйõс. Ачыс õні Гордеев, чужõм вывсьыс ньылõмсõ пилотканас чышкаліг, восьлаліс бõрынджык, быттõ комбаты вайõдіс генералõс.

— Капитан ёрт!— ылысянь на шыасис лейтенант, йоткыштіс пленнөйөс водзө.— Тіянлысь приказ пөртөма олөмө. Тайө кузь кокасө ми аддзим өти тыртөм сарайысь... Кос турун пытшкө дзезбсьөма. Юрсө суйөма, а сапөггыс ортсын. Ми чайтім: сапөгсө, ми-ся, кодкө кольөма пышйигас. Заводитім кыскыны, а мортөс кыским,— Гордеев серөктіс ачыс.— И төдан, коді аддзис? Кошелев, комполкалөн ординарецыс. Төрыт на локтіс миян взводө.

— И кызди?

— Кошелевуд? Зэв вежөра салдат. Мися, гашкө, майор ордад баринавны велалис, а сійө...

— Ме ог Кошелев йылысь,— комбат орөдіс лейтенантысь варовлунсө.— Кызди фрицыс? Пыксис?

— Эз,— вылысь нюмуніс Гордеев.— Шуө, ачым пө кольччи. Морөсас зурөдө да висьталө.

— Найө өні быдөн асьныс кольччөны,— комбат видзөдліс пленнөй вылө. Мөдыс казяліс тайөс, лэптыліс синъяссө комбатлөн погоньяс вылө, мыйкө кутіс висьтавны. Гөгөрвоис, кузь кокайд, коді тані медся ыджыдыс.

— Я... я... Гитлер капут!— көсйис мыйкө ещө шуны, нинөм эз артмы. Поліс, тыдалө.

— Капут, шуан?— клопнитіс кинас пельпомас капитан. Мөдыс эз вөрзыв.

«Ён!»— думыштіс Лихачев.

— Зэр гут!.. Шпрехен зи дойч... ниht,— серөктөмөн шуис, мый төдіс налөн кывьясысь.

— Гитлер — капут!— мөдысь шуис пленнөйыд. Индіс ас вылас:— Их бин Бауэр... Отто Бауэр...— ещө на мыйкө содтіс ас кыв вылын.

— Отто Бауэр?— гөгөрвоис комбат.— Зэр гут!— бергөдчис Гордеевлань.— Санвзводысь старшина Васькин бура төдө налысь кывсө. Корсьлө сійөс... Сыкөд и допрос вөчам. Төдмалам ставсө, мый миянлы колө. А тайө фриц вөснайд — юрнад кыв кутан. Мед оз пышйы, и мед некод сійөс оз вөрзөд, а то...

Отто Бауэр, Кузь Отто, кыдзи сійӧс нимтісны сал-
датъяс, вӧлӧма варов. Окотапырысь висътавліс,
мый тӧдіс. Пукаліс сійӧ комбат водзын бура ыджыд
руд из вылын, кокъяссӧ водзӧ нюжӧдӧмӧн, кыкнан
ки лапасӧ пидзӧсъяс костас топӧдӧмӧн. Кыс гыр-
дзаӧдзыс рыжӧй гӧна. Синъясас эз нин петкӧдчы
ӧнтая полӧмыс, керсюрӧ заводитліс нюмъявны. Ка-
зялас орчӧн сулалысьяслысь эскытӧма видзӧд-
лӧмъяссӧ, бӧр кусӧдас нюмсӧ, пышъялысь синъяс-
сӧ сувтӧдлас комбат вылӧ.

— Ме пӧ ачым студент,— пленнӧйлысь висътав-
лӧмсӧ вуджӧдіс Васькин.— Ас окотаысь пӧ вӧзйыси
вермахтӧ. Участвуйті Норвегия босьтӧмын. Сы бӧ-
рын пыр на тані, Лапландскӧй армияын, кодӧн
командуйтӧ генерал-полковник Дитль, Гитлерлӧн
другыс.— Кузь Отто бара видзӧдліс комбат вылӧ,
быттьӧ кӧсйис тӧдны, ёна-ӧ коланаӧсь сылӧн висъ-
тавлӧмъясыс.

— Водзӧ!— тшӧктіс комбат.— Дитль йывсьыд ми
асьным тӧдам. Миянлы некор ёна такӧд тшӧкӧлды-
вайтны да мойдъяссӧ кывзыны. Мед дженъыдика.

— Кӧсйим пӧ ӧдйӧ босьтны Мурманск, сэсся
мунны Москва вылӧ. Тӧлысьӧн войнасӧ кӧсйим по-
мавны, босьтны Москва да воны Урал гӧраӧдз. Эз
артмы: рочьясыд вӧлӧм кужӧны жӧ воуйтны,—
висъталіс Васькин водзӧ Оттолысь кывъяссӧ.— Слу-
житі пӧ горно-егерскӧй дивизияын. Кольӧм гождӧм
ранитчи, сы бӧрын тылӧвӧй частьясын. Миянладо-
рӧ вуджӧм йылысь мӧвпыс пӧ чужис бӧръя кадӧ.
Торъя нин сы бӧрын, кор миянлысь фюрернымӧс
муртса эз вины аслас жӧ генералъясыс...

— Висътав сылы: сылӧн думъяс йылысь ми мед-
ся этша кӧсъям тӧдны,— Васькинӧс бара торкис
комбат.— Та йылысь сылысь мӧдлаын юасыны мӧ-
дасыны, вылынджык. Мед висъталӧ: мый тӧдӧны

фрицъяс миян йылысь, мыйла самолётыс миян
весьтти кытшлаліс, кутшөмось планъясныс тиян
командиръяслөн.

— Кутшөм пö öнi налөн планъяс!— нюммунис
тшөтш Васькин ачыс.— Пленнöй шуö: унджык сал-
датыс важөн оз эскыны, мый Гитлерлы удайтчас
вермөмөн помавны войнасö, эсэсовецъяс да геста-
поса офицеръяс кындзи. Но и найö асланыс юръяс
вöснаыс медся тöждысьöны. Медтыкö ылынджык
фронтысь. Гожөмсяныыс прамöйджык салдатъяссö
татысь нуöны Германияö. На пыдди вайöны том
йöзöс. Куим лун сайын пö и миянлы воис приказ:
петны Киркенесö, сэсянь суднояс вылын фатерлан-
дö. Но ломтас эз вайны, сынöдти унатор петкөдны
эг вермö. Тиянлысь матысмöмнытö казялöма само-
лёт-разведчик. Гашкö пö быдса полк. Миян офи-
церъяс повзисны. Аэродромсö дорйыны некодлы.
Сийөн и тэрмасисны пышйыны. Тi суид бөръяяссö...

— Тырмас!— шуис комбат.— Лейтенант Гор-
деев! Öти разведчикöс колян тайö кузь кокасö
видзны. Сюсьджыкöс, мед оз вошты.

Кузь Отто заводитіс мыйкö тэрыба висътавны.

— Мый ещö сийö?— юаліс Лихачев.

— Ме пö тиянкөд, көть кытчö... Верманныд пö
весиг öружие сетны.

— Уна тай көсийö! Öружие ог сетöй, а гоз-мөд
мина öшөдöй сылы, мед кыскö. И сюся видзöдны
сы бөрся! Кыв вылад сылөн öти, а юрас — код тө-
дас мый... Думыштас да, коклябөрсö ещö петкөд-
лас! Кузь Отто, öти кывйөн кө... Видзөдтö, кызди
сёрнитö!.. Гач кизьяссö вундалөмөн новлөдлыны ме
сийöс ог көсийы. Ковмас аслас кокөн, көсийö кө овны.
Сідзи и шу, Васькин: көсийö кө кольны ловйөн. И ка-
зялам кө, ог мөдö видзөдны, мед көть сийö и вөвлөм
студент!.. Ставыс!..

Батальон вылысь пырөдчис сопкаяс костö. Вö-
рыс сукмис, лон гырысьджык. То öтилаын, то мөд-

лаыи сулалісны паськыд туганьяса пожомьяс. Налон вуджорьясыс серодісны вөрсө, сайодісны йөзөс. Самолётлөн шы бура дыр эз кыв. «Муніс, тыдалө,— кокниджыка ышловзисны быдөн.— Кажитчө, вошим сы син улысь».

Регыд тыдовтчис: тайө надеяыс вөлөма весь.

Разведчикьяс висьталісны комбатлы: водзын туй вылын, километр куйм сайын, векныдик залив. Тыдалө, моресянь пырысь фиордлөн вожыс. Залив вомоныс неыджыд бетонной пос, матігөгөрыс восьса. Пос кузяыс батальонлы ковмас вуджны бура дыр.

Буретш сэки выльысь кыліс самолётлөн шы. Недыр мысти кыліс ещө некымын самолётлөн шы. Бомбардировщикьяс!

«Вот и некутшөм планьяс!»— казтыштіс комбат Кузь Оттолысь кывьяссө.— Фрицьясыд, тыдалө, мянөс йөйяс пыдди лыддьоны. Бытьө ми петам восьсаинө, а найө кыйодасны да мян юр вылө бомбаяс».

Пос дорө петөм пыдди комбат ротаяссө кежөдіс ещө шуйгавыв, залив пөлөн. Разведчикьяслы тшөктіс корсыны выль вуджанін.

Залив йывланьын вөрыс матыстчис дзик берег дорөдзыс. Позис батальонлы мунны бокинджык кыпөдчысь сопка горувті. Кажитчис, бара мынісны налькйысь. Но бомбардировщикьяс век жө суөдісны. Кыліс кык взрыв. Недыр мысти водзынджык коймөд.

Кылісны горөдөмьяс.

— Сайөдчөй пуяс улө!

Кык бомбардировщик, тыдалө, пикируйтисны, лөк шыөн тювисны увлань. Кыптис тшын сюрьяяс. Качлісны вылө изьяс.

Кыськө водзланьыс петіс Васькин, горзіс:

— Комбат! Комбат көні?

— Мый тэныд?— уськөдчис паныд Лихачев.

— Капитан! Ранитчис старшина!

— Старшина?— первойсö комбат эз гөгөрво, ку-
тшөм старшина йылысь висьталö Васькин.

— Старшина Белых... Радистка...

— Радистка? Ёна ранитчис?

— Осколок... Кынөмас, буракö.

— Буракö... Тэ кодi ачyd? Абу медицинскöй
старшина?

Васькин чөв оліс.

— Садьын?

— Ме дырйи садьын вöлі.

— Кодi сы дiнын?

— Кык санитар... Көртавны заводитисны. Ме
орччөн вöлі. Радисткалы инмис, меным со эз...

— Нуöd менö сы дiнö. Стöчмöd, кымын раненöй.
Виömъяс абуöсь?

— Эг кывлы.

— Тöдмав пыр жö.

Лена куйліс плащ-палатка вылын. Чужöмыс кель-
дöдöма, векняммöма.

— Капитан...— восьтыліс синъяссö Белых, кор
орччөн аддзис комбатöс.— Со и воюйтсис менам...
Сы дыра и тырми.

Комбат видзöдліс раненöй дiнын бергалысьяс
вылö. Некоднаныс нинöм эз шуны, быттьö эз казья-
ны юалана видзöдлөмсö.

— Вöчны ставсö, мый вермад,— стрöга шуис
комбат.— Тэ, Васькин, кыв кутан. И лöсьöдöй нö-
силка. Гашкö, оз на öти нöсилка ковмы.

— Оз ков,— восьтыліс синъяссö Белых.— Меным
эссся нинöм нин оз ков.

— Эн сөр!— комбат ки кыпöднас инмöдчыштліс
нывлөн чужöмö.— Ставыс на лоö бур. Быд ранит-
чöмысь кö кувны, то мыйла миянлы врачьясыс. Бур-
дöдасны.

— Пасибö,— пыдiсянь лолыштiс Белых, бөр ку-
нис синъяссö, ружтыштiс. Недыр мысти выльысь

восьтіс. Капитан сулаліс на сы діны.— Капитан! Зэв ёна кора: корлөй Потапов Степанос да Малыгин Симаос. Разведчикъяс найо... Прощайтчыны косья... Оти карысьось ми... Сыктывкарысь... Ок!— бара ружтыштіс ныв.

— Ковмас, тыдало, мод укол сетны,— Васькин видзодліс комбат выло, быттьо виччысис сысянь тшөктөм.

— Модос... коймодос... Кымын ковмас, Васькин! Шуи тай: кыв кутан сы вөсна.

— Хирург эськө...

— Вөч, мый верман!— комбат виччысис: радистка, гашкө, ещө на восьтылас синъяссө. Коліс лөньодны, шуны, мый оз энотны сійос, отсаласны, кызди вермасны. Нывлөн синъяс эз воссывны.

Комбат муніс водзө. Сылөн төждысянторйөн өні вөлі эз өтнас радистка. Коліс стөчмөдны ранитчысьяслысь лыдсө. Колө өдйөджык вешыны тайө проклятой местасыс: бомбардировщикъяс выльысь вермасны локны. Төдмалісны кө, мый тані быдса батальон, дзик воласны. Комбат сідз жө төдіс: водзө мунны лоө сьөкыджык. Ас вылын ковмас нуны и ранитчөмъясөс, коді оз вермы мунны ас кокөн. И дивизиякөд ни полккөд он йитчы. Он юав, кызди водзө вөчны. Ковмас решайтны аслыс.

«Өні ставыс ас вылын»,— думайтіс комбат. Вөлисти казяліс: пөсялөма. Кыскис китель зепсьыс пилоткасө, чышкис ньылөмсө чужөм вывсьыс, сэсся пилоткасө пунктіс юр вылас. Кыскис портсигарсө, өзтіс сигарета, горша ньылыштіс. Аддзис старшөй адъютантос, юаліс:

— Төдмалід, кымын раненөй?

— Старшина Белых кызди сэсся некод...

Комбат кокниджыка ышловзис.

Тайө кадө фронтлөн войвыв участокын оборона кутысь немецкөй дивизиялөн штабын генерал по-

гонъяся военной сулӧдіс ас водзас подполковник погонаясаӧс, стрӧгысь кӧритіс:

— Ті абу штабса начальник, а кага... Ичӧтик вежӧра кага,— тӧдчӧдіс генерал.— Мыйла тэныд сетлӧмаӧсь подполковниклысь погонъяссӧ? Ме ногӧн кӧ, коліс фельдфебельлысь... Уна вылӧ нин оберфельдфебельлысь... Батальон пырӧдчӧ миян тылӧ, и тэ нинӧм он вермы вӧчны.

— Ме асывводзсяныыс тӧда налысь туйсӧ, генерал!— подполковник сулаліс вӧрзъывтӧг, кӧдзыд синъясыс веськыда видзӧдісны генерал вылӧ. Тӧдчис, кызди подполковниклӧн тиралыштісны чуньясыс бокас плеть моз ӧшійӧм киясылӧн.— Ме тӧда: противник батальон гӧгӧр, ме...

— Ме!.. Ме!..— нерыштіс генерал.— Кывсьӧ: лунвывсянь матысмӧны ещӧ. Русскӧйяс дзескӧдӧны миянлысь частъяс фронтлӧн быд участокын. Ми бӧрыньтчам план серти, ог пышійӧ юр садь воштӧмӧн. Фюрерлӧн армия оз вермы воштыны юр садь, кӧть кутшӧм ещӧ вӧлі сьӧкыд. Фюрерлӧн салдат тышкасьӧ кувтӧдзыс. Миянлы ӧні колӧны туйяс, мед армия вермис петкӧдны ставсӧ. Медбӧръя повозкаӧдз да медбӧръя мортӧдз. Кытчӧ мунӧ батальоныс? Кыті сійӧ лӧсьӧдчӧ петны миян туй вылӧ?

— Господин генерал! Ми разӧдім батальонсӧ. Ӗдвакӧ ӧні найӧ вермасны мунны водзӧ...

Генерал раммыштіс, гӧлӧссӧ лӧньӧдӧмӧн водзӧ висьталіс:

— Эн воштӧй русскӧйясӧс тайӧ проклятӧй гӧраясас! Найӧ — пискӧсӧсь. Туй миянлы мед вӧлі восьса талун, аски, аскомысь. Воис радиограмма: русскӧй морякъяс чеччӧдӧмаӧсь десант. Тыдалӧ, русскӧйяс лӧсьӧдчӧны пырны Қиркенесӧ. Қиркенес абу нин кар, а из чукӧр. Но миянлы тшӧктӧны ещӧ некымын лун кутны карсӧ. Мӧдӧдлы ещӧ бомбардировщикъясӧс. Мӧдӧд разведчикъясӧс. И эсійӧ... лунвывсаяс йывсьыс стӧча тӧдмав.

— Кывза, генерал! Лоас вöчöма. Разведчикъяс петісны нин паныд. Найö оз лэдзны некодöс. Асыв-нас бара мөдöда самолёт-разведчикъясöс.— Подполковник лолыштіс пыдысянджык, содтіс:— Рускöйяс некор оз писькөдчыны гöраяс вомөн. Изйыд век вöлі вынаджык мортысь.

— Подполковник! Извинит, ме скöралышті первойсö... Нервьяс, подполковник, и нинöм накөд ог вермы вöчны! Эн вунöд: рытнас ме ордö ужнайтны. Кута виччысьны.

— Атьö, генерал!..

ЕЩО ÖТИ ВОЙ

«Карельскöй фронтлөн войска октябрь 24 лунö наступайтісны водзö. Миян частьяс вуджöны сопкаяс, нюръяс, петкөдлöны ыджыд героизм да мужество, венöны став сьöкыдлунъяссö».

*Сöветскöй информбюролөн юöртöм.
Октябрь 1944 во.*



1

атальон вылö бомбардировщикъяслөн уськөдчылігөн разведчикъяс вöліны водзынöсь. Кылісны взрывъ-яссö, сувтыштлісны здук кежлö. Окота вöлі бергөд-чывны, тöдмавны, но налөн туй вылын буретш паныдасис öтка керка.

Неыджыд нöрыстор йылын шор бокин, мичаа краситöма виж рөмөн да баситöма уна серьясөн, тайö керкаыс зэв лöсяліс арся вöрыслөн серпаслы.

Татшөм керкаясы паныдасьлісны нин. Найö вöліны тыртөмөсь.

Талөн трубасьыс петіс муртса төдчыштан кокныдик тшын. Мукөд дырйи кө, Женя Лазарев кутіс висьтавлыны пöрысь дед йылысь, коді пукалө керка пыткас пач вом дорын да шпуткө-куритө ыджыд каллянсө. Либö Карабут висьталас мойд мича ныв йылысь, коді виччысьö найös, öшинь занавесөн сайласьөмөн. Нылыд, дерт, кутас на пиысь бöрйыны медся мичасö, удалсö да шансьö, и татшөмнас лоас сійö ачыс, Карабут.

— Главстаршина!— Яша-грузинлы тшөктіс старшина Мухин.— Босьтан Потаповös да Малыгинös, төдмалан, коді сэні тшынасьö. Виччысьö кодөскö али колльөдö. Бура стöчмөдтөг керкаас эн пырöй. Ковмас кө, ми сетам отсөг.

Бөр сибөдчис керка бердөдзыс. Матыстчыны абу сьöкыд. Кустьяс сайсянь видзөдыштісны. Керкаысь некод эз петав, öшинь дорö некод эз матыстчыв. Тшын муртса руалыштіс.

— Пыра ötнам,— шуис Яша, кор кадыс мөдіс кольны.— Дасьтöй гранатаяс. Он төд, гашкө, ковмас. Öтиныд кильчö бокас сайөдчöй, виччысьöй менсьым пас.

«Öкуратнöя олöны!— думайтіс Малыгин, керка вылас видзөдіг.— Вöрын, ас кежысь». Но сійö ачыс эськө эз мөд тані овны. Гажтөм эськө лои.

Малыгин видзөдіс, кыдзи Яша виччысьөмөн кайис кильчö вылас, видліс өдзөссö. Эз воссьы. Автомат прикладнас зымнитіс өдзөссö. Сулалыштіс мыйкө дыра. Некод эз шыась, воча эз пет ни. Пельпомнас йөткыштіс өдзөссö, и сійö гурйыв воссис. Саявли Яша керкаас недыр кезлө, пыр жö бөр петіс, шеныштіс кинас — лөктöй пö.

Пырисны куимнаныс. Керкаас кухня да кык ыджыд жыр. Гөгөр сөстөм. Кухня пызан вылысь Малыгин казяліс тарелка вылын гөрд кисель. Ту-

рипувйысь, тыдалö. Кутшöм чöскыд, кöнкö! Гортас сэтшöма радейтліс турипувъя кисельсö: юмов-шома, кöдзыд. Здукöн эськö öні ректіс пызанвывса тасьтісö. Но эз позь: эз тшöктыны командиръяс матыстчыны сёянъяс дінö. Вермасны лоны отравитöмаöсь. Фашистъясыд быдтор вылö мунöны.

Пырисны мөд жырас. Крöвать вылын, небыд гөрд эшкын улын, куйліс дзор юрсиа пöрысь морт, виччысяна, полігтырйи видзöдіс пырысьяс вылö, сöмын нырыс тыдалö эшкын помас.

— Пышйисны гöраясö, коді вермис,— тэрмасьтöг висьталіс старикыд, кор нин пырöдчисны сёрниö да старикыдлөн быри полöмыс. Вөлöмкö, старикыд сёрнитыштö и рочөн. Коркö вөлöма морякөн, воывлöма Мурманскö и Архангельскö.— Менö со колисны öтнамös. Тэнö пö, пöрысь мортös, оз вөрзöдны öтарыс ни мөдарыс...

Керка пытшкös сертиыс позис шуны: тані олö море вылын ветывлысь морт. Стенын мича рөмъяса серпасъяс. И быдын — море. Лөнъ да гыа море. Да ещö карабъяс. Парусъяса карабъяс. Öти стенын öшаліс судно вылысь вайöм кытш, кутшöмъясöс Малыгин пароходъяс вылысь аддзывліс.

Кöть и сёрнитіс куйлысьыд, но сылөн сюсь синъясыс пыр видзöдісны салдатъяс бöрся. Поліс, тыдалö: вермисны мыйкö босьтны, зептаныс пуктыны. Старикыд кокниа лолыштіс, кор эз збыльмы полöмыс, лон варовджык да варовджык.

Старикыд висьталіс ас йывсьыс, кутіс норасыны немецъяс вылö. Сэтшöм пö культурнöй нацияөн лыддысьліс войдөр, а сэтшöм лөкөсь да сёлөмтöмөсь вөлöмаöсь. Мыйта пö руда — никель да хром, чери да уна мукөдтор татысь нуисны Германияс. Муніганыс и татчös олысьясöс повзöдісны: большевикъясыд пö ставнытö Сибирö мөдөдасны. «Сійөн и дзевсисны мян... Полісны тіянысь, и наысь, мед аскөдныс оз нуны!»— серөктыштіс старикыд,

кыкис эшкын увсыс косьмём кияссё, лосьёдыштис юрсияссё. Синьясыс мортыдлөн гажмисны, и чужём вылас кыптыштис гёрд.

— Рад, мый вётлад найёс... Пасибё тиянлы,— водзё надзёник сёрнитис старикыд. Бура кузь сёрни-сьыд мудзыштис весиг.— А пачтё ломтыны волевлюны... гёраясын дзебсясысыяс. Менам сэни и гётыр... Ме кодь жё пёрысь, но повзис да муніс йёзыскөд, врукьясыскөд. Бёръяысысё немецьясыд волісны куимён. Прёщай пё, фатер, мед пё русьясысь тэно ен видзас... А мый меным русьясыд? Лёксё налысь некор эг кывлив, коть эг өтчыд паныдасыв. Отсалісны на ещё өтчыд, бедаысь мездісны. Море вылад өд мыйыс оз овлые...

Гашкё эськё варовитісны на, но буретш сэки кылісны ылыса взрывьяс. Разведчикьяс видзөдлісны өта-мөд выланьыс. Гөгөрвоисны — батальонёс бомбитёны. Найё кывлісны жё самолётьяслысь шыяссё.

— Мунам асланым йёз дінө,— шуис Яша-грузин. Петісны керкаысь, котөртісны вөрө, көні вөлі взводьыс. Сэни батальонысь связнөй.

— Лёк юөрьяс, лейтенант,— висьтавліс сійө.— Эмось ранитчөмьяс. Комбат корис ас дінас, мөдлаті кутам мунны.

— Мыйла сы дыра? Кутшөм тайё керка?— көсийис төдны лейтенант.

Висьталісны старик йывсыд.

— Некор меным старикьяслысь мойдыяс кывзыны!— шеныштис кинас Гордеев.— Мед куйлө, өтнас кө... Старшина Мухин! Чукөрт взводтө, мөдөдчам бөрлань...

Связнөйыд коть и шуис ранитчөмьяс йылысь, сэтшөмыс вөлөма сөмын өти — радистка Белых. Бомбаясыс усьөмаөсь бокөджык, йёзсё абу вөрзёдөма.

— Ёна?— юаліс Потапов, мыйён сөмын кывліс, Стөча висьтавны эз вермыны.

Қор Малыгин да Потапов матыстчисны куйлысь Лена дінө, сійө восьтіс синъяссө, көсйис, тыдалө, нюммунны.

— Ті?— муртса кывмөнъя юалис, көрыштіс паръяссө. Сэсса мыйкө дыра чөв олыштіс, пыдісянь лолыштіс, шуис шөпнитөмөн моз:— А ме со куйла...

Чужөм сертиыс позис аддзыны, кутшөм сьөкыд сылы.

Потапов матыстчис, босьтіс Леналысь кисө.

— Терпитышт, Ленусь... Ставыс лоө бур. Унаөн өд ранитчывлөны,— кайтіс Степан, аслас доршасис синваыс. Но кутчысис, эз көсйи петкөдлыны Леналы.

Локтіс комбат.

— Дасьөсь?— юалис Лихачев.— Дас минут мысти тані мед эн вёлйө. Бомбардировщикъясыд бөр вермасны воны... Фашистьясыд абу йөйөсь. Қазялісны кө, оз лэдзчысьны бурөн.

«Эк, Лена! Лена!— шогалис Малыгин.— Мыйла вөлі колө буретш тэныд инмыны осколокыслы! Эз вермы боктіджык шутөвтны, либө пуө зурасыны. Бурджык эськө вөлі. Мед көть и меным пөсь осколокыс инмис. Терпиті эськө, Лена, тэ ради...»

Абу кокни вөртід морттө кыскыны. Вөчисны кокньыдик нөсилка. Малыгин да Потапов регыд и пөсялісны. Лена абу сьөкыд, но сойясыд дубалөны. Коліс виччысьны изъясысь, ёна не дойдавыны куйлысьөс, торъя нин кор шойчигөн нөсилкасө му вылө лэдзан, пуктан муас.

Леналөн паръясыс лөзөсь, чужөм пасьтаыс кыптіс ньылөм, бледөдіс, сьөкыда лолалис. И кымын водзө, сымын сьөкыдджыка.

Васькин вөчис Леналы виль укол.

Потапов корсис комбатөс, висьталіс: неылын эм өтка керка. Сэні олө старик, позяс кольны Ленаөс. Нөсилка вылад сійө ёнджыка мучитчө.

— Кольны раненөйөс?— комбат гөгөрвотөма ви-

дзодіс сержант вылө.— Отнассө? Фашистъяслы кө сюрө?

Лихачев думыштчыліс, и век жө шуис:

— Ладнө... нуодө сэтчө. Оти мортөс сы дінө колөдам. Виччыяс мянөс лун-мөд. Ковмас кө, отсөг сетас.

Малыгин мунигчөжыс видзөдлывліс Степан вылө: синсө оз вештыв Лена вылысь, чөв олө. Малыгин төдіс бура: сьөлөмыс другыслөн доймана, но шогтө кужө пытшкас кутны, петкөдлытөг. Вермис кө эськө өні Сима мыйөнкө отсавны другыслы, нинөм эз жалит. Мед ставыс вөлі шөриа: шогыс и радлуныс.

Локтісны өтка керка дінө, пыртісны Ленаөс, водтөдісны воддза жырас небыд диван вылө. Малыгин казяліс: Лена восьтіс синъяссө, кытшовтіс керка пытшкөссө. Синъясыс дрөгмуніны. Казяліс ас дінас сулалысь Степанөс.

— Көні ме?— надзөник, муртса кывмөна юалис.— Кытчө вайөдід, Стөпа... татшөм гажанас!— и лантіс, бөр кунис синъяссө. Регыд бара восьтіс, шуыштіс:— Тані и кувны позьө...

— Оз ков та йылысь сёрнитны, Лена,— Степан копыртчис Леналань, кыпөдіс вывлань чужөм вылас усьөм юрси пратьсө.— Овны на кутам, Лена! И гортө ставөн воам!.. Вот аддзылан!

Леналөн синъясыс кутісны кодөскө корсьны.

— А Сима көні? Мыйкө ог аддзы сійөс матысь?

— Тані, тані!..— Степан йөткыштіс водзө Малыгинөс.

— Аттө кыкнаныдлы...

— Син водзын гудырмыны мөдіс... И дой некутшөм ог кыв... Быттө некутшөм рана, ачым кывта ва кузя...— надзөник кайтіс Лена. Друг восьтіс синъяссө, и сәні эз вөв полөм ни дой.— Стөпа!.. Сима! Кыкнаныд окыштө менө... кыкнаныд... Медбөръяысь...

— Потапово да Малыгино лейтенант динё!—
кыліс гөлөс өшинь увсянь.

Потапов шенышти кинас.

— ...лөкөн эн казтылөй!— кывзис Леналыс
бөрья шөпкөдөмсө Степан. Леналөн тушаыс ли-
гышмуні, юрыс чатөртчис.

Малыгин видзөдіс, кызди Степан не аслас кодь
повзьём синъясөн бергөдчыліс да видзөдліс сы вы-
лө, кыкнан ки пыдөснас тупкис чужөмсө, уськөдчис
өдзөслань.

«Мый тэкөд?»— көсйис юавны Малыгин, но ви-
дзөдліс диван вылын куйлыс Лена вылө, гөгөрвоис
ставсө...

Лена вөлі мича, быттьөкө унмовсьөма недыр кеж-
лө, и дась выльыс восьтыны мича синъяссө. Сэ-
тшөмөн и коли Малыгинлөн паметьын Лена Белых,
томдырся радейтанторйыс, нэмыс кежлө.

Кык час мысти Потапов да Малыгин суөдісны
взводнысө.

— Ставсө бура вөчид?— налөн синъяс да чужөм
серти пыр жө гөгөрвоис Гордеев.— Жаль зэв,
жаль... И нинөм он вөч... война. Кымын том олөм
босьтис сійө!

— Гөрд звезда гу вылас крепитім,— висьталіс
Степан.— Гөрд сатин старикыд сетіс... Гу вылас
бура ыджыд из путкыльтім...

— Эн вунөдөй тайө местасө!— лейтенантлөн гө-
лөсын кыліс шогалөм жө.— Коркө, гашкө, война
бөрын, воыны вермад, бурджыка лөсьодад гусө.

— Старикыд көсйисис гу бөрсяыс видзөдны.
Ним-овсө да адрессө Леналыс колис,— содтіс По-
тапов.— Гижа пө гортас...

— Вунөдас!— көсйис, тыдалө, шмонитыштны Ка-
рабут пырся моз.

— Бур йөзлы колө эскыны!— стрөгысь орөдіс сі-

йӱс лейтенант.— Бур йӱзлы да аслад ёртъяслы! Пыр эскыны! Ми эськӱ омӱлик салдатъясӱн лоим, вунӱдӱм кӱ ёртъяснымӱс... Воас и миянлы праздник — Победа лун. Сэки ми казътыштам найӱс, кодъяс оз лоны миянкӱд орчӱнӱс... Быть казътыштам, Карабут! И кутам казътывны нэм чӱжнымӱс!

Луныс мӱдӱс катовтчыны рытлань, ывлаын бара ыркӱдыштіс. Мунны лои кокниджык, кӱть Степанлӱн да Малыгинлӱн юрсыныс эз на петав Лена.

— Гортас гижам, мамыслы юӱртам, кор воам местаӱ,— шуис Потапов, кор колины кыкӱн.— Ме ногӱн, тэ гижан, Сима...

— Мыйла ме?

— Ме — ог вермы... Тэнад артмасджык...

— Тэнад Леналӱн ордад фотокарточка эм?— мыйкӱ дыра чӱв муныштӱм бӱрын юалӱс Малыгин.

— Кытысь!— шензъыштіс Степан тайӱ юалӱм вылас. Быттьӱкӱ Сима оз тӱд.— Гортын эм. Ӑтлаын тай ещӱ снимайтчылім... куимӱн...

— Менам сійӱ карточкаыс гортын эм жӱ,— ышловзис Сима.— Сьӱрысь эг босът... Воштыны, мися, верма... Чукрӱдлыны ли...

— Документъясыс Леналӱн, тӱдӱмысь, комбат ордын лоины. Места вылӱ воам да юалам. Гашкӱ Леналӱн и карточка эм. Ок, и скӱр ме талун, Сима! Фашистьяс вылад. Став скӱрлунӱс эськӱ на вылӱ, паныдаси кӱ... Мый эм вынӱй!

2

Гӱраяс костад шондӱыс рытгоровнад сайӱдчӱ кадъсь водз. Сопкаяс вылын пуяс йылӱ инмӱны на шондӱлӱн югӱръясыс, кажитчӱ — ӱнӱ лун шӱр на, а улын заводитӱ нин гудырмыны. Сэки и дукуыс вӱрыслӱн мӱд лоӱ: васӱдджык, улис. И матыса морелысь кӱрсӱ ёнджыка кылан. Тайӱ сопкаяс дӱнас не-

кыз эз вермы велапны. Малыгин. Гортса вöрад сийö быттьö гортас вöвлі, а тані дзик мөд нога. Изъяс да сопкаяс вöчöны местаяссö гөгөрвотөмөн. Öткөн кө колян, сийö и видзөд — сорсян, туйсьыс ылан, мөдарө муан. Гөгөр ляпкыдик гөраяс.

Лунся лоөмторъясыс чинтисны салдатъяслыс кыпидлунсö, коді вöлі асывводзнас на. Бур ещö, ранитчөмъяс эз лоны. Вермис лоны лөкджык. Бомбардировщикъяс сэсся выльыс эз волены. Код төдас, гашкө эз көсийны, чайтисны, мый налөн ставсö вөчөма, а гашкө и эз аддыны. Öнi, кор сопка горувъяс гудырмисны, дерт нин оз аддыны, көть и лэбасны юр весьтiныс.

Войнаыд оз радейт шаблонтö. Лихачев тайöс вазжөн гөгөрвоис. И кымын водзö думайтiс комбат, сымын ёнджыка сувтiс öти решение вылö: мунны водзö, не бöрынтьчыны. Приказ колö быть пöртны олөмö, мед эз ло подведитöма и лунвывсянь пырысь бригадаöс. Да, противник казяліс найöс. Но противниклөн öдвакө сюрас кад да вын бурджыка видзөдлыны аслас флангъяс вылö. Сылы и фронтлөн шөр участокыс тырмымөнъя.

Комбат төдіс: медся чорыд тышъяс мунісны фронтлөн шуйга флангын. Сэсянь вөчсис медся чорыд ударыс, мед петны противниклөн бöрынтьчан туйяс вылö да кытшö босьтны Киркенес кар. Тані вөчсис сөмын отсасяна удар, мед ылөдны егеръясöс. Но и Лихачев оз вермы төдны, мый найöс виччысьö. Век жö мөдөдіс водзö разведчикъясöс, кызди головной застава. Дивизия штабкөд йитчыны комбат эз вермы, радистка эз уджав, дай рацияыс, тыдалö, жугалöма, осколок жугөдöма сылысь боксö.

Комбат видзөдліс карта вылö. Финляндиясянь войвылö петан туй колö лоны насянь неылын. Асыв кежлас туй дінас коліс матыстчыны.

Войся вöрыд лөнь. Енэжыс кымөра. Недыр кежлө петкөдчыліс төлысь, но бөр саялі кымөръяс сайö.

Пуяс вылын коръяс оз вөрзъывны. Коді войнас вермас лоны батальонлөн туй вылын?

Но Потаповлөн сюсь синъясыс казялісны водзысь сэтшөмтор, коді тшөктіс сійөс сувтны, видзөдлыны сюсьджыка.

Тайөс казяліс сы бөрся восьлалысь Малыгин.

— Мый аддзин?— шөпнитөмөн юалис Сима, ланьтөдчис жö.

Матын некутшөм шы. Көнкө ылын-ылын мыйкө взорвитчис, бомба ли снаряд. Код төдас. Гашкө, бөрынтьчиганыс противник взорвитис пос ли телефон сюръя. Найö нинөм оз кольны дзоньөн.

— Би!— индіс водзö да муртса шуыштіс Потапов.

— Көні?

— Эстчаньын... Би киньяс сямунліны,— Степан индіс пуяс костөд водзö.— Эсійö ыджыд пожөм боктыс видзөд... Мөдар сопка пөкатас. Со, таланьын...— бара индіс.

Водзын вөр подйис лэччис увлань. Водзынджык муртса төдчыштіс паныда сулалысь сопкалөн баныс. Сэні сэтшөм жö вөр, лыска и коръя. Мый позис та ылнасяныд сэтысь аддзыны?

— Некутшөм би кинь ни би югөр ог аддзы,— шуис Малыгин.— Кажитчис көнкө. Кысь тані биыс?

Кыкнаныс вөрзъывтөг недыр сулалыштісны. И со, бара. Би киньяс сямунліны вывлань, паныда сулалысь сопка шөрын кымын. Сэтчөдз бура ылын.

— Аддзылін?— радлыштіс Степан.— Мый вöчны?

— Медся войдөр — лейтенантлы юөртны...

— Шытөг... кань моз...— тшөктіс Потапов.

Недыр мысти локтісны Гордеев да Мухин. Буретш сэки выльысь сямуніны би киньяс.

Киньяс вөліны, а би югөр эз төдчы. Гашкө, гуранö бисö пестөмаөсь? Либö сайөдөмаөсь мыйөнкө.

— Старшина, матыст йөзөс!— тшөктіс лейте-

нант.— И ысты комбатлы донесение. Мед виччысьмөнджык сэні, а то быттьо йөра чукөр вөртіыс мунө, ылөдз кылө. Ми заводитам матыстчыны биланыс. Ог веськыда, а кытшовтам. Эмось кө сэні кодъяскө, и абу зэв унаөн, уськөдчам,— лейтенант сёрнитіс надзөник, асьсө дасьтіс тыш вылө, синьясыс өзйисны.

Муртса төдчисны пуяслөн руд вуджөрьяс. Татшөм пемыднад вөрті кыссыны сьөкыд, быд чегөм ув вермас шы сетны.

Ыджыд кытш вөчисны, вуджисны мөд сопка вылө. Вомөналісны сійөс, заводитісны лэччыны увлань. Кызь саяс морт, и некутшөм шы. «Молодечья!»— думсьыс ошкыштіс салдатьяссө лейтенант. Главстаршина Гогоберидзелы да Лазаревлы тшөктіс водзө кыссыштны, стөчмөдны противниклысь вынсө. Мый на водзын фашистьяс, Гордеев гөгөрвоис нин. Артыштіс сідз жө: зэв унаөн оз вермыны лоны. Унджыкылөн и шыыс пыр ыджыдджык. Оз зэв виччысьны фрицьясыд, тыдалө, чайтөны, матын некод абу.

Дасьтісны автоматьяс, гранатаяс. Ещө топыдджыка ляскысисны му бердө. Ланьтөдчисны, кутісны лов шынысө. Отсалісны разіпели куйлысь изьяс. На дінын куйлысьяс эз төдчыны.

Виччысигад кадыс мунө надзөн. Лейтенант кыкысь нин видзөдліс часі вылас. Вит минут... дас... Мый сы дыра Лазарев да Яша оз бергөдчыны?

Ясыдмисны и налөн вуджөрьяс.

— Мый сэні?— не сэтшөма гөлөснас, кызди синнас юаліс Гордеев.

— Морт кызь, стөча лыддыны эг вермө,— шөпитіс Яша-грузин.— Гартчөмаось маскхалатьясаныс. Коді пукалө, коді куйлө. Лалгөны ас ногныс. Дерт көнкө флягаяссыныс шнапснысө юыштөмаось, нинөмысь оз видзчысьны. Мышланьныс дозорьяс абуось.

Гордеевлөн օзйыштлісны синъясыс, кызди шыр
вылө уськөдчыны лөсьөдчысь каньлөн.

«Юр выланьс чеччыштам!»— думыштіс ачыс.

Паськөдчисны бура ыджыд кытшө. Первойсө
Гордеев көсйис гранатаяс шыбитны, сэсся сувтны
да «ура» горөдөмөн уськөдчыны. Ставөн օтвылысь.
Но օд гранатаыд взорвитчас нель-вит секунд мысти
шыбитөм бөрас. Сэки осколокъясыс аслыныс вер-
масны веськавны.

Сөнъяс зэвтчисны. Быдөн кыліс сьөлөмыслысь
тіпиктөмсө. Сьөкыд кутны чуњьястө: дрөжжитөны.
Кызкө век тадзи артмө, кор сөнъястө зэвтөма. Ма-
лыгин кыліс жө тайөс ас пытшсьыс. Войыс прамөя
ыркыдмис, некод тайөс эз казав. Позис кө, шыби-
тісны эськө вывсьыныс паськөмсө, кокниджык вө-
лі. Салдат төдө: билы да смертьлы паныд уськөд-
чыны страшнө, а мыйөн вуджин сійө тшупөдсө, ста-
выс бырө. Тэ — օти көсйөмлөн ёкмыль, зэвтөм стру-
на, коді вот-вот орө да лыяс.

Малыгин видзөдліс гөгөр, көсйис аддзыны Сте-
панөс. Сійө матын эз тыдав.

Дырөннад и синъяс лоины сюсьөсь, велаліны гу-
дыр пемыдас. Өні Малыгин օтарысь и мөдарысь бу-
ра төдчөдіс другьясыслысь мыгөръяссө. Со Яша-
грузинлөн синъясыс югьялөны жө. Со Карабут орч-
чөн курччөма парсө, виччысьө команда.

Ещө кыссисны водзө. Быттьөкө, фрицьяс дорөдз
позьө нюжөдчыны. Негораа галчитөмныс налөн
дзик матын. «Энлив! Регыд ми тіянлы!..»— асьсө
бурөдөм могысь ёнджыкасө, думыштіс Малыгин.
Кыліс, кызди кабыр улас шоналіс автомат.

Быдөн виччысисны колана здуксө. «Но!.. Но!—
думсьыныс тэрмөдлісны командирнысө.— Кад
нин... Казяласны кө, лёк лоө...»

Лейтенант звирк сувтіс, горөдіс:

— Огонь!— и пыр жө сярөбтіс автоматсьыс кузь
өчередь.

Сы бõрся водзын рудõдысь мыгõрьяслань автоматъясысь õчередьяс заводитисны кисьтны и мукõд.

— Полундра!.. За мной!— горõдис Яша-грузин. Ставыс гудыртчис õтсорõ. Шõйõвошины фрицьяс, кодьяс, дерт, эз виччысьны татшõмторсõ. Кодкõ гõгõрвоис чужйыны бипурйõ. Гõлõвняяс, улíникын здук кежлõ биа визь вõчõмõн, разалисны неылõ. Друг быттьõкõ пемдылис, но синьяс бõр тõдчõдисны пуяссõ, салдатьяслысь руд мыгõрьяс.

— Рус... рус... Майн гот!— горõдис кодкõ бипур дорын, кватитис автоматсõ, но разведчиклõн õчередь пыр жõ водтõдис сйõс.

Кодсюрõ заводитлисны сувтны, кодсюрõ лэптисны кияссõ, кодкõ ружтис нин муртса чусалысь бипур дорын. Õти фриц лэдзис автоматсьыс õчередь, сэссия мõд. Кузя, патроньяссõ жалиттõг. А кодкõ повзьõмысла лыйлис вывлань, съõд енэжас.

Малыгин казялис, кыдзи õти фриц шарõдис-корсис кузь кияснас ас гõгõрсьыс автоматсõ, эз аддзы нинõм кималаснад, кыскис бокас õшалысь кинжалсõ пуртõссьыс, ырыштчис Малыгин вылõ. Гашкõ и ачыс эз гõгõрво, мый вõчсьõ сы дíнын.

Думайтны некор. Малыгин шуйга кинас кõсийс кватитны фрицтõ килутшõдыс, вештыны морõс весьтьсьыс кинжалсõ, но кабырыс кыдкõ вильскõбтис, и кабырас лои кинжал воропыс. Чукõртис вын-эбõссõ, веськыд кинас автомат прикладнас швачкис-вартис вынысь противниклы веськыда ныр-во-мас, удитис ещõ чужйыны кок вож костас. Мõдыс чатõрмуни, разис кабырсõ, кусыньтчис, кутчысис кынõмас, лэдзис юрсõ, быттьõ дасьтис балябõжсõ Малыгинлы. Сэтчõ, балябõжас, и кучкис мый вынсьыс приклад тышнас Сима. Эз кучкы весиг, а чукõртис став лёклунсõ, йõtкыштис вынсьыс. Мõдыс зургысис нырнас муõ, Малыгин кок улõ.

Видзчысьтõм уськõдчõмыд кокньõдис разведчикьяслы: здук мысти гõгõр туплясисны шойяс. Прамõй

водзсасьом фрицъяслөн эз и вөв. Но сэки сопка горувсянь кылісны автоматъяслөн өчередьяс, быттьокö сәні лёкысь заводитчисны увтчыны понъяс. Пуляяс жунькнитісны вөр пасьтаын.

Гордеев гөгөрвоис: сәні фрицъяслөн тыдалө, вөлма секрет, и медся водз уськөдчис сылань. Некымынөн вөтчисны командир бөрся. Сыланьö жö котөртіс Потапов.

Малыгин первойысь кокниа лолыштіс. Öти киас автомат, мөдас немецкөй кинжал, сійö сулаліс бокын кодь, и друг кыліс: шуйга ки пыдөсыс заводитіс зөлитны, а сәсся и ёнтыштіс. Көсйис шыбитны кинжалсö, но казяліс: чабыртөм кулаксыс чуньяс косттыс пычкысьö-петö вир. «Кытысь вирыс?»— повзис ачыс. Разис кабырсö, кинжалыд уси, а ки пыдөс тырыс вир. «Мыйла вирыс ки пыдөс вылын?»— пыр на шензис Малыгин. Дырөн гөгөрвоис жö: ёсь кинжал дорышыс вундөма. Дой эз вөв, сөмын зөлитіс ки пыдөс пасьтаыс яйыс.

— Сержант, мый тэкөд?— казяліс ки вылас видзөдысь Малыгинөс Карабут. Сійö, сьökыда лолаліг да пошиктіг, котөртö вөлі горувланьö, көні кылісны на автоматъяслөн өчередьяс да весиг и гранаталөн взрыв, казяліс Малыгинөс да сувтіс.— Ки ыд ранитчис? Ми сійөс здукөн көрталам... Вот адзылан... здукөн... Көні пакетыд?

Малыгин зептысь Карабут кыскис индивидуальной пакетсö, пиньнас курччис гөрөдсö, тэрыба гартыштіс сержантлысь кисö.

— Нинөм... Яйсö неуна вундөма, лысö абу вөрзьөдөма,— көрталігмозыс кайтіс Карабут.— Ки пыдөсыд абу на юрид!.. Свадьбаөдзыд бурдас!..

— Эз на со помась,— Малыгин юрнас довкнитіс горувлань. Но буретш сэки увтасладорын лөнис.

— И сәні со эштіс!— радліс Карабут.— Кужö мян лейтенантыд татшөмторъястö! Сійөн и радейтам сійөс... Збыль, сержант?

Тайё лонь вёрыс шемёсмодіс Малыгинёс. Оні быттьё эз и вёв здук сайын на кыптывлём ёсь тышыс тайё нимтём сопка бокас. Кодкё бёр чукортіс разалём гөлөвняяссё бипурийё. Матігөгөрын югдыштіс.

Сэні, керёс горувланьын, кылісны гөлөсьяс, сэся югуд вылө петісны разведчикъяс. Медся водзын лейтенант, пилоткатём, бушлат кизьяссё разьёма. Сы бёрся разведчикъяс и батальонса салдатъяс. Сы мындаён сыланьё эз котөртлыны. «Отсөг вылө воисны, лыйсьөмтө кылісны да»,— думыштіс Малыгин, көть лыйсьөм заводитчөмсяньыд кадыс коли вель этша, и некод на эз удит котөртны батальонсянь. Бёр вылас нин разведчикъяслы висьталісны: донесение воём бөрын комбат пыр жө мөдөдөма взвод отсөг вылө.

Локтысьяс пөвстысь Сима көсийс аддзыны Потаповёс. Степан эз тыдав.

— Татчө... татчө пунктё,— шуис лейтенант да индіс бипур дорлань.— Öдйөджык корсьөй да вайөдөй старшина Васькинёс!

Вөлисти Малыгин аддзис: Кошелев, полкса командирлөн ординарецыс, коді төрыт на воис взводө, мыш вылас кыскө мортөс, кияссө сылысь сылі вылас кутөмөн.

Малыгинлөн сьөлөмыс ёкмуні, быттьё пуртөн сутшкисны. Став тушаыс öйыштліс биён. «Оз вермы лоны!»— повзис ачыс, и кыліс, кызди мөдіс сырмыны тушаыс.

Кошелев пунктіс мыш вывсьыс сьөкыд грузсө му вылө. Малыгинёс кокыс ачыс нуис сыланьё. Видзөдліс куйлысь морт вылө. Төдіс Степанёс. Дзик жө Лена кодь: парьяссө топөдөма, синьяссө куньёма, быттьё узьё. Леналөн моз жө Степанлөн чужөмыс мича, вот-вот осьтас синсө, нюмъөвтас да шуас мыйкө гажаёс.

— Ранитчис?— юалис Кошелевлысь.

— Ранитчис кӧ эськӧ сӧмын...— нюжӧдіс Кошелев, пидзӧс вылас лэдзчысис куйлысь дінӧ, кутіс разявны сылысь голяувса кизьяссӧ.— Автоматнойӧ очередьӧн морӧсас... Ме аддзылі,— Котӧртигмозыс сержант казяліс: ӧти гад веськӧдіс автоматсӧ лейтенант вылӧ. Сержант морӧснас сайӧдіс командирӧс, муніс повтӧг сылань веськӧдӧм автомат вылӧ.

Кошелев дінын сулалысь Яша-грузин, кодлысь ӧнӧдз некод на эз аддзыв синва, чышкаліс чужӧмсӧ.

Локтіс Гордеев, пидзӧс вылас жӧ сувтіс, сюйис кисӧ Потаповлы гимнастёрка улас, морӧс дінас. Регыд бӧр кыскис, видзӧдліс гӧгӧр.

— Ставыс, другьяс!— кыпӧдіс юрсӧ командир.— Пасибӧ, сержант Потапов! Тэ вӧлін бур салдатӧн. И вӧчин медся ыджыд подвиг салдатлысь: аслад олӧм донӧн видзин командирӧс. Но ми сетам клятва тэнад шой дорын: ставсьыс босьтам водзӧс!

Лейтенант сувтіс, синнас корсис Мухинӧс, шуис сылы:

— Старшина!.. Кодйӧ гу ыджыдджык из бокӧ... Мед изсӧ позис быгьльтны гу вылас. Памятник сержант Потаповлы сувтӧдам!..

Малыгинлы, кажитчӧ, пыр на вежӧрӧдзыс эз во лоӧмторйыс. Кызди тайӧ вермис лоны: первой Лена, сэсса — Степан. Эз ӧмӧй другыс неважӧн на шу сылы: «Ок, и скӧр ме талун, Сима, фашистьяс вылад! Став скӧрлунӧс веськӧда на вылӧ, кор паныдася...»

«Со и паныдасис!»— думайтіс Малыгин, кор найӧ, Степанӧс гуалысьяс, бӧр суӧдісны взводсӧ. Казьтыштіс сопка бокин фрицьяслысь туплясьысь шойяссӧ, шуис аслыс: «Тайӧ — абу на ставыс, гадьяс! Уна вӧрӧглы на ковмылас бӧрдны съӧд синваӧн. Тайӧс ме кӧсийся, Степан друг! И верит — тайӧс ме вӧча».

Аддзис асьыс кӧртӧда кисӧ, аслыс содтіс: «Та

вөсна шогө огө на усьө. Позьө и өти киён тышкасьны. Граната шыбитны верма, автоматысь лыйны — сідзи жө...»

3

Быттьөкө ичөтик бой и вөлі нейджыд сопка бокын, а комбатлы унатор йылысь колө думыштны. Лихачев чукөртис командирьясөс.

— Штабкөд йитчыны ми ог вермө. Мый мөдам вөчны?— юалис офицерьяслысь.— Миян вит ранитчөм немец. Да ещө Кузь Отто. Васькин сёрнитис раненөйяскөд. Найө висьталісны: найөс татчө мөдөд-лөмаөсь төдмавны, кутшөм воинскөй часть писькөдчө налөн тылө. Сідзкө, противник төдө миян йылысь. Висьталісны сідз жө: противник Киркенесын на. Но фашистьяс мөдөдөны море пыр мый вермөны. Портсө бомбардируйтөны миян самолётьяс. Пленнөйяс ёна полөны лыйлөмысь. Ті гөгөрвоад, пленнөйясөс лыйлыны ми ог вермө. Но и кыскавны найөс — абу жө делө. Миянлы колө мунны водзө, асывводзнас воөдчыны индөм местаө, вомөнавны да орөдны фашистьяслысь бөрынтьчан туйсө. Дерт, миян боеприпасьяс дыр оз тырмыны, но гоз-мөд час кутчысям. Менам решение татшөм: раненөйясөс мөдөдны асланым пыран туйөд. Индам колльөдысьясөс. Меным накөд колө и донесение ыстыны. Гордеев ёрт! Сержант Малыгин вермас группанас командирөн лоны?

— Одвакө Малыгин талы лоө рад,— шыасис Гордеев.

— Мый нө сэсся, сідзи и мөдан аслад разведчикьяскөд? Рад не рад, коді кызди көсйө?

— Ёна ранитчөм фрицыс, кодөс ковмас нуны нөсилка вылын, виис Потаповөс, Малыгинлысь другсө. Малыгин төдө тайөс...

— Ладнө, думыштлам,— шуис комбат.— Тэ век

жө ыстыв сійос ме дінө. Збоя дейтуйтіс, ошкыштны косья... Кызди сөмын фрицуд чуньяссө абу орө-дөма!..

Тайө кадас Малыгин шогалис аслас шогөн. Эз ранаыс дойд Малыгинлысь сьөлөмсө. Ки пыдөсыд мый! Висьыштас да бурдас, кызди шуө Карабут. Дерт, мешайтө көртөдыс, но нинөм он вөч. Старшина Васькин ачыс выльысь көрталіс, ковмас пө көртөдөн лун-мөд ветлөдлыштны.

Сьөлөм вылас Малыгинлы вөлі сьөкыд сыысь, мый өти суткиөн, а стөчджыка кө — өти лунөн, луннас и рытнас, воштіс кык матысса мортөс. Салдатыд оз вермы төдны, кор войнаыд босьтас сылысь олөмсө. Та кежлө салдатлы пыр колө лоны дасьөн, быд здукын, көть эськө сьөлөмыд оз көсйи сөгла-ситчыны такөд. Вежөрыс Сималөн эз көсйи гөгөрвоны, мый сэсса некор оз ло ськөд орччөн Степан другыс. Усины кө Степан да Лена көнкө бокин, сьлөн син сайын, гашкө и кокниджык вөлі. Öнi кыкнаныс сулалісны син водзас: ловьяөсь, мича чужө-маөсь.

Малыгинлысь думьяссө торкисны, корисны комбат дінө. «Мыйла нин ме сылы ковми?»— повзискөдь неуна. Қазытыштіс лунся лоөмторьяссө. Быттьөкө нинөм сэтшөмсө эз вөч. И омөля гөгөрвоис, мый йылысь сылы висьталө капитан. Мунны тылө? Петкөдны раненөй фашистьясөс? Сылы, кодлысь фашистьяс виисны первой другсө!

— Капитан өрт!— збоймөдчис Малыгин. Төдіс: комбат радейтіс разведчикьясөс, пыр дорйывліс найөс. Весиг и полкөвөй разведчикьясөс быдөнөс нимнас төдіс.— Разрешитөй.

Комбат довкнитіс юрнас.

— Косья висьтавыны: ки пыдөсын ранаыд меным некутшөма оз мешайт. Чуньяс со вөрөны. Верма граната шыблавны, автоматысь лыйлыны. Ме эськө кори кольны менө стройө.

— Другъяссыд он кӱсйи кольччыны?— нюмму-
ніс комбат, тыдалӱ кодкӱ лунъясӱ казытыштӱмӱн.

— Другъяс вӱсна водзӱс колӱ босытны!

— Ладнӱ, сержант!— шуис капитан.— Бур сал-
датӱн асытӱ петкӱдлин, повтӱмӱн, збойӱн. Тшӱкта
штабса начальниклы корсыны мӱдӱс. А то, видзӱда
да, и Гордеевӱс шогӱдис!

— Аттӱӱ, капитан ӱрт! Пояс мунны взводӱ?—
кыдзи и колӱ, збодера тшолкнитис каблукнас Ма-
лыгин, ачыс думыштитис: «Везитӱ жӱ тӱныд, Малы-
гин ӱрт! Бара на удайтчис!»

Шогыд да радыд салдатыдлӱн орччӱнӱс. Тайӱс
Малыгин важӱн гӱгӱрволис. Ӳни ещӱ ӱтчид вежӱрас
воис. Кыдзи позыӱ мунны тылӱ, кор ӱртъясыд тыш
вылӱ мунӱны, и сӱтшӱм сьӱкыда на динӱ кодкӱлун
на воӱдчис. Сылӱн местаыс другъясыскӱд жӱ. Ӳни
сылы врагъяскӱд тышкасыны колӱ кык морт пыд-
ди: ас пыддиыс дай Степан пыдди. Лена память
кузя.

Кымын водзӱ Норвегияӱ пырӱдчис батальон, сы-
мын сукджык гӱгӱрын лои вӱр, джуджыдджыкӱс
пуяс. Мыйла тани сы гырея пожӱмьяс, пашкыр ту-
ганаӱс, кыдзи и Эжва бокса кос ягъясын? Сӱмын
подулас кос еджыд ялаыс пӱшти абу. Ичӱтика эм
жӱ, но этша. И коръя пуясыс гырысьӱс, и ывлаыс
шоньд. Войвыв, а шоньд. Кадыс быттӱӱ абу ок-
тябрь пом, а зарни ар, кор вӱрыс ӱзйӱ зарни рӱмъ-
ясӱн, Эжва бокин моз жӱ дзик. Со вӱлӱм мый вӱчӱ
морейд аслас шоньд ваа визувнас, кодӱс сийӱ вайӱ
лунвывса саридзьясыс! Сийӱн и Мурманскын мо-
реыс оз кынмыв, Архангельск дорын мореыс кузь
тӱвбыд кыз йиа. Йӱз муад воӱм бӱрын Малыгин
кӱсйис тӱдны ставсӱ, сюркнявны паметяс, мед сӱс-
ся оз вун, кольӱ казытылантор.

Надзӱник бара заводитис пуксыны дженьыдик

арся лун. Ывлаыс первой рудодіс, сэсся друг югдіс. Көнкө мышладорын дзирдыштіс шонді, зарниодіс сопка йывьяс, пожомьяслысь пашкыр туганьяссө. Шонді югорыс быттьо воччис салдатьяс бөрся пуяс йывтыс, зарнион кисьтіс найос. На вылө видзөдігөн вунлө весиг, мый көнкө муно война, виалоны йозос. Оти кадө водзын, көнкө веськыдладорын, кылісны взрывьяс. Тыдалө, миян самолөтъяс шыблалісны бомбаяс Қиркенес залив пасьтала, эз көсйыны лэдзны пышйыны сэтысь фашистьяслысь суднояссө.

Быдөн гөгөрвоисны: колө тэрмасыны, а то он удит и видзөдлыны, арся луныд пемдас.

Гордеев кольөдіс Малыгинос ас дінас связной пыдди. Сідзкө, ковмас ёна котравны. Таысь Малыгин эз пов: кызди шуласны, разведчикьястө кокьясныс вердоны.

Кытөнкө матын кыліс самолөтлөн шы. «Бара төрытъя моз!— думыштіс Малыгин. Тыдалө, самолөт лэбзис уліті, шыыс матысмис өдйө.— Бара мөдас миян вылө бомбаяс лэдзавны. Мый и видзөдоны миян самолөтъяс! Найө колана кадө некор абуось».

— Миян! Миян!.. Аддзанныд, самолөтыс миян! Со бокас гөрд звезда!— горөдіс кодкө.

Ичөтик самолөт лэбис дзик вөр йывті. Кажитчис, вот-вот шырыштас пу йывьяссө. Самолөтлөн шыыс недыр кежлө ылысмыліс, сэсся бөр ыдждіс да ыдждіс, воис юрьяс весьтөдз.

— Со! Мыйкө шыбитіс! Аддзанныд, усьо со.

Збылысь: самолөт вывсянь шыбитісны кутшөмкө съод чут, и сы бөрся вөтчис мыйкө көртөд вылын. Быттьо из ёкмыль неыджыд парашютөн.

Недыр мысти комбатлы вайисны ичөтик пакет. Лихачев косяліс конвертсө, лыддис: «Беспокоены отсутствием связи. Оседлать дорогу в указанном квадрате в указанное время, двигаться на северо-запад в сторону города. Никитин».

Комбатлы ставыс вöлі гөгөрвоана. Лои рад — оз вунöдны, сетисны тöдны. Гөгөрвоис, кутшöм кар йылысь шуöма гижöдас.

Лихачев кывзысьыштис. Карта серти кö, карöдз тасянь веськыда дас километрысь не этшаджык. Некутшöм шы ылын ни матын эз кыв.

Туйлысь еджыд визьсö разведчикъяс аддзисны бура ылысь крут сопка вывсянь. Туй чукльöдлис сопкаяс горувтi, водзынджык вуджис неыджыд шор, сэсса каттысис вывлань. Шор вомöныс — пос. Тыдалö, крепыда вöчöма, бетонысь. Посьяссö фрицъясыд быдлаын вöчлисны крепыдöс, ёнöс, уна вояс кежлö, тыдалö.

Гордеев чукöстис неылын сулалысь Малыгинöс, индiс туйлань:

— Аддзан? Öдйö котöрт да доложит комбатлы: ми петiм туй вылö, видзöдам сы бöрся...— Гордеев бинокльсö выльысь веськöдiс туй вылö, и синъясыс друг паськалисны: водзтiджык туй ылын быттьöкö некод эз вöv, а öнi сэнi, надзöник катласиг, вöрисны машинаяс. Весиг ылысянь позис казавны: машинаяс эз тэрмасыны. Гордеев видзöдлi пержант вылö.— Мый тэ сэсь аддзан? Ноко, видзöдлы прамöйджыка.

Малыгин босьтис командир кысь бинокльсö, матыстис син дорас, видзöдыштис недыр и бөр чургöдiс бинокльсö командирлы.

— Сэнi машинаяс, лейтенант ёрт... Туй кузялаыс...

— Эк, чöрт! Сiдзкö, сёрмим!.. А здук сайын эз на вövны.

Сопка боксянь вöрыс лэччис туй бердöдзыс, кытiсюрö весиг сайöдiс сийöс, быттьöкö орийöдлис туйсö. Сэтчö, ковмас кö, матыстчыны абу сьöкыд, позьö сибöдчыны бердöдзыс. Думсьыс Гордеев бöрйис места, кысянь эськö позис петны туй вылö, пуктыны минаяс, маскируйтны найöс. Некод эськö эз казав.

Эз вöв сьöкыд писькöдчыны и пос дiнас, вөр визьыс кыссис шор пöлөн. Позис сэнi, увтасас, вöчны и за-сада, а сэсянь уськöдчыны матыстчысь машинаяс вылö. Мед эськö сэки фрицьяс заводитлисны найöс вöтлыны сэтысь!

— Висьталан командирлы: туй вылын противник. Рытиввылö мунöны, машинаясөн. Öдйö котöрт да висьтав! Кыдзи сöмын верман. И вайöдан комбатöс татчö. И висьталан: мед оз шыавны ёна ротаясын, лöнджыка кутасны асьсö, а то бытьö табун вöв мунöны, мöдар югыдöдзыс кылö. Но, кыдзи ачыд? Оз вись кыд? Ковмас кö, верман граната шыбитны? Автоматысь öчереть сетны?

— Ставсö верма, командир!— вашмунис Малыгин.— Ковмас кö, и голяас шашаритча фрицьдылы. Оз мездысь!

— Вот и бур. А öни мун öдйöджык!

Сержант Малыгин пыр жö воши матысса кустьяс сайö. Унаысь тшöктыны сылы оз ков. «Молодеч менам сержант,— радпырысь думыштіс Гордеев.— Эз сöгласитчы со тылад петны, кöть эськö ранаа, и другсö муртса на воштіс. Правильнö вöчин, сержант. Миян туй — сöмын водзö. Коймöд во воюйтам, кад воис фрицьдылы прамöя горшас кутчысьны, мед лолыштнысö эз вермы. Жаль, Потапов миянкöд абу, öтважнöй салдат жö вöлі. Гажаджык эськö сыкöд воюйтнысö вöлі... Но, муса друг, узь тайö сопкаяс бокас: вөрö меститім тэнö, гортсаинад кодь вөрö. Ыджыд из улö».

Кутчысис лейтенант Гордеев, ньылыштіс горшас кыпöдчылöм дульсö, босьтіс асьсö киас: нормыны öни оз позь. Вот-вот бара тышö, морöс на морöс фашисткöд паныдасьны. Колö лоны вынаöи да чорыдөн.

Комбат Лихачев да капитан Фомин локтісны здук мысти. Тыдалö, кытөнкö матын и вөлöмаöсь.

— Но, мый тiян тани?— юалис командир.

Гордеев довкнитіс юрнас туйлань.

Комбат и капитан бинокльяснысö веськөдісны туйлань, бура дыр эз вештывны синъяснысö сэтысь.

— Сідз, капитан... Ставыс гөгөрвоана,— нюжөдіс комбат, лэптыліс синсö штабса начальник вылө.— И мый жө ми тэкөд мөдам вөчны? Миян водзын, кыдзи ме удиті казавны, тылөвөй крысаяс. Тэрмасьоны пышйыны. Миянлы тайө бурджык, накод кокниджык тышкасьны. Öнтая воом гижөдад шуөма: туй вылас петны индөм квадратын да индөм кадө. Сідзкө, дас часын. Тадзи ми сёрнитчылім полкса штабын. Сэки миянлы отсөг вылө локтасны бомбардировщикъяс. Ме ногөн, капитан, миномётной ротас колө сувтөдны татчө, көні öні ми сулалам. Тасянь бура кузя тыдалө туйыс, вермам стөчдыка лэдзавны минаяс. Найө миян лишнойыс абу, оз позь лышкыдасьны. Ас вылын пыртім, гөгөрвоны колө. Öти рота лэччас матө туй дорө, мед позя туйөдзыс шыбитны граната. Первой здукас жө колө шөйөвоштыны противникөс, вөчны туй вылын прамөй пробка. Мөд да коймөд ротаяс тышө пырасны сёрөнджык, кор ковмас отсөг первой роталы, а то и ковмас преследуйтны противникөс. А тэныд, Гордеев,— бергөдчис комбат разведчикъяс командирлань,— мыйөн ставыс заводитчас, колө пыр жө взводнад вуджны туйсө да төдмавны противниклысь вынсө. Противниклы петкөдчывтөг колө мунны налы воча, пырөдчыны ылөджык... Менө медясө интересуйтө: матыстчөны-ө миянлань артиллеристъяс. Кыдзи тэ ногөн, капитан?

— Ме сөглас, комбат,— вочавидзис Фомин.

— Би восьтыны сигналөн лоө кык гөрд ракета,— содтіс Лихачев.— Мун ротаясө да дасьты.

Туй вылын машинаяс недыр кежлө коставлісны, сэсся бара кыськө быйкнитісны-петісны öти бөрся мөд, некөн помыс эз тыдав.

Самолётъяс воисны сёрон, кор нин батальон петіс туй вылө, вомоналіс сійөс.

Туй вылө лэччөмөн лои тэрмасыны. Тшук дас часын ылын и матын друг мөдіс грымакывны. Кажитчө, сыркакылісны-вөрисны сопкаяс, отарын и мөдарын лыйлісны орудиеяс. Бөрын и водзын, он гөгөрво нинөм. Снарядъяс потласисны гөгөрын, но эз матын. Нинөм эз позь велавны, торйөдны шыяссө.

— Миян, тыдалө, заводитісны наступайтны,— Фомин дінө шыасис Лихачев.— А ми?..— ачыс кыпөдліс кисө, видзөдліс часі вылө.

Сэк кежлө ротаяс матыстчисны нин туй дінө, нюжөдчисны разі-пели, вөліны дасьөсь вөчны бөръя воськов. Буретш сэки батальон весьтти, уліті лэбис тэрыб разведчик-самолёт, муртса-муртса пуяс йылөдз эз инмөдчыв. Быдөн казялісны самолёт вылын гөрд звезда. Разведчик вирдыштіс туй весьтти, саялі вөр сайө, сылөн шыыс лөнис.

— Дзик бара миянөс корсьөны, сигнал сетөны,— шуис комбат да тшөктіс сетны сигнал атака вылө.

Сопкаяс боксянь туй вылө лэбисны минаяс, гранатаяс. Мый кутіс вөчсыны сэні! Минаяслөн да гранатаяслөн взрывъяс. Йөзлөн повзьөм гөлөсьяс.

— Рус... рус... партизан...— кылісны горөдөмъяс, тэрыб сёрни.

Няйт руд паськөма фрицъяс чеччалісны машинаяс вылысь, тэрмасисны сайөдчыны жугавлөм машинаяс сайө, дзебсясьны на улө. Но пуляяссьыд дзебсыны сьөкыд, сійө — аддзас.

Кысянькө бөрвевсянь мыччысьлісны кык кокни танк, кодъяс, тыдалө, колльөдісны тайө тыра машинаяссө, удитісны лэдзны сопкаяслань гоз-мөд снаряд, но пөлынтьчисны жө туй бокө оръясьөм скатъясөң, кутісны сотчыны биөн.

Комбат гөгөрвоис: батальонлөн туй вылө петөмыс противниклы лои виччысьтөм. Тайө — бур. Та вылө и арталөма ставсө. Но командир төдіс и мөд-

тор: чукортасны кӧ фашистьяс вын, матыстасны орудиеяс, батальонлы тайӧ местаас кутчысьны лоӧ сьӧкыд, дыр кад кежлӧ вын оз тырмы. Но коймӧд во чӧж мунысь войнаыд велӧдіс: мукӧд дырйи татшӧм удачаыс, кор враглы усян юр вылас, и сійӧ оз виччысь татшӧмсӧ, отсалас вӧчны сійӧс, мый вылӧ ковмис эськӧ мукӧд дырйи унджык кад и вын.

Унатор йылысь ковмис думайтны комбатлы, и сэки жӧ сюся видзӧдны, кызди вынсяліс кӧнкӧ тасянь ылын, матігӧгӧрса сопкаяс сайын, гым шыыс, сідз жӧ и тані, туй вылас. Сэні, сопкаяс саяс, тӧдӧмысь, муніс ыджыд тыш, и штабьясын арталӧма тшӧтш Лихачевлӧн батальонлысь вынсӧ, коді ӧні колананын да колана кадӧ орӧдіс фашистьяслысь уна пийсь ӧти бӧрыньтчан туй. Видзӧдлывліс комбат и вывлань: виччысис бомбардировщикьяслысь петкӧдчӧм. Отсӧгыс батальонлы ӧні ӧна коліс. Мед и ротаясын аддзисны: найӧ абу ӧтнанысӧсь. Сэки салдатьяслӧн выныс содас. Эз жӧ прӧстӧ волы самолёт-разведчикыд.

Гырысь восьласӧн, пошкигтыр, кысянькӧ вылысянь локтіс капитан Фомин, уськӧдчис куйлысь Лихачевкӧд орччӧн, сьӧкыда лолыштіс.

— Мый пошиктан, капитан?— нюммуныштны зіліс комбат.— Мый висьталан бурсӧ?

— Ставыс мунӧ сідзи, кызди колӧ!— шуис Фомин, бара сьӧкыда лолыштіс да содтіс:— Кызди ми кӧсйим...

— Эн на ӧна ошйысь,— ӧлӧдыштіс комбат штабса начальникӧс.— Но, кывза.

— Казявлін, кызди танкьяссӧ мян?.. Сержант Кошелев. Ичӧтик ачыс, вертляв весиг видзӧднысӧ, а кань моз кыссис туй бокас, кужис шыбитны кык граната. Кызди сӧмын выныс тырмис! Вот молодеч!

— Тайӧс ме аддзылі, Фомин. Водзӧ... Эн жӧ ӧд тайӧс висьтаваны лок.

— Мөд ротаса разведчикъяс кыскөмаоьсь пленнөйөс. Фельдфебель ачыс, ранитчөма чорыдакодь, но сёрнитө. Ме старшина Васькинкод неыджыд допрос вөчи. Пленнөйыд висьталіс: миян водзын егерскөй полклөн хозяйственнөй подразделение. Полкыс бөрын на. Налы сетөма приказ — мунны рытывыв. Сыланьын пө чукөртчө фрицъяслөн став Лапландскөй армияыс... Да, ещө, капитан, муртса эг вунөд: тайө туйыс Киркенесө оз вайөд. Матын пө мөд туй. Сэті петө быдса дивизия. Егерскөй жө, горноегерскөй...

— Тасянь эськө мед и заводитін висьтавнытө, капитан. Көні өні пленнөйыс?

— Шуи тай: мөд ротаын. Капитан Харин ордын. Тшөкті бура видзны.

— Нуөд менө сы дінө. Ачым көсья мыйсюрө төдмавны.

Буретш тайө здукас асывывысянь кыліс матысысь самолөтъяслөн шы. Кыліс, кызди сыланьын взрываютчисны самолөтъясянь шыбитөм бомбаяс.

Тайө кадас сержант Малыгин, главстаршина Гогоберидзе да Женя Лазарев куимөн, асланыс взводысь водзын, ляпкыдик рас пыр писькөдчисны сопка вомөн. Лейтенант Гордеев туй вомөн вуджөм бөрын да вөрланьыс пырыштөм бөрын тшөктіс Яшагрузинлы да Лазаревлы вомөнавны водзын баввидзысь ёсь йыла сопкасө, кодөс, тыдалө, кытшовтө бөрө кольөм туйыс, петны сы водзө, стөча төдмавны бөрвывсянь воысь вынъяссө противниклысь. Некод кө сэні абу, коліс минируйтны туйсө, мед сы вылө веськаласны выль воысь машинаяс.

— Ме тшөтш накөд, лейтенант,— вөйысис Малыгин.

— Тэсө мыйла? Кыкөн вөчасны,— Гордеев көсйис өткажитны сержантлы, но вежис думсө.— Лад-

нӧ, ветлы тшӧтш. Куимнад век жӧ бурджык. Сідзкӧ, тэ лоан ыджыд пыддиыс. Минаяс тӱян сьӧрсыныд лоӧ?

— Сійӧ мян пыр сьӧрысь!— серӧктіс главстаршина.

— Ми тӱян дінсянь неылын лоам. Ковмас кӧ, отсалам,— шуис ещӧ Гордеев.

Тышлӧн шыыс колис веськыдыв. Кылісны на сәні ӧтка негырысь взрывъяс гранатаяслӧн, автоматъяслӧн ӧчередьяс. Тыш пансьӧмсянныс Малыгин пыр на думайтис сы йылысь, мый сылы сідзи и талун эз на удайтчыв тшӧтш жӧ лыйлыны автоматсьыс, шыбитны граната. Ӑні со бара колӧ мунны бокӧ, кыйявны кань моз, кыйӧдны да видзӧдны. Ачыс ещӧ сетис кыв: тышкасьны кык пыдди, Степан пыдди тшӧтш. Ленаӧс кӧ босьтны, то и куим пыдди. Эз и вӧв лӧсьыд другыс паметь водзын, быттьӧ ылӧдіс сійӧс. Казьтыштіс, кызди найӧс, сійӧс да Потаповӧс, Сыктывкарын колльӧдіс Лена, шуис бӧръя помас: «Виччысьӧй и менӧ!.. Регыд тӱян дінӧ жӧ локта...» Дум вылас воис, кызди войдӧрлун рыт на куимнаныс вӧліны ӧтлаынӧсь, сӧрнитисны уна. Син водзас сувтіс Лена, кор сылы Потапов шуис: «Сідзкӧ, асылӧдз, Лена! Быть аддзӧдлам!» Лена вот пӧртіс асьыс кывъяссӧ, корсис и аддзӧдліс, а налӧн кӧсйысьсӧмыс лои весь. Ӑні куимӧн некор нин оз адзысьлыны.

— Командир, мый думыштчин?— Малыгин кыліс орчӧн Яша-грузинлысь гӧлӧссӧ.— Потаповыд дум вылад уси? Бур салдат сійӧ вӧлі. Ме радейта сэтшӧмъястӧ, кодъяс повтӧмӧсь, збойӧсь. И кодъяс другъяс ради асьнысӧ оз жалитны, ковмас кӧ... Миян Кавказын ставыс сэтшӧм! Верит меным!.. Но, мый? Водзӧ мӧдӧдчам?

Та йылысь главстаршина вермис и не висьтавны. Ачыс Яша сэтшӧм жӧ, эз ӧтчид петкӧдлы. Малыгин тайӧс аддзывліс, и кольӧм войся тыш дырйи тшӧтш.

Разведчикъяс кӱть и эз аддзывны, но кылісны матысмысь самолётъяслысь шыяссӧ. И кор здук мысти кылісны туйланьысь взрывъяс, думсьыныс отсалісны лётчикъяслы. «Сідзи, сідзи, другъяс! Ёнджыка!»— радлісны куимнаныс. «Тайӧ тіянлы водзӧс тӧрытъясъыныд, Степан да Лена вӧсна!»— думыштіс Малыгин. Сьӧлӧм вылас сьлӧн кокнямис. «Виччысьӧй да полӧй, понъяс!»— думыштіс Малыгин.— Не татшӧм на водзын лоӧ. Ставсьыс водзӧс босьтам, дзик ставсьыс!»

Мыйкӧ дыра кежлӧ гӧгӧр лӧньыштліс. Быттьӧкӧ некутшӧм война абу, ылын ни матын. Быттьӧкӧ некӧн оз виавны йӧзӧс, оз сотны каръяс, оз тшытшны и вӧръяс. Коньӧрӧн петкӧдчӧ вӧрыд, кыті мунас войнаыд. Сотчӧм пуяс, морт судта сьӧд мыръяс, танкъяслӧн гусеницясӧн талаялӧм кустъяс.

Кымын рӧма арся вӧрыд! Зарниӧн мичмӧдӧма асьсӧ, ӧткымын пуяс вылын коръясыс ӧзйӧны биӧн. Оз шыавны сӧмын лӧбачьяс. Тыдалӧ, войнаыд быдӧнӧс шызьӧдӧма да повзьӧдӧма, вӧтлӧма ылӧдз. Йӧзсӧ чужанінсьыныс, весиг вӧрса лӧбачьясӧс асланыс позйысь.

Нюжӧдчыштлыны эськӧ тайӧ лӧнь вӧрас, небыд нитш вылас. Мед и лӧбачьяс оз дзольгыны матын, узьсис эськӧ бурпӧт. Бӧръя кык войсӧ прамӧя водлытӧмӧсь нин. Кызди сӧмын вермӧ мортыд та мындасӧ ас вывтӧыс нуны! Қоркӧ, врагӧс пасьвартӧм бӧрын, ставсӧ бергӧдам. Ок, сэки и узьяс чорыда, да кор ещӧ мамыд шебрастӧ тӧ вылын лӧсьӧдас. Мамлӧн кияс! Мый ещӧ эм мусаджыкыс да донджыкыс салдатлӧн казътылӧмъясын!

Бара кытӧнкӧ гриммуні чорыда. Не то морт веськаліс мина вылӧ, не то ещӧ уси бомба врагъяслӧн юр вылӧ.

Сюсь вӧлӧма синмыс главстаршиналӧн. Сійӧ мед-ся водз аддзис вылысянь туйлысь визьсӧ.

— Т-с-с!— ӧлӧдіс сійӧ бӧрын локтысьясӧс, корис

Малыгинӧс ас дінас, индіс водзӧ.— То, аддзан? Кажитчӧ, туй вылас некод абу... Командир! Вай ме лэччыла да пукта мина эсійӧ труба бокас, коді туй улас! Аддзан?

— Мед сәні тәнӧ мешӧкӧ сюясны?

— Оз удитны, Сима. Ме — здукӧн!

— Лейтенант локтас да вӧлисти... Ме лоа мыжа, лоӧ кӧ тәкӧд мыйкӧ... Смерть вылӧ ыстыны ог лысьт.

— Ми быд лун смерть вылӧ мунам, сержант! Сы вылӧ ми и салдатыяс!

— Женя! Котӧрт да ӧдйӧджык вайӧд взводӧс. Найӧ абу ылынӧсь, ме ногӧн,— шуис Малыгин Лазаревлы.— Ми лоам сәні, улын... Висьталан лейтенантлы.

Малыгин ачыс нин ышмис, окота лои вӧчны мыйкӧ сәтшӧмтор, мед сьӧлӧмыс бурмис.

— Мӧдім!— шуис Малыгин, и первойӧн уськӧдчис керӧс горув, кӧть и ачыс на эз гӧгӧрво, мый сәні мӧдасны вӧчны. Ӧтитор бергаліс юрас: «Кӧть час джын кежлӧ да орӧдны туйсӧ. Мед водзӧ мунысьяслы бӧрӧ туй оз ло, ни содтӧд вын батальонлы паныд эз вермы воны. Вӧртыс машинаясуд оз письтны».

Но кадыс вӧлі вывті этша. Муртса на воисны туй бокӧ, шуйгаладорын кутіс кывны матысмысь машинаслӧн шы. Вот-вот лоасны тані.

— Яша!— шӧпнитіс Малыгин.— Бӧрыньтчам! Ог удитӧй!

— Удита, Сима! Ме удита! Мун машинаясуды паныд, кӧть кызди да сувтӧд медводдзасӧ. Босьт и менсьым гранатаяс. А ме, мыйӧн ӧзта шнурсӧ, пыр жӧ тәныд отсӧг вылӧ воа. Кыкӧннад пышъям... кызкӧ-мыйкӧ...

Уна думайтны вӧлі некор. Мый шуӧма лоны — мед лоӧ. Мый сійӧ, Яшаысь омӧльджык? Оз вермы сы моз жӧ?

Бетоннӧй трубасӧ туй улас суйӧма увтас кодь

местаын, мед васö туй увтыс лэдзны. Қыкнанладорас трубасяньыс ляпкыдик кыръяс. Туй пöлөн кодйöм бөрöздаыс кос. Сэті и кыссис Малыгин кыр паныд. Машинаын пукалысьяс öдвакö казяласны сійöс, кытчöдз оз во кыр йылас. Малыгин дасьтіс кык «лимонка» да öтисö и мөдсö негырысь костьясөн шыбитіс воддза машина улас. Тыдалö, шоферыс падмыштліскодь, эз гөгөрво, кысянь мый лэбзис сылөн машина улö. Малыгин шыбитіс коймөд граната воддза машина саяс, а ачыс тімбыльтчис боквыс кустьяс саяс, пöшти бауөн заводитіс котöртны.

Кыліс бөрвылын взрыв, мөд, морт-мөдлөн горөдөм. Малыгин сетчис горув, сыланьö, кытчö колис Яшаөс. А сійö некөн эз тыдав. Но машинаысысь кылö чеччалісны нин фрицъяс, горзісны мыйкө, лэдзалисны кузь öчередьяс автоматьясысь. Пуляяс живкъялісны Малыгинлөн юр весьтті, неуна вылынджык. Но вот, кыськө увланьысь друг петіс и Яша, тэрыба котöртіс сылань, и друг бара воши. Бытьö эз и вөв некөн. Малыгин уськөдчис сылань, адзис туй бокин куйлысь Яшаөс, кватитіс киняулöдыс, заводитіс кыскыны ёртсö. Сэки жö Малыгинсянь неылын сыркмуні муыс, сьöd сюръяөн кыпөдчис муыс, боктыс лэбісны изьяс.

— Тайö менам, менам мина...— кылö шуис Яша, и пыр жö бөр ланьтіс.

Кыськө друг чужис Женя Лазарев, кватитіс Малыгин киысь Яшаөс, кыскис кытчөкө сійöс. Орччөн лоины лейтенант Гордеев, Карабут, кватитісны Малыгинöс асьсö...

Қор недыр мысти Малыгин воис асас, сійö куйліс небыд нитш вылын. Гөгөрыс сулалісны ёртъясыс.

Лөнис войналөн гым шы войвылын. Но война эз на помась. И қор недыр мысти сержант Малыгин другьясыскөд öтлаын воинскöй эшелонын муісны

рытывыввса фронтъяс вылӧ, сійӧ думайтіс, мый ӧні,
фашистъяскӧд неӧтчидысь морӧс на морӧс паны-
дасълӧм бӧрын, ассьыс вынсӧ кылӧм бӧрын, ачыс
абу нин томиник зонка. Бӧрӧ кольӧм тышъясыс
вынсӧдісны сійӧс, вӧчисны прамӧй салдатӧн.

Серафим Малыгин тӧдіс: водзын сълӧн чорыд
бойяс на, но тайӧ эз повзьӧдлы сійӧс. Жаль сӧмын,
войвылӧ коліс Ленаӧс и Потаповӧс. Но ськӧд вӧлі-
ны выль другъясыс, накӧд дружбасӧ крепитӧма ви-
рӧн, ӧтувъя тышӧн. Таысь ыджыд да крепыд друж-
баыс оз вермы лоны!

*«Рытъя шондыыс нель көра дадюлөн
войоддо, а асъя шондыыс ошкөн мунё».*

(И з ь в а т а с с ё р н и ы с ь.)



1

еркуш Павеллөн выль керкаыс ним-
кодя вашвидзё сикт катыд помын,
Печоралөн джуджыд кыр йылын.
Кужёны öнi мичмöдны выль керкаястö. Быттьöкö
нинöм синмö шыбитчанаыс, а со тай абу окота веш-
тыны видзöдластö. Керка дiнсяныыс гожöмын
шывквидзö паськыд юлөн лöз отыс, тöлын — ста-
выс гөгөр вевттыысьöма еджыд эшкынөн. Гожöмъ-
яснад Печора гызыывлас да дыр нöйтчö берегö. Па-
вел Меркурьевич оз аддзы тайöс, но кылö сьöлöм-
нас. Сэки и сылөн став тушаыс юкалö, кодкö быт-
тö емөн сутшкалö. Кылан тай поводдя вежсьöмтö,
оз ков юасыны.

— Бара топöдiс?— казялас дiнас олысь Василей
пыыс, поконча мамыслөн кодь мичаник синъяснас
тöждысына да жалитана видзöдлас батыыс вылö.—
Водыштлин эськö... Мый öтторни юртö юланыыс нё-
ровтан? Нинöм жö öд он аддзы.

Мелiа сёрнитö пыыс. Тайö воö сьöлöм вылас пö-
рысь мортлы. Мöдарö кö, кутшöм на сийö пöрысь:
муртса петiс квайтымынысь. Овны да овны... И век
жö, не кö пыыс, сьökыд вöли Павел Меркурьевичлы
вöльнöй светас. И моньыс айкаыскöд мелi. Кодi
сэсса, пыыс да моньыс кындзи, тадзи быд лун нок-

сяс ськөд. Гөтырыс, Мавра, важон абу, кувсьыліс. Поліс Павел Меркурьевич: сьокыд лоо отнаслы сувтөдны кок выло челядьсө, кор ещө ачыс джын-вуйо морт, омөля войло и этша аддзө-кылө, но көс-йысис Мавралы кулігас да вөчис ставсө лючки-бура, и асьсө сійөс эз энотны. Оти пи со пыр дінас, а вок котыр батыслы керка лэптисны, и Василей оз лөсьөдчы мунны сиктсьыс.

— Оз вун тай Печораыс, көть и омөля аддза,— сьокыда ышловзис бать. Код төдас, кутшөм думьяс сылы воисны, мый казтыштліс.

Павел Меркурьевич и писө омөля аддзө, муртса төдчыштө сылон мыгөрыс. Зэв кө нин сибөдчас дінас, казялас ныр-вомсө. Мамыслөн кодь мичаникөсь. Гажыс бырө да нарошнө корас матыстчывны, мед любуйтчыштны пинас да Маврасө казтыштны. Сэки и сьөлөм вылас кокняммыштлас, олөмыс мичаджыкөн петкөдчылас.

— Ёна тай мыйкө зэрасьны мөдіс,— бура дыр мысти вежө думьяссө бать.— Йөзыслы турунсө заптыны оз лэдз.

— Вод да куйлышт, айко,— бара корис пиыс.— Сьөлөмтө весьшөрө донзьөдан... Кор зэрө, сэки ми силос вөчам, турун пызь. Весь некод оз ов...

Пиыс муніс удж выло. Кылө, өшинь улын шыөдчыліс сылон машинаыс. Василей — шопералө совхозын. Сійө и батьсө мотоколяскаөн гортсьыс гуляйтыштны петкөдлывлө. Со өд өні кызди — инвалидлы сетісны быдса машина. И дон эз босьтны.

Павел Меркурьевичлөн ичөтик косіндзи туша, пыдын чусалысь руд синьяс.

Арлыдыд босьтө асьыс, топөдө да чинтө морттө, увлань личкө. Коркө эськө көрьясыд бөрся войлыны Павел тэрыб жө вөвлі, уна тысяча көр ки пырыс мунліс, өні сійөс ковмас сөмын казтывны. А кывзысьлісны сылысь медся асыра көрьяс-пелейяс, харейнад эз ковмыв ёна шенасьны.

Павел Меркурьевич тэрмасьтөг катликтіс кык өшиң костын сулалысь камодлань, кималаснас городжыка вөчис радио. Тайө каднас велалөма радио пыр кывзыны выльторьяс. Газетьяс лыддыны Павел Меркурьевич эз вермы, а мый вөчсьө свет пасьталаын — төдны окота.

Тадзи и кольёны луньясыс. Лун бөрся лун. И кувьёсь найө өтнадлы. Вөчыштас кималаснас мый вермас, пызан идралас, петалас пукалыштны кильчө вылас, кор луныс мича. Кытшовтас керка гөгөрыс, сёрнитыштас, кодкө кө кежалас сы дінө улич вывсянь, казялас сійөс да, а то прөстө ывла сынөдсө нылыштас. «Эк, волены эськө важ бөрти көрьяс дінө көть өтчюд,— воас вежөрас дум.— Гожся чомын олыштны, сөдз шорысь пөсь чай юыштны, көр яй сөйыштны».

Арталыштас: кымын во сылөн кольёма көрьяс дінын? Көть быд лун артав, артмө өтитор: кызь во. Абу и уна быттьөкө, олөмыслөн коймөд юкөныс сөмын. Сылөн ещө куим во фронт вылын, пөшти во больничаясын. И пыр на со ловья. Сыктывкарөдз на самолётыд вайөдлас, кор ковмас протезсө коксьыс лөсьөдыштны ли вежны. Бара жө дон босьттөг өтарө-мөдарө новлөдлөны. А вот тундраад петкөдлыны оз көсийны. Оз гөгөрвоны, тыдалө, том йөзид, кутшөма гажыс сылөн, пөрысь мортлөн, бырө паськыд тундрасьыс.

Өні тундраад томджыкьяс. Сыкөд арлыдаясыс, коді ловья, гортанысөсь нин, сы моз жө тундраыс гөснеч виччысьөны — көр яй да чери, и гажтөмчөны, дырджык кө некод көр видзысьяс оз пыравны.

И ещө думайтө Павел Меркурьевич аслас челядь йылысь. Эз мунны найө бать кок туйөд: машинаяс найөс кыскисны ас дінаныс, шоньд керкаясын олөм. А коді көрьяс дінын бергавны мөдас? Нылыс верөс сайө петіс да орчча сиктын уджалө, пошта вылын. Ыдждыд пиыс карө велөдчыны муніс, Ухта карө,

сэсса эз и во гортланьыс. Кӱнкӱ сэнi жӱ, Ухта дiнас, уджалӱ. Нефть перйӱ, а нефтьсыс карасин да бензин вӱчӱны. И эщӱ ӱти пи неылын виль Усинск кар стрӱитӱ. Кӱркӱ нылыс внукъясыскӱд волас да керка пытшсӱ гажӱдас. Тыдалӱ, и гортса моньыс, том кӱзьяйкаыс, Василейлӱн гӱтырыс, регыд быдтысьны мӱдас. Мед и сiдзи. Челядьӱн гажа керкаыд.

Павел Меркурьевич локтiс камод дiнас, восьтiс ӱти жыр. Ки улас сюри неыджыд ӱкмыль. Разис сийӱс. Омӱля аддзысь синъяс водзас дзирдыштiс «За отвагу» медальыс. Эмӱсь и мукӱд медальяс, а тайӱ медся дона. Гортас нин воис, дыр корсьӱма медальыс кӱзьяинсӱ. «Сэнi вӱлӱмысь,— думыштiс Хозяинов.— Сийӱн и со «За отвагу» гижӱма. Ок, дона сувтiс сылы тайӱ медальыс!..»

2

Война заводитчан воын тундраын ар помыс лои дженьыд. Водз кӱдздӱдiс, кынмисны юяс и тыяс. Кӱр видзысьяс тэрмасисны гортаныс. Некымын тӱлысь нин ылын рытиввылын гымалис война. Кывсис: фронт вылӱ мӱдӱдасны и кӱръясӱс. Дерт, кӱръяс ас кежын оз мунны. Сiдзкӱ, ковмас мунны и пастукъяслы. Но кор да кодлы — некод эз тӱд.

Дор вӱръясӱ матыстчӱм бӱрын стадаясӱ воисны зоотехникъяс, кутiсны торйӱдавын ӱнджык быкъясӱс. Зоотехникъяс, дерт, нинӱм эз висьтавын, но быдӱн нин гӱгӱрвоисны ставсӱ.

Тундраӱ локтысьяс лыдын вӱли и врач Иван Васильевич Макаров. Сийӱ кутiс бӱрйыны пастукъясӱс. ӱти луӱ врач дiнӱ пырис ветсанитар Павел Хозяинов. Доктор казьявлiс нин сийӱс кӱръяслы прививка вӱчанинын, «кокасигӱн», кыдзи шуӱны кӱр видзысьяс. Санитар уджалiс пелька, кокниа. «Заль мортыс,— думыштiс сэки Макаров.— Тушаыс сӱмын ичӱтджык. Но тэрыб кока, тыдалӱ». Ачыс доктор

абу первойысь тундраын, радейтіс да пыдди пуктіс йӧзӧс, кодъяс нэмныс кежлӧ йитчӧмаӧсь кӧръяскӧд, и тундрасӧ, чомсӧ лыддьӧны асланыс гортӧн.

Хозяинов пыригас кольӧма маличасӧ, ӧні вӧлі дӧрӧм кежсьыс. Дӧрӧмыс чусмыштӧма, тыдалӧ, абу нин ӧтчид мыскалӧма мужичӧй киӧн. Но сӧстӧм, абу няйт, и тайӧ бара жӧ петкӧдліс мортӧс.

— Мый вылӧ норасям, Хозяинов ӧрт?— сӧрнитіс Макаров пастукӧс видлаліг.— Кӧръясыд оз висьны? Пӧтӧсь быкъясыд?

Доктор тӧдіс: тундраті ветлысьяс ас йывсьыныс оз радейтны уна сӧрнитны, а кӧръяс йывсьыд чӧв овны оз вермыны.

— Мыйла налы висьнысӧ, доктор?— вашмуніс Хозяинов.— Ми ас кадӧ «кокалам» найӧс. И мыйла пӧтӧстӧмнас лоны? Гожӧмбыд бур нитш вылынӧсь.

— Ачид кызди? Тэ, буракӧ, салдатын служитлін?

— Служитлі...

— Дась мунны фронт вылӧ?

— Кытчӧ ме кольчча кӧръясысь? Кытчӧ кӧръяс — сэтчӧ и ме. Сэні «кокасысьыд» ковмас жӧ.

Докторлы вӧлі шуӧма: кык-куим посни челядя пастукъясӧс не вӧрзӧдны места вывсьыныс.

— Тэнад семья, Павел Меркурьевич, челядь?— юалис Макаров, кӧть эськӧ бура тӧдіс челядь йывсьыс.

— Кык пи.

— Но, вот... А тэ шуан...

— Менам Мавра пӧгибӧ оз во. Сійӧ пастукавны вермас, чумсӧ видзас. Челядьыс мам дорас быдмасы... Ог жӧ ӧд дыр ветлӧ, доктор, регыд бӧр воам.

Мӧд ног шуны Павел Хозяинов эз вермы. Сӧветъяслӧн власть сійӧс велӧдіс школаын, вӧчис тундраын пыдди пуктана мортӧн. Ӧні коліс сійӧс дорйыны пеж фашистъясысь.

Хозяинов сӧрнитіс надзӧник, но сылӧн кывъясын кыліс важӧн решитӧмтор. Тайӧ воис сьӧлӧм вылас

Макаровлы. Мукӧд воча кыв сійӧ тайӧ мортислысь эз и виччысь. Доктор казтыштис, кызди кольӧм лунӧ сы дінӧ пырис Денисовкаса пастук Чупров Миша, кутис норасьны, мыйла сійӧс весиг эз и корны комиссия вылас.

— Да тэ жӧ, Михаил Федорович, син пӧвнад омӧля аддзан! Син пӧла салдат оз вермы лоны,— шуис Чупровлы доктор.

— Мый сэсся, син пӧла кӧ!— скӧракодъ шуис Чупров.— Син пӧлаыс нӧ абу морт? Вай сувтӧдӧй месянь нелямын воськов сайӧ истӧг кӧрӧбка. И ме пуляӧн веськала сэтчӧ. Ме эг ӧтчид инмы!

— Ме эска, Михаил Федорович,— сӧгласитчис Макаров. Ачыс думыштис: «Мед сэні, армияс, бракуйтӧны, казяласны кӧ... Туй вылас татшӧм мортыс ёна колана... Да и сэні уджыс сылы тырмас кӧръяс гӧгӧрыс. Ковмас кӧ, и лыйсьыны кужас. Колӧ на ещӧ корсьны татшӧм снайперсӧ».

Ноябрь тӧлысь помын Печора бокса совхозъясысь да Изьва бокса колхозъясысь чукӧртӧм уна сӧ кӧр да пастукъяс петисны кузь туйӧ. Меркуш Павеллы сетисны дас кӧр, кум дадь. Воддза дадюлыс нель кӧра, бӧръя кыкыс — куммаӧсь, грузӧвӧйяс. Хозяиновлӧн кипод улын лоины ещӧ кык пастук, дас кӧрӧн жӧ. Быдса отделение, армейскӧй ногӧн кӧ. Павел — командир пыдди. Кӧр видзисьяскӧд мунисны и мобилизованнӧй том йӧз, туй вылас велӧдчисны кӧръясӧн вӧдитчыны. Ставыс кумсӧ саяс морт. Изьва бокса кӧръяс мунисны кык нейджыд отрядӧн, пӧшти ӧттшӧтш. Грузӧвӧй дадювъясын нунисны прӧдуктаяс, дас чом. Унджык пастукыслӧн мунисны тшӧтш и понъясыс.

Туй вӧлі сьӧкыд. Коліс мунны ылӧ, Архангельск дорӧдз. И некод эз тӧд, кутшӧм сьӧкыдлунъяс паныдасясны. Кӧръясыд эз чужлыны воюйтны, а кӧр видзисьяс унджыкыс эз жӧ вӧвлыны салдатъясӧн.

Печора бокысь кежисны важъя Лешуконскӧй

тракт вылө. Тайö туйсö важөн энөвтöмаöсь, сэтi некод нин оз ветлы, гашкö, кызь во. Сэсся петисны Двина вылө, уна йöза гырысь сиктъяс дiнтi мунисны водзö да водзö.

Кöр видзсысьсöс быдлаын примитисны вокъясöс моз. Тундраад быд выль морт — дона гöсть, пöтшуйтöны окотапырысь кöр яйөн и чериөн. Тадзи налөн важысянь. Вöлöмкö, и паськыдинас олысьясыд кужöны жö тадзи. Сетасны прöдуктаяс, индасны узянин, чомъястö быд вой кежлö оз и ков сувтöдны. «Йöзыд тай, народыд, быдлаын öткодъ бур», — думайтiс Хозяинов. Окота вöли шуны народыслы: «Мадаяс, ми ставсö вöчам, мый кужам да вермам. Ми öд салдатъяслы отсöг вылө мунам, тiян пияньяслы отсöг вылө, мед вөрöгöс миян му вылысь öд-йöджык вöтлыны». И шулисны командиръяс татшöм кывъяссö быд митинг вылын, пöшти быд ыджыд-джык сиктын. «Гöгöрын войтырыс уна, — думайтiс ещö Павел. — Он лыдды ставсö, буди...» Аслас думъясөн Павел юксис Чупров Мишкöд:

— Öдвакö Гитлерыдлы удайтчас та мында йöзтö вермыны... Аслас сьылiдзирйыс чегö...

Туй выланыс нин кöр видзсысьяс кывлисны фашистъясöс Москва дорысь вöтлöм йылысь. Быдöнлы лои кокниджык сьöлöм вылас.

Архангельскö аргышьясөн эз пырны, карыс коли бокö. Сувтисны матысса сиктö. Висьталисны: танi мöдасны котыртавны лызя-кöра батальонъяс. Тасянь водзö нуöдасны кöрт туй кузя, вагонъясын. «Тадзитö эз на вöвлы, мед кöръяс — кöрт туй вагонъясын», — шензисны öткымыньяс.

Кузь туйсö Меркуш Павеллөн кöръяс вуджисны бура, эз янöдны сийöс йöз водзын, вагонъясын сулалисны чöла. Корсюрö Павел чöсмöдлис кöръясöс солаторйөн да нянь кусökөн,

— Охо! хо! — горөдіс Хозяинов көръяслы, шеныштіс харейөн. Дадювса нель көр гырсьөдісны воськовъяссө.

Пастук видзөдліс бөрвув: куим көр сьөкыд дадьяссө кыкисны лючки жө. Найө и эз вермыны кольчыны: өд бөрынджыкса көръясыс домалөмаөсь водзын мунысьяс дадь бөрас. Воддзаясыс, сьлөн моз жө, нель көраөсь, бөрсаясыс — куимаөсь. Аргышлөн бөжыс оз тыдав, ылөдз нюжалөма. Медбөръясыс вөсна Хозяинов эз төждысь: сәні — Чупров Миш. Сы вылө позис надейтчыны: оз кольчы, оз вош. Морт кызь найө, бура төдсаяс, кодъяскөд эз өти во гывъявны тундраын, веськалісны өти батальонө.

Коркө воис и лун, мый ради локтісны татчө, кык сюрс километр сайө. Талун дадювъяс петөны ыджыд туйө — пырөны противниклөн тылө, нуөны минаяс, снарядъяс, патрон ящикъяс. Мый вөчисны өнөдз — пыр на вөлі ворсөм кодь. Петавлісны асланыс тылө, кыскалісны сәсь опорной пунктъясө прөдуктаяс, сукар мешөкъяс, кыммөм картупель. Көдзыд ваад видзыштасны сійөс весалөм бөрас да пуреыд зэв ещө чөскыд артмө вөлөм. Сідзкө, позьө и тундраад новлөдлыны кынсө, сөмын сывлыны не сетны. Сывлө кө — он сөй.

Кадыс — апрель төлысь пом. Паськыдджык кушинъясын лымйыс сьлөма нин. Кынмывлытөм море пө матын. Войланьө видзөдысь керөсьяс бокин да увтасджыкинъясын, кытчө шондіыс прамөя оз инмыв, лясвидзө на рудөдөм лым, шаракылө дадь сывъяс улад. Юр весьтын тувсовъя югыд шонді шонтө төвся еджыд эшкынысь мездмөм мусө, небзөдө лым улысь петысь руд нитшсө. Местаыс тані абу гортса тундра кодь. Отарын и мөдарын посни и гырысь мылькъяс, ляпкыдик вөр діяс, восьсаинъяс. И ещө из ёкмыльяс быдлаын чурвидзөны. Та

вöсна пастукъяслы колö сюся видзöдны: медым не жугöдны дадьнысö.

— Э-э-э, мадаяс!— выльысь сетис гөлөссö Хозяинов. Ачыс нимкодъ: петö туйö! Радейтис даддын ветлыны Павел Меркурьевич, радейтис, кор чужöмад швичкö ёсь тöv!

Хозяиновлөн мышкас, дадь бöжын, пукалö взводса командир сержант Терентьев. Степан Филипповичкöд найö уджавлисны öтлаын тундраса зооветчастокын. Терентьев — зоотехник, велöдчывлöма техникумын Изъваын. Тöлка мортыс, гөгөрвоö көръястö, оз öбидит найöс некор. Көръясыдкöд колö кужны сёрнитны, найö аддзöны да гөгөрвоöны, кутшöм морт матыстчö на динö — бур ли лёк. Сержант вермис и аслас даддын мунны, но сэтчö тшöктис сöвтны груз жö. Быд дадюв дона, абу лöсьыд тыртöг гөнййтöдны дадювьяс, позьö кö лишнöй груз нуны.

Кык тöлысь сайын, мартын, найö воисны татчö, Мурманск сайö, нейджыд Западная Лица ю бокö. Водзын — фронт. Сэни — фашистьяс.

Чомьяс сувтöдны пастукъяслы эз лэдзны, овмöдисны керöс бокъясö кодйöм землянкаясö. Ковмис пырöдчыны му пытшкö. Кутшöм дзескыд сэни паськыд тундраын овны-вывны велалöм бöрад, бергöдчыны муртса тöран. Йöзыс шötöма тырыс. Он пет, кор кöсьян, он мун, кытчö синмыд нуодас ас тундраад моз. Катшыс понйыс Хозяиновлөн кык вежон и олис. Синсö моз видзис Хозяинов Катшыссö, но век жö сийö кодакості уйкнитöма ас кежсьыс, пырöма оборона водзö миннöй поле вылö. Юрыс сöмын и сюри.

Көръяс бöрынджыкöсь, вöраиннын. Вөр дяс гөгöрыс нитшкыс бур, көръяс азыма сёйöны.

Фашистьяс кольöм воын тані, войвылын, заводитöмаöсь наступайтны июнь тöлысь помын, вежонөн сёрöнджык лунвылын серти. Гитлерлөн горно-егер-

скöй дивизия вуджас сöветскöй граница, уськöдчас Титовка деревнялань. Налы воча сувтас сöветскöй салдатъяслөн полк.

Öти полкыд дивизиялысь наступайтöм кутны, тöдöмысь, оз вермы. Отсöг вылö воас дивизия, фашистъясöс сувтöдасны Западная Лица ю дорын.

Нинöм эз артмы фашистъяслөн и Рыбачöй полуостров пыр Мурмансклань писькöдчыны заводитлöмысь. Морьякъяс да пограничникъяс эз лэдзны гитлеровецьясöс воськовтны государственнöй граница вомөн. Недыр кад кольöм да вынъяс чукöртöм бöрын сöветскöй салдатъяс асьныс кутисны вöчавны чорыд ударъяс оккупантъяслы. Фашистскöй армиялы эз удайтчы босьтны ни Мурманск, ни матыстчыны Мурманскöй залив динö, кысянь эськö найö вермисны лыйлыны портö локтысь суднояс кузя, вöйтавны найöс.

Коли ар да тöv. 1942 вося тулысын войвывса фронт лöсьöдчис чорыда кучкыны врагöс, вöтлыны фашистъясöс сöветскöй му вылысь. Тайö операция вылас и вайисны татчö лызя-кöра батальонъясöс. Тундраті вövьяс ни машинаяс оз письтны, а войскалы коліс уна боеприпасъяс, прöдуктаяс. Тайöс вöчны шуисны кöра кокөн.

Дасöд батальонлы, кытөн уна вöліны Печора бокса комияс, сувтöдисны мог: шуйга флангті пырöдчыны противниклөн тылö, нуны бура ылын фашистъяслөн мыш сайын кыпöдчысь сопка динö минаяс, снарядъяс. Сэні аргышъяслөн воигкежлö ласны нин миян салдатъяс.

Поводдя сулаліс тувсовъя: шоньд, лөнъ. Луннад тундралөн эрдыс восьса. Та вöсна операциясö шуöма вöлі заводитны пемдыштöм бöрын, кор противниклөн самолётъяс оз мöдны лэбавны. Бөръя кадас самолётъяс тані эз петкöдчывны, но надурнö вылад öд вермасны и локны.

Туйö петöм бöрын нин ылын веськыдладорын за-

водитіс гымакывны. Лыйліс гырысь калибра артиллерия. Снарядъяс взрывайтчисны кӧнкӧ ылын, противниклӧн оборона сайын. Тыдалӧ, миян пушкаяс лыйлісны противниклысь артиллерийскӧй позицияс. Фронтлӧн шуйга флангын вӧлі дзик лӧнь.

Тайӧ шыяссӧ кылӧм бӧрын Хозяинов бергӧдчыліс, видзӧдліс сержант вылӧ.

— Тыдалӧ, заводитчис, Павел,— шуис Терентьев.

Мыйкӧ быттьӧ гӧгӧрвоисны и кӧръяс: тракийӧдлісны юръяснаныс, зіля котӧртисны водзӧ, зілисны пышйыны гымакылан шысыс, кӧть сійӧ кыліс ылын.

Вой шӧр бӧрын пемдыштіс, эз мӧдны тӧдчыны пуяслӧн мыгӧръясыс.

— Веськалам коланінас?— сержантлысь юалис Хозяинов.— Татшӧм пемыднад вермам и ылавны...

— Ог ылалӧй,— вочавидзис Терентьев.— Туйсӧ бура висьталісны.

Терентьев унаысь ӧзтыліс электрофонарик, восьтыліс планшетсӧ, видзӧдльвліс карта вылӧ, компас вылӧ.

Лӧз тӧдчигӧн матыстчисны колана сопка дінӧ. Қывзысьыштісны. Некӧн некутшӧм шы. Но кор Терентьев чеччис даддысь да мӧдӧдчис восьлавны водзӧ, сійӧс пыр жӧ паныдалісны автомата кык морт.

— Семь!— шуис ӧтиыс.

— Пять!— вочавидзис сержант. Тайӧ вӧлі пароль: дас кыкысь чинтыны шуӧм лыдпассӧ да вочавидзны коляссӧ.

Но локтысьяслы паныд котӧртис нин капитан. Қизявтӧм кокныдик бушлат пӧлаясыс павъялісны, юрыс куш, ачыс пӧсялӧма.

— Вот молодеच्याс!— радліс капитаныд, чужӧм вывсыс ньылӧмсӧ пилотканас чышкаліг.— Ми ӧд ас вылын лӧка этша вермим пыртны. Ӑні, сідзкӧ, озырӧсь. Пола вӧлі: мися, дыр-ӧ тырмасны ас вы-

лын вайом минаясыд. Час джын оз тырмы. Ме пыр жё юорта рация пыр: мися, вайсны анкытшьяс-сё. Раненёйяс ни висьысыяс мян абуось на. Сідзи и висьталёй. Аски ещё волёй, кутам виччысьны. Туйсё öні ті тóдад.

Хозяиновлы воис сёлём вылас тайё том капитаныс, кодёс казьявліс батальонса штабын на. И öні сійё вöлі жаль мича синьяснас. Мыйёнкё капитан казьятыштис сылысь ыджыд писё: сэтшөм жё восьса гырысь синьяс, и вомкөтшьясыс дзик пиыслөн кодь. «Варов том командирыс,— думсьыс пыр жё ошкыштис капитансё.— И сылы тані абу кокни. Казьяласны кө фашистьясыд сопка вывсьыс, вермасны уна лёк вöчны».

— Ставыс! Вермад мунны!— шуис сэсса капитаныд, кор нуисны медбөрья ящиксё.— Тэрмасьöй! Вот-вот шонді петас, ылысянь вермасны казьявны... Аски мöдам виччысьны.

Недыр мысти дадювьяс бергөдчисны бөр.

Шойчыны удайтчис этша: луныс коли көрьяс дінын. Сöмын рытнас, водөм бöрын нин, думыштчис Хозяинов кольём вой йывсьыс. Вöлі кызкё гөгөр-вотөм: пыралісны вель ылö противниклөн тылö, а пуля шы эз кывлыны. «Мый нö, тадзи и мöдам воюйтны? И фашистьясöс эг аддзылöй»,— ас кежсьыс думайтис Хозяинов.

Мöд лун рытнас дадювьяс бара петісны туйё. Мунісны войбыд, бара нуисны ящикьяс.

Асья лöзалігас веськаліс вуджны бура паськыд кушин. И буретш тайё кушинсё вуджигөн кыськө веськыдвывсянь, быттё кыйöдісны найöс, быйкнитісны-петісны куим самолёт, веськөдчисны аргышлань, кутісны резны пулемётьясысь. Самолётьяс вöліны дзик юр весьтын да налөн шыыс вевттис ставсё.

— Разөдчöй! Разөдчöй!— дадь бöжö сувтіс да, кияснас шенасиг, горзіс Терентьев.

Куим самолётыд лэбисны водзё, но на местао петісны ещö куим, на бөрся ещö да ещö. Кажитчö, көрт лэбачьяслөн помыс абу. И ставыс найö усьласисны дадюлаяс вылö, кодьяс öнi чепöсийсны öтарö-мöдарö. Кодi төвзис бокö, кодi вомöналіс кушинсö, сетчис вөр дяслань. Көрьяс, кажитчö, дзикöдз воштисны садьнысö.

Лөдзьяс моз бергалісны паськыд кушин весьтын сьöд креста көрт варышьяс, быттьö тешитчисны нарошнö, окотасö пєсісны, шыблалісны бомбаяс. Взрывьяс öтарын и мöдарын.

— Хо-о-хо-о!— горзіс Хозяинов, харейнас шенасис. Казяліс: путкыльтчис кодлөнкö даддьыс. Пöри и аслас бөрья даддьыс, но көрьяс кыкисны пöрöм даддьöс.

Сэссия сэтшöм жö друг лөнис, кыдзи и заводитчис. Самолётьяс вошины, эз мöдны бергавны юр весьтын. Код төдас, гашкö, выль бомбаясла мунісны. Эрд вылын то öтилаын, то мöдлаын руөн тшыналісны бомбаясөн вöчöм сьöд гуяс, кушин пасьталаын тупляисны пöрöм дадьяс, виöм көрьяслөн шойяс.

Разавлöм дадювьяс чукöртчисны вөр дi бокö. Көрьяс сьöкыда пошиктисны, гөгөр дзөрьялісны. Пастукьяс пöсялöмаöсь, гөрдöдöмаöсь, быдөн видлалісны көрьяслысь салямкаяссö.

Хозяинов видзöдліс гөгөр. Эз тыдавны Чупров Мишлөн да Семяшкин Кирöлөн дадювьясыс. Терентьев ыстіс Хозяиновöс корсьны найöс да вайöдны татчö.

— Көрьясыд бөрся ме видзöдла,— шуис сержант.— Гашкö, Чупровыс да Семяшкиныс ранитчисны, сувтнысö оз вермыны.

Эз и дыр ковмы корсьны: ылысянь казяліс другыслысь патурликсьöм дадювсö. Ачыс Чупров сэн жö сунгысьöма нитшкö. Көрьясыс орчөн сулалöны, пыр на тіралöны.

Павел бергөдіс Чупровос мыш вылас. Сійо заводитома нин кодзавны.

Луннас на Чупров вөлі сэтшөм гажа, варов, и со куйлө вөрзъывтөг. Синъясыс восьсаоьсь, нинөм оз аддзыны. Со кутшөм вөлөма мортыдлөн доныс: дон көрт тор ли ичөтик пуля. И став олөмыслы пом!

Лэптис Мишөс даддяс, лөсьодыштіс дадювсө, ва-йөдіс вөр ді боко.

— Со, Мишлөн овсис и воюйтсис!— шуис.

Терентьев локтіс да пуктыліс кисө Чупровлы чужөм вылас:

— Нинөм он вөч, Павел... Война... Быд здукын кодөскө да вионы. Семьяшкиныс абу матын?

Кирө куйліс ылынджык, удитома нин кынмыны. Хозяинов аддзывліс нин эз өтиөс виөм салдатьястө, но татшөм матыссаяслысь шойяс аддзис первойысь на. Думыштіс: «Көркө и меным вермас лоны татшөм жө пом. Война пө... А мыйла, веськыда кө юавны?»

Ёна думайтны вөлі некор.

Жугалөм даддысь ректісны ящикъяс, сөвтісны мукөдө. Он коль татчө, колө нуны. Сэні — виччысьоны. Хозяинов казяліс: пулемётлөн өчередь вурьштөма и сылысь дадсьө, муртса шөрипов абу орөдөма. Кызди сөмын пуляясыс абу веськалөмаоьсь сылы ли сержантлы! Сідзкө, шудаоьсь на вөлөмаоьсь!

Терентьев видзөдліс жө розьяс вылас, шуис:

— Төдан, кымын самолёт вөлі? Ме кызь өтиөс лыдди. Сизим звено. Бур ещө, эз ставнымөс вины. А тэ, Павел, пукты өтлаө другьястө да вевттышт көть лыскөн. Бөр петігөн босьтам. Татчө ог энөвтө, колө морт ногөн вөчны, бура гуавны. И гортаныс ковмас юөртны...

Сопка вывсянь налы паныд бара лэччис том капитаныд. Чужөм вылас ещө мудз, син увъясыс пыктыштөмаоьсь, чужөмыс няйт съөд. Дерт, көнкө, абу на водыштлөма төрытсаяныд.

— Вот и бур!— бара радліс капитаныд.— Ме эг

нин виччысь. Қывлім, кызди самолётъяс бомбаяссö шыблалісны. Сідзи и шуим: тiян вылö. А мян кык атака вöлі. Кыкнаннысьсö бöрынтьім гадъясöс. Босьтöй раненöйясöс. Квайт морт. На пöвстын ротаса командир да кык взводнöй. Да ещö витöс висны. Асьным гуалім. Бур туй тiянлы, другъяс! Отсöгсыныд — пасибö. Молодечъяс! Рация пыр ме тадзи и висьтала штаблы.

Фронт пасьтала бойяс мунісны некымын лун. Фашистьясысь лои мездöма некымын опорнöй пункт. Миян войска öти-мöдлаті пырöдчис противниклөн оборона сайö, но егерьяслөн тырмис на вын кутчысьны. Враглысь оборона дзоньнас эз ло орöдöма.

Сэсса друг вежсис поводдяыс: öти войö войвывсянь кыпöдчис лёк тöv, заводитіс нöбöдны уль лым, ывлаыс ыркöдіс. Нинöм оз тыдав син водзад. Сэсса мöд луннас камгис веж мороз.

Дадювъяслөн уджыс лои ещö унджык: корсявны раненöйясöс, кымалöмаясöс. Хозяинов видзис даддяс асьыс чомса маличасö, коді эз öтчыд туйын мездывлы. Но век жö висьöм топöдіс. Туша кузялаыс кыптіс жар, юрыс мöдіс быттьö шöри потны. Кутчысис, кытчöдз вермис, эз норась некодлы. Гашкö, витысь на петаліс туйö. Öтчыд ёртъясыс казялісны: Павел Хозяиновлөн дадювъясыс оз тыдавы. Заводитісны корсьны. Öдва и аддзисны: сунгысьöма дадь бокас, садьтöм.

Хозяиновöс лэптісны дадь вылас, петкöдісны.

— Көрьясöс эн энөвтöй,— синъяссö восьтыліс да муртса кывмөн шуис Павел.— Менам, тыдалö, воюйтсис...

Хозяинов друг пöрысьмöма быттьö ар кызь вылö: синъясыс гудырöсь, ачыс рудöдöма, лигышмунöма.

— Көрьяс вöснаыд эн тöждысь,— шуис Терентьев.— Ачыд кок вылад öдйöджык сувт... Тöv кеж-

лас бөр лок. Кутам на ми тэкөд отсасыны салдаты-
яслы...

Уна во мысти нин дасөд гвардейскöй дивизияөн
командуйтысь генерал Х. Худалов гижас тайö тув-
совья бойяс йылысь:

«Тайö тышъяс дырйиыс враг воштіс сöмын виöм-
нас 5000 гөгөр салдатöс да офицерöс. Тайö ёна чин-
тіс враглысь вынсö Мурманск сайын, сійö сэсся эз
нин кут лысьтны думайтны наступайтöм йылысь.
Миян позицияс бурмисны фронтлөн шуйга флан-
гын Чапр ты гөгöрын, и тайö сетіс позянлун сёрөн-
джык миянлы тасянь чорыда кучкыны враг кузя да
пасьвартны сійöс».

Дасөд гвардейскöй дивизиялы сідз жö отсасисны
и кöра транспортнöй ротаяс — Печора бокса да
Изьва бокса көр видзсыяс.

4

Первойысь на Меркуш Павел куйліс больнича-
ын. Съöкыд вöлөм весьтö овны. Чорыд висьöмсьыс
лөкджык. Но луньясыс надзöник да век жö ко-
льöны.

Войясын Павел куйлö восьса синъясөн гатшөн,
видзöдö пемыдас. А мый сэсь аддзан? Думнас во-
лас аслас көръяс дінö. Коді öні найöс дөзьöритö?
Кытчökö пö ылөдз петкөдöмаöсь көръяссö, Мур-
манск саяс, тундраö. Аддзыліс Павел Ловозерса
көръясöс и видзсысяссö. Öтилөн и овыс вöлі Рочев.
Изьватас ногөн сёрнитö. Қоркө важөн-важөн, гаш-
кө пö сё во сайын, изьватасъяс татчö волöмаöсь ас-
ланыс көръясөн да овмөдчöмаöсь. Та йылысь Павел
гортас на ещö кывліс. Эз надейтчыв, а вот ковмис
паныдасыны накөд. Ас йöз кодьöсь, быттö орчча
стадаысь пастукъяс. И паськөмныс öткодь. Гашкө,
налөн туй кузя и асьныс воисны татчö, налөн важөн
талявлөм туй кузя. Код төдас, мыйсö тай он төдмав

ветліг-мунігад. Мыйсö он кывлыв, он аддзыв. Дум вылас воліс и Катшысыс. Кутшöм авъя сійö вöлі. Қöзяинлысь быд шуöм гөгөрвоис. Видзöдлас синмас да быдтор дась вöчны. Аскöдыс босьтліс Катшысöс, но эз вермы видзны.

И ещö думайтö Хозяинов война йылысь, көні виöны сы мында йöзöс. И көръясöс тшöтш. Пеж Гитлерлөн горшыс вöлöма паськыд, пöтны оз вермы, став мусö дась ньылыштны. Гашкö, и сылысь тундрасö тшöтш. Со и Чупров Мишöс виисны. Оз аддзыв сэсся Миш ассьыс челядьсö.

Аръявылыс Павел бөр воис көръяс дінö, аслас частьö. Матын некутшöм лыйöм шы. Самолётъяс юр весьтын оз бергавны. Гортса кодь паськыд эрд гөгөр, нитшкөн и турунөн озыр. Весиг тшакөн. Көръяслы празник, чöсмасьöны. Көръясыд тшакассьыштны пыр радöсь и дасьöсь.

Транспортнöй рота, кытчö вель кузя коставлём бöрын веськавліс Хозяинов, бөр вайöдісны Западная Лица дорö. Бара ковмис йөршитчыны муö кодйöм землянкаясö. Лым суктіс ёна. Дерт, лым увсьыд нитштö гурийыны көръяслы сьöкыджык, зато даддьыд лым кузяыд кокниджык, оз ковмы нитшсö да няйтсö ниртны.

Регыд и операция вылö петісны.

Противниклөн кык опорнöй пункт костті войын визнитісны километр дас да пырисны ещö кык сы мында. Дас вит дадюв. Сэсся разведчикьяс сувтісны лызьяс вылö, вошины кытчөкө турöб пиас. Разведчикьяслөн командирын, көть сійö и вöлі еджыд маскхалата, Хозяинов тöдіс сійö капитанöс, кодлы тулыснас пыртлісны минаяс да снарядьяс. «Петлöма жö сійö сэки»,— думыштіс Хозяинов да эз мөд пырөдчыны сёрниö. «Быдөнлөн аслас тöжд, мыйла казъывны важъясö, кор олöны выль думьясөн»,— думсьыс аслыс шуис Хозяинов.

Капитаныд ачыс шыасис, кор лон Павеллөн даддын:

— Ми өд, буракө, важ төдсаяс. Павел өд тэ?— Серөктыштіс төкөтө.— Висьмис пө, висьталісны, госпитальө водтөдісны...

— Со тай бөр вои.

— Бур, бур! Тулыснас ті мянлы єна отсалід. Чайта, и өні ставыс артмас лючки-бура. Ме надейтча тэ вылө. Виччысьөй, регыд ветлам...

Разведчикъяс лызьяс вылын вошины вөрө.

Вөрын лөнь, оз кыв некутшөм шы. Виччысигад кадыд муно надзөн, больничаад моз жө. Би пестыны оз позь. Öчередьөн ветлісны дозорнойясө, мед асьнысө видзны.

Разведчикъяс всисны сутки мысти. Мудзөсь, пөсялөмаөсь. Көтасьөм маскхалатъясыс кынмыштөмаөсь, шуракылісны. Виччысьысыяс пыр жө казялісны: мунлісны дас витөн, а локтөны дас квайтөн.

— Дасьөсь?— юаліс капитаныд и тшөктіс пыр жө пуксявны дадьясө.— Шызисны гарнизонас, вермасны и вөтчыны... Кыдз мый позьө өдйөджык татысь колө вешыны...

Пастукъяслы кыкысь шуөм эз ковмы: сулалөм көръяс кокниа вөрзисны места вылысь, сөмын лымбус коли бөрын.

Места вылө воөм бөрын нин разведчикъяс висьталісны: матыстчөмаөсь ты бокин сулалысь неыджыд гарнизон дінө. Гөгөрыс проволочной загражденияяс, да ещө некымын пөв матігөгөрса вөрсө весалөма. Гарнизон вылө уськөдчөм йылысь нинөм и думайтны — ылысянь казяласны, оз лэдзны матыстчыны.

Бөрынтьчыштісны да гарнизонө локтысь талялөм туй вылын вөчисны засада: кодкө өд кутас жө петны гарнизонсьыс туй кузяыс ли локны сэтчө.

Пукалісны дыр, турдытөдз. И сөмын мөд лун асывводзнас гарнизонсьыд петіс коляскаа мото-

цикл. Руль сайын өти фашист, коляскаас — мөд, а коймөдыс руль сайын пукалысьлы мышкас топөдчөма. Разведчикьяс сибөдिसны машинатө матө, капитан шеныштіс кинас, и тармунины автоматьяс. Руль сайын пукалысьыд пыр жө уси, мотоциклыс патурликсис. Кольөм кыкыс эськө заводитлісны жө кутчысьны асланыс автоматьясө, но асьныс найө вөліны ки пыдөс вылынөсь моз, а разведчикьяс эз тыдавы. Гоньялігкостаныс виисны ещө өти фашистөс, коймөдыс лэптіс кисө. Ставыс артмис өдйө, стөча.

— Гитлер капут!— лябмөм парьяснас вомгорулас шөпкөдіс даддө пуксьөм бөрын пленнөйыд. Ачыс кузь тушаа, томиник на, рыжөй воротника шынеля, юр вылас шоныд пеля картуз.

— Капут! Капут!— серөктіс кодкө разведчикьяс пөвстысь.— Öні — капут... А небось тай гажьялан вөлі, и автоматад кутчысьлің... Ок, эськө!— ырышчис автоматнас.

Пленнөйыд йөжгыльтчыштіс, виччысис, тыдалө, кучкөм.

— Но, но, Саша!— казяліс тайөс да өлөдіс капитан.— Оз ков!

«Куим фашистлөн сідзкө воюйтсис!»— думыштіс Хозяинов. И ещө думыштіс сы йылысь, мый разведчикьяс, көть и томөсь, зэв збойөсь ставныс.

И ещө өти казтылантор паметяс Хозяиновлөн. Төв помладорыс нин бара ковмис пыртны дадөвьясөн разведчикьясөс. И бара командирнас вөлі том капитаныд. Сійө ачыс служитіс штабын, но пыр разведчикьяс дінын бергаліс. Тыдалө, на вылын ыджыдаліс.

Поводдя лөсяліс лөк, турөбаліс. Разведчикьяслы тайө кивыв. Капитан пукаліс Хозяиновлөн даддың, юасис тундра йылысь, кыдзи сәні овсьө.

— Овлім тай со, и өні олөны, коді гортө коли,— вашьяліс Хозяинов.— Мыйла не овны. Кынөм пөт,

паськѡм шоньд. И самолѣтъясьд юр весьтад оз шыавны, и бомбаясьд оз потласьны... Батьяс овлѡмаѡсь, дедьяс.

— Пыр кѡрьяс дѣнын? Абу гажтѡм?

— Тундраьд, командир, паськьд да гажа,— нюмунѣс Хозяинов.

— Ме видзѡда да, тѣ, Павел, абу кыпыд.

— Гажьявнысѡ ѣна нинѡмла, командир ѣрт! Сьѡкьд удж вылѡ мунам. Он тѡд, кодѣ бѡр петас да кодѣ оз. Быдѡнлы джуджыд муыс матын.

— Кутшѡм ещѡ джуджыд му?

— Пуляьд кѡ инмас, то пыдѡ гуаласны. Сѣтысь он пет. Вѡльнѡй светсѡ сѣсся он аддзыв.

Капитаньд ланьтѣс, эз нин мѡд пырѡдчыны сѣрниѡ. Том на капитаньс, сѣйѡн и сѣрнитѡ тадзи. Пуляьд оз видзѡд, кѡсьян тѣ овны война помѡдз али он. Пуляьд — синтѡм. Мѡдѡдѡма кѡ пасѡ — оз кеж. Пуляьд веськьда муно, оз кытшлав, кѡрыд моз.

Капитанлѡн тайѡ кадас юрас бергалѣсны мѡд думьяс. Тѡв шѡрнас найѡ пыралѣсны нин талань. Колѣс стѡчмѡдны, кысянь кыпѡдчѡны фашистьяс-лѡн негырысь бомбардировщикьяс пѡшти быд лун. Вуджѡны оборона да бомбитѡны миянлысь тыльяс. Оти пленнѡй ылѡсас висьталѣс аэродромсѡ.

Бѡрья кадѡ фашистскѡй паса бомбардировщикьяс выльысь заводитѣсны вольтыны. Тыдалѡ, выль пуксянѣн дасьтѣсны. Сѣйѡс корсьны ѡнѣ муниѣс разведчикьяскѡд капитан, бригадаса штабын начальник-лѡн разведка кузя отсасьысь.

Турѡбыслы кад нин и ланьтыштны, а то медся джуджыд сопка вывсьянь этша мый аддзан. Татшѡм поводдя дырѣиьд синтѡм кодь. Дырѡн коймѡд войнас енѣжыс век жѡ заводитѣс вѡссьыны. Асьядорыс на весьттѣ лѣбисны куим самолѣт. Фюзеляж выланьс сьѡд пасьяс, быттѡ чераньяс паськѡдчѡмаѡсь.

«Бомбаяссьыс мездьяссны да бѡр мѡдасны локны»,— решитѣс капитан.

Сідзи и лои, эз ковмы дыр виччысьны. Бөр локтысь самолётъяслөн шыыс ланьтіс кык ыджыд сопка костын. Дерт жö, кöнкö, сыланьын пуксяніныс. Капитан юкис разведчикъяссö куим пельö да мөдöдіс öтарö-мөдарö. Ачыс лöсьöдчис мунны первой чукöрыскöд.

— Ми регыд ветлам,— шуис капитан кольчысьяслы.— А ті тані лоёй сюсьөн. Быдторйыс вермас лоны. Сувтöдö дозорнойясöс. Ог кө аддзöй тіянöс, то корсьны мöдам сійö сопка гөгöрын, көн шойччим төрыт. Помнитад?

— Мыйла ми тані ог лоёй?— öбидитчискодъ Терентьев.— Кутам виччысьны тані. Татысь ми ог мунöй некытчö.

И бара виччысигад кадыс муніс надзөн. Регыд мөдас рөмдыны, а разведчикъяс абуöсь, көть көсийсны ветлыны регыд. Матігөгöрын лыйсьöм шы эз кывлы. Мый вöчны?

Терентьев нервничайтіс жö. И кор нин сійö решитіс кодöскö мөдöдны разведчикъяслөн туй кузя, кыліс сизылысь тотшкөдчöм шы. Кодкö быттьökö надзöник тотшнитлывліс кын пу кузя. Но эз сэні, кодарсянь виччысис разведчикъяссöс, а дзик мөдарсянь. Сыладорын öні сулаліс Хозяинов, а сійö ковтөг тотшкөдчыны оз кут.

Тшöктіс быдөнлы лоны места вылын да сюся видзöдны гөгөр, ачыс котöртіс Хозяиновлань. Ылысянь на казяліс: Павел Меркурьевич сюся видзöдö водзö. И сійö, мый аддзис Терентьев, Хозяинов дінö воём бöрын, вöлі лөк: бура ылын, паныда сопка горулын, тыдалісны мортъяслөн пемыд мыгөръяс. Костыс наөдз абу ичöt, та вöсна съökыд вöлі стöча шуны, кутшöм найö йöз. Но тайö вермисны лоны сöмын фашистьяс.

— Витөнöсь найö,— шöпнитіс Хозяинов.

— Бур эськö, витөнöсь кө сöмын... А унджыкөнöсь кө?

Думсьыс Терентьев артыштіс нин: «Ми тані дас витөнөсь. Джынйыс, шуам, кольчасны көръяскөд. И сэки лоам унджыкөнөсь. Мөдтор: ми найөс первойөн казялім, найө миянөс эз на. Ни лыднымөс оз гөдны... Мый кутасны вөчны фашистьяс? Миян туй кузя мунны? Дерт, ми вермам пышйыны, мунны татысь. А разведчикьяс? Найө локтасны, а ми абуось?»

— Тэ, Павел, водзө сюся видзөд,— тшөктіс Терентьев.— А ме котөртла да вайөда содтөд боецьясөс.

Фашистьяс мыйкө эз тэрмасьны. Тыдалө, некыз эз вермыны воны өти кывйө, мый водзө вөчны. Дырөн сэсся век жө заводитісны мунны өти бөрся мөд, дадь сьув туйяс кузя.

Медся ыджыд надеяыс Терентьевлөн вөлі Хозяинов вылө да ещө Фирсов Макар вылө: найө ылысянь вермисны уськөдны гоз-мөд мортөс, сэсся эськө и мукөдьяс повзясны. Терентьев кыкнаннысө сувтөдіс бур позицияс вылө да тшөктіс лыйны сөмын сэк, кор кутасны бура аддзыны сьөд мыгөрьяссө.

Тадзи и лои. Öти бөрся мөд лэбисны пуляяс карабиньясысь, кор фашистьяс матыстчисны да петісны эрд вылө. Кодкө өти горөдіс лөкысь, мөд чотігтыр уськөдчис бөрвыв. Но и сійөс суөдіс пуля.

— Командир! Найө бөрыньтчөны,— висьталіс Хозяинов.— Со аддзанныд?

Терентьев аддзис: ещө өти фриц нюжөдчис лым вылө. Но сэки кыліс и мөдар боксянь лыйөм шы: отсөг вылө локтісны разведчикьяс.

Капитан тшөктіс дасьтыны дадювьяссө.

— Öдйө! Нюжмасьтөг!— тэрмөдліс сійө, көть эськө пастукьяс и сідзи гөгөрвоисны ассьыныс могсө. Көрьяс вөліны пөтөсь, чепөсйисны тэрыба.

Гожом пуксигон ловзис кузя нюжалом Карельской фронт. Лои мездом Луныв Карелия. Кык во да джын оти местаын сулалом бoryн оккупантыяс заводитисны бoryнтьчыны. Лои мездом Петрозаводск — Карелиялыс столица. Арьявылыс Финляндия петис войнаыс.

Кора транспортнõй ротаяс ар кежлас бара матыстисны фронтлань. Гожомнас корьяс шойччыштисны, вынсялисны. Сэки жõ кор видзсыясõс тшõктисны велõдны пемõсыясõс кыскавны груз мыш выланьс. Мыйсõ эз вõчны, кызди эз видлыны, а корьяс оз сетчыны: абу велалõмаõс. Вõй чань кодõс томджык быкьясыд, ырьянитõны кызди сяммõны. Кодкõ тшõктис видлыны вõчны व्यоксõ вольыс — небзьõдõм кор куыс.

Корьяс эз пыксыны воль व्यокьясыс. Первой грузтõг, сесся вочасõн заводитисны содтавны. Тадзи жõ õд том дырйиныс найõс салямка динõ велõдлисны.

Вьюкьясыд ковмисны, кор корьясõс вайõдисны матõ Чапр ты динõ да транспортнõй ротаясõс индисны отсавны противниклõн тылõ пырõдчыс бригадаслы нуны боеприпасьяс да прõдуктаяс. Некутшõм машинаяс ни вõвьяс тундра кузя да сопкаяс вомõн грузõн ни грузтõг мунны эз вермыны, а салдатьяслы колис петны фашистской дивизиялы мышкас, орõдны бoryнтьчан туйсõ.

Поводьяс сулалис арся: то зэрõ, то усьõ ульлым. Тайõ кадас тани векджык лёк поводдя, но войнаылõн аслас законьяс, некод оз вермы стõча урчитны либõ вештыны мõд кад вылõ пансьõм тышьястõ. Воис кад и войвылын помõдз вõтлыны фашистьясõс советской му вылыс, тайõс колис вõчны нюжõдчытõг.

Тайõ марш дырйиныс и лои ставыс.

Мунісны лун, мөдөс. Водзынөсь — салдатъяс, быдса корпус, व्युка көръяс бөрынджыкөсь. Коймөд луннас петісны паськыд шоссе ылө, коді нюжөдчөма морелань. Вєськыдвылын, көнкө море дорас, Петсамо кар. Командиръяс тшөктісны шойчөдыштны көръясөс, вердыштны Хозяинов кытшовтіс видзөдласнас матігөгөрсө, думнас корсис нитшаджыкин. Гөгөр ляпкыдик козъя вөр, колө лоны нитшыс. Заводитіс рөмдыны, регыд дзыкөдз пемдас. Тэрмасис югыднас меститны көръяссө. Ректіс व्यукъясысь сьөкыд грузсө, оз жө мөдны быкъясыд войбыд ас выланыс кыскавны.

Эз и ылөдз ковмы нуны көръяссө. Видзөдө да, и мукөд пастукъяс танөсь жө матігөгөрын.

Локтіс сержант Терентьев, тшөктіс муныштны водзөджык.

— Сэні нитшкыс ещө бур. Оз кө миянөс вөрзьөдны асьядорөдзыс, быкъясыд прамөя шойчасны, пөтөсь лооны.

Он тай төд, көні неминучаыд суас. Павеллы окота лой ещө водзысь видзөдлыны вөрсө, гашкө и збыльысь сэні нитшкыс ещө бур. Видзөдліс йирсьысь көръяс вылас, вєськөдчис неылын тыдалысь кушинлань.

И друг... Кок улас мыйкө быттьөкө дзирдыштіс. «Мина?— пыр жө воис юрас.— Но кытысь тані минаыс вермас лоны?». Думайтны вөлі некор, а кокыс лэччис нин небыд нитшлань, тальччис мусө.

Сэсся Павел нинөм оз помнит. Быттьөкө син водзас ыпнитліс би, кытөнкө матын быттьөкө чорыда гымыштіс, көть эськө эз вөв гымалан кад. Кажитчө, здук кежлө очмыліс на, зілис синъяссө вөсьтыны, но лун югыдыс эз тыдав. Некутшөм дой некытысь туша пасьтасьыс эз кыв. Вєськыд кисө суйис питшөгас, бушлат улас, кодөс сылы сетісны госпитальысь петігөн на, кодөс эз на пөрччыв вывсьыс. Небыд, дженьыдик, сійө эз мешайт көръяс бөрся

котралігөн. Ки улас сюри улыс дөрөмыс. Пось, кө-
тасьома. «Вир?— воис вежорас.— Гашкө ме збыль
ранитчи? Но мыйла нинөм ог аддзы?»

Пеляс öтырышъя гораа жуньгис, сэсса некутшөм
мукөд шы некодарысь эз кыв. Бытьтөкө көнкө дзик
өтнас, и матын абу некод. Көсйис бергөдчыны мө-
дар бок вылө, но туша кузялаыс друг лөкысь юков-
тис, ковмис ойөстны. «Восьома тай ловъя вылысь
джуджыд муад!— визьнитис юрас.— А мыйла вот
тадз ачым аскөд верма сёрнитны? Гашкө, абу на
дзикөдз кувсьома?» И та бөрын бытьтө пемыд гуө
уси, пыдөстөм гуө.

Хозяинов сайкалі да асас воис госпитальын нин,
уна лун мысти. Сэні вөлисти төдмаліс: вайөмаөсь
сadyтөмөн, вирөн ойдөмаөс. Гөгөр дойяс, чужөм и
юр көртөда, нинөм он аддзы.

Тушасө бытьтөкө изки пыр лэдзөмаөсь, орччөн
куйлысьяслысь гөлөсьяссө оз кыв, оз кө пель бөкас
гораа шуны.

Синваыс дорыштчыліс, кор төдмаліс: шуйга ко-
кас лапаыс абу, шуйга кыис жө чуньястөм. «Мед
нин помөдз виис пеж минаыс,— думайтис Хозяи-
нов.— Найөс тай мортөс виөм да калечитөм вылө
фашистъясыд му пасьталаыс октөмаөсь. Мый өні
меысь? Көръяс дінын бергавны ог вермы ни челядь-
лы отсөг сетны. Аслым отсөг быдлаын да быд лун
ковмас. Гашкө, панясыны пызан сайын ог мөд вер-
мыны...»

— Эн шогсы ёна, Павел Меркурьевич,— пук-
сьывліс дінас мелі гөлөса доктор, зілис бурөдны
сылысь сьөлөмсө.— Кутан на ветлөдлыны му кузя,
и син-пельтө вөчам.

— Кыла, доктор...— надзөник вочавидзис Па-
вел.— А кодлы ме кола калекаыс?

— Некор эн сёрнит тадзи!..— скөрысь шуис док-
тор.— Челядьдылы колан, гөтырыд виччысьө...
И другъясыд на көнкө мыйта!

Қор синъясыс воссыштисны да мөдісны төдчыны өшинь тасьяс, муртса сусьмыштіс и пельыс, лёк думъяссө зілис вөтлыны, не сибөдны. Зэв окота лои воыны гортас, аддыны челядьсө, малыштны найөс юрөдныс, небыд неблюй малича налы вурны. Мавраыс шочджыка дум вылас воліс: ас челядь дінын сійө, мам-утка моз ас пиян дінын. Дерт, өтнаслы Мавралы сьөкыд, но кодлы өні кокни? «Меным тані куйлыны абу жө кокни. Ой, кутшөм ещө сьөкыд,— ышлолаліс ас кежсьыс.— Вель тай унаөн ме кодыс орччөн куйлө, а мыйтаөн изьяс улө колины, джуджыд муө пырисны, Чупров Мишө моз...»

Дыр ковмис туплясьны Хозяиновлы казенной вольпасьяс вылад, уна дум юр пырыс лэдзы, важьяссө казтывны, ичөтдырсясө, Öртем дядьсө. Кадыс та вылө, майбыр, вөлі.

Павел чужлөма тундраын, чомын. Батыссылөн, Пильө Меркуш, ичөтысянь видзлөма Öврам Каневлысь көрьяс, тундра пасьтаын медся озыр мортлысь. Уна стадасылөн гуляйтлөмаөсь Из гөра сайын и таладорас. Гашкө ветымын пастук вердчисны Öврамлөн көрьяс дінын. Öти тулысын, көзяиныслысь көрьяссө Печора бокысь гожөм кежлө тундраө петкөдігөн, неыджыд ю вомөн стадасө вуджөдігөн, Пильө Меркуш уськөдчас отсөг сетны вөйысь томиник важенкалы да ачыс вөйө. Павеллы сәки муртса тырөма вит арөс. Батыслы отсасысь нин, пыр ветлөма батыслөн чомын. Вөлөма Павеллөн ещө ичөтджык чой. Сыкөд мамыс олөма сиктын. Оз вөлөм Öврам Каневыд өна сибөд аслас көрьяс діно семьяа пастукьястө, найө пө унджык сөясны, видзөм-дөзьөритөм дорсьыс. Öврамыд көсйысьлас отсавны кык посни челядя дөвалы, но өдий вунөдас сетлөм кывсө. Регыд кувсяс и дөва мамыс. Павелөс дінас босьтас чожыс, Öртем дядьыс, мамыслөн вокыс.

Сылөн челядь ни гөтыр. Нэмсө йөзлысь көрьясөс

видзлөма, абу и гөтрасьлөма. Аслас керка ни карта, дадюв көръяс кындзи. Өртем дядь аскөдыс жө кутіс новлөдлыны Павелөс, велөдіс көр видзан делөө. Қор Печора вылө волісны еджыдыяс, Павеллөн чожыс ветліс накөд тышкасьны, кутавны тундраысь бандитъясөс. Сэсся чожыс племянниксө мөдөдіс велөдчыны Изьваө — пастукъяслөн курсьяс вылө.

— Велөдчы, мортө воан,— шуис Павеллы чожыс.— Он пыр мөд ме дінын овны. Сөветскөй властыд ми кодьясыслы отсалө. Отсалас и тэныд, оз энөвт. Менам олөмөй пустөй вөлі, а тэнад мед бур лоө. Тундратө эн өтдорт, көть сійө и босьтіс тэнсьыд батытө. Өні ыджыдыясыс абу Өврам Каневьяс. На коддьөмъяслысь бордыяссө чегьялісны.

Бур сьөлөма морт вөлі Павеллөн чожыс. Сійөн и өнөдз казтывлө да пөчитайтө сійөс Павел. Велөдчыштөм бөрын Павел веськалі Печора бокса совхозө. Бөрынджык куим во ветліс армияө, служитіс Ленинград дорын. Уна төдмаліс да аддзыліс тайө куим во чөжнас Хозяинов. Ёна воис сьөлөм вылас службаыс. Тани сійө гөгөроис: көть көні олө морт, көть ещө ылі пельөсын, вой саридз дорын көть тундраса мусюр сайын, сылөн олөмлөн доныс быдлаын өткодь дона, медтыкө ачыд вөлін бур мортөн. Тайөс гөгөрвоөмыс сетіс сылы вын, быттьөкө бордыяс сылөн чужины. Воис гортас, гөтрасис, ещө пөся босьтчис уджө.

Хозяинов думсьыс жалитө көръяссө. Налы ёна сьөкыд война вылад, велавтөм, мортлы дорысь сьөкыдджык. Көрыд воштө садьсө минаяс да снарядыяс потласьөм шыысь, гымысь моз жө полө. Лөнь тундраад, көні медся ыджыд шыыс төвлөн омлялөм, на дінө көръясыд велалөмаөсь ичөтысянь, и то на став тушаыс гожся гым дырйныд быкъяслөн и важенкаяслөн сырмө-тіралө. Поньясыд гым шысьыс көзяинлы кок уланыс уськөдчөны, комөкө йөж-

гыльтчоны. Көрыд кытчө воштыяс? И мыйон вер-
масны отсавны сэки көрьясыдлы мортьяс? Асьныс
найон салдатьяс, лонинон он пышйы, он нуод дадювья-
ястон ни. Мөдарон, биас колон пырны. Мортюд —
смертьлы панюд мунас, оз дрөгмун вөрөг водзад,
оз бөрынтычы ни. А көрыд? Сылон тайон вежөртон-
мыс абу. Сылон вөрөгыс — коин, кодыс колон пов-
ны да кызд вермай оидон пышйыны. И век жон көрыд
велалонма мортлон мелилун динон, тодса голос динон,
и весиг танон, война вылад, кытчө сийон ас кокон воис
мортлы отсөг сетны, мездыны сийос бедаыс, вич-
чысбон сысянжон жон, мортсянжон, отсөг, видзөм-дөзбөри-
тон, вердас да нитшкаинон индас. «Эк, ти, мадаяс! —
ышлолалон Хозяинов, небыд вольпась вылын куй-
лиг. — Кор нин ми лоам отлаынбон!»

Быдтор вылон, мый вуджөртлис син водзтыс Хо-
зяиновлон, сылон вөли асас вежөртас. Найос чу-
көртонма паськыд тундраын олигон, и эз вежлав она.
Сы ногон, ас вежөртаса мортюд медся ашбөр быд-
торйын. Нинөмла уска-тошка мортлы она вежлась-
ны да шыбласьны думьяснад. «Овлонны и урөсьяс,
төдөмыс, кызди и урөс көрьяс. Но сэтшөмыс она
этшаджыкыс, — думайтон Хозяинов. — Гитлерыд дерт
жон да медся урөсыс, та ыжда война ко панис да
сы ыжда грек ас вылас босьтис. Абу ен водзын
грек, а йоз водзын». Енъясыдлы Павел ичотысянжон
оз эскы. Ортем дедыс на висьтавлывлис, кодлы колон
да донна енмыд. Но од абу жон став фашистьясыс
урөсьяс? Тадзи оз вермы лоны. А мыйла Гитлер
бөрсяыс сы мындаон, салдатьяссон ко лыддыны?
Ыджыд горшлун вөсна? Вот урөсьясыдлы и места-
ыс джуджыд му улад.

Кадыд муно да муно, лун бөрся лун, часыд точкө
да точкө коставлытөг, кадлыс вьслассон пасьялон.
Көли бөрө төв, кывмонья лолыштис тулыс. Кажит-
чон, и Павеллон асас делөясыс бурмыштисны: вер-
мис нин сувтлыны кок вылон, матыстчывны ошинь

водзё, лолыштны ывла сынёднас. Павел казтыштіс том дырйиыс на кывлём мойд сы йылысь, кызди ёти ыджыд съёлёма көр видзысь судзёдас багатырскёй ва да кок вылас сувтёдас көиньясён пурёмкосявлём писё. Төвся кузь войяснад чумад уна мойдыас кывлан. Но ёні тайё мойдыс друг уси дум вылас. Висьталіс мойдсё докторлы.

— Чайтан, ме тэнё багатырскёй ваён жё бурдөді?— серөктыштіс докторыд, коді пукаліс Павеллөн крөвать дорышын. Видзөдліс куйлысь вылө да пуктіс ассыс кисё Хозяиновлөн плеш вылас. Киясыс докторлөн чорыдөсь, а съёлөмыс бур, мортлысь төждсё аддзё да гөгөрвоё. И лечитны-бурдөдны сэтшөма кужё.— А тэ вөлі асьтё гуавны лөсьөдчан! Шулі тай сэки: овны мөдан, челядьтё кок вылө сувтөдны, велөдны вежөраён лоны. Содтөд на ещө лоасны. А багатырскёй ва йывсьыд... Мойдыд— мойд и эм. Дерт, миян кийн унатор эм. Наука, ёти кывйён кө шуны. Оз позь сетны вөля смертылы, венны сійёс колё, кор позьё... Винёв вөлөмыд, Павел Меркурьевич!— шуис сэсся доктор.— Бур сорва вылын быдмылөмыд, чөскыд сынөдөн лолалөмыд.

— Тундрасаён, доктор... Сійё миян пыр свежөй,— вочавидзис Хозяинов.— А тані тэнад кийд да бур төждыд отсаліс...

— Вот и воис кад торйөдчыны миянлы.

— Сідзкө, гортё позьё?

— Мун аслад Печора бокё чөскыд черисё сёйны...

Синваыс дорыштчыліс Хозяиновлөн, но кутчысис. Мед Мавра, гортас воас да, синвасё чышкалө, абу мужичөй делө синвайд.

Ёні олө-вылө Печора бокса сиктын Павел Меркурьевич Хозяинов, нимкодясьё вөльнөй светнас, аслас челядьён, паськыд Печора юён, коді дзирдалө сылөн ёшинь водзын. Лов шысё юыслысь кылө Хозяинов.



1

узь, сьökыд туй вуджём бöрын Иван Бажуков бөр воис гортас. Тайö вöлі 1947 вося мартын.

Мунліс аслас чужан сиктсьыс дас кöкъямыс арöса нэриник зонкаөн, локтіс пöрнöй мужичöйөн. Қыз куим арöса. Пельпомъяс вылас старшиналөн погонъяс. Морöс вылас гвардейскöй значок, орденъяс, медальяс. Синтö ёрöны.

Локтігчöжыс Бажуков казтыліс гортсö, мамсö. Кутшöм нин öнi сійö? Дерт, пöрысьмис. Эз вöв кокни мамыслы öтнaслы посни челядьдыкöд. Кутшöмöсь вокыс да чойыс? Педөр, шуам, армияын на. Регыдөн сылөн арлыдаясыс гортö оз на воны. Коля армияö жö лöсьöлчö мунны. Мед ветлö! Велöдыштасны сэні, лы-сьöмсö пeслöдлыштасны. Салдатскöй няньыд бур: ачыс со Иван кутшöма вынсяліс вит вонад. Пöжалуй, гортсаяс ни ас сиктсаяс оз тöдны.

Дум вылас унаысь воліс, кызди мича гожея луно нуйсны найöс армияö. Гортсьыс кывтісны пыжөн. Кылöдіс мамыс. Иванкөд тшöтш лэччис военкоматö и аслас другыс — Васька Уляшев. Но сылөн кокыс вöлі пыкöса да бөр лэдзисны гортас недыр

кежлө. Васькаос босьтлөмаось сёрнджык, аръя-
вылыс, кок пыкөсыс бырём бөрын. Көни өни Васька?
Гортсаяс гижлісны — армияын на. Воас жө, төдө-
мысь, регыд.

Армияө мунісны гажаа: сьылісны, йөктісны. Сы
йылысь, мый водзын — фронт, медся этша думай-
тісны. Тыдавмөнъя некод эз шогсьы. Мөдарө: зі-
лісны асьнысө петкөдлыны збодерөн, гораа сера-
лісны быд здукин. «Мыйөн ме омөльджык мукөд-
сьыс?» — ас кежсьыс думайтіс Бажуков, гажөдчысь
другьясыс вылө видзөдіг. Ачыс сьывны эз радейт-
лы, а кывзыны сьылысьясөс эз дөзмыв. Шуис ас-
лыс: «Быдөн өтлаын лоам, и пуляыс быдөнлы өт-
моза мөрччө».

Армияө мунтөдз бөръя төвсө Бажуков уджаліс
вөрын, Падьө Иван участокын. Верстьө мужичөй-
яс эз нин вөвны, фронтъяс вылынөсь, воуйтөны
фашистъяскөд. Уджалісны нывбабаяс да томъяс.
Дас сизим арөса Иван лыддысис прамөй уджалы-
сьөн, и нывъяс рытъясын унаысь дурны ськөд за-
водитлісны. Наысь он мын ни он пышйы. Кутан кө
пышъявны, ёнджыка дөзмөдасны.

«Сетам отсөг фронтлы!» «Быд лун вевтыртам
нормаяс!» Паськыд пөв вылө сьөд шыпасьясөн ги-
жөм лозунгъяс чуксалісны вөр лэдзысьясөс. Уджав-
ны некодөс эз ков тшөктыны.

Падьө Иван участокын, уджъяс костті, том йө-
зөс велөдісны ветлөдлыны стройөн, котравны, төд-
мөдісны винтовкаөн. Фронт вылад пө өни салдаты-
яслөн кианыс автоматъяс, но Бажуков медводдза-
ысь аддзис сійөс училищеын нин. Лунся норматө
тыртөм бөрын сьөкыд лым пыштійд собавны да
котравны, но бара жө нинөм он вөч: зоньяслы ре-
гыд армияө мунны.

Кузь туй вуджис Бажуков тайө вит вонас: Евро-
па джынсө, кажитчө, кытшовтіс. Кытчө сөмын йөз
муясас эз волю. А сэсся ылі асыввылө веськалі.

Эз во сьолём вылас Курильскöй дяс вылын олөмыс. Из да море гөгөр. Некутшөм прамöй вөр, ляк кустьяс кындзи. Татшөм жö пö тундра, көнi комияс көрьясөн ветлөны. Пес чурка он чуктöд, судноясөн пессö вайöны. Лун-лун швичкö кодзыд төв, коставлытөг усьö лым сора зэр. Сэни, тыдалö, и висьмис сьолөмыс. Докторьяс эз вермыны отсавны, кадыс водз гортас лэдзисны. Порок пö декомпенсированной. Сылөн воыс служитö на, а сийö воö гортас.

Эз куж Бажуков думыштлыны, мый йöз муясö волас, светсö кытшовтас. Куимысь ранитчылис, и ловйөн коли. Тыдалö, фашистьясыд сылы вылө пулясö абу кисьтлөмаось. Ставлы он кисьт, ставсö он ви.

— О, наградаясыс мыйта!— туй вылын унаөн шулисны сылы шензьөмөн, кор морös вывсьыс аддзасны орденьяссö да медальяссö.— Слава орденьяс весиг. Тэ, другö, прамöя воюйтöмыд. Молодеч! Ачyd гвардеец кодь и эм: мича, ён... Бур жöник гортад локтан. Кутшөмкö мича ныв шуда лөö. Али гöтыра нин?

— Öдийö сийöсаласны!— серöктас кодкö.— Мужикьясыд öни донаось. Медальястөгыс весиг... Оз тырмыны...

Иванлөн шапка увсьыс еджговат кузь юрси пратьяс мыччысьыштöмаось. Синьясыс лөзось, гырысьось, меліось. Көть унаысь смертьлы синмас видзөдліс, сьолөмыс абу чорзьöма. Бур зонмös мамыс чужтылöма да быдтылöма, ыджыд аттьö сылы.

И некод эз төд, мый салдатлөн коймөд группа инвалидность. Мукöд дырйныс сьолөмсö сэтшöма топөдлас, лолыштны бура дыр оз вермы. Докторьяс сідзи и шуисны: сьöкыд удж вöчны оз позь, кокныдджыка колö овны. «Öдвакö кокни олөмыд менам вермас лоны,— думыштлывлö Бажуков.— Гортö воа да сөстөм вөр-ваыс небось öдийö бурдөдас-

ны... Гортыд, майбырöй, да вөр-ваыд медся бур лекарство».

Дас вит арөссиянь вöрын уджалігөн некутшөм висьомъяс эз төдлыв, удж вылад некодысь эз кольчыв. Лучокыд киас пыр кокниа ворсіс, чача моз. И вöравны дас арөссиянь заводитіс. Первой батыс бөрся вөтлысис, сэссия ас кежысь. Илычсаясыд быдөн вөралысь, весиг нывбабаяс, посни и пöрысь. Нэмнысö кыйсьöны, прöмыс да нажөтка перйöны. Иван эз жö кольччы мукöдысь. Сиктын унаысь серавлісны: со пö Данил Иван вөрö мөдөдчөма, а лузан * бөжыс коклябөрас инмалö.

Кöні ещö эмөсь Илыч дінса кодь вөръясыс! Бажуков аддзыліс уна вөр тайö вит онас, но Илыч вывса кодьыс эз паныдасьлыв.

Бажуков велавліс радейтны войвывса мича вөрвасö, гөгөрволіс сійөс, вөрсьыд унатор казьявліс сэтшөмъяс, мый кодсюрөлөн синъяс боктіныс визнитлісны. Батыс мыйкө дыра уджавліс егерөн Печоро-Илычскöй заповедникын, обходъяс вөчигөн босьтлывліс писö, велөдліс унаторйö. Велөдіс видзны и дөзьöритны сійөс, вердысьöс, корсьны да аддзыны вөрса туйяс.

Уна жуглөм да сотөм кар да сикт пыр мунліс Бажуков тайö вит онас. Сьөлөмыд кынмылас, кор аслад синмөн йөзлысь синва да шог аддзан.

Бажуков гортас воис Курильскöй діяс вывсянь. Владивостокөдз локтіс море кузя, сэсянь Ухта карөдз көрт туй кузя. Бөръя туй костсö машинаөн. Позьö шуны, став паськыд Рөдинасö мөдысь вомөналіс. Вөлі любö аддзыны: гортланяс нинөм абу киссьөма да жугөдөма. Мөдарö, уна выльöс стрөйтöма. И көрт туйыс, и Ухта карыс. Машинаясыс мыйта гөгөр журьялöны. И гөгөр йөз. Мыйта локтөмаөсь войвылö Россия пасьталаысь.

* *Лузан* — лаз (Печора йывса).

«И ме мѳда уджавны,— радліс Бажуков. Сылѳн киясыс важѳн гажтѳмчисны уджысь.— Некутшѳм висьѳм менѳ оз падмѳд».

Уна-ѳ салдатлѳн кѳлуй! Ставыс вылас. Мыш саяс нейджыд ноптор, гортсаяслы посныдик гѳснечьяс, пельпом вылас бушлат да кокас кирзѳвѳй сапѳг. Кытысь унаыс! Эз најѳвитчыны ветлы, а Рѳдинаѳс дорйыны.

Со и Троицк*, тѳдса керкаяс. Тасянь гортѳдзыс ещѳ сѳ километр. Бажуков туй вывсянь гортсаяслы сетліс телеграмма локтѳм йывсьыс, корис мамсѳ волыны паныд. Локтіс кѳ, пырас чойыс ордѳ.

Бажуков пырис тьѳткаыс ордѳ. Керкаыс важи-ник, ляпкыдик. Иванлѳн юрыс пѳтѳлѳк матичаѳ муртса оз инмы. Пыр жѳ аддзис мамсѳ — пукалѳ пызан дорын, повзьѳм синьясѳн видзѳдѳ пырысь тѳдтѳм морт вылѳ.

Джодж кузя кыкысь воськовтѳмѳн Иван матыстчис мамыс дінѳ, босьтіс сійѳс мездорас, качѳдліс пѳтѳлѳкѳдз. Мамыс кажитчис гѳн кодь кокниѳн. Пѳрысьмѳма, чужѳм вылас чуқырьяс.

— Вот, мамук, и ме!— мамсѳ джоджѳ бѳр лѳдзѳм бѳрын шуис Иван.

— Ой, Иван тай вѳлѳма!— сѳмын и вермис шуны мам.

Колѳ радлыны, а мамыс да тьѳткаыс бѳрдѳны, чышьян помьяснаныс синнысѳ чышкалѳны.

2

Коркѳ важѳн Илыч ю бокин вѳравлѳмаѳсь ѳнтон, Максим, Габѳ да Еремей. Кыйсьысьяслы ѳна воѳма сьѳлѳм выланыс быд сикас звернас озыр татчѳсса вѳрыс, сѳдз ваа да уна чериа юыс. Вѳралысьяс шуисны овмѳдчыны татчѳ. Вайѳдісны асыныс семьяснысѳ, кыпѳдісны керкаяс. На бѳрся

* Троицк — Троицко-Печорск.

Илыч пöлөн овмөдчисны и мукөд. Чужины Öнтон, Максим, Габö да Еремей деревняс. Сэни олысьяс вöралісны, чери кыйисны, вөр лэдзисны.

Иван Бажуков чужліс Максимын 1924 воын. Батъыс — Максим Егор Клавди Данил.

— Ещö öти вöралысь соді!— радліс батъыс, кор гöтырыс сылы вайис пи. Тайö вöлі сылөн Дарьякөд первой кага, радлун вайис ыджыдöс. Кадыс гожом, турун пуктан лунъяс. Быдөн видзьяс вылынöсь, гортсяньыс неылын, мамлы гортас лэччывны некор. Мунны кө — пыжөн, колльöдысь колö, а мича лунъясыд тані оз нин уна овлыны. Гожомнад быд шоңдіа лун дона.

Бать выльысь видзөдліс пиыс вылө, нюммуни:

— Олас и тані! Мед велалö! Бур вöралысьöс ме сыысь быдта. Мед быд во озыр прöмыс гортö мөдас вайны.

— Первой быдтыны колö питö!— көзяинлөн кывъясысь радліг, надзöник шуыштліс мам.

— Быдтам кызкө-мыйкө, Дарья! Абу на дасөд. Быдөн быдтысьöны. Ме сідзи лыддя: челядьтөм керкаыд — тыртөм. Мый ради сэсса вöльнöй свет вылас олан?

Даниллөн кывъясыс збыльмисны: челядь содісны öти бöрся мөд. Иван бöрын чужины ещö кык пи да ныв — Педөр, Коля, Глафира.

Илыч вожсаяс дедъяссянь овлісны кыйсьөм помысь. Нянь унджык гожом кынмывліс, унасö эз и көдзлыны. А вөръяс помтөмөсь, зверь-пөткаыд уна. Вöрыс да ваыс и вердісны. Петан тувсовъя асыводзын кильчö вылад да дозмөръяслөн койтөмыс звөз помсяньыд кылö.

Дас арөссянь бать кутіс новлөдлыны ыджыд писö аскöдыс.

— Мед велөдчö!— орөдлывліс мамсö, кор сійö мөдас жалитны писö, бур пöt пö узыштны сылы он сет.— Быдмас да меным жö пасибö шуас.

Илычлөн берегъясыс кымын йывланьыс, сымын кыпалёны. Сарьюдін сайын юыс быттьö кык джуджыд гора костö пырö. Берегыс öтарас и мөдарас стенөн сулалö. Мед адзывны йывсö, прамöя чатöртчывны колö. А вылын, крут кыр йылас дзык, пашкыр туганъяса пожöмъяс. Тырмö, майбыр, сылы сöстöм сынöдыс. Урал гөраладорсянь төв пöльтö да мыссьöдö найöс во гөгөр чöж.

Каян татшöм тшап пожöм динас, пыдöджык пыран вöрас, и сэни сё арöса сусъяс. Öрешкитö быд ар позьö чукöртны мешöкъясөн. Сус кольяс гырысьсöсь, сьökыдöсь. Öти кольсьыс öрешкиыс ки тырыд чукöрмас. Бöрынджык нин, кор фронт вылын Бажуков киö веськавлісны лимонка-гранатаяс, найö казьтывлісны öрешки кольсö да гортса вөр-васö, челядь дырйиыс паличъясөн сус коль гылöдöмсö. Гылöдасны челядь котыр кольястö, шыбитласны недыр кезлö бипуриö, и найö воссьöны, öрешки-ясыс мыччысьöны. Öкты сöмын ур моз.

Иван ичöt дырйи мотора пыжъясыд Илыч вылын эз на вöвны. Зэв нин коркö-некоркö шочиника ку-тшöмкö экспедиция мотора пыжнад тулыснас ю йывлань катас. Экспедициясыс бөръя кадас пырунджык да унджык лоины. Найöс новлöдлöмөн эз этша нажöвитчыны Илыч дінсаяс. Чери кыйысьяс да вöралысьяс эз жö жалитлыны вынсö да кадсö, зібъясьöмөн да кыссьылісны тулысын и арын Илыч йылöдз. Унаöн писькөдчылісны Кожим из дорöдз, кыпöдчылісны сы вылö, вылысянь видзöдлісны матигөгöрсö.

Мича серпас воссьö Кожим из вывсяньыд. Матынöсь джуджыд гөраяс, син улад — паськыд лöz парма. Помыс оз тыдав. Илычлөн лöz визыс первой лунвыв писькөдчö; сэсся крута чегö рытиввыв.

Иван радейтліс кывзыны пöрысь вöралысьяс-лысь кузь висетьяссö да мойдьяссö. Кыдзи найö ветлісны ю йылöдз, кайлісны Кожим из вылö, мый

аддылісны, кывлісны. Кымын мойд төдісны пө-
рысьджык вөралысьяс: сюра гундыръяс йылысь,
бордья змейяс йылысь, кодьяс кыйөдісны гөраяс
вылын кыйсьысьясөс. Иван сэки думайтліс: коркө
быть кайлас жө Кожим из вылас.

Эз удайтчы Иванлы волены Кожим из вылө. Эз
ковмы и дыр велөдчыны батыс дінын: ёна доймөм
бөрын батыс висьмис да регыд кувсис. Иванлы
сэки муртса тыри дас вит арөс. Мамыслөн ки вылө
колины куим пи да ныв. Иван медся ыджыдыс.

Батыс кулан роө жө том зон кайис ягө — сортө-
вөй вөр колхознөй вөвьясөн кыскавны. Мөд төвнас
гырысьяскөд орччөн сувтіс вөр пөрөдны.

Кык во мысти батыс кулөм бөрын заводитчис
война.

— Эн бөрд, мамө,— бурөдіс синва кисьтысь мам-
сө Иван, кор мамыс пыжөн колльөдіс сійөс Триц-
кө. Падьө Иван участокысь воөм бөрын өти вой и
узис гортас.— Ме коддьөмыс сэні уна... А тані ті
кызкө олад жө. Пищальөс видз: локта да ковмас
на...

Эз төд Илыч дінса вөр лэдзысь, кузь-ө лоө сылөн
туйыс, кытчөдз вайөдлас салдатөс. И, дерт нин, эз
куж думыштлыны, мый волас границаяс сайө, ви-
дзөдлас йөз муяс. Думсьыс мунігчөжыс пыр на вөлі
аслас муса Максимын, төдса ягьясын. Сэки чуқыр-
тыштлас сьөлөмсө, кыптыштлас шог, но чукөртас
вынсө да пөдтас лөк думьяссө.

— Иван, мый шогалан!— горөдас кодкө выль
другьяс пөвстысь.— Лок мян дінө! Йөктыштам
вай!..

3

Абу кокни лоны салдатөн. Бажуков чайтліс: се-
тасны киас винтовка, петкөдасны фронт вылө да
шуасны — лыйлы фашистьясөс. Лыйсьыны сійө

кужō. Вōр участокын уджалігōн винтовкасыд лый-
сис и. Эз омōля артмыв.

Фронт вылō пыдди Бажуков веськалі младшōй
командиръяслōн школаō. Фронтōдз, гашкō, кымын
сē километр! Курсантъясōс котрōдлōны, песōны
быд ногыс, вōчōны салдатъясōс, командиръясōс.
Бажуков ачыс кыліс, кызди ставыс тайō содтис сы-
лысь вынсō.

— Тэныд, том морт, салдатскōй няныд лōся-
лō,— шмонитлывлісны Бажуков вылын велōдысь-
яс.— Ловзян лунысь-лун, быттō бур рокōс вылын.

Тайō кадас чорыд тышъяс мунісны Волга ю бо-
кын, Сталинград дорын. Быдōнлы окота вōлі лоны
сэні. Унаōн сетлісны шыōдчōмъяс, корисны мōдōд-
ны фронт вылō.

Курсантъясōс ошкисны, но олōдлісны.

— Эн тэрмасъōй,— вочавидзлісны командиръяс
быд шыōдчōм вылō.— Войнаыд оз на помась, ков-
мад на и ті.

Школаса начальник полковник сідзи и шуис:

— Тіянлы ковмас войнасō помавны, Берлинōдз
воōдчыны. Сы вылō ми тані велōдчам, асьнымōс
дасьтам...

Волга дорын тыш помасис Сōветскōй армиялōн
ыджыд вермōмōн. Буретш сы бōрын курсантъясōс
разōдісны фронтъяс вылō. Бажуковлы сетісны сер-
жантлысь погонъяс. Веськалі Воронежскōй фронт
вылō.

Дивизия, кытчō веськаліс Бажуков, сулаліс пы-
дын тылын. Кōнкō ылын-ылын, гашкō кызь кило-
метр сайын, кыліс пушкаяслōн лыйсьōм шы.
А тані лōнь. То отилаын, то мōдлаын сотчōм сиктъ-
яс. Первойысь на Бажуков аддзис, мый вайō йō-
зыдлы войнаыд. Не сōмын салдатъясōс виō, но и
нывбабаясōс, челядьōс.

Дивизия лōсьōдчис гожея бойяс кежлō. И бара
лун-лун тактичeskōй занятіеяс. Уна пōсь ковмыліс

кисьтны, мудз тӧдлыны. Водан да быттьӧ пемыд гуӧ усян, войсӧ он казявлы.

Бажуковлы сетісны отделение — ӧкмыс салдатӧс, автоматъясӧн. Да ещӧ кык ручнӧй пулемӧт. Ачыс дасӧд. Унджыкыс том йӧз: рочьяс, кык казах да татарин. Кӧть ачыс на бойӧ эз петав, ковмис велӧдны мукӧдӧс, и неуна польштіскодь. Кажитчис, ачыс медся том, медся этша тӧдӧ да кужӧ. Велаліс, полӧмыс быри.

1943 вося май 25 лунӧ налӧн полк сувтіс оборо-наӧ. Сійӧ жӧ луннас Бажуковлысь отделениесӧ мӧдӧдлісны разведкаӧ. Тайӧ вӧлі медводдза бой Ба-жуковлӧн. Действуйтісны бура, некодӧс воштытӧ да кольтӧг бӧр петісны асланыс позицияс вылӧ.

Колис тӧлысь, а прамӧй тышъяс эз и заводит-чывны. Салдатъяс вичысисны: вот-вот петасны наступайтны. Найӧ, дерт, эз вермыны тӧдны, мый Верховнӧй командованиелӧн приказ серти Цен-тральнӧй да Воронежскӧй фронтъяс вичысисны фашистъяслысь наступайтны заводитӧм. Сӧмын сэки мян войскалы тшӧктісны вӧчны вына контр-удар, а сӧсся заводитны наступайтны кыкнан фронт-нас, пасьвартны противникӧс, вӧтлыны сійӧс совет-скӧй му вылысь.

Сідзи и лои: асывнас июль 5 лунӧ Курскӧй вы-ступ вылын фашистскӧй армия кучкӧбтіс мян войс-ка кузя, некымын лун атакуйтісны мянлысь по-зицияс, но ороӧдны фронт эз вермыны.

Сэки наступайтны вуджис Сӧветскӧй Армия. Пер-вой Центральнӧй фронт, сӧсся Воронежскӧй. Бажу-ковлы дыр тышкасьны эз удайтчы: ранитчис. Пуля прӧйдитіс сой пырыс, но лысӧ эз вӧрзьӧд. Медсан-батысь водзӧ Бажуков эз и ветлы. Сӧк костті диви-зиялы удитісны сетны гвардейскӧйлысь ним, а При-луки кар мездӧмысь — Прилукскӧй дивизиялысь ним. Дивизияыс кутіс шусьыны 42-ӧд гвардейскӧй Прилукскӧй дивизияӧн.

— Бөр воин?— шуис полкса командир подполковник Середа, кор Бажуков медсанбатысь воомысти сувтис сы водзö.— Тэ öнi, сержант, фашистскöй пуляөн пасйöм. Сидзкö, кык пöв салдат. Да ещö гвардеец... Аттьö, салдат, аслад полкö бөр локтiн. Кодi миянын вöвлi, быдөн бөр вооны. Тайö — бур. Мун аслад батальонö, аскиянь стройö сувтан. Отделение бара босьтан. Сержантьяс миян оз тырмыны...

Заводитчисны походъяс, бойяс. Аръявылыс 42-öd гвардейскöй дивизияöс вуджöдисны лунвывланьджык. И кор заводитчис Корсунь-Шевченковскöй операция, дивизия кык вежон эз петав бойысь.

Тайö кадас дивизияса газет «Вперед» гижлис:

«ГВАРДЕЕЦЪЯС ТЫШКАСЬÖНЫ ПО-ГВАРДЕЙСКИ

Сержант Бажуков юрнуöдöмөн боецъяслөн группа пырис сиктö, кöнi вöлины на фашистъяс. Көть миян воинъяслөн выныс вöли лёка этиша, повтöг панисны тыш гранатаясөн да кинжалъясөн.

Тайö бой дырийыс сержант Бажуков ачыс виис вит фашистöс».

Мöдысьджык автоматчикъяслөн рота пуксис танкъяс вылö, заводитис штурмуйтны ёна крепитöм высота.

Танк вылын и Бажуковлөн отделение. Гөгөр взрываетчисны снарядъяс. Öти снаряд потi танккöд орччөн. Бажуков кылис: друг заводитис пöсявны кокыс. Кöмкотыс тыри вирён. Но сержант терпитис, некодлы эз висътав.

Кор гвардеецъяс чеччыштисны танк вылысь, Бажуков чеччыштис жö. Заводитлис котöртны, но эз вермы. Ёртъясыс мунисны водзö, сийö коли. Кутис кыссыны бауөн, кытчöдз садьсö эз вошты.

Сержантос аддзисны санитаръяс: кок поксо косялёма осколок, ачыс вирон ойдёма, садьтём.

Бажуков бара веськалі медсанбатё. Сэтчө сылы и вайисны: «За отвагу» медаль, медводдза награда сержант-гвардеецлы.

Тайё вөлі 1944 во заводитчигон. Бажуковлы эз на вөв и кызь арөс.

Выль 1944 воын Сөветскөй армия кызвыннас мездис фашистъясысь сөветскөй му, заводитис мездавны Европаса народъясөс — болгаръясөс, румыньясөс, чехъясөс да словакъясөс.

Июнын чорыд бойяс мунисны Яссы кар дорын. Тайё бойясас участвуйтөмысь Бажуковлы сетисны мөдөд степеня Отечественнөй война орден. Тайё сылөн лои медводдза орден.

Бөръявылыс, август төлысын, сөветскөй войска Молдавияын кытшалісны некымын фашистскөй дивизия. Фашистъяс зілісны мездөдчыны кытшсьыс, но эз вермыны.

Тайё тышъясас Бажуковъяслөн взвод өтчид вочасисны морөс на морөс фашистъяскөд. Пансис чорыд кось.

Гвардеецъяс тышкасисны збоя: лыйлісны автоматъясысь, шыблалісны гранатаяс. Ковмис босьтны и кинжалъяс киө. Тайё бой дырйиыс Бажуков виис нель фашистөс. Бара ранитчис: фашистскөй офицерлысь кисьыс кинжал мырддигон вундысис аслас киыс, но бойысь эз пет.

Сійө дыр казтыліс тайё офицерсө: кузь тушаа, векуштчөм вома, былялөм сувтса синма. Звермөм фашист кутис киас ёсь кинжал, кыссис Бажуковлы голя дінас. Бажуков и повзынысө эз удит. Ичөт эбөса век жө вөлөма фашистыд, өдийө лигышмуні.

Тайё бойсьыс Бажуковлы сетисны коймөд степеня Слава орден.

Сөветскөй Армия мунис водзө рытыввыв. Вуджис граница, пырис Румынияө. Лои мездөма Трансиль-

вания. Румынияса уджалысь йӧз шыбитісны Анто-нескулысь правительствосӧ. Румыния дугдіс во-юйтны фашистъясладорын, заводитіс тыш аслас союзниклы паныд.

Бажуковъяслӧн полк кутіс шусыны Трансиль-ванскӧйӧн. Уна салдатъясӧс да офицеръясӧс на-градитісны. Бажуковлы сетісны ещӧ орден — Гӧрд Звезда, старшиналысь погоньяс, индісны взводса командирлы отсасысьӧн.

«Миян вӧсна эн шогсы, — шочиника воысь письмӧясын гижліс мамыс. — Асьтӧ видз, дона пи. Гортад ми кызкӧ-мыйкӧ олам, пӧтӧсь: то вотӧс, то тшак».

Быд мам тай ӧткодь. Быдӧн гижӧны салдат-пия-ныслы: видз асьтӧ. А кыззи видзчысян пуляысь? Он сайӧдчы, он кольчы ёртъяссыд бой дырйиыд. Да ещӧ кор ачyd командир. Медся водзын лоӧ мун-ны. Салдатыд бой дырйиыд тэ вылӧ и видзӧдӧ — аслас медматысса командир вылӧ, надейтчӧ бать вылӧ моз. Сэсса ӧд кызкӧ век нин сідз артмӧ: пу-ляыд медся водз корсьӧ полысьясӧс.

Бажуков тайӧс унаысь казьявліс.

Вӧлі налӧн взводын ӧти салдат. Украинаысь ачыс. Туша серти кӧ, крепыд. А бой дырйиыд льӧб-йыс тіралӧ, полӧ.

Сідзи и корсис смертьсӧ: ӧти бой дырйи местаысь-местаӧ котралігӧн артиллерийскӧй снарядлӧн ли миналӧн осколок розьӧдіс сылысь баялӧжсӧ.

Бажуков видзис жӧ асьсӧ бой дырйиыд, быд но-гыс зілис виччысьны пуляысь, осколокысь. Но эз петкӧдлы салдатъяс водзын полӧм. Мукӧд дырйи-ыс думсьыс весиг такӧдіс асьсӧ: «Эн пов, Иван, эн пов. Нинӧм страшнӧйыс. Абу ӧтнад. Қымынӧн со тӧкӧд орчӧн...» И полӧмыс бырӧ, вошӧ.

Сержантскӧй школаын велӧдчигӧн на Бажуков пыраліс комсомолӧ. Бойяс дырйи сійӧ унаысь кыв-ліс политрукьяслысь горӧдӧм:

— Коммунистъяс да комсомолецъяс! Водзö!

Медся бур салдатъяс бойö петöм водзвылын сетавлісны шыödчöм партияö да комсомолö пырöм йылысь, лоисны коммунистъясөн.

Гожöмнас, Отечественнöй война орден сетöм бöрын, Бажуков дінö матыстчис асланыс ротаса политрук. Топыда кутліс кисö, видзöдліс синмас, шуис:

— Молодеч, старшина! Бура воюйтан. Öнi тэныд колö думыштны партияö пырöм йылысь. Кызди та вылö ачyd видзöдан?

Бажуков сэки нинöм эз куж вочавидзны. Лунмöд мысти ачыс шыödчис парторг дінö, корис рекомендация.

— Сета, сета!— радпырысь шуис парторг.— Тэ кодьясыс достойнöйöсь лоны коммунистён.

Ещё кык рекомендация асланыс ротаысь жö сюрини.

Выль 1945 во старшина Бажуков встречайтис нин партияса членөн. А быттьökö неважөн на и пыраліс кандидатас.

Салдатъяс гөгөрвоисны: матыстчö войналөн пом. Тыдалö нин сійö. Ещё выныштчывны ёнджыка, кучкыны чорыда гоз-мöдлаын, кызди Курск дорын да Корсунь-Шевченковскöй дорын, поэяс думайтны и Берлинö воödчöм йылысь. Но абу на кокни тайöс вöчны. Фашистъяс оз на кöсйыны сетчыны, водзсасисны бөрья мортöдз.

Румыния мездöм бöрын сöветскöй салдатъяс пырисны Венгрияö. 42-öд гвардейскöй дивизия водзö сувтöдісны мог — босьтны Сандрьо кар.

Пансис чорыд тыш. Трансильванскöй полк кöсйис босьтны карсö веськыд ударён, но эз артмы. Бажуковлы тшöктісны аслас взводкöд кытшовтны немецьяслысь опорнöй пункт, уськөдчыны на вылö мышсянныс.

Сідзи и вöчисны. Фашистъяслы тайö лон вич-

чысьтём, здук кежлө шөйвошлісны. Но и тайё здукыс тырмис сы вылө, мед пасьвартны да босьтны опорной пунктсө. Пленё босьтісны офицерөс да квайт салдатөс, ыджыд калибра кык пулемёт.

Тайё бойсыс Бажуковлы сетісны мөдөд степеня Слава орден.

Бажуков некор оз вунөд венгерской Постољна сикт босьтём.

Фашистъяс сійөс ёна крепитөмаось. Гөгөрыс сьөкыд пулемөтъяс. Трансильванской полк первойясы лыдын матыстчис сикт дорас лунвывсянь. Пансис чорыд тыш. Гвардеецъяс босьтісны немецкой орудие, кутісны сысыс лыйлыны противник кузя. Пөдтісны кык пулемёт. Найё ланьтісны. Виисны дас квайт гитлеровецөс. Бажуков оз помнит, кымыныс тайё луннас вочаасьліс фашистъяскөд. Лыддыны вөлі некор. Но бой бөрас казяліс: сылөн бушлатын пасьталаыс пуля розьяс.

Полкса командир подполковник Середа рытнас став полклөн строй водзын лыддис приказ гвардеецъясөс наградитём йылысь. Старшина Иван Бажуковөс представитөма первой степеня Слава орден вылө.

— Бура тышкасид, дона салдатъяс!— шуис подполковник.— Ме рад, мый менам полкын татшөм геройяс. А өні мян туй — водзө! Ура, ёртъяс! Ура, мян полклы!

Кыпыд ура юрөбтіс фашистъясысыс мездём сиктса шөр площадь вылын.

Май 15 лунө, война помасьём бөрын нин, вөлі йөзөдөма СССР-са Верховной Совет Президиумлөн Указ старшина Иван Данилович Бажуковөс первой степеня Слава орденөн наградитём йылысь.

Победа лун Бажуков пасйис Будапештын. Но тайөн эз на помась сылөн салдатской туйыс.

Августын, кор советской армия вөчис удар япон-

скöй самурайяс кузя, гвардеецъяс десантöн чеччисны Курильскöй дияс вылö.

Самурайяс сэнi эз нин вöвны. Пышйöмаöсь водзджык.

Гажыс гвардеецъяслөн вöли ыджыд. Танi и помасис Илыч дiнса Иван Бажуковлөн куим вося салдатскöй туйыс. А первой степеня Слава орден корсис да аддзис сийöс гортас нин, кор Иван Данилович воис аслас чужан сиктö да сывтыръялис мамсö.

4

— Кывлин? Егор Клавди Даниллөн пиыс воöма.

— Кодыс? Ичöтыс?

— Ыджыдыс. Иваныс. Морöс тырыс метальяс.

— Шудыс, кöнкö, Дарьялөн! Мед! Ена нин öтнасөн майшасис.

Татшöм сёрнияс позис кывны Максимын, кор гортас воис Иван Бажуков.

Чарöма лым вылын дзирдалис март төлысья югыд шондi. Кöнкö ылын муртса-муртса лöзöдыштіс Ураллөн дзор бурсиыс. Со и асланыс керкаыс. «Гортын!»— радлыштіс Иван, топыдджыка кутіс мамсö киняувтіыс. Мамлөн пöрысиник синъясын радлун. Кымын во öд тайö лунсö виччысьöма, мыйта узьтöм вой кольöма. Коді тайöс сылысь лыдис!

Аслас Иванлөн пыр на эз эскыссьы, мый тувчис батыслөн вöчöм кильчö посъяс вылö. Ловья жö эськö вöли батыс, радлыштіс жö. Иванлы пыр на кажитчис: ставыс тайö вöt. Кымынысь татшöм вötсö аддзывліс: быттö гортас воö, батыслөн вöчöм кильчö пос вылö тувчö.

Тайö луннас Максимын этша вöли морт, коді эз пырав Дарья ордö. Кöзяйка, ичмонь моз, бергаліс пызан гөгөр. Кöзяйкалөн мыйсюрö заптыштöма пиыс воигкежлö.

Пызан гөгөрын йөз эз чинлыв лунтыр. Өти вежис мөдөс.

Бажуков пукаліс пызан помын, гимнастёрка кизьяссө разялөма, ачыс пөсялөма, гөрдөдөма. Сійө гораа сераліс, муртса удитіс вочавидзавны юасьомьяс вылө. Унаысь видзөдлывліс нывьяс вылө, кодьяс топөдчөмаөсь өдзөс дорө, пыльсьялөны-сералөны. «Кодкө на пиысь менам невеста лоө»,— думыштлывліс салдат. Война вылө мунтөдз, веськыда кө шуны, Иван ёнасө эз на и видзөдлывлыв нывьяс вылад, дуриг-ворсігьясөн кындзи. Не нывьясөдз вөлі делөыс: лөсьөдчисны мунны салдатө. И некодөс на эз кор виччысьны.

— Матыстчөй, нывьяс, матыстчөй,— шыөдчывліс корсюрө нывьяс дінө салдатлөн мам. Сылы окота жө вөлі төдны, кодкөд пиыс медся водз сёрниө пырас. Коркө өд гөтрасьны жө мөдас, ваяс кодөскө гортас.— Локтөй таланьө, локтөй...

— Эн полөй, нывьяс: оз сөй!— серөктөмөн содтіс кодкө пызан сайсянь.— Зэв нин өтиөс гөтырпу пыдди бөрьяс...

Нывьяс пыльсмуніны-серөктісны, пызан дінө некод эз матыстчы. Смеллуныс некодлөн эз тырмы. «Бобувьяс!»— радлыштіс Бажуков. «Дона другьяс! А тіян гортад воөмыд кыдзи артмис?»— Иван думсьыс казтыштіс фронтөвөй другьяссө. Унаөн найө вөліны. Көсйысьлісны казтыштны өта-мөдсө гортса пызан сайын. Унаөн эз аддзыны тайө гажсө, куйлөны өні көдзыд муын.

— Мый ланьтін, Иван?— кодкө быттьөкө гөгөрвоис сылысь думьяссө.— Другьясыд дум вылад усины? Казтыштам найөс! Кисьталөй дозьясаныд!

Вайисны гудөк. Том йөз панісны кадриль.

Мөд луннас Иван корис мамыслысь ассьыс ружьесө, дасьтіс патроньяс, лызьсө.

— Лузанөй матын?— юаліс мамыслысь.

— Он жö талун вöрö кай? Шойччыштін эськө лун-мөд,— төждысяна шуис мамыс.

— Вöрас ме и шойччышта, мамук,— серöктіс Иван.— Сэтшöма гаж быри вöрсьыс. А лызьтö ме төрыт на казялі гортö пыригөн — кильчö бокын су-лалö.

— Колялөн сійö...

Бажуков гортас бөр локтіс рытладорыс. Чужöм-ыс гөрдөдöма, синъясас долыдлун. Перйис лузан-сьыс кык тар, сетіс мамыслы.

— Вот лыйи, мам... Кужа на вөлөм. Кушты да пу. Сэтшöм окота тар шыд сөйыштны!

Азыма босьтчис уджö коммунист Иван Бажуков чужан сиктас. Гөтрасис, лөсьöдіс семья. Öти бөрся мөд чужины куим пи.

Но эз дыр нюжав шудыс. Сетісны төдны фронтъяс вылын кольöм сьökыд воясыс, ранаясыс, кадысь водз кувсис герой-салдат, Слава орденьяслөн тыр кавалер.

Куйлö талун Иван Бажуков Илыч бокса кыркөтш йылын, джуджыд козьяс сьылöны сьлөн мича олөм йылысь.

Унатор эз удит вöчны Бажуков. Сійö дзирдыштіс кодзув моз, и илычдінсаяс дыр кутасны казьтывны салдат-гвардеецöс.

1970 во.

ЮР ИНДАЛЫСЬ

<i>Война вояся тетрадысь. Очерк</i>	5
<i>Куим лун и ещö öти вой. Повесть</i>	47
<i>Нёл кöра дадюла. Висьт</i>	145
<i>Салдатлön туй. Очерк</i>	174

Иван Васильевич Изьюров

СОЛДАТСКИЕ РУБЕЖИ

Повесть, рассказы, очерки

На коми языке

Художник С. А. Холопов



Редактор В. А. Попов. Художественный редактор
А. В. Мошев. Технический редактор А. Н. Вишнева.
Корректоры Э. С. Грегер, А. А. Надуткина.



Сдано в набор 01.04.80. Подписано к печати 02.06.80.
Ц01896. Формат 70×100¹/₃₂. Бумага № 1. Гарнитура «Ли-
тературная». Печать высокая. Усл. печ. л. 7,8. Уч.-изд.
л. 8,0. Тираж 2500. Заказ № 2815. Цена 50 коп. Коми
книжное издательство. 167610. Сыктывкар, Дом печати.

Республиканская типография Государственного комите-
та Коми АССР по делам издательств, полиграфии и
книжной торговли. 167610. Сыктывкар, ул. Коммунисти-
ческая, 20а.



50 кӧп.

КОМИ КНИЖНОЙ ИЗДАТЕЛЬСТВО 1980